

ՀՈՒԻԶՍ ԱՍԼԱՆԵԱՆ  
( Լ Ա Ս )

ՀԱՐՑԱԿԱՆԻ



ՈՒՂԻՆԵՐՈՎ

ՎԷՊ

II

891.99  
—  
Ա-74

Փ Ա Ր Ի Ջ



15 .02. 201

891.99  
Ա-74

01 JAN 2009

19 NOV 2010

ՀՈՒԻԶՍ ԱՍԼԱՆԵԱՆ  
( Լ Ա Ս )

ՀԱՐՑԱԿԱՆԻ

ՈՒՂԻՆԵՐՈՎ

ՎԷՊ

II-III

Փ Ա Ր Ի Զ

15.02.2013

NOV 2010

ԵՐԿՐՈՐԴ ՄԱՆ

Կ Լ Ի Մ Ա Յ



ՕԲ-144Է

## 1

Մեծ այն տունը, որ մի ժամանակ խնամքի ու սիրոյ բոյն էր, այժմ կիսաւեր է... — Դատարկ սենեակներ, սեւացած պատեր, փշրած լուսամուտներ...

Գրիգոր աղայի ննջարանում մնացել էր միայն մի մահճակալ՝ կապոյտ սլաստառներով գեղեցիկ այն ննջարանում, ուր նա իր կնոջ հետ միասին, այնքան երազներ հիւսեց:

— Աղջիկս տասը տարեկան է, տղաս տասնութ է, կրթելու ժամանակն է... ձիշտ է, բաժանումը հեշտ չէ, սաւրայն, չպէտք է եսասէր լինել:

— Չպէտք է եսասէր լինել, — կրկնում էր կարծես ինքն իրեն աղա Գրիգորն ու ոտքի ծայրերի վրայ մտնում մանկանոց:

Այնտեղ, փոքրիկ մահճակալին, ձեռքերն երեսին դրած, քնած է Ռոզը: Հայրը մօտենում է նրան, համբուրում զգոյշ, շատ զգոյշ, ապա դառնում է հակառակ կողմը՝ կրանում դեռ չքնած չարածճի Բարգէնի վրայ ու շոյում է նրա մանրիկ գանգուրները. — Իմ տղան, իմ տղան, իմ տղան, — շքնջում է նա ու ձեռքը վարանոտ քսում մաղերին...

Մտածկոտ դառնում է ննջարան: Կանգնում է կնոջ դիմաց, կարօտով նայում նրա դէմքին, կարծես աշխարհ

տում է ամուր դրոշմել նրա սրտակերն իր յիշողութեան մէջ...

— Բա՛յց...

Աղա Գրիգորն անմիջապէս զգաստանում է:

Ու կինը երկու գաւակներով մեկնում է Փարիզ:

Անցնում են տարիներ: Գրիգոր աղան տանջւում է մենակութիւնից, տխրում է, յուսահատւում...

«Ռողը տասնընչորս տարեկան է, վտանգաւոր տարիքն է, չեմ վստահում օտարի մօտ թողնել:» —

Քաջած իր ննջարանում, վառարանի մօտ, մենակ՝ որբի պէս նստած աղա Գրիգորը, կարդում է կնոջ նամակը: Նրա սեղանի վրայ դրած է սիրած այդ կնոջ լուսանկարը, իր թարմ ու դեղեցիկ պէմքով, իր բարձր ու լիքը մարմնով: Վերցնում է նկարը, մօտեցնում աչքերին:

Դուրսը ցուրտ է դեռ: Մարան իր դժուրթիւններն է ցոյց տալիս, ու ունում է քամին: Վառարանի կրակը աւելի ու աւելի է բորբոքւում եւ աղա Գրիգորի մարմինը փշաքաղւում է: Սիրտն ուզում է կարծես դուրս ժայթքել տեղից:

Լուսանկարը դնում է վար, գլուխը յենում սեղանին ու լայն բացած բերքերով դիտում է սենեակը:

Մեծ լուսամտիտիով ճրագը լուսաւորում է նրա դրլուխն ու սեղանը միայն՝ սենեակի միւս մասերը կիսախաւար մթութեան մէջ թողնելով: Լուռ է ամեն ինչ, դատարկ է տունն ամբողջ, եւ դրսում քամին է սուլում...

— Գրիգորի՛յ Պետրովիչ, Գրիգորի՛յ Պետրովիչ...

Լսում է յանկարծ աղա Գրիգորն իր անունը:

— Ո՞վ կայ այդտեղ, կանչում է նա վախեցած ու ցած ձայնով:

— Ես եմ, ես:

Աղա Գրիգորը նայում է կիսաբաց դռան, որի առաջ, մետաքսէ շրջագգեստը հագին կանգնած է ուռւ

դերձակուհին... Այն, որի հետ նա ծանօթացաւ անցեալ դիշեր... սրճարանում... բոլորովին պատահամբ...

Աղա Գրիգորն առաջին անգամ հանդիպել էր նրան դեռ անցեալ ամրան փողոցում, երբ բարակ կերպասէ շրջագգեստով անցնում էր նա իր առջեւից: Բարձրահասակ ու լիքը մարմնով ուռւ այդ կինը, այնքան նման էր աղա Գրիգորի կնոջ, այնքա՞ն նման... Նրա ոտքերն այնպէս փոքր էին, ինչպէս իր կնոջը, ու նա նոյնպէս սեւ ու փայլուն կօշիկներ ունէր հագին:

Այնուհետեւ աղա Գրիգորը յաճախ էր հանդիպել նրան իր ճամբու վրայ եւ շատ յաճախ զգացել, որ դերձակուհին հետապնդում է իրեն, ժպտում խոստմնալի ժպիտներով...

Ու մի օր յանկարծ, անսպասելի ծանօթութիւն, սրճարանի մէջ...

— Ես եմ, Գրիգորի՛յ Պետրովիչ, այդ ես եմ, նայի՛ր:

Աղա Գրիգորը նայում է: Մետաքսէ զգեստը ծփծրփալով առաջ է գալիս, գալիս է, գալիս, մօտենում է սեղանին ու ձեռքը դնում նրա այրուղ ճակատին:

— Խեղճ Գրիգորի՛յ Պետրովիչ... դուք հիւանդ է՞ք:

— Հիւա՞նդ: Այո՛... ջերմում եմ կարծես:

— Ջերմում է՞ք... — Ու ուռւ դերձակուհին ժպտալով եւ ազդերը շորթ-շորթ տալով, բոլորովին մօտենում է աղա Գրիգորին ու զգուշութեամբ նստում նրա ձեռներին...

Աղա Գրիգորի մարմնով ելեքարական ուժեղ մի հոսանք է անցնում: Նա աջ թեւով դրկում է գիրուկ մարմինը կնոջ ու ձախը դնում նրա ոտքին: Ծոյում է լուռ: Կինը, գլուխը յետ գցած, յենում է նրա ուսին ու չի շարժւում: Իր կիներն էլ այդպէս էր անում... Յենում էր ուսին ու չէր շարժւում... Աղա Գրիգորն սկսեց տաք-

տաք համբուրել նրա ձեռքերը, այտերը... բայց երբ բորբոքած շրթունքներն իջան կնոջ շրթներին ու նա դգաց իր մարմնի ամբողջ զօրութիւնը, ցնցւեց յանկարծ ու սեղանին յենած՝ ծանրացած գլուխը բարձրացրեց...

Արթնացաւ:

Դրսում քամին շարունակում էր սուլել:

Աղա Գրիգորն անմիջապէս վեր թռաւ տեղից: Դուռը փակ էր: Նա վերցրեց սլառից կախած գլխարկն ու վերարկուն ու համարեա վազելով իջաւ սանդուխքներից... Դերձակուհին հեռու չէր ապրում...

Փողոցի դուռը բանալիս Գրիգոր աղան յիշեց յանկարծ, որ սենեակի լոյսը չէր մարել...

Վերադարձաւ:

Կանգնեց մի սլահ բակի աստիճանների վրայ, մութի մէջ, յիշեց Ռոզին... Բարդէնին...

Աղա Գրիգորը վերադարձաւ սենեակ, հանեց վերարկուն եւ օդու շիջը դրեց սեղանին:

« Ռոզը տասնըչորս տարեկան է արդէն, վտանգաւոր տարիքն է, չեմ վստահում օտարի մօտ թողնել... »

Յաջորդ առաւօտ աղա Գրիգորը հեռադրում է կնոջ.

« Մ'նա՛ մէկ տարի եւս »:

Մէկ տարի եւս, երկու տարի եւս...

Ամեն գիշեր աղա Գրիգորն օդու մի շիջ էր գնում հարեւան նպարավաճառից...

— Հիւր ունեմ, Մեսրոպ, ասում էր նա ամաչելով:

Մեսրոպը ժպտում էր ցոյց տալու համար, որ հաւատում է նրա խօսքերի ճշմարտութեան...

— Ռուս դերձակուհին քամում է աղա Գրիգորին հա՛, գիտե՞ս Մարկոս:

— Հա՛, գիտեմ, Կիրակոս. ո՞վ չգիտէ ո՞ր: Ամեն գիշեր իր տանն է:

— Լաւ էլ կոնծում են...

— Ի՛հ, ինչ անենք, աշխարհն երկու օրւայ չէ՞...

— Ու Մարկոս, Կիրակոսը ծիծաղելով, իրար հրում, սլառի տակից ամօթահար եղածի պէս շտապ քայլող աղա Գրիգորին են ցոյց տալիս:

Բոլոր անցորդները նայում են նրան ու տարակուսանքով գլուխներն են շարժում:

Աղա Գրիգորն այնպէս անճանաչելի էր դարձել... Խմելն իր ամենօրեայ սովորութիւնն էր արդէն եւ յաճախ էր նա հարբած տուն վերադառնում՝ ճանապարհին օդու նոր մի շիջ գնելով:

Այսպէս շարունակել սակայն անհնար էր... Եւ աղա Գրիգորը շուտով գրկւում է իր սլաշտօնից:

— Այժմ կինը կը վերադառնայ... — Ասում էին մարդիկ շարամիտ ժպիտներով:

Եւ կինը երկու գաւակներով վերադարձաւ:

Ռոզը... Բարդէնը... Այդ ինչ աննման երեխաներ ունէր աղա Գրիգորը... — Ռոզն իսկական փարիզուհի՛ որ այնպէս չարաճճիօրէն ծիծաղում էր հայերէն խօսելիս... մոռացած բառերն օտարի շեշտով արտասանում, սխալում յաճախ նրանց նշանակութեան մէջ: Բարդէնը լուրջ մի տղայ, երագուն աչքերով, նւիրած նկարչութեան:

Գրիգոր աղան սթափւեց կարծես: Վճռեց մոռանալ ամեն ինչ, չխմել այլեւս...

— Բայց ի՞նչու հեռացրին ըեզ սլաշտօնից, հարցնում էր միշտ կինը:

— Այդ մասին դու մի մտածիր, ես նոր գործ կը գտնեմ: Դու տունդ կարգի դիր: — Համոզում էր աղա Գրիգորը, համարեա աղաչում:

Կինը հաւատում էր: Սակա՞յն... Սակայն, այդ ինչ տարօրինակ շշուկներ էին պտտում քաղաքում, այդ ինչ

խորհրդաւոր հայեացքներ էին, երբ նա թեւանցուկ քայլում է ամուսնու հետ... « Չէ՛, — մտածում էր աղա Գրիգորի կիներ, — այստեղ մի բան կայ, ուրիշ մի բան... »

— Դէ, խանրմ ջան, տղամարդ ա չէ՛... Ախր հօ կնիկմարդ չի ո՞ր...

— Դու ի՞նչ ես լսել, Ջաւահիր բաջի, դու քո լեւսածդ ինձ պատմիր: Մի վախեցիր:

— Վալրահ, խանրմ ջան, ես շատ բան չեմ իմանում... Էն Կոնդուլենց Ալեքսանի կնիկն էր ասում...

— Ի՞նչ էր ասում, Ջաւահիր բաջի:

— Ընդուր էլ թիզ բացող Ոսկին ա ասել, եանի թէ... Դէ՛, ինչ մանամ խանրմ ջան, անցած բան ա... Հիմա հօ էնէնց չի՛:

— Առաջ ի՞նչպէս էր:

— Դէ առաջ շատ էր խմում: Ի հարկէ, մեղքը իրենը չէր, ուսուս կնիկայ ձեռքն ընկնողը կը խմի էլ, կը դիժուի էլ, խանրմ ջան:

Աղա Գրիգորի կիներ հասկացաւ վերջապէս: Կար ուս մի կին...

Չսպելով վիրաւորւած կանացի ինքնասիրութիւնն ու գայրոյթը՝ նա լացք անող Ջաւահիրից տեղեկացաւ ամեն մանրամասնութեան: Յետոյ կոտրւած սրտով, փշրւած էութեամբ վերադարձաւ ննջարան ու հեծկլտալով ընկաւ անկողնու վրայ:

Այլեւս ճար ու հնար չկար: Ընտանիքի առանցքը կոտրւել էր արդէն:

Աղա Գրիգորի կիներ շատ ջանք թափեց իր լսածներէն մասին ոչինչ չասել ամուսնուն, ոչ իսկ յիշեցնել նրան իր անցած կեանքը: Բայց, երբ աղա Գրիգորը, չկարողանալով իրեն գսպել ու հրաժարուել արդէն պահանջ դարձած սովորութիւններից՝ մի քանի անգամ հարբած տուն վերադարձաւ ու երբ հաղիւ արցունքները գսպելով

կիներն առանձնացաւ Ռոզի սենեակն ու հոնդուր-հոնդուր լաց եղաւ, այլեւս վերջին քօղն էլ պատուեց եւ ընտանեկան կռիւների ծայրը սկսեց:

Տունը դարձաւ կատարեալ դժոխք:

Այնուհետեւ քաշած իր փան չորս պատերի մէջ, աղա Գրիգորի կիներ կամաց-կամաց կտրեց մարդկանց հետ իր յարաբերութիւններն ու շարունակ արցունքոտ ու ջղային, լուռ տառապեց, կուեց յաճախ ամուսնու հետ, գայրացաւ, ու անիծեց իր օրը:

Այժմ մնում էր նրան միայն մէկ ճամբայ՝ վերցնել երեխաներին եւ հեռանալ քաղաքից: Վերադառնալ Ֆրանսա, իր եղբօր մօտ:

Ու մեծ տունը Գրիգոր աղայի, որ մի ժամանակ այնքան դեղեցիկ էր ու այնպէս ուրախ, խստաւ լըւեց ու ամայացաւ: Կասոյտ պաստառներով երբեմնի սիրուն ննջարանում մի մահճակալ մնաց միայն ու կոտրւած մի սեղան...

Յուրտ էր այնտեղ... Սարսափ սողող մի բան կար այդ տան մէջ...

Անծանօթ ու չար ոգիներ գուցէ, որ թունաւորելով աղա Գրիգորի արիւնը, այժմ աչք չէին հեռացնում իրենց գոհից ու հրհռում էին անամօթարար սենեակի իւրաքանչիւր անկիւնից: Անծանօթ ու չար ոգիներ... Աղա Գրիգորն ինքը եւս զգում էր նրանց գոյութիւնը, բայց երբեք չէր մտածում թէ ո՞րտեղից եկան նրանք, եւ թէ ի՞նչպէս եկան...

Նրա համար ոչինչ արժէք չունէր այլեւս՝ ոչ իսկ իր թշառութիւնը:





Լուսաբաց էր:

Երկնքից վարդեջրած լոյս էր կաթում երկրի վրայ:

Հարթ տանիքների, ծառերի կատարների, ծխնելոյգների վրայ հաղիւ դսպւած մի լոռեթիւն էր իջել, որ մերթ ընդ մերթ ճեղքուած էր այս ու այն բակից բարձրացող ոլորուն փետուրներով գունազեղ աքաղաղների կանչից՝ ծուղ-բուղու...:

Քաղաքը վերածնունդի ժամն էր ապրում: Սպասողական բույները հեծել էին իրար վրայ, ժամանակը բռնել էր իր շունչը, հողը ուռել՝ խորքից բարձրացող հառաչից...:

Երբ շառագունած երկինքը պատուեց վերջապէս ու կարմիր նուռը պայթեց, հեռաւոր ու լուսաւոր աշխարհից ժողւած վարդադոյն շողեր շարտելով լուսամուտների ապակիներին, մի դուռ ճուռաց դոյշ ու կամաց: Սիրուն մի դուռնի դուրս հանեց փարթամ իր մազերը, նայեց աջ ու ձախ եւ յուլունքէ երկու պայծառ աչքեր բարձրացան դէպի երկինք:

Հևուից՝ դարնանային երազի միջից, լուռւմ էին, կարծես երկնքից եկող մեղմ ղողանջներ՝ տի՛նգ... Անտեսանելի ու անիրական գանգալների ղողանջներ, որ հատիկ-հատիկ ընկնում էին վար, սլորում մի վայրկեան, ու փշրելով թափւում երկրի երեսին ու մարդկանց հոգիների վրայ:

Նա կամաց դուրս եկաւ փողոց: Դարձաւ, երկու ձեռքով զգուշութեամբ դոցեց դռան փեղկն ու թեթեւ մետաքսէ ծածկոցն ուսերի վրայ հաւաքելով, նետեց վաղորդեան թարմ միջոցի մէջ:

Հրաչքների ժամն էր... երբ կատարւում է հողինների բույնական ելքն այս աշխարհից, երբ հասունանում են ենթադրատակցութեան ու դերդգայնութեան մէջ պահւած

թաքուն ձգտումները, իրական այս կեանքից, մարդուն դէպի յաւիտենականութիւնը, դէպի գերագոյն խորհուրդը հասցնելու համար: Եւ մարդը հասկանում է գերդգայնութեան իրական դոյութիւնը, հաւատում է տեսիլներին, որոնք նետում են մեզ մի ուրիշ իրական աշխարհ:

Հրաչքի ժամը... Երբ մարդը վերակոչելով, վերարտադրելով, շուռ տալով, թափահարելով իր մէջ թմրած մի էութեան դոյութիւն, կարողանում է դուրս գալ այս աշխարհից, երեք չափերի վրայ կառուցւած սովորական կեանքից, մտնելու համար մի նոր չափի մէջ՝ հողու աշխարհի մէջ:

Հողու աշխարհը, որ այնքան մօտիկ է սիրող սրտերին...

Նա ձեռքը դրեց թրթռացող իր սրտին ու շարունակեց քայլել թեթեւ ու մանր քայլերով՝ մերթ յետ նայելով, մերթ ալանջ կախելով իր ոտնաձայնին եւ յուլունքէ աչքերը դէպի երկինք դարձնելով:

Տի՛նգ... տի՛նգ... Երկնքի կապոյտը խառնեց իր մտքում անորոշ մի աղօթքի հետ, որի թափանցիկութեան մէջ վերից հոսող ղողանջները, հատիկ-հատիկ դեղին մոմեր վառեցին: Աչքերի ծովի մէջ հալեց երիտասարդ հողու թախիծը կապոյտ:

Այնպէս ուրախ էր իր մենակութեան համար: Սիրտը լցւած էր եւ կամքը անգոր ընդդիմադրութեան:

Անգոր էր այնպէս, ինչպէս մէկ տարի առաջ, երբ չկարողանալով հակառակել մօր ուժեղ կամքին, այնպէս անմիտ ու այնպէս անսպասելի, մերժեց Բաբգէնին...

Մերժե՞ց... Բայց ինքը բնաւ չէր անդարդարձել հետեւանքներին... Չէր կարողացել զգալ դրութեան լրջութիւնը...

— Մայրս չի ուզում, Բաբգէն, — ասել էր, երբ նա

այնպէս ամուր-ամուր սեղմում էր իրեն իր դրկի մէջ,—  
մայրս չի ուզում:

Գիշեր էր, հեռու մի փողոցում, մսխրահեր վաշտեհու տակ... Մանր ծաղիկները բուրմունքը հարբեցրել էր նրանց: Նրանք յենեւ էին ծառի ծուռ լնին:

— Իսկ դո՞ւ, դու սիրում ես ինձ, Մարգարիտ:

— Ես սիրում եմ քեզ:

— Ուրե՞մն:

— Բայց յետո՞յ...

Այս հարցն էր ահա, որ ցնցել էր Բարդէնին:

Այո՛, ճիշտ է, Մարգարտի մայրը իրաւացի էր... Բարդէնը երկտասարդ, խեղճ մի նկարիչ... Գրիզոր աղայի որդին... Ընկած հօր դաւակ... Անգործ ու աղքատ... Ի՞նչպէս էր պատահել, որ տարւած խենթ սիրով, երբեք չէր անդրադարձել այդ «յետոյ»-ի վրայ: Տիկին Սաթենիկն իրաւունք ունէր: Նա յանկարծ հրեց, հեռացրեց իրենից Մարգարտին: Մարգարտը վախեցած ու ինքն իրեն վայրկեանական անդարձ կորուստի առաջ ըզզալով, փաթաթեց անմիջապէս նրա պարանոցին:

Բարդէնն աշխատում էր սառն ու անտարբեր ձեւանալ: Նա դիտէր Մարգարտի մերժումի պատճառն ու հասկանում էր նրան: Գիտէր, որ տիկին Սաթենիկին պատիւ չէր բերի իրենց ամուսնութիւնը, իսկ Մարգարտն անկարող էր հակառակել մօր կամքին...

Մարգարտը միամիտ ու մանկունակ աչքերով, նայեց նրան, ջանաց մութի մէջ որոշել դէմքի արտայայտութիւնը...

Մի քանի շաբաթից յետոյ էր, որ Բարդէնը, մօր ու զրոջ հետ միասին, մեկնել էր քաղաքից առանց Մարգարտին մնաս բարեւ ասելու:

. . .

Երկար քայլեց Մարգարտն առաւօտեան այդ թար-

մութեան մէջ: Գնաց մի քանի անդամ մինչև ծուռ բնով այն վաշտեհին, որ անտարբեր շարունակում էր կանգնած մնալ հեռաւոր փողոցի ծայրին, վերադարձաւ կրկին, սպասելով կարծես հոգին փոթորկող յուզումների հանդարտելուն:

Գիշ յետոյ բնութիւնը խաղաղեց: Սպասողական վիճակը քաշեց իր փեշերն ու բաց կապոյտ թաւշի վրայ երեւաց ճերմակ արեւը... Բանկեց ժպիտը նրա նուրբ շրթունքների, դլխի թեթեւ թափահարումով, մէկդի նետեց տասանումները բոլոր, թեթեւ մետաքսէ ծածկոցը հաւաքեց ուսերի վրայ ու վճռողական քայլերն ուղղեց դէպի աղա Գրիզորենց առնը:

Երբ կարճ լութիւնից յետոյ, աղա Գրիզորը նրստեց իր մահճակալի ծայրին ու սենեակի միակ աթոռն առաջարկեց Մարգարտին, նրանք բարեկամաբար նայեցին իրար:

— Պարոն Գրիզոր... Ես վճռեցի դալ ձեզ մօտ... վճռեցի դիմել ձեր օգնութեան... Երկար սոլասեցի, բայց արդէն հասել է ժամը... Մայրս այսօր...

Աղա Գրիզորը լուց:

— Գիտեմ, գլու՞մ եմ, որ մենք մեղաւոր ենք ձեր առաջ,— շարունակեց Մարգարտը ձայնը ցած բացնելով.  
— մենք մեղաւոր ենք ձեր առաջ, պարոն Գրիզոր... Իսկ ես՝ Բարդէնի առաջ: Բայց ես... այն ժամանակ... չէի կարող հակառակել մօրս կամքին, իսկ մայրս... Նա արդար չէ, նա չի կարողանում հասկանալ, հաւատալ սիրոյ զգացմունքներին...

— Սիրոյ զգացմունքների՞ն...

Մարգարտը շիկնեց յանկարծ:

— Բարդէնն ու ես սիրում էինք իրար... — ասաց հազիւ լսելի ճայնով ու դուրսը կախեց:

Աղա Գրիգորը վեր կացաւ տեղից ու սկսեց քայլել սենեակում: Մարդարտի խոստովանութիւնը չզարմացրեց նրան: Յաճախ էր հանդիպել նա Բարդէնին ու Մարդարտին միասին, յաճախ էր տեսել նրանց հեռաւոր փողոցներում, թեւ թեւի...

Նա մօտեցաւ Մարդարտին:

— Քո մայրը, աղջիկս, իրաւունք ունի:

— Պարոն Գրիգոր'ը...

— Իրաւունք ունի մայրդ, Մարդարտ: Բարդէնն անարժան հօր զաւակ է... Արհամարհւած, բարոյական դսպանակները կորցրած մարդու զաւակ...

— Ես սիրում եմ Բարդէնին...

— Բարեկամանալ մի կորուած մարդու հետ, — շարունակեց աղա Գրիգորը յուզւած, — որ յետ դառնալու ոչ մէկ ճամբայ չունի այլեւս, որ այրել է բոլոր կամուրջներն իր ետեւից... Մտածե՞լ ես դու այդ մասին Մարդարտ... Բարդէնը չաւարտեց իր ուսումը... Բարդէնս... Եւ դու պէտք է ապրէիր մի յարկի տակ նրա անարժան ծնողի հետ միասին... Ինձ հետ միասին, որ իր զաւակները երջանկութեան համար իսկ ոյժ չունեցաւ կանգնելու, յետ դառնալու...

— Այդպէս մի ասէ՛ք, պարոն Գրիգոր... Եթէ ես կամք ունենայի, Բարդէնը չէր հեռանայ, չէր թողնի ինձ, իսկ մայրս, իսկ մօրս տեսակէտներն ու ցանկութիւնները...

— Այիտոս, Մարդարտ, որ մարդ անկարող է լինում երբեմն իր ուզածն անել... Երբեմն մարդ սիրուն երազներ է հիւսում, որոնց հասնելու համար ոչ մէկ խոչընդոտ կայ կարծես, բայց ներսում արթնանում է հուժկու, ամենակարող մի ուժ, որ դալիս է ու խորտակում

ամեն ինչ: Ես տեսայ մի օր Բարդէնին քո նկարի առաջ կանդնած... Տեսայ նրա սիրով լցւած աչքերը... Բայց նա դնաց... Ի՞նչպէս բերէր քեզ այս տան մէջ, ուր ծնողներն իրար հետ կուռում էին անդադար, ուր անհամաձայնութիւնն էր իշխում...

— Փախչում եմ եւ ես, պարոն Գրիգոր, փախչում եմ այն երջանկութիւնից, որ մայրս ցանկանում է պարտադրել ինձ:

— Մի հակառակէր մօրդ կամքին, աղջիկս: Խելացի ու հեռատես է նա:

Մարդարտը լացակումած նայեց նրան:

— Մա՞յրս...

— Մայրդ իրաւացի է: Նա քո ապագայի մասին է մտածում: Շատ վաղուց էր սկսել մտածել... Երբ դու՞ դու եւ Բարդէնը դեռ փոքր երեխաներ էիք ու խաղում էիք այստեղ, այս պարտէզում, մի օր մայրդ փսփսաց իմ ականջին...

— Նայիր, ասաց, տես ի՞նչ սիրուն դուք է... Մարդարտն ու Բարդէնն իրար համար են ստեղծւած... Այնուհետեւ մենք շատ յաճախ էինք խօսում այդ մասին... Մենք մի ժամանակ շատ լաւ բարեկամներ էինք... Բայց մայրդ արթուն է եւ զգաստ... Նա ճիշտ վարեց, շատ ճիշտ վարեց՝ խզեց մեզ հետ բարեկամութեան իր կապերը, յանուն իր ընտանիքի մաքրութեան, յանուն իր զաւակի ապագայի...

Աղա Գրիգորը ձեռքը դրեց Մարդարտի դէլին ու շարունակեց քնքնութեամբ.

— Դու դեռ շատ երիտասարդ ես, աղջիկս, քո առաջ տարիների երկար մի շաբան կայ փուլած: Կեանքը քոն է: Իսկական սէրը յետոյ է գալիս, հասուն տարիքի մէջ ու քեզ սպասում է իսկական երջանկութիւնը...

Մարդարտը դուրսը կախ լուծ էր աղա Գրիգորին,

ՌԲ - 1հԻԲ



բայց սպասում էր կարծես, որ նա վերջացնէ իր խօսքը...  
Եւ երբ աղա Գրիգորը լռեց, Մարգարիտը դուրսը բարձ-  
րացրեց ու շեշտակի նայեց նրան: Նրա վճռական այդ  
չարժումն ու անքերի մէջ բռնկւած հուրը, մի վայրկեան  
չփոթեցրեց Գրիգոր աղային:

— Պարոն Գրիգոր,— խօսեց վերջապէս Մարգարի-  
տը,— ես եկել եմ խնդրելու ձեզ, եկել եմ աղաչելու, որ  
գրէք ու յետ կանչէք Բարդէնին:

Յանկարծ նա վեր կացաւ տեղից ու դոյզ ձեռքերով  
գրկեց աղա Գրիգորին:

— Կանչեցէ՛ք նրան, սլարոն Գրիգոր, ասէք, որ ես  
սիրում եմ իրեն, որ առանց իրեն չեմ կարող ապրել...:

Աղա Գրիգորը սարսափեց...

— Յե՞տ կանչել Բարդէնին... Գրել, որ վերադառ-  
նա՞յ... Ո՛չ, ո՛չ, Մարգարիտ, ոչ աղջիկս, այլ միանգա-  
մայն անկարելի է: Մտածիր թէ ի՞նչ ես ասում... Քեզ  
հետ միասին դու պէտք է դժբախտացնես եւ նրան... Դու  
պէտք է դժբախտացնես եւ ինձ... Իմ միակ մխիթարու-  
թիւնը միայն այն է, որ դաւակներս այսօր հեռու են ինձ-  
նից եւ չեն տեսնում իրենց հօր այս սոսկալի անկումը,  
բարոյական այս անկումը... Նրանք չեն տեսնում իմ  
տանջանքները՝ թէ ինչպէս ամեն առաւօտ կշտամբում եմ  
ինքս ինձ, հայհոյում եմ, նախատում... Բայց երեկոյ-  
եան, ներքին մի ոյժ, խորքիցս բարձրացող մի սլահանջ,  
քշում է ինձ ու դցում նոր անկումների մի դուռ ու ես  
անկարող եմ սլայքարել... Իմ Բարդէ՞նը, Մարգարիտ,  
գա՞յ ու տեսնէ՞ ինձ այսպէս... Ո՛չ, ո՛չ... այլ անկարելի  
է: Մենք լուռ դաշինք ենք կնքել իրար հետ՝ տանջւել  
իրարից հեռու...

— Բայց կարելի է ստեղծել մի նոր կեանք...

— Ուշ է, ուշ... Գնա՛, Մարգարիտ, գնա՛ եւ լսիր  
մօրդ... Գիտես, անշուշտ, որ այսօր Չաւէնը...

Բայց հաղիւ էր աղա Գրիգորը վերջացրել իր խօսքը,  
Մարգարտի անքերը լցեցին արցունքով... Նա այլեւս ոչ  
մի բառ չարտասանեց, շտապ հեռացաւ աղա Գրիգորից եւ  
ձեռքերը երեսին սեղմած՝ դուրս փախաւ սենեակից...

Ճիշտ այդ օրն էր:

Մազամ Մառիի jour-fixe- ն անակնկալ ունէր...

Մարդիկ դեռ թէյ խմելու արարողութիւնը չէին վերջացրել, դեռ մինչեւ անգամ տանտիրիկինը կտրատած խմորեղէնները չէր բաժանել հիւրերին: Շատախօս ու արագախօս տիկին Սասնիկը դեռ ժամանակ չէր ունեցել կողքին նստած մշտաժպիտ տիկին Նւարդին պատմել «monsieur Jean -ի ջէնտրմէն» վերարեւմուտքի մասին, երբ այն երեկոյ... Ու դեռ մինչեւ անգամ հարեւան մը սալաճառի խանութի սեւ ու խոշոր ճանճը, որ շնորհիւ իր նրբին հոտառութեան, զգացել էր մօտակայ տան սեղանի վրայ դրւած անուշներէ հոտն ու թուել, այդտեղ էր եկել, մինչեւ անգամ նա՝ իր երկարաւուն մարմինն օդում տարուբերելով դեռ չէր վճուել թէ ո՞ր քաղցրեղէնի վրայ պէտք է իջնի:

Խօսել ու դատել էին միայն մի քանի անյաջող սէրերի, «անյարմար» ամուսնութիւնների մասին, փողոցներում թափառող անթիւ շներէ թունաւորման անհրաժեշտութեան մասին ու փոքրիկ Դեղզեմոնան հաղիւ մի անգամ էր միայն բարձրացել աթոռին ու՝ մէկ աչքը բանալով, միւսը փակելով, մատով քիթը խառնելով, արտասանել սովորական «Bonjour madame sans Soucis ին

եւ կողքին կանգնած մօր հրամանին հնազանդ, գլուխ տել բոլորին՝ օղային համրոյրներ շաշլեկով աջ ու ձախ:

Ճիշտ այն բոսկին, երբ բրդոտ ու անպոչ Fidèle-ը, տանտիրոջ հրամանին տեղի տալով, հաճել էր վերջապէս բարձրանալ երկու թաթերի վրայ ու բերանը բացած ուղում էր ընդունել մատերի ծայրով զգուշօրէն իրեն մօտեցրած շաքարի կտորը, յանկարծ բոլորի ուշադրութիւնը մէկ անդամից դամեց սեղանի ծայրին նստած տիկին Հոռոմի վրայ:

Տիկին Հոռոմը յուզւած էր եւ խօսում էր արտասուվոր եռանդով:

Նրա դէմքի արտայայտութիւնն այնպէս լարւած էր...

Բոլորը նրան էին նայում. որը բաժակը շրթին անշարժացած, որը թէյի գդալը բերնին մօտեցրած, որը ձեռքը հարեւանուհու թելին սեղմած, սկսւած խօսքը կլսատ թողած...

Լայն ու կլոր դէմքը տիկին Հոռոմի, որ այնքան յիշեցնում էր հասած դեղձը, նրա սեւորակ աչքերը, փոքրիկ բերանն այնպիսի կենդանութիւն էին ստացել, այնպէս արտայայտիչ դարձել, որ ամեն ոք իր սրտի խորքում դարմանում էր նրա սարիքի համեմատ այդպէս թարմ մնացած արտաքինի վրայ:

Հպարտութիւն՝ գաղտնիքների մէջ արագ թափանցելու իր արտակարգ ընդունակութեան համար, երջանկութիւն՝ խառը միամիտ շարամտութեամբ, ուրիշներից աւելի բան դիտցողի հաճելի գիտակցութիւն ու բացայայտ որոշում, որքան կարելի է երկարացնել պատմութիւնը, մինչեւ բուն կէտին հասնելը՝ լսողներին մի փոքր շարժարեւու անմեղ ցանկութեամբ լցւած: Ահա թէ ինչ էր արտայայտում այդ պահին տիկին Հոռոմի դէմքը:

Սկզբում նա սկսեց շատ ցածրաձայն, մէկ-մէկ ընդհանուր հետաքրքրութիւն արթնացնող բառեր նետելով աւելի հեռուները.

— Այո՛, ուղղակի սարսափելի էր...

— Չեղած, չտեսնեմք բան...

— Այդ ի՞նչ է պատահել, տիկին Հոուսմ, ինչ չեղած, չտեսնեմք բաներից էք խօսում:

Կամաց-կամաց սեղանի շուրջ նստած հիւրերը մէկիկ-մէկիկ համախմբուեցին տիկին Հոուսմի մօտ եւ սեղանի միւս մասն իսպառ դատարկեց...

Հարցեր, ժպտաներ, հետաքրքրութեամբ լի հայեացքներ...

— Օղբ շատ լաւ էր: — Բոլորը գլխով հաւանութեան նշան արին:—Մտածեցի՝ ի՞նչ անեմ, ի՞նչ չանեմ... Վերջը վճռեցի, ինքս էլ չգիտեմ թէ ինչու եւ թէ ինչպէս, կառք նստել եւ դնալ կայարան: Պարզ, անմեղ մի պտոյտ: Գնացի: Ժամի երկուսն էր: Կառքս դեռ տեղ չհասած, աչքս ընկաւ յանկարծ կայարանի պատշգամբում նստած մի խումբ մարդկանց... Նայեմ... նայեմ... կարծես թէ ծանօթ դէմքեր լինէին: Հասայ կայարան, վար իջայ կառքից, բայց չմօտեցայ նրանց: Գուցէ, մտածեցի, սխալուում եմ, դուցէ ծանօթներ չեն... Թէեւ պարզ տեսնում եմ Նուբարի դէմքը, նրա կողքին Վարդենին, տիկին Սաթենիկն ու Վառիլ խանի տղան՝ Արշակը... Թէեւ, ասում եմ տեսնում եմ, որ նրանք են, *прямо так*, ինչպէս որ հիմա ձեզ եմ տեսնում, բայց դէ, մտածում եմ ինձ ու ինձ, դուցէ նրանք չեն, այլ նրանց նման ուրիշները... Որովհետեւ նրանք ի՞նչու պէտք է այդպէս՝ բոլորը միասին, կայարան վային... Չգիտէի չէ՛: Ես ոչի՛նչ չգիտէի:

Նրանք ուրախ խօսակցում, ծիծաղում էին: Այսպէս անցաւ կէս ժամ, մէկ էլ յանկարծ կայարանի կառավարիչը դուրս եկաւ իր սենեակից: Բոլոր ծառայողները հետեւեցին նրան: Եկան, կանգնեցին երկաթուղադէի կողքին: Լսեցին դանդաղների ձայներ, սկսեց իրարացում: Նրանք շտապով վեր կացան եւ մօտեցան կառավարչին:

— Վեց բոսից այստեղ կը լինի, վեց բոսից պէտք է, որ այստեղ լինի, — ասաց կառավարիչն ու կրկին անգամ նայեց ժամացոյցին: Նուբարն էլ նայեց իր ժամացոյցին:

— Գնացքին էին սպասում:

Այստեղ էր ահա, որ հասկացայ վերջապէս. էս մարդիկ Չաւէնին եւ Ներսէսին դիմաւորելու էին եկել...

— Տիկին Սաթենիկն էլ:

— Հատա, տիկին Սաթենիկն էլ:

Ներկաները կռացած մէջքները շտկեցին ու իրար նայեցին տակաւին անորոշութիւն արտայայտող աչքերով:

— Յե՞տոյ, յե՞տոյ:

— Ես էլ նայեցի կայարանի մեծ ժամացոյցին: Վեց բոսից մէկն անցել էր արդէն, մնացել էր հինգը: Վարդենին կախել էր հօր թեւից, տիկին Սաթենիկը գլխարկն էր ուղղում, երբ յանկարծ... հո՛ւ... ո՛ւ... լսեց սուլիչի ձայնը... ո՛ւ... փուհ-փուհ, փուհ-փուհ *паровоз* ի շունչը, դրմփ-դրմփ, դրմփ-դրմփ... հո՛ւ... ո՛ւ... Գալիա էր: Եկաւ... եկաւ... եկաւ... հասաւ:— Ու տիկին Հոուսմը, որ աջ թեւը երկարած, մատերը բաց ու խուփ անելով, աչիսատում էր դնացքի ձայներն ու սուլիչի սուլոցը տեսանելի դարձնել, յանկարծ ձեռքը խփեց սեղանին. — հասաւ: Բոլորը մի քայլ առաջացան դէպի պատմողը եւ վրդնեղ երկարացրին: — Հասաւ, դռները բացեցին ու լուսամուտներից գլուխներ կախ ընկան...

— Չաւէնս, Չաւէնս, երկրորդ լուսամուտին, երկրորդ լուսամուտին: — Նուբարը թեւերը տարածած՝ վա-

դեց դէպի տղան, որ լուսամուտից կախ ընկած աջ ու ձախ էր նայում, նրանց էր վնտրում:

— Հայրիկ, հայրիկ...

— Հողիս, որդիս: Շուտ իջիր, շո'ւտ:

Գլուխները կորցրել էին: Նուբարը վարից, Ձաւէնը վերից, աշխատում էին համբուրել:

— Եկա՞ր, եկա՞ր:

— Եկայ, եկայ:

— Իրերը լուսամուտից ինձ տուր:

Ձաւէնը մեծ-մեծ պայուսակներ իրար ետեւից մեկ-նեց հօրը:

— Այս բոլորը քոնն ե՞ն, Ձաւէն ջան:

— Այո՛, հայրիկ, բոլորը, բոլորը:

— Երեւի գրքեր են, — ասաց Նուբարն ու կառուպանին նշան արաւ, որ կառքը մօտեցնէ:

Էդ էր: Մինչ կառապանը ձիերի գլուխներն էր դարձնում, մինչ Նուբարը մէկ ձեռքը գնացքի դռանը յենած՝ միւսով անհամբերութեան նշաններ էր անում, Ձաւէնը վար իջաւ... Հայր ու տղայ իրար վզով ընկան... Համբուրեցին, համբուրեցին ու դեռ համբուրում էին, մէկ էլ, գնացքի միջից դուրս թռաւ մի աղջիկ...

— Ձեօվա, Ձեօվա... — կանչեց ու մօտեցաւ:

Ձաւէնը դրկեց նրան.

— Հայրիկ, — ասաց, — ծանօթացիր:

Նուբարը յանկարծ լրջացաւ, կամ աւելի ճիշտը որ ասեմ, քարացաւ, յետոյ գլխարկը հանեց ու շատ քաղաքավարի կերպով բարեւեց աղջկան:

— Դէ, Նուբարն առհասարակ քաղաքավարի մարդ է:

— Աշխարհ տեսած մարդ է, ձեւ գիտէ, իրեն սահել գիտէ:

— Ինչ խօսք, ինչ խօսք: Նուբարը միշտ էլ քաղաքավարի է, մանաւանդ կանանց հետ:

— Ես ինքս անձամբ առիթ եմ ունեցել ստուգել այդ. յիշում էք չէ՞, տիկին Սասնիկ, անցեալ տարի Նոր-Տարուն...

— Յետո՞յ, յետո՞յ, տիկին Հոռոմ:

— Յետոյ, թէ — а вот и папочка: Դէ, պապա ջան, ծանօթացիր, — կրկնեց Ձաւէնը հօրը:

— Շատ ուրախ եմ, ընկերուհիդ է հա՞, Ձաւէն ջան:

— Ձէ, չէ, հայրիկ... աւելի շուտ... կինս է:

— Կի՞նը:

— Կի՞նը:

— Կի՛նը... —

— Հապա՞, — այդպէս ասաւ ու նորից գրկեց աղջկան:

Հետաքրքրութիւնն այնպէս էր պաշարել բոլորին, որ ոչ ոք չէր մտածում այլեւս թէյի մասին եւ հարեան մտալից խոսակցից եկած ճանճը, մեծ դոհունակութեամբ՝ անուշից անուշ էր թուցում, ոտքերը շաքարոտում ու բարձրաձայն երգ էր ասում...

— Յետ դարձայ ի՞նչ տեսնեմ... Տիկին Սաթենիկը բարկացած, փրփուր դարձած, հովանոցը վեր բարձրացրած «Փայտօ՛ն... Փայտօ՛ն...» է ձայն տալիս... Ին՞չ ձէնով է ձայն տալիս... Էլ ի՞նչ եղաւ, ի՞նչ չեղաւ, Նուբարն ի՞նչ ասաւ, Ձաւէնն ի՞նչ պատասխանեց, չիմացայ, որովհետեւ էդ ժամանակ գնացքից ծանր-ծանր վար էր իջնում Արչակի տղան, Ներսէսը... Էդ էլ մի ուրիշ картина էր... Ո՞վ կը ճանաչէր: Կաշէ тужурка հագած, աղիւս-աղիւս կտորից կարած фуражка ն մինչեւ քիթը մտցրած:

— Ներսէս, տղաս, դո՞ւ ես:

— Ես եմ, ես, հայր:

Սրանք էլ էստեղ համբուրեցին :

Ես միայն էն տեսայ, որ Նուբարը գոյնը նետած, կառք բարձրացաւ ու էլ ոչ մի խօսք...

Fidèle-ը բարձրաձայն սկսեց հաջել :

Ամենքը յետ նայեցին : Դռան շէմքին կանգնել էր monsieur Jean-ը :

— O, monsieur Jean, monsieur Jean, s'il vous plaît... Quelle surprise, mon Dieu, quelle surprise... բացազանչեց տանտիկինն ու կոտրատելով մօտեցաւ հիւրին :

Անմիջապէս ամեն մարդ էր տեղը դրաւեց ու բոլորը ժպտացին՝ միատեսակ՝ իբր անտարբեր, բայց իրականի մէջ ներքին քաղցր դոհունակութիւն արտացոլող ժպիտով : Բոլորի հոգիներում ծւարած փոքրիկ սատանաներն արթնացել, թրթուում էին : Ամեն մէկն էր հոգին հարեւանի դէմքի վրայ էր կարդում ու ժպտում էին իրար անսպասմելի ինքնաբաւականութեամբ լցւած . — չէ՞ որ շատ քիչ անգամ է պատահում, որ բոլոր մարդիկ միատեսակ դզան ու մտածեն...

— Et madame Satenik ? et les demoiselles հարցրեց Jean-ը :

— Madame Satenik ?... Կը դայ, կը դայ : Այո՛, ինչպէս միշտ... Այնպէս չէ՞, տիկին Հոռոմ : Ի՞նչ էք կարծում, կը դայ, չէ՞...

— Տակտի տեսակէտից պէտք է որ դայ : — Ասաց տիկին Հոռոմը, գլուխը թէյի բաժակից չբարձրացնելով :

— Չեմ կարծում դայ : Նա այնպէս դգայուն կին է... Ուղում եմ ասել, այնպէս նրբադգացն է որ...

— Որ ինչ :

— Ո՞ր... Իսկ դուք կարծում էք կը դայ :

— Ես կարծում եմ, եթէ կարողանայ ինքն իրեն կառավարել, ինչպէս եւրոպացիք են ասում, այսինքն զսպել

իր ներսում կատարող փոթորիկները, կը դայ : Իսկ եթէ ոչ, չի դայ :

— Ես էլ ճիշտ ձեզ պէս եմ կարծում :

Երիտասարդ տանտիկինը աշխատում էր հիւրասիրել բոլորին : Խնդրում, ստիպում էր ուտել, թէյ էր առաջարկում ու կրկին, կրկին պնակների մէջ դաթա աւելացնում :

Ամառայ առաջին շողերն սկսել էին արդէն :

Առաւօտից Նուբարենց տան մէջ սպասողական վիճակ էր :

Ջաւէնը դալիս էր :

Մանին այնքան երջանիկ աչքեր ունէր այդ օրը եւ Նուբարն այնպէս հպարտ կեցւածք... Սպասում էին անհամբեր : Ճաշից յետոյ Նուբարը, Արշակի հետ միասին, կայարան պէտք է դնար : Նրանք երկուսն էլ յուզւած էին : Արշակի մինուճար դաւակն էր դալիս... Վասիլ խանն արդէն մի քանի անգամ մտել էր Նուբարենց մօտ, դուրս ելել կրկին. նրա խամբած աչքերը նոր փայլ էին ստացել :

— Չմեռայ, էս երջանիկ օրին էլ արժանացայ, Նուբար ջան :

— Ինչ մեռնել, կեանքը նոր է սկսում, Վասիլ խան, կեանքի համը սրանից յետոյ է, որ պէտք է հասկանանք :

Անուշը դէպի փողոցի դուռը նայող լուսամտաւ առաջ կանգնած, յենել էր փեղկին, մնացել : Նա մերթքիթն էր սեղմում պատուհանի աղակուն, արգելում շնչառութիւնը, մերթ ոտքերով պատն էր հարածում ու շուտ-շուտ նայում թեւին կապած կոտրւած սլաքներով իր ժամացոյցին...



— Դեռ մէկ ժամ կայ,— մտածում էր Անուշն ու նորից քիթը սեղմում ասպակուն:

Վերջապէս հեռուից լսեց կառքի անիւներէ ձայնը:

Մանին անմիջապէս ձեռքի դիրքը վար նետեց ու դուրս եկաւ բակ:

Ձաւէնն շտապ իջաւ աստիճաններից ու ընկաւ մօր դիրկը: Արցունք եւ ուրախութիւն խառնեցին իրար: Մանին երկար, երկար համբուրում էր որդուն, դրկում դուրսը, նայում կարօտով դէմքին:

Մայր ու տղայ այսպէս ջերմազին դուրդուրում էին, մինչ Նուբարը մշակների օգնութեամբ իրերն էր ցած բերում:

Նուբարը լուռ էր: Մանիի հարցական հայեացքներին նա պատասխանում էր լուռութեամբ:

Շուտով բոլորը մտան սենեակ, ուր արդէն պատրաստ էր սեղանը: Նուբարը մտադրաւ էր, Մանին ուրախութեան հետ ինչ որ տարակուսանք էր գգում ու դեռ լաւ չէր հասկանում թէ բանն ինչու՞մն է: Նրա մայրական զգացմունքները դեռ եւս իր կարօտած որդու շուրջն էին դառնում:

Անուշը, եղբոր դրկից աղատւած, աթոռը քաշել, միացրել էր Նատայի աթոռին ու աչքերը նրանից չէր հեռացնում: Նատայի մաղերը բոլորովին դեղին էին, աչքերը բոլորովին կապոյտ, ասպակու նճան... Ու Անուշին թւում էր, որ Նատան մի տիկնիկ էր, անցեալ տարւայ հայրիկի իրեն նւիրած կապուտաչեայ տիկնիկի նման մի բան... Միայն սրա քիթը շատ էր ցից եւ Անուշի կարծիքով դա շատ, շատ տղեղ էր, կարծես թէ բոլորի վրայ վերից էր նայում ու կարծես թէ ինքը չէր նայողը, այլ կարճ ու ցցած իր քիթը:

Խոհանոցում Սարգիսն ու Շուշանը հիացմունքով էին խօսում նորեկ աղջկայ մասին:

— Կասես սալտակ Փաթուխա լինի:

— Ջրից դուրս եկած փերի ա... Լաւ մալ ա ճարել մարդի տղան:

Նուբարենց տունը կամաց-կամաց լցւում էր: Հարեւանները դալիս էին աչքալոյսի, մինչ Ձաւէնը մի կողմ քաշւած, բացատրում էր Նուբարին իր ստացած վկայականի արժէքն ու մանրամասնօրէն պատմում անցըրած քննութիւնների մասին:

Նուբարը դարձագած նայում էր որդուն ու հստարտութեամբ դիտում ներկաներին:

Հօրը բաւականութիւն պատճառելու համար, Ձաւէնը բացեց եւ պայուսակները, հանեց նրանց միջից բաղամաթիւ հաստ-հաստ դրքեր, պատմեց, որ ինքը նրանց հեղինակներից մի քանիսի հետ ծանօթ է, որ նրանք իր ուսուցչապետներն են եղել...

— Ախ, հայրիկ, հայրիկ, կրթութիւնն անծայրածիր ծով է, հսկայ մի ծով ու մէջը նետուղն այլեւս չի կարող դուրս դալ, ափ չի երեւում: Վերցնենք, օրինակ, փիլիսոփայութիւնը...

Ու մինչ Ձաւէնը խօսում էր, Նուբարը հիացած ու գմայլած, մոռացած ամեն տհաճութիւն, նայում էր նրան:

Ու մինչ Նուբարը նայում էր, Ձաւէնի հոգու վրայ, առաջին անգամ լինելով, կամաց-կամաց անհասկանալի մի տրամութիւն էր իջնում...

Ձաւէնն անմիջապէս զգաց այդ: Մութ ու տխուր զգացմունքներ էին ծնւում իր մէջ...

Մի բան փնտրող ու յաւէտ չգտնող՝ կէս ճանապարհին մնացած անցորդի բեկւած հայեացքով նայեց նա ձեռքի վկայականին ու քիչ առաջ ողբերկած ձայնի թափն իջաւ յանկարծ:

Բարձրացրեց աչքերը, նայեց Նուբարի լուսաւորւած

դէմքին... « Հայրս միշտ նոյնն է մնացել: Բարի, միամիտ, վարած կրթութեան ուժին, լցած հաւատով, սլաշ-ծառ մտքով, մաքուր հոգով... » Չաւէնն ահամայ վեր-յիշեց իր մանկութիւնը: Պատանեկութիւնն իր... Դար-ձաւ, դամեց աչքերը մօր երջանկութիւնից յուզած դէմ-քին, բարութեամբ ու դորովով լցած աչքերին: Դիտեց սրտերն ու կախած նկարները բոլոր... Կաստաղդեստ փոքրիկ այն աղջիկը հացի կտորը ձեռքին կերակրում էր մեծ դամիւսին... Նկարը միշտ նոյն սրտին էր, ինչպէս առաջ: Նոյն լուսամուտները, ծաղկաւոր նոյն վարադոյր-ները... Նոյն խտրէ ակտիւները, կամարածէլ յենարան-ներով... Վերյիշեց դպրոցական կեանքն իր, աւարտման հանգիստաւոր այն օրը, երբ հայրը, ճիշտ այսպէս, ինչ-պէս այսօր՝ հաւատով ու վստահութեամբ լցած ճառա-դայթող աչքերով, կանչեց իրեն առանձնասենեակ, ասաց, որ այդ օրը առաջին յաղթանակի օրն էր, որ այդ օրն սկսում էր իրեն, Չաւէնի համար, դիտակից կեանքի նոր մի շրջան: Ու հայրն այնպէս լաւ, այնպէս ջերմաբեր համբուրեց իր ճակատը...

Ի՞նչ երջանիկ օր էր այդ օրը... Առաջին վկայակա-նը...

— Հայրի՛կ...

— Քեդ հարկաւոր է հանդստանալ, Չաւէն:

— Ախ, այո՛, այո՛... Ես այնպէս յողնած եմ, այն-պէս յողնած...

Չաւէնը ձեռքը տարաւ ճակատին ու թախանձանքով լի աչքերը դցեց հօր վրայ:

Նուբարն դաւաճած ու քնքոյշ նայեց որդուն: Երկա՛ր երկա՛ր նայեց:

— Ի՞նչու ինձ կանխապէս չէիր գրել, — հարցրեց ցած ձայնով:

— Ի՞նչի մասին, հայրիկ:

Նուբարը դիտով Նատայի կողմը ցոյց տւեց:

— Աս ճա... Հէնց այնպէս, փոքրիկ մի անակնկալ ձեզ համար, — սատասխանեց Չաւէնը ժպտալով:

Նուբարը նորից անհաճոյ, խիստ անհաճոյ մի բան դպաց: Յիշեց տիկին Սաթենիկին, Մարգարտին... Իրենց այնքան մտերմիկ բարեկամութիւնը, իրենց յոյսերը... Իսկ կայարանո՞ւմ... Ամօթից Նուբարի դէմքը կարմրեց: Նրանք այնպէս ուրախ էին նախքան դնացքի մօտենալը... Տիկին Սաթենիկն ուղղակի յուզած էր... եւ յանկարծ... Խայտառակութի՛ւն, խայտառակութի՛ւն... — Նուբարի դէմքը մերթ դռնատուում, մերթ կարմրում էր: — Բայց, բայց Չաւէնը մեղք չունի... Չունի, ի հարկէ, չունի՛: Ես, ես եմ միակ մեղաւորը: Ներողութիւն, ներողութիւն, սիրելի տիկին Սաթենիկ, մենք՝ ես ու դուք, խոստովան-ւէք, որ մի քիչ միամիտ վարեցինք... Ի՞նչպէս կարելի էր, Չաւէնը դեռ չվերադարձած... Իսկ օտար այս աղ-ջիկը...

Չաւէնն դդում էր, որ հօր մէջ մի բան էր կատար-ւում:

— Դու չգիտես, հայրիկ, դու չգիտես, հիւսիսի կանայք այնքան բարձր են, այնքան խելացի ու խորա-թափանց... Նրանց հոգին վճիտ է ու մաքուր, իրենց կա-պոյտ աչքերի նման: Նրանք բնաւ չեն նմանւում մեզ, նենգ ու խարդախ արեւելքցիներին...

Նուբարը ոչինչ չի սպասախանում, յօնքերի տակից դիտում է աղջկան: Նատան, միանգամայն անտարբեր իր շրջապատին, թեք ընկած բարձին՝ ննջում էր: Բայց ճիշտ այդ ժամանակ սենեակի դռներն աղմուկով բացեցին եւ շեմի վրայ յայտնւեց Մարջան հօրաքոյրը:

Չաւէնն ուրախացած ոտքի ելաւ:

— Բօյիդ մատաղ, Չաւէն ջան, ծաղկես, կանաչես,

էդ ի՞նչ հասակ ես նետել,— բացազանչեց Մարջան հօ-  
րաքոյրը թեւերը լայն-լայն բացած:— Տաս օր է աչքներս  
ճամբին էր, աւերացրեց նա անոյշ-անոյշ համբոյրներ  
դրոշմելով Ձաւէնի այտերին, ճակատին ու սկսեց հիացած  
դիտել նրա սիրուն հասակը, նրա մազերը:

Լցւած ծանօթ, բայց արդէն մոռացւած բերկրանքով,  
Ձաւէնն իր հերթին դիտում էր Մարջան հօրաքոյրը՝ նրա  
սերունդէ-սերունդ անցած, շեշտւած դիմադճերին, նրա  
շարժուճեւերին... Հին, շատ հին, բայց մտերիմ էին այդ  
բոլորը Ձաւէնի օտարացած աչքերի համար եւ որքան շատ  
էր նայում նա, այնքան աւելի էր ուզում նայել, այնքան  
աւելի ջերմութիւն էր դուրս իր մէջ: Նրան թւում էր, որ  
Մարջան հօրաքոյրն այն մեծ երակն էր, որ յանկարծակի  
իր յայտնուումով մի վայրկեանի մէջ, կապեց իրեն, Ձա-  
ւէնին, անցած բոլոր նախնիքների հետ...

Նա նստեց հօրաքոյրը կողքին: Ծոյեց նրա նշաճեւ  
նախշերով քիւլաջէն, նրա մետաքսէ շալի ծոփերն ու  
կրկին-կրկին դրկելով նրան, համբուրեց խորշոմած ձեռ-  
քերը, շտկեց բազմաթիւ ծալքերն իր շրջադեպտի...

— Իսկ Մարօ՞ն, հօրաքոյր, ո՞ւր է Մարօն:

— Մարօն հիւանդ է, Ձաւէն ջան: Վեց ամիս է, հիւ-  
ւանդ է Մարօս, — հառաչեց Մարջան հօրաքոյրը դուրսն  
օրօրելով, — էլ ճար չմնաց, էլ դեղ չմնաց...

Նուբարը բացատրեց Ձաւէնին Մարօի հիւանդութիւ-  
նը եւ Ձաւէնը հասկացաւ, որ վիճակն անյոյս է այլեւս:

— Կը լաւանայ, հօրաքոյր, մի մտածիր, — ասաց  
նա շոյելով հօրաքոյրը ուսը:

Մարջանի աչքերը թացացան ու նա խորը մի յոգւոց  
հանեց:

Հօրաքոյրը ներկայութիւնը Ձաւէնի մտքերը նետեցին  
դէպի Բեհեզ տատը:

— Մէկ գիշերւայ մէջ վերջացաւ... Մահից առաջ  
մէկիկ-մէկիկ յիշեց բոլորիդ, ասաց թող երկնային ու  
երկրային գորութիւնների ոյժն անսպախաս լինի ձեր դը-  
լից...

Հօրաքոյրը հետ Ձաւէնը երկար խօսեց: Բաւարարեց  
նրա տւած հարցերին, խօսեց իր եւ Նատայի մասին, հարց  
ու փորձ արաւ բարեկամներից, ազգականներից, յետոյ  
աննկատելի վեր կացաւ տեղից ու քայլերն ուղղեց դէպի  
տատի սենեակը:

Բեհեզ տատի սենեակն իր մահից յետոյ մնացել էր  
անձեռնմխելի եւ ամեն ինչ այնտեղ այնպէս էր, ինչպէս  
որ նա ինքն էր թողել: Նոյն կանաչ խաս վերմակով  
ծածկւած քուրսին, վրան ազանձի ճերմակ տոպրակը  
դրած: Նոյն սնդուկները՝ աստիճանական մեծութեամբ  
մէկը միւսի վրայ շարած, դեղին սաթէ համրիչը եւ ոս-  
կեգոյն թելերով հիւսած սիրուն այն գորգը...

Ձաւէնը մի քանի բոսէ տխուր կանգնեց դռան շե-  
մին, չհամարձակւելով ներս մտնել: Յետոյ ներս անցաւ,  
կամացուկ վահից դուռն ու նստաւ բազմոցին:

Այդտեղ, ահա այդտեղ էր կազմւել ու կաղապարւել  
իր հոգին... Կիսախաւար այդ լուսեան մէջ... Այդտեղ  
էր թոխչք առել վառ երեւակայութիւնն իր՝ կտրել ծովեր  
ու լեռներ, պատուել էր խաւարն ու հասել «լոյս փնտոող»  
աղայի ետեւից...

Նա աչքերը վահից ու յենեց պատին:

« Կար չկար մի տղայ կար... »

« Արմաղ, շարմաղ մի տղայ: Արմաւի գոյն ոսկե-  
փայլ մազերով, գիշերւայ պէս մութ ու սեւ աչքերով:  
Ձէյրանի պէս գեղեցիկ դուրս ունէր նա ու սլաճիդ սը-  
րունքներ, վարդ ու շող էր թափւում երեսից ու շրթե-  
րից: Հարս ու սղջիկ, իրենց երազներում, նրա սիրուն

պատկերն էին տեսնում ու նրան տենչում ծառերի թառուտում, վարդերի թփերի տակ կամ կանաչ մարգերում:

« Այն քաղաքն, ուր ասլրում էր չքնաղ պատանին, մեծ, շատ մեծ մի քաղաք էր՝ շրջապատած մշտադալար անտառներով ու պտղատու ծառերով: Մառնորակ աղբիւրներ ու աղամանդեայ ջրվեժներ, մշտահոս առուակներ ու շատրւաններ կային ամենուրեք, որոնց մրմունջներին խառնուում ու նոյնանում էին երգերը դեռատի աղջիկների...—

- « Հէյ ջան ոսկեծամ տղայ...
- « աչերդ բոց, շրթերդ լալ,
- « հէյ տղայ...

« Ո՞վ կար նրան հաւասար: Նրա գեղեցկութիւնը վախ էր ազդում բոլորի վրայ, նա էր երազը բոլոր երկտասարդ ու բոցակէզ հոգիների, սիրոյ աստղն էր նա՝ իրիկնամուտի շառագունած երկնակամարին պլլլլացող այն աստղը, որի ճերմակ փայլն այնքան տաք ու ջերմ խոստումներ էր անում իջնող գիշերւայ հեշտանքների թովիչ հմայքների մասին: Բայց տխուր էր ոսկեծամ տղան, սաստիկ տխուր: Քաղաքն այդ նեղ էր դալիս նրան: Հոգին թռիչք էր ուզում, միտքը սաւառնել տենչում: Մինչ շուրջը խաւար, խաւար էր կարծես:

- « Ո՞ւր գնալ: Ո՞ւր գիմել:
- « Ու մի օր հրաչքն իջաւ երկնքից:
- « Այդ գիշեր, ձմրան մի գիշեր էր:

« Փոքրիկ ու մութ սենեակում, խորասուզած իր մտածմունքների մէջ, նստած էր տղան մեն-մենուակ ու նայում էր թիթեղեայ վառարանին, որ վառուում էր ճարճատելով, բոցեր ու կայծեր դուրս նետելով:

« Ինչպէս եղաւ, ինչպէս չեղաւ, մէկ էլ այն տեսաւ, որ կրակէ մի դունդ, հազիւ ընկոյղի մեծութեամբ, վա-

ռարանի դռան կլոր անցքից դուրս գլորեց եւ ընկաւ սախտակին: Ընկնելն ու միջից կիսելը մէկ եղաւ: Հրեղէն մի թռչուն, բոցէ թեւերը թափահարելով, դուրս եկաւ կրակէ այդ դնդից ու թռաւ, նստեց յատակին:

« Երա՞ց էր, երա՞ց չէր: Թռչո՞ւն էր, թռչո՞ւն չէր... Ի՞նչպէս կարող էր այդպէս պլլլան կրակից շինւած թռչուն լինել...»

« Մինչ այսպէս խորհրդածութիւնների մէջ էր, հրեղէն թեւաւորն իր ոսկէ կտուցը բացեց ու մարդկային լեզուով սկսեց խօսել.

« — Սիրուն տղայ, բարձրաթիւ ես քօղերը սեւ վառադոյրի, որ քաշւած է մարդկանց աչքերի առջեւ, բայց երկինքը լսեց քո աղաչանքը: Դու լո՞յս ես տենչում, խի դրա համար երկնքի հրամանով պէտք է ճամբորդես: Պէտք է գնաս հեռու, հեռո՞ւ երկրներ, շատ ազգեր տեսնես, շատ ժողովուրդների հետ ծանօթանաս եւ շատ լեզուներ սովորես: Այդ լեզուների միջոցով կը կարգաս հրաշափառ գրքեր, կը լսես իմաստունների խօսքեր, շատ բան կը հասկանաս ու կըմբռնես եւ կը փարատել խաւարը...»

« Այս ասելով հրեղէն թռչունն այնպէս չքացաւ, կարծես բնաւ չէր եղել: Վառարանի կրակն էլ մարեց, վերջացաւ ու մութը պատեց սենեակը... »

Ու մութը պատեց սենեակը...

. . . . .

— Սո՛ւս... կամաց... քնած է:

— Շատ էր յոգնած: Ա՛ն այս վերմակը, ծածկիր, թող մի քիչ հանգստանայ:



— Բարի լոյս, Աննա բաջի:

— Աստծու բարին, Ալմաստ: Նոր խաբարից—մարա-  
րից ի՞նչ կայ:

— Ես բան չեմ մանուամ, Աննա բաջի: Հէ՞ր, չէլի  
բան—ման կայ...

— Ձէ՛, քո արեւ, էնէնց մէ բան չկայ:

— Բա, հէ՞ր ես հարցնում:

— Խօսք ա հարցնում եմ էլ, հարցնելը մեղք ա՞:

— Ձէ, բալամ, մեղք չի, համմա ասում եմ, բալքա  
դու էլ մէ բան ես լսել...

— Հալբաթ քի, ո՞վ չի լսել, աղջի: Մէկ բան, որ  
ասում են, մարդ էլ որ ականջ ունի, դէ կը լսի էլի՛... Հօ  
չե՞ս կարող արգելել, որ չլսի:

Ու երկու դրկից հարեւանուհիներն աւելի մօտեցան  
իրար: Ալմաստը, որ փողոցն էր աւելում, աւելը դրաւ  
թեւի տակ ու մէջքը յենեց պատին՝ ամեն դնով Աննա բա-  
ջուն հարց ու փորձ անելու, «Թախ տալու», հաստատա-  
կամութեամբ լցած:

— Ի՞նչ են ասում, Աննա բաջի:

— Էհ, ինչ ասեմ, Ալմաստ ջան: Ժամանակն ա խա-  
բար էլէ, ժամանակը...— ասաց Աննա բաջին ցաւով ու  
վշտով լցած ձայնով:

— Հէ՞ր, Աննա քոյրիկ, էլի դարդերդ միտդ ա՞ ըն-  
կել, — շողքորթ ձայնով հարցրեց Ալմաստը: Նա շատ  
լաւ դիտէր Աննա բաջու մտքի եղածը, որ իրեն համար  
գաղտնիք չէր, բայց տարօրինակ հաճոյք էր դրում նրան  
խօսեցնելու, նրա շրթունքներից լսելու օրւայ նորութիւ-  
նը, նոր եռանդով, նոր գունաւորումով... Ձէ որ ամեն  
մէկն իր ուզածն էր աւելացնում եղածի վրայ, իր ցան-  
կացած համն ու հոտը տալիս նրան:

— Բա ի՞նչ, աղջի, մեր քաղաքի ջէյրանի նման տը-

դաները, խալիսի աղջիկներին առնում, տուն են բերում,  
թէ մենք կրթւած ենք, մենք խելօք ենք, էլ էստեղի աղ-  
ջիկները մեր խաբջին չեն գայ... Մեր նախաւուն, նախաւուն  
աղջիկները մնում են տանը: Բա էսիկը դարդ չի՞, ցաւ  
չի՞: Ես փառք Աստծոյ, աղջիկ չունեմ՝ համմա լումը, քո-  
նը ո՞րն ա, մեր հայ ազգն ա չէ՞, մեր քաղաքի աղջիկ-  
ներն են չէ՞... Ես էլլեմ, դու էլլես, եա Փլանքեասը էլլի,  
հաշիւը մէկ ա:— Խօսեց Աննա բաջին գլխի թաշկինակն  
ուղղելով ու մազերը ճակատի վրայից գոյգ ձեռքերով  
յետ—յետ անելով:

— Էդ ո՞ւմ մասին ես ասում:

— Դէ, էն սեւ կապուտ Նուբարի տղին եմ ասում էլի:  
Հալբաթ իրանք կիմանան, իրանց տղէն, ես իմ իմա-  
ցածն, իմ հասկացածն եմ ասում:

— Գեղի էտիկն ո՞վ ասաւ:

— Ինձի Հնազանդն ասաւ, թէ բա չասես, էսէնց—  
էսէնց բա՛ն...

— Հնազանդն ո՞վ ա:

— Հնազանդն, չե՞ս իմանում, էն Ծընդըղ Մկրտչի  
կնիկը:

— Կտուր մեռնողի աղջիկը:

— Հա էլի, էն որ քիւֆթա Սօֆիի հայաթն ա քրէհ  
արել:

— Հա՛, հասկացամ:

— Ախր Հնազանդն տիկին Սաթենիկի շոր լացողն  
ա...— աւելացրեց Աննան նշանակալի ու խորհրդաւոր  
Ժպիտով գլուխը թեքելով դէպի իր խօսակիցը, որ իբր  
գարմացած նայեց նրան:— Հիմա, ասում են, կարգին սուգ  
ա անում, սեւ ա հագել, տանից էլ դուրս չի գալիս:

— Տեղն ա, — վրայ տաւ յանկարծ Ալմաստը, այլ  
եւս անկարող շարունակելու իր չինծու անտարբերութիւ-

նը, — տեղն ա, մէկն ասող էլլի, մէ բան, որ հաստատ  
չես իմանում, ո՞ւր ես խալխին նստում ու պատմում՝ թէ  
Չաւէնն էսէնց էլաւ, աղջիկս էնէնց էլաւ... Հեռուից հե-  
ռու նշան դրածը էտէնց կէլլի:

— Էդ տիկին Սաթենիկը շատ էր ուռում, փուքսն  
ընկաւ: Ուր որ նստում էր՝ իմ աղջիկներս Փռանդ են, իմ  
աղջիկներս մէ հատիկ են... Մէ հատիկ դարդի եկան:

— Ասում են Նուբարը դնացել ա մօտը, չի ընդունել,  
ասել ա, ասէք տանը չի:

— Հալբաթ չի ունդունի, պատելի հարց ա:

— Համա՞ Նուբարը շատ մեղք չունի, Աննա բաջի,

— յարեց Ալմաստը:

— Ունի՛, Ալմաստ, ունի: Իրան կտրտում ա, թէ  
էրէխէրքիս ուսում պէտք ա տամ: Եարաբ, էտ ուսումից  
մարդ բլւնուղ ա հանում, ես կոտոջ: Էն ա Խնեցի Մեսրո-  
պի տղէն, ինչ պահաս սղայ ա, ոչ Ռուսաստան ա դնա-  
ցել, ոչ Յրանգստան: Շէնքով, շնորհքով մէկն ա, լաւ էլ  
փող ա աշխատում:

— Խնեցի Մեսրոպի տղէ՞ն... Էնիկը բան չի աշխա-  
տում:

— Ո՞վ ասաւ, ամօթ ա, ամօթ. ես լաւ եմ իմա-  
նում, աշխատում ա, ինքն էլ ուսում առած տղայ ա:

— Ուսում առած տղան կօչկակարութիւն չի անի:

— Ո՞վ ա կօչկակարութիւն անում, տեսա՞ր որ չես  
իմանում: Մեսրոպի տղէն Նուբարի տպարանումը դրաշար  
ա: Ես քեզի ասում եմ էնիկը ուսումնական ա, ամեն բա-  
նից դլուխ ունի՛ թողլթի, դրքի մէջ ա սաղ օրը...

Ալմաստը գինաթափուկեց... Լուեց եւ վերցնելով կող-  
քին դրւած ջրով լի ցնցուղը, շտապ-շտապ սկսեց փողո-  
ցը ջրել՝ ջանալով չափցնել այն կողմը, որտեղ Աննա  
բաջու տունն էր սկսուում: Աննա բաջին այդ դպաց, քթի  
տակ ինչ որ բան փոփսաց ու բարկացած ներս մտաւ:

Ալմաստը, ձեռքերը կողքին դրած, մի քանի բոպէ  
սպասեց, մինչեւ որ փողոցը սարսափ, յետոյ փէշերը հա-  
ւաքեց, մէջքի վրայ հանգոյց արաւ ու սկսեց աւլել՝ աչ-  
քերը մէկ-մէկ դէպի հարեւանուհու ճեղք թողած դռան  
կողմը դցելով:

— Աննա բաջի՛... — Ալմաստը մօտեցաւ հարեւա-  
նուհու դռան: — Աննա քոյրի՛կ... Ախր խօսքներս կխստ  
մնաց...

Աննա բաջին, որ դռան ճեղքից զգուշութեամբ նրան  
էր դիտում, ոտքի ծայրերի վրայ յետ-յետ դնաց ու ձէն-  
ծպտուն չհանեց:

Ալմաստը մի վերջին անգամ քննական հայեացքով  
նայեց նրա դռան՝ — դարդս հէնց դու էլլիր... — ասաց  
նա ինքն իրեն ու ցնցուղը վերցնելով աղմուկով ներս  
մտաւ:

Չաւէնն ամբողջ օրը մնաց այդու՛մ: Նստեց սառնորակ առուակի եզրին, սուերաշատ ծառերի հովանու տակ, կերաւ պարտիզպանի բերած ճաշը, գրուցեց նրա հետ ու նորից փուռեց խոտերի մէջ:

Ի՛նչ լաւ էր այդպէս մենակ լինելը... Մենակ այնտեղ, ուր իւրաքանչիւր ծառ հարադատ է քեզ, ուր հոսող ջրի կլկլոցը ծանօթ ձայնով խօսում է հետդ, ուր դեփիւռն ու հովն խի քեզ հին սիրահարի պէս են շոյում ու դգւում:

Միջօրէ էր: Լուռ էր աշխարհը: Ծառերի տերեւները թափանցիկ մի մթութիւն էին սփռում իրենց շուրջը: Դաշտային ծաղիկները, սմբուլներն ու երիցուկները, դունագեղ թերթիկների վրայ, բացել, փուռ էին իրենց հողիներն ու նրանց բուրմունքն ուժեղացել էր: Կասոյտից կախած շլացուցիչ սկուտեղից վար թափւած ոսկեման լարերին անտեսանելի մատներ էին հպւում ու թափւում էր ճերմակաշող երաժշտութիւնն այդու խաղաղութեան վրայ:

Բնութիւնը տազնապի բոպէներ էր ապրում...

Միջօրէ էր...

Մի բան էր կատարւում բնութեան ծոցում, խորհրդաւոր, թաղուն մի բան... Ու աշխարհը լուռ սպասում էր... մինչ երկնքի լայնաբաց դռների առաջ ցնծղաներ էին շառաչում:

Այն դոյզ չինարները, որ Չաւէնի յիշողութեան մէջ անընդհատ դառնում էին, պտտում այնտեղ՝ ծննդավայրից հեռու ցուրտ այն քաղաքում... Որ սահող հազարաւոր դէմքերի ու երեւոյթների միջից ցցւում էին յանկարծ նրա մտապատկերի առաջ, ահա մեծացել բարձր-բարձր ծառեր են դարձել:

Չաւէնը կարօտել էր նրանց ու այցի էր եկել:

Ինչ լաւ էր, որ ոչինչ չէր փոխել այդ այդու մէջ...— Այլ ու ձախ կողմերում ընկած նոյն ծառոտ կածանները, կլոր աւազանը, փոքրիկ առուակի մշտահոս ջրի կլկլոցը, այնտեղ, վարը, անհամար նշենիներ եւ նոյն պարտիզպանը:

Իր վերադարձի առաջին օրերն էին: Չաւէնը ողջ քաղաքը պրպտելու էր ելել: Փնտրում էր կարծես մի բան, թանկագին մի բան, որ տարիներ առաջ թողել էր այդտեղ՝ ամեն փողոցի, ամեն նրբուղու քարի ու ծառի, դպրոցի բակի, ծանօթ դէմքերի վրայ սփռւած, դեռ չմեռած, դեռ թփրտուն յիշողութիւն մի անցեալ կեանքի, որ էր սկիզբն իր ներկայ գոյութեան:

Չաւէնն ամեն տեղ իրեն էր փնտրում, իր էութեան առաջին կէսը որոնում:

Տարիներ առաջ էր...

Չոյզ չինարների կատարներին, վերջալոյսով ողողւած չքնաղ մի իրիկուն, նա նետեց իր հողին...

Արևի սպաղուն նետերի ծայրին դէմ տաւ իր պատանի սիրտը:

Ջրի քաղցր մրմունջին խառնեց իր դադտնիքների գեղը, լուսնին, երկնքին ու ամպերին սպտմեց իր տենչերը:

Երազեց դպրոցի քարերի վրայ նստած, փորագեց իր անունը դասարանների սեղաններին, որ անջինջ մնայ, յուսալի ու թախծոտ հայեացքով նայեց ուսուցիչներին,

որ խրախուսանքով նրա ուսն էին թոթուում ու վառ ապագայի, փայլուն ապագայի երազը սեղմեց կրծքին...

Այժմ եկել իրեն էր փնտրում:

Այն օրերին Ջաւէնը յաճախ ասում էր ինքն իրեն.— Ի՞նչ գեղեցիկ է կեանքը, այս անծայրածիր, այս անըմբռնելի տիեզերքի մէջ... — Ու Ջաւէնն զգում էր, որ առօրեայից բացի կայ, գոյութիւն ունի ուրիշ մի քան... Տաք ու յորդ մի հոսանք կայ մարդու մէջ՝ անբացատրելի զգացմունքների, հեռունների եկող տեսիլների, մութի մէջ բռնկւած լոյսերի մի հոսանք, որի փայլն անցնում է սերնդէ-սերունդ: Յետոյ, այդ բոլորից բացի, կայ նաեւ այն, որ է Ամենագլխաւորը, բուն պատճառն ու միեւնոյն ժամանակ նպատակն ամեն ինչի եւ նրա հետ է կապւած սպասումը յաւիտենական:

Այդ Սպասումի ծայրին փայլում էր խոշոր մի աստղ:

Այդպէս էր մտածում Ջաւէնն այն ժամանակ:

Չինարները վերից սլսյում էին: Ջաւէնը պառկած խոտերի մէջ՝ նայում էր նրանց ու նրան թւում էր, թէ այնտեղ, վերեւում, կանաչ տերեւների միջում, դեռ կար մի մասնիկ իր նետած հոգուց:

Ծառերն այնպէս դեղեցիկ էին այդ պահին... Նրանց գազաթների տերեւները, որոնց վրայ արեւն էր շողչողում, թափանցիկ դոյն էին ստացել ու այնպէս անշարժ, այնքան հլու, կախւել էին բարակ ճիւղերից, կարծես անխօսութեան մասնւած կենդանի էակներ լինէին, որ թեթեւ մի գեփիւռի հպումից զարմանալի ճկունութեամբ պիտի օրօրէին իրենց նուրբ մարմիններն ու այնքան դեղեցիկ բաներ պիտի պատմէին արեւի ջերմ ճառագայթներին տոչորուն համբոյրների մասին, օղի թափանցիկ պայծառութեան մասին...

Ինքը դնաց ու վերադարձաւ: Վերադարձաւ կատարեալը բերելով, իր թողածը շարունակելու համար: Վերադարձաւ բանալիների մի կապոց թեւի տակ, փակ դռները բանալու համար... Մինչ իր թողած հողին բաժան-բաժան եղած, ահա հոսող առուակի ջրի պղպջակների մէջ հալւել, հոսել է կամ չինարի կատարին թառած, անտեսանելի է դարձել այլեւս:

Ջաւէնը ճիգ էր թափում վերականգնել իր մէջ իր հին հուժիւնը, վերակենդանացնել իր մէջ հեռաւոր մի սրտիկեր... Հեռաւոր մի պատկեր...

Ինչ պատկերի մասին էր խօսքը...

Ու թւում էր Ջաւէնին, որ այդ մէկը՝ առուակի եզրին պառկած այդ մէկը, ինքը չէր այլեւս, այլ իր... Իր եղբա՞րը մի գուցէ...

— Տիգրանս, Նատա ջան, բոլորովին Ջաւէնի նման է: Նոյն ճակատն ու աչքերը, նոյն բերանը, միայն Տիգրանն աւելի բարձրահասակ կը լինի, Նատա ջան:

Նուբարը սեղանատան մէջ, Նատայի հետ միասին, իր հետ բերած պտուղները դամբիւղից հանում, ջրով լի ամանի մէջ էր տեղաւորում:

— Ի՞նչու դու չես մասնակցում Ջաւէնի գրօսանքներին:

— Նա մենակութիւնն է գերադասում, իսկ ես չեմ ցանկանում խանդարել նրան: — Պատասխանեց Նատան:

— Սրանք իմ սիրած պտուղներն են:

— Իսկ այս, Նատա, կարմիր այս խնձորը, չե՞ս սիրում միթէ: Աշուղի խնձոր է կոչւում սա, սիրոյ խնձոր, որ միայն մեր երկրումն է ծաղկում:

— Այստեղի պտուղներն աննման են:



— Տիգրանս, Նատա ջան, բոլորովին Չաւէնի նման է: — Նուբարը հազաց. — իսկ դու, Նատա, դու ի՞նչ կարծիք ունես իմ Չաւէնի մասին:

— Չաւէնը սքանչելի տղայ է, — սլատասխանեց Նատան սլարդութեամբ, շարունակելով կրծել ձեռքի կիսատ խնձորը:

Նուբարի աչքերը փայլատակեցին եւ նրա հոգու խորքում յանկարծ ջերմ մի զգացում ծնեց Նատայի հանդէպ:

Ճիշտ է որ Նատայի յայտնումով փշրեւել էր Նուբարի երազն ու տան մէջ հասկանալի մի խորթութիւն առաջ եկել, բայց կամաց-կամաց հարթում էր կարծես ամեն բան: Մանաւանդ որ տիկին Սաթենիկը մի քանի օր առաջ աղջիկներին ու monsieur Jean -ի հետ միասին, հեռացել էր քաղաքից...

— Méditerranée -ի ափին villa պէտք է դնեմ, — սսեւել էր տիկին Սաթենիկը, — Նորան պէտք է ամուսնանայ, իսկ Մարգարիտը conservatoir պէտք է մտնէ:

Տիկին Սաթենիկի մեկնումը Նուբարին ներքին դուռնակութիւն էր պատճառել: Նրա ներկայութիւնն այդ քաղաքի մէջ մի քիչ նեղում էր նրան: Ու երբ մի օր, առաւօտ շուտ գործի գնալիս, տեսել էր նա տիկին Սաթենիկի դուռերի առաջ կանգնած կառքերը, ճամբորդական պայուսակները, սիրտը տարօրինակ թեթեւութիւն էր զգացել:

Սկզբում Նուբարը փորձել էր վերականգնել տիկին Սաթենիկի հետ իր հին բարեկամութիւնը, բայց նրա բուր ջանքերն սպարդիւն էին անցել...

Չաւէնի վերադարձի առաջին իսկ շաբաթը Նուբարը փորձել էր այցելել նրան: Պէտք էր վերջապէս բացատրել, խօսել, ասել... Եւ ի՞նչու կորցնել այդպիսի լաւ բարեկամութիւն: Ի վերջոյ, եղածն ի՞նչ էր որ...

Նուբարին ընդունել էր ինքը Մարգարիտը, չափազանց սիրալիր, որ մեծ գարմանք էր պատճառել նրան, յետոյ եկել էր Նորան, բժիշկը, բայց տիկին Սաթենիկը դուրս չէր եկել... Եւ Նուբարը տուն էր վերադարձել առանց նրան տեսնելու:

— Եւ խելացի տղայ է, այնպէս չէ՞, Նատա:

— Այո՛, Չաւէնը խելացի տղայ է:

— Ո՛ւրեմն... քո կարծիքով...

Նատան նայեց Նուբարին:

— Ուզում եմ ասել, Չաւէնիս ասպզան...

— Ես համոզւած եմ, — վրայ բերաւ Նատան, — որ Չաւէնին լաւ ասպզայ է սպասում:

— Ի՞նչպէս, ի՞նչպէս կարողացար հասկանալ այդ...

— Հազիւ արտասանեց Նուբարը, հիացմունքի ժպիտը լայնացած բերանի վրայ դողդողացնելով... — Ասա՛, սլատմիր, ի՞նչպէս... Դու ի՞նչպէս կարողացար...

— Պատմե՛մ: Ի՞նչը:

— Ի՞նչպէս իմացար դու այդ... այդ... որ նա խելացի է, որ...

Նատան հասկացաւ, հայրը մանրամասնութիւններ էր ցանկանում իմանալ Չաւէնի կեանքից: Եւ Նատան սւրախ-ուրախ սլատմեց ամենը, ինչ որ ինքը դիտէր Չաւէնի մասին:

— Համալսարանում Չաւէնն առաջին ուսանողներից մէկն էր, — ասաց նա:

Նուբարը լսում էր դործը կիսատ թողած, մէկ ձեռքին մի քանի հատ սալոր ճղմած, միւս ձեռքը ջրով լի ամանի մէջ պահած: Նա շարունակում էր ժպտալ ու հիացած նայել Նատային եւ վերջապէս էլ չհամբերեց... կռացաւ ու համբուրեց Նատայի ճակատը:

— Դու ինձ միանգամայն երջանկացրիր, միանգամայն երջանկացրիր: Ես... ես... բացարձակապէս քո

կարծիքին եմ... Ես պաշտում եմ Ձաւէնին ու հպարտ եմ նրանով, Նատա՛, չափազանց հպարտ: Ձաւէնիս փայլուն ապագայ է սպասում...

Նուբարը խօսում էր կարծես երազանքի մէջ ընկած մէկի պէս:

— Ախ, ես միայն մի բան եմ ցանկանում, — ասաց նա յուզւած ձայնով, միայն մի բան... Որ երբ ժամանակը դայ, Ձաւէնս հասնի իր փայլուն ապագային ու մարդիկ հիանան նրանով, յիշեն եւ ինձ, եւ ինձ... նրա հօրը, որ Արեւելքի այս հեռաւոր քաղաքի մէջ ընկած, ըմբռնեց կրթութեան արժէքն ու ոչինչ չխնայեց իր որդու համար...

Նուբարի ձայնը կտրւեց:

Մի քանի բոպէ երկունս էլ լուռ էին:

— Իսկ ի՞նչ ես կարծում, Նատա ջան, Ձաւէնս ո՞ր ասպարէզի մէջ է, որ պէտք է բարձրանայ:

— Ներկայումս այդ դժւար է որոշել, բայց նա շատ կը բարձրանայ:

— Շա՛տ կը բարձրանայ... — կրկնեց Նուբարն ու խորասուզեց մտածմունքները մէջ:

— Գիտե՞ս ինչ. — ասաց Ձաւէնը նոյն գիշեր Նափային:

— Ի՞նչ:

Սենեակը լուսաւորւած էր լուսնի լոյսով ու տան մէջ ամենքը քնած էին արդէն:

— Տեսնում ե՞ս երկար այդ խողովակը, որ այդպէս ողողւած է լուսնի լոյսով:

— Տեսնում եմ, — ասաց Նատան յենեկով թեւին:

— Երբ ես փոքր էի, ես կարծում էի այդ ճեմակ խողովակի մէջ բարի ոգիներ են ապրում ու այնպէս եր-

ջանիկ էի... Գնում էի, ձեռքս դնում խողովակին ու անասելի գորութիւն էի ստանում՝ կարծես թէ թալիսման լինէր այդ խողովակը: Ես չգիտէի, որ ես երջանիկ էի, որովհետեւ մանուկ էի... Հիմա՛ արդէն մեծացել եմ ու թալիսմանն այլեւս չի ազդում վրաս:

— Դու քանի՞ տարի ես ապրել այս տան մէջ, Ձեօ֊վա:

— Տասնըեօթ տարի:

— Իսկ այս տունը հի՞ն տուն է:

— Շատ հին, Նատա:

— Իսկ քո մանկութիւնը դեղեցի՞կ էր, Ձեօվա:

— Իմ մանկութիւնը հէքեաթ էր, Նատա:

— Բո ծնողները քեզ շատ են սիրում:

— Ես էլ նրանց եմ շատ սիրում:

Երկունս էլ լռեցին:

Ձաւէնը ձեռքերը դրեց դիւսի տակ ու շարունակեց պառկած դիտել՝ դիմացի պատերը, տանիքները, երկինքը... ու այդ բոլորը, բաց լուսամուտից, շրջանակի մէջ տեղաւորւած մի տեսարանի էր նմանում:

— Ի՞նչ ես մտածում:

— Ես մտածում եմ, որ վերջ ի վերջոյ, իմ ծնողները երջանիկ մարդիկ են: Հայրս արդէն յիսունի մօտ, շարունակում է նոյն եռանդով իր աշխատանքը, եւ նրա հօգին միշտ լցւած է հաւատով ու սիրով: Մայրս սիրում է կեանքը՝ երիտասարդ աղջկայ անխարդախ սիրով, վայելում է ընտանեկան օջախի քաղցրութիւնը, դաւաղների սէրը... Իսկ ե՞ս...

— Իսկ դո՞ւ...

— Իսկ ես մտածում եմ՝ ահա պառկած եմ ես այստեղ, փոքրիկ այս սենեակում, որ տիեզերքի ջնջին, աննշան մի անկիւնն է. կեանքի համար ի՞նչ արժէք ունի

իմ թշւառ գոյութիւնը... Ես պէտք է ապրեմ յիսուն, վաթսուն, եօթանասուն տարի, իսկ այդ տարիներն այնպիսի ոչնչութիւն են յաւիտենականութեան համար... Յաւիտենականութիւն, ուր ես չկամ ու չպիտի լինեմ՝ ես փոքրիկ մի հիւլէ... Եւ մինչդեռ հոսում է արիւնն իմ երակներում եւ ուղեղս անդադար աշխատանքի մէջ է, ճիգի մէջ է... Ինչ անտանելի է... Իսկ եթէ հեռուից նայելու լինես այս կեանքի վրայ, որով ապրում են այստեղի մարդիկ եւ այն երջանկութեան, որով լցնում են նրանք իրենց գոյութիւնը, թւում է թէ ի՞նչ կարող է լինել աւելի լաւ: Իսկ մենք ձանձրանում ենք...

— Մենակ դրօսնելը քեզ մերամաղձութեան մէջ է դրում, — շնջաց Նատան ու շուռ եկաւ միւս կողքի վրայ:

Մի քանի րոպէից յետոյ Չաւէնը լսեց նրա հանդարտ շնչառութեան ձայնը:

— Մարդկային հոգին մենակ, մենակ է ողջ տիեզերքի մէջ... — մտածեց Չաւէնն ու աչքերը յառեց ճերմակ խողովակին:

#### 4

Նստած լուսամտոյ տախտակին ու կռացած Փրանսերէն մի դրքի վրայ, Վարդենին կարդում էր յափշտակւած:

Բարձր ու ճկուն մարմին ունէր նա, սեւ ու երկար հիւսեր. աչքերը նման էին շահանի խաղողի կլոր հատիկներին, որոնց մէջ խորասուզողն առաջին վայրկեաններէ քաղցր գգացողութիւնից յետոյ, հարբում էր ու լցւում անդուսպ տենչով:

« Մաղամ Ռեկամիէն ծնւել է 1777ին: Նա արտասովոր հմայք ու գեղեցկութիւն ունէր, մաղամ դը Ստալի անձնական բարեկամուհին էր՝ հալածւած Նապոլէոն Առաջինից: Դաւիթ նկարչի նկարը, որ դտնւում է Լուվրի թանգարանում... »

Աւարտական դասարանում էր Վարդենին ու իր հոգու մէջ հաւաքած արեւելքի ճաճանչները բոլոր, նայում էր կեանքին երազային փախտով: Տերեւերի սօսափիւնը, դեփիւռի չուն, ծաղիկների բոյրը, արտուտի ճախրը՝ ամեն, ամեն ինչ թիթեռնիկի թեւերի վրայ հրաշքով մաղած դունազեղ փոշու նման մաղւում էր նրա հոգու նուրբ թեւերի վրայ, նախշում նրանց հազար տեսակ նախշերով, հազարադոյն դոյներով ու թիթեռնիկ իր հոգին ծաղկից ծաղիկ, թփից թուփ էր թռչկոտում՝ հաւաքելու համար նեկտարն անմահական:

Սիրտը բաց էր երկնքի նման, միտքը խաղաղ ու վճիտ, ժայռերի արանքում հրաշքով ընկած կապուտակ լճակի նման, ուր երկնքի կախարդանքներն են կաթում միայն, նրա բուրեղ ջրերի մէջ հանդէպու համար:

« Իր սալոնը կենտրոն էր բոլոր մեծ իշխանների, բանաստեղծների ու նկարիչների, որոնց նա ընդունում էր իրեն յատուկ շնորհալիութեամբ: Մեծ գրող Շատորբիանը սիրեց նրան, բայց մաղամ Ռեկամիէն մերժեց ամուսնանալ ու մեռաւ մենակ, քաչաւ հեռաւոր վանքի նեղ մի խցիկի մէջ »:

Վարդենին թեթեւ մի յոգևոց հանեց ու շարունակեց թերթել պատկերապարզ ժողովածուն: Ահա մաղամ Վիժէլը Բոէօնը եւ իր աղջիկը, նկարած իրեն, նկարչուհու կողմից: — « Տակաւին տասնըհինգ տարեկան չկար նա, երբ նկարեց իր մօր մեծադիր նկարը: Նրա տաղանդի լուրը հասաւ Անտուանէտ թագուհուն, որ շատ սիրեց երիտասարդ այդ արւեստագիտուհուն ու հովանաւորեց նրան... »

Նա երազկոտ աչքերը դամեց լուսամուտի ապակուն, որի թափանցիկ ճերմակութեան վրայ, դժադրել էր իր դէմքի նուրբ անդրադարձումը: Վարդենին նայեց նրան մի քանի րոպէ. այնպէս, օտարի պէս... Նայեց, նայեց, սիրուն այդ դիմադժերին... Այնքան կենդանի, այնքան թրթռուն երեւաց իրեն այդ պատկերը... Նրա հոգում սիրոյ ու ծածուկ տենչի պէս մի բան արթնացաւ:

Ճերմակ պատին հպած ապակու մէջ արտացոլած այդ դէմքը, չնաշխարհիկ դոյութիւն էր նրա համար: Ո՞րտեղից, ի՞նչպէս ծնւեց նա՝ անիրական այդ իրականութիւնը, որ ծոռում էր դլուխը քնքոյշ նազանքով, սեղմում շրթունքները, շարժում ոլորուն երկար հիւսերը, թարթում խոշոր թարթիչները... Ու այդ բոլորը ճեր-

մակ, ճերմակ, հազիւ ձեւաւորուած դժերով... Երազ ու հէքեաթ... Պատրանք ու տեսիլ...

Պատկերի շուրջը, ծառերի ճիւղերի անդրադարձումը, դիտաւորեալ զարդարանք էր հիւսել.— աջից ահայիտ լայն ճիւղն էր ձեռքը մեկնել, ձախից որթատունկի հինդթերթ տերեւներն էին երևում եւ վարից ու վերից լուսամուտի դուզահեռ դժերը շրջանակաւորում էին նրան:

Արևելի կիզիչ ճառագայթների տակ բակի աղլւսներից տաք շունչ էր բարձրանում: Սեղանատան լուսամուտները ծածկւած էին թանձր վարագոյրներով: Սեղանի վրայ, ջրով լի ամանի մէջ, թարմ պտուղներ էին դրւած, որ սառոյցի թափանցիկութեան մէջ դարմանալի խաղ էին սարքել.— ծիրաններն ուռել, դնդակներ էին դարձել, տանձերը տափակել, կպել էին յատակին, կարմիր սալորները դունատել՝ բաց վարդագոյն էին դարձել: Մէկ-մէկ յանկարծ հալւած սառոյցի մի կտոր, ընկղմում էր ջրի տակ, մի վայրկեան հպում պտուղների փափուկ մարմիններին, շիթթութեան մատնում նրանց ու նրա շփոցը աղմուկ էր թւում զարմանալի այդ խաղաղութեան մէջ:

Դռների ու պատերի ետեւ դտնւող փողոցներից անցնող հազւադէպ անցորդների ոտնաձայները, դետնի տակից եկող խուլ հարւածների նման, դարնւում էին մարդու ահանջին: Իսկ սենեակի մէջ լուում էր միայն ճանձերի բզրոցը:

Պարտէզի հովասուն ծառերի տակ, կապերտի վրայ, թեք էին ընկել Ջաւէնն ու Նատան:

— Տե՛ս, Նատա, տես, այս այն ծառն է, որի ծայրին ես վերջալոյսը դիտելու էի մաղլցում: Ահա եւ իմ թթենին, որի ճիւղերի միջում տեղաւորւած, խորասուղ-

ուում էի ընթերցանութեան մէջ ու մնում այնտեղ ժամերով:

— Տես, Նատա, տես, ջրհորի փայտին քանդակած իմ անունը, մառանի դռան հարթ ու լայն քարը. նրա աջ կողմը դարձեալ աւելի բարձր է քան ձախը ու ամեն անգամ մառան իջնելիս պէտք է դուրսդ կուացնես, չէլիսչելու համար դէմ դիմաց ցցած այն կարասին, որի մէջ վհուկներ են ասլրում... Որքան խորհրդալի է մեր տունը, չէ՞, Նատա:

Նատան աչքերով հետեւում էր Չաւէնի ցոյց տւած առարկաներին ու անտարբերութեամբ ժպտում: Մինչ Չաւէնն աշխատում էր իր մէջ հրահրել, բորբոքել անցեալը:

Յանկարծ նա սկսեց բարձրաձայն ծիծաղել:

— Նայի՛ր, Նատա, նայի՛ր, խնդրում եմ... Ձիս, իմ փայտեայ ձին...

Նատան դուրսը դարձրեց Չաւէնի ցոյց տւած կողմը: Իրօք, այնտեղ, ծառի տակ, կանգնած էր խոշոր, բայց արդէն փչացած՝ բաշն ու պոչը ոչնչացած փայտեայ մի ձի, որ մի քանի օր առաջ Մանին տունը մաքրելիս, գտել էր ջրամբարի գլխին նետած հին աթոռների ու սեղանների մէջ: Անուշն իսկոյն նրան սեփականացրել էր ու շղթայով կապել ծառին, որ չփախչի...

Չաւէնը նորից ծիծաղեց, բայց յանկարծ նրա աչքերը լցւեցին տխրութեամբ... — Ի՞նչ էր մի ժամանակ իրեն համար փայտեայ այդ կենդանին, որի մէջքին ցատկելով, նա՛ փոքրիկ տղայ, այնքան հեռու-հեռու էր կարողանում թռչել... Որքա՞ն բան էր տեսնում նա, երբ աչքերը փակած մտրակում էր ձիուն ու սլանում... Ճանապարհը լայն էր ու անծայրածիր: Իր աչքերի առաջ չկար սահման, իր մտքի համար չկար վախճան:

— Այնպէս չէ՞, Նատա, այն, ինչ կարողանում է մարդուն տալ երեւակայութիւնը, այն, ինչին որ մարդը

կարողանում է հասնել երեւակայութեամբ՝ դգալ, թափանցել, տեսնել բոլոր անբացատրելի, անտեսանելի համարւած երեւոյթները, այդ բոլորը հետագայում կորսւում, անյայտանում են, երբ գարդանում, մշակւում է միտքը:

— Ի՞նչպէս:

— Միտքը մէկդի է նետում երեւակայութեան ուժն ու ամեն բան հիմնում տրամաբանութեան վրայ: Մինչ երեւակայութիւնը սահման չունի, չի ենթարկւում տրամաբանութեան գծած սահմաններին: Երբ ես նայում եմ կեանքին, մեր դեղեցիկ պարտէզին, ջինջ երկնքին ու այս սքանչելի ընկուզենուն, որի հովանու տակ այսպէս մեղկացած փուխ ենք հիմա, ես տեսնում եմ ամեն ինչ, ճիշտ այնպէս, ինչպէս մի ժամանակ: Եւ սակայն դգալ այնպէս, ինչպէս առաջ էի գգում՝ թափանցել այս բոլորի թաղուն հութեան, կախարդական արժէքները մէջ, բռնել այն, ինչ որ հասարակ լեզուով չի կարելի ասել, լսել խորհրդալի կանչը բնութեան, թափանցել անտեսանելի մէջ, ես այլեւս չեմ կարող: Եւ սակայն, այդ է իսկական հարստութիւնը կեանքի, մինչ ես աղքատ եմ: Եւ այդ՝ որովհետեւ միտքս շատ է ներկայ ամեն տեղ. ամեն գղացողութեան, ամեն յոյզի ու ասլրումի մէջ նրա քննադատ, նրա պրպտող ներկայութիւնն դգալի է: Միտքը կաշկանդում է հողին ու նա այլեւս չի կարողանում իր սեփական դօրութեամբ թափանցել երեւոյթների մէջ, նա աստիճանաբար կորցնում է իր ընդունակութիւնն ու ամեն ինչ դունատում է...

— Կեանքի մէջ միշտ առեղծւած ես փնտրում, Չեովա:

— Ի՞նչու, Նատա: Ճշմարիտ չե՞ն ասածներս:

— Դուք հայերդ առհասարակ շատ էք սիրում փի-

լիստիայել եւ շատ բան էք սրահանջում կեանքից, դուցէ  
այն, ինչ որ նա չունի:

— Մենք ցանկանում ենք հասնել կատարելութեան,  
իրական կատարելութեան:

— Բայց ի՞նչու՞մն է կայանում իրական կատարելու-  
թիւնը:

— Ի՞նչպէս բացատրեմ... Ա՛յն, ինչ որ, եթէ կու-  
ղես, այն ինչ որ մեր մանուկ երեւակայութիւնն իր ամ-  
բողջ ուժով կարողանում էր զգալ...

— Փայտէ ձիով թռած ժամանակ... — հեղինակ  
Նատան:

— Ճիշտ այդպէս, փայտէ ձիով արեւը ճեղքելու  
ժամանակ... Ա՛յն, ինչ որ մատչելի է երեւակայութեան,  
ըմբռնելի է հոգուն, այդ բոլորը հասկանալ եւ ըմբռնել  
մտքով, անտեսանելին տեսանելի դարձնել, ցրել մեղ սլա-  
տած խաւարը, սլաճառացնել միտքը... հասնել դերա-  
զոյնին, գտնել գերազոյնը... Այդ է թաղնւած մեր հո-  
գիւնների խորքում:

— Արեւելքի տարտամ մշուշի մէջ թաթախւած դգա-  
ցողութիւններ... —

Ձաւէնը չսրատասխանեց: Նա մի վայրկեան անդա-  
դարձաւ իր վրայ՝ իր ներքին աշխարհի վրայ, իջաւ իր  
մէջ ու տեսաւ այնտեղ երկուութիւնն իր ենթադրեալ միա-  
տարր անձի... Ի՞նչ ասէր: Գլուխը բարձրացրեց, նայեց  
վերեւ... Երկինքը մտածկոտ, կասկած իր աչքերով վար  
էր նայում:

Ձաւէնը յանկարծ խորը, խորը մի տխրութիւն զգաց:

— Ախ, Նատա, Նատա, ճշմարտութիւնն այն է, որ  
ներսս այրում է:

Ձաւէնը բռնեց նրա թեւից ու գլուխը յենեց ուսին.

— Միշտ իմ հոգու մօտ եղիր, Նատա, մի թող ինձ  
մենակ:

Նա փակեց աչքերը:

Дух безпокойный, дух порочный,

Кто звал тебя во тьме полночной.

— Ինչ խորն ու վեհ է սլաւոն հոգին, — մտածեց  
Ձաւէնը՝ գլուխն աւելի հպելով Նատայի ուսին, — նրանք  
այնպէս խորաթափանց են, այնպէս զգայուն ու հասկա-  
ցող:

Բայց իր մէջ ուրիշ մի մարդ, մի դուցէ այն, որ էր  
խսկականը, անորոշ շարժումներ էր անում, ինչ որ բա-  
նեք ասում, որ Ձաւէնը լաւ չէր կարողանում հասկանալ:  
Գոգնուցութիւնը, շաղախւած մութ տրտմութեամբ, սլատել  
էր հոգին ու մոլորւած միտքը ցատկոտում էր սլաւոն  
հոգու շուրջը, կպչում էր նրա փեշերին, կախ ընկնում  
թեւերից:

— Ներսս, այստեղ մի բան կայ, որ նեղում է ինձ,  
Նատա:

— Ի՞նչ բան:

— Ձեմ կարող բացատրել: Անհաճոյ մի զգացմունք:

— Ձարմանալի է, — ասաց Նատան արհամարհական  
քրքիջով եւ ուսերն ուժգնօրէն վեր քաշելով, — դարմա-  
նալի է:

Ձաւէնը փշաքաղեց այդ ցնցումից... Բարձրացրեց  
գլուխն ու նրա աչքերը յանկարծ հանդիպեցին Նա-  
տայի սառն ու անտարբեր աչքերին... Ձաւէնի մարմնով  
մի սարսուռ անցաւ: Նատան խսկոյն զգաց այդ ու ջանաց  
ժպտալ, բայց Ձաւէնը վախեցածի պէս աշխտեց խուսա-  
փել նրա հայեացքից ու ծանօթ պաղութիւնն անմիջապէս  
տարածեց նրա երակները մէջ...

Չոր, ծակող պաղութիւն, որ Ձաւէնը շատ անդամ-  
ներ էր զգացել արդէն...

Նա մինչեւ անգամ յիշում էր այն նշանակալից օրը,

երբ առաջին անգամ օտարոտի այդ զգացումը բռնել էր իր հոգին: —

Ութ տարի առաջ էր... —

Возлѣ, нынѣ, вчужѣ, въявѣ.

Вкратцѣ, вскорѣ, развѣ, вмѣстѣ.

. . .

Չաւէնը քննութեան էր դնում:

Չաւէնը գնացքի մէջ էր:

— Եթէ մէկ երեսի մէջ երկու տառասխալ ու երկու ստորակէտի սխալ անես, կորած ես: Չափազանց խիստ են: Գլխնազիւն հեշտ բան չէ... — ասել էր Գրիգորիյ Եւանդուիչը:

Չաւէնը բոլոր դասագրքերը հաւաքել էր մեծ մի պայտուակի մէջ եւ անդադար կրկնում էր: Վայ թէ յանկարծ մի բան մոռանար...

— Ամեն բան պէտք է լաւ յիշես, ամբողջ ծրագիրը: Եթէ մի բան մոռանաս, նրանք հենց այդ մոռացածդ կը հարցնեն ու դարձեալ կորած ես:

Вѣрно, рѣдко, непремѣнно.

Նա կանգնել է գնացքի լուսամտի առաջ եւ կրկնում է անդադար... Ինքն էլ չիմանալով թէ ի՞նչ է ստում, — նայում է նախանձով դուրս, իր յուզմունքին անտարբեր շտապ-շտապ վազող ու անցնող տներին ու դաշտերին:

Գնացքը սուլում է ու թռչում:

Այնտեղ, անձանօթ այն քաղաքում, դպրոցի դռների մօտ կանգնած խոշոր ու մռայլ մի մարդ, սեւ համազգեստով, որի վրայ փայլում են բազմաթիւ դեղին կոճակներ, ընդունում է նրանց:

Դռնապանն է:

Նստում են փայտեայ նստարանին ու սպասում հերթի:

Չաւէնն աչքերը չի կարողանում հեռացնել դռնապանի կոճակներից... Չգուժ է նրա հայեացքի ծանրութիւնը, նրա դաժան արտայայտութիւնը... « Այն ես էի, որ այս ծանր դուռը բացեցի քո առաջ, խղճուկ օտարական: Ուզեմ թեւիցդ կը բռնեմ, փողոց կը նետեմ ու դուռը վրադ կը փակեմ »: — « Բայց ներեցէք, պարոն, ես վկայականներ ունեմ, վկայաթղթեր ունեմ... Ես մի ամբողջ տարի գիշեր ու ցերեկ պարապել եմ, ես ամբողջ ծրագիրը գիտեմ... Եւ վերջապէս դուք ի՞նչ իրաւունք ունէք ո՞ր... » « Ախ, դուք իրաւունքից էք խօսում... Առաջ մի ձեր թելադրութիւնը դրէք, յետոյ կը հարցնեմ... »: Ու դռնապանը ձեռքերը մէջքին անցնում է նրա մօտից՝ մօտիկ, շատ մօտիկ...

Ինչ անհրապոյր, ինչ դաժան է այստեղ ամեն ինչ... Չաւէնը մրսում է, Չաւէնը պաղութիւն ու չորութիւն է զգում:

— Ինչ հաճելի է տաքը, չէ՞, Նատա:

— Իսկ քիչ առաջ գանդատում էի՞ր:

Չաւէնը լռեց: Նստեց կապերտի վրայ ու մէջքը յենեց ընկուղենուն:

— Գիտե՞ս ինչ, — ասաց Նատան մի քիչ յետոյ, — ինձ թւում է, հայերն առհասարակ շատ են սիրում դժւարացնել կեանքը: Դուք ամեն բան դարձնում էք անլուծելի եւ կեանքի ամենօրեայ ու սովորական երեւոյթները վերածում սարսափելի խնդիրների: Կեանքը ծանր բեռ է դարձնում ձեզ համար, իսկ նա հոսում է, հոսում... Դուք չէք կարողանում ըմբռնել ու վայելել նրա իսկական դեղեցկութիւնները: Տխուր մարդիկ էք դուք հայերդ, Չեովա:

— Այսինքն :

— Մի տեսակ թագուն տխրութիւն ու վիշտ կայ ձեր հոգիներում : Անգոյն, անհոտ է ձեր կեանքը, տղեղ է ձեր կեանքը :

Զաւէնը դուրսը ծռեց, յետոյ խեղճացած ու ցած ձայնով, կարծես ինքն իրեն, հարցրեց՝

— Իրօք : Ի՞նչ կարծիքով դեղեցիկ չէ՞ օրինակ, փրուել է այսպէս, սքանչելի այս պարտէզում, ծառերի շուքի տակ, սառոյցով օշարակը կողքիդ ու լուռ՝ հիացմունքի մէջ ընկած դիտել կեանքը, զգալ կեանքը քո ողջ էութեամբ, քո իւրաքանչիւր բջիջի թրթիռով : Եւ կամ առաւօտը կանուխ նստել նոր ջրած ու անուշաբոյր դունազեղ ծաղիկների, վառ կանաչների մէջ, յենւած մետաքսէ բարձերին ու լսել սլսլուն ինքնանուր մեքամազձոտ երգը . խորանալ, խորասուզել, անէանալ... Մի՞թէ այդ երջանկութիւն չէ, մի՞թէ այդ դեղեցիկ չէ...

— Երջանկութիւնը կեանքը վայելելն է :

— Բայց ի՞նչպէս :

— Իրականօրէն : Ծօշաիելի իրականութեամբ : — պատասխանեց Նատան ծիծաղելով ու մատով խիեց Զաւէնի քթին :

Ներսից լսում էր մետաղէ դալի ձայնը, որով Նուբարը մածունն էր հարում թան պատրաստելու համար :

Նուբարը մենակ էր սենեակում ու խօսում էր ցածրաձայն՝ ինքն իր հետ : Նա ամուր-ամուր դարկում էր զգալը յախճապակէ ամանին, ջանալով հալեցնել սառոյցը :

Նուբարը մտադրաղ էր, շատ մտադրաղ :

Նամակաբեր Սէթը երէկ իրիկուն ապահովադրած մի նամակ էր բերել տպարան ու յանձնել Նուբարին :

Նամակը Տիգրանից էր :

— Իրաւունք ունի երեսան, ամիսը լրացել է, շուտով դպրոցի թոշակի ժամանակն է... Այս ինչ կարծր սառոյց է, չի հալում կարծես... Ու դեռ անցեալ ամսւայ համար էլ պէտք է ուղարկել... Մածունը շատ թթու չէր, երեւի թանը համեղ չի լինի... Տեսնեմ թէ ինչ պէտք է անեմ, թէ ինչ կարող եմ անել :

Երբ ամենքը հաւաքեցին սեղանատուն, Մանին նկատեց իսկոյն Նուբարի դէմքի անհանգստութիւնն ու հասկացաւ, որ Տիգրանի նամակի հետեւանքով էր : Սակայն, ժպտուն եւ ուրախ նստեց նա սեղան, բաժանեց կերակուրը, լցրեց բոլորի համար չամիչով ու վարունգով պատրաստած մածունն ու նայեց ամուսնուն :

— Լաւ, հոգս մի չինիր, — փսփսաց կամաց, — մի բան կանենք :

— Այո՛ ի հարկէ, — ժպտաց Նուբարը, բայց լրջացաւ իսկոյն :

Այդ օրը ճաշն ամեն օրւայ պէս չէր : Նուբարի մտահոգ դէմքն ազդել էր բոլորի վրայ ու ոչ ոք չէր խօսում : Վարդենին, որ ողբերգութեամբ իր ընթերցումից, վճռել էր հօր հետ խօսել Պրանսա մեկնելու մասին, իր ապագայի մասին, Փարիզի ու Լուվրի մասին, թէեւ անտեղեակ հօր տրամութեան պատճառին, զգաց սակայն նրա ընկճած տրամադրութիւնն ու լռեց : Նատան փորձեց կատակներ անել, չյաջողեց սակայն : Զաւէնն ակնյայտ ջղայնութեան նշաններ էր ցոյց տալիս ու փորձում էր չնայել Նատանին, որ շտապ վերջացնելով ճաշը, թողեց բոլորին սեղանի շուրջ ու հեռացաւ սենեակից :

— Ի՞նչ էք ամեն հասարակ բան ողբերգութիւն դարձնում. — դիմեց Զաւէնը հօրը յանդիմանական ու դառնացած տոնով : — Ա՛հ, ինչ տխուր մարդիկ են հայերը... Կեանքը ծանր բեռ էք դարձնում ձեզ համար, իսկ նա հոսում է, հոսում...



Նուբարը չպատասխանեց: Նա չցանկացաւ անդամ պատմել, բացատրել որդուն թէ ի՞նչ վիճակի մէջ էին դառնում իր դործերը... Որ պատւիրած թղթերի հակերը եկել մնացել էին, դրամ չկար, որ վերցնէր, որ տարանի դործերը պակասել էին... Իսկ Տիգրանի ուսման դրամը, իսկ տան ծախսը... Ձմեռը մօտենում էր, պէտք էր վառելիք գնել, իւղ ու սրանիւր գնել, տունը լցնել... Նուբարին թւում էր, որ այդ բոլոր հարցերը չնչին, անհետաքրքիր՝ կեանքի նեղ նիւթական հարցեր էին, որոնցով չարժէր դրադեցնել ոչ իր կնոջը, ոչ իր գաւազներին: Մինչ Ձաւէնը շարունակեց:

— Մարդու թեւերը կոտրում են ձեր ստեղծած այս մթնոլորտի մէջ: Հոգու թռիչքը պակասում է, միտքն ակամայ հասարակ ու մանր բաներով է սկսում դրադել: Ահա թէ ինչպէս է ստեղծւում ճղճիւմ այս կեանքը:

— Եղբայրդ դրամ է ուզել, Ձաւէն:— Ասաց վերջապէս Մանին, բայց զղջաց անմիջապէս:

— Դրամ է ուզել, կուղարկենք: Վաղը չլինի, միւս օրը լինի:

Վարդենին նայեց հօրը:

Նուբարը դարձեալ չպատասխանեց: Նա չուզեց ասել, որ հէնց այդ էր իր մտահոգութեան պատճառը՝ միւս օրը եւս դրամ չի կարող լինել, ո՞րտեղից պէտք է լինի... Ամառային ամիսները դործերը այնպէս վատ են լինում...

— Այո՛, ո՞րտեղից պէտք է լինի, — շարունակեց մտածել Նուբարը: Հարկ էր պարտք առնել: Գրիգոր աղան խոստացել էր դալ, միասին պէտք է գնային տոկոսով դրամ վերցնելու... Տոկոսով դրամ... Նուբարն առաջին անգամն էր, որ պարտք պէտք է անէր...

— Մեղք է Տիգրանը, Ձաւէն ջան, պէտք է շուտ դրամ հասցնել նրան:

— Բայց դրա համար այսպէս տխուր կերպարանք

պէտք է մտանալ: Ի՞նչ կը մտածէ, ասա՛ խնդրեմ, ի՞նչ կը մտածէ Նատան:— Ձաւէնը բորբոքել էր ու խօսում էր ջղայնացած:

— Ի՞նչ անեմ, — ասաց Նուբարը մեղաւորի պէս, — իրաւացի ես:

— Յետ կանչիր Տիգրանին, եթէ միջոցներ չունես շարունակելու:

Կարծես երկինքը տրաքեց Նուբարի դիւին:

— Ձաւէ՛ն... — դռնէց նա աղերսադին ու միեւնոյն ժամանակ զարմացած ձայնով: — Դո՞ւ, դու կը թւած տղայ, ի՞նչպէս կարողացար այդ խօսքն ասել... Ի՞նչպէս կարելի է յետ կանչել, գրկել եղբորդ, փշրել նրա ձրգտումները, փչացնել ապագան... Մեղք է՞: Լաւ մտածիր, Ձաւէն, ու մի վիրաւորիր հօրդ:

Վարդենին զարմացած աչքերը դարձրեց եղբոր կողմը: Այդ Ձաւէնն էր այդպէս խօսողը... Այդպէս անտարբեր ու օտարի պէս...

Վարդենու սիրտը մինչ այդ անծանօթ մի ցաւ դգաց:

— Կարծում եմ իմ ատածների մէջ ոչինչ չկայ վիրաւորական, — պատասխանեց Ձաւէնը հօրը, — ես դարձեալ կրկնում եմ, յետ կանչիր Տիգրանին, եթէ դժուարանում ես դրամ ուղարկել:

Նուբարի դէմքը սաստիկ կարմրեց: Նա հազիւ զսպեց բարձրացող յուզմունքը, որ վայրկենապէս բռնեց նրա ողջ էութիւնը... Բարձրացաւ տեղից, աննպատակ մօտեցաւ լուսամուտին, ոտքով հրեց կատուին, դարձաւ՝ նայեց բոլորին եւ ձեռքը խփելով սեղանին ասաց խեղդւած ձայնով:

— Ո՛չ, Ձաւէն, ինչ գնով էլ լինի, Տիգրանը յետ չի դայ, նա պէտք է աւարտէ, ինչպէս աւարտեցիր դու...

Վարդենին թռաւ տեղից ու փաթաթեց հօր սրարանոցին:

Անցել էին ամիսներ :

Խաղողի որթերից ծանր-ծանր կախ ընկած ողկոյգները գինի էին քամում մարդկանց սրտերի վրայ : Կանաչ տերեւների միջից, պսպղուն կարմրութեամբ, կլոր նուռն էր պէծին տալիս ու ժպտում՝ համբոյրի սրատրաստ կիսաբաց բերանը դէպի վեր նայողի ծարաւ աչքերին դէմ տւած : Այդ ժպտից դողում էին դիտողի շրթունքներն ու երակները մէջ ուժգնօրէն հոսում էր աչնան տենդը : Դեղին սերկեւիլը, բնածին համեստութիւնից մղւած, թագնեւ էր մոխրագոյն կանաչութիւն ստացած տերեւների մէջ . անոյշ բուրմունքով նա թմբեցնում էր արթնցած զգացմունքները եւ մօտեցողի աւանջին կամացուկ շնչում էր ձմեռայ երգը : Իսկ փարթամ, հասունութեան հասած դեղձը շողշողում էր մերթ կարմիր ու մերթ նարնջագոյն փայլով՝ իր թաւ մորթի զգայացունց հմայքը ցուցադրելով :

Ծառուղու երկշարք ծառերն առուակների կարկաչին էին խառնում իրենց դեղնած տերեւների մեղմ խշխշոցը : Աչնան այդ երգը նախ երերում էր բարձր ճիւղերի արանքում, ապա սողալով վար էր իջնում՝ գալարում ծառերի բներին, յետոյ յանկարծ նետելով հոսող ջրերի մէջ, խառնում էր նրանց դեղին ու վազում, փախչում :

Գեղեցիկ է Թաւրիզի ծառուղին :

Յատուկ ջրկիրներ ամէն առաւօտ, տիկերը կողքերից կախած, ոտաբորիկ, թեթեւ քայլերով դալիս են յատկապէս այդ ծառուղին ջրելու : Թարմ ջրից, քարերից ու հողից այնպիսի անուշ բուրմունք է բարձրանում, որ անցորդները, քաղցր հաճոյքը երկարացնելու համար, յենում են ծառերին, աչքերը դցում հոսուն առուակի ջինջ ջրին ու մնում անշարժ : Խաղաղ հանգստութիւնը պարուրում է նրանց :

Առաւօտ է :

«Փարիզ» տպարանի դրան առաջ, աչքերը յառած կօշիկի ուռած ծայրին, մտադրազ դէմքով, կանգնել է Նուրարը : Հեռուից՝ փողոցի էն գլխից, լսում է փոքրիկ Հասանի տխուր երգը, որ պատի տակ, դետնի վրայ կրակ արած, եզիպտացորեն է եփում ու զիլ ձայնով դովում իր ասրանքը : Նրա երգն այնպէս մեղամաղձոտ է հնչում, կարծես փշրած ու հալածւած սիրոյ տխուր մի պատմութիւն լինի : Աղջրով լեցուն ամանը դրած է կրակի մօտ : Հասանը վերցնում է խորոված եզիպտացորենը, շտապ-շտապ ջրի մէջ է մտցնում՝ մի քիչ աղի դարձնելու համար ու շարունակում է դովել իր ամանը, իր աղջուրը, բոլոր էրւած սրտերի նման խորոված իր ասրանքը, բոլոր վառուղ հոգիների նման բորբոքող իր կրակը :

Նուրարը, ձեռքերը դրսանը դրած, լսում է աւամայ այդ երգը, շնչում է հողից բարձրացող անոյշ բուրմունքը եւ կօշիկի ծայրը շարժում օդի մէջ : Յանկարծ նա գլուխը վեր է բարձրացնում, յետոյ խսկոյն վար իջեցնում, շտապ մի շարժումով յետ-յետ դնում եւ անմիջապէս մտնում է ներս : — Հակառակ մայթից, գլխարկը ձեռքում խաղացնելով, երեսը հովին տւած, մոլորւած աչքերն անորոշին յառած՝ քայլում էր Զաւէնը . . . Նուրարը յուզւած՝ կծում է ուժգնութեամբ վարի շրթունքը : Փորձում է այն

կողմը չնայել, մօտենում է ասպակէ փեղկին, հեռանում է կրկին, ձեռքերը գրպանից հանում, մագերը հարթում, կրկին մօտենում փեղկին:

Չաւէնի յանկարծակի յայտնումը ակնյայտ յուզում է նրան: Մ'ի վայրկեանի մէջ Նուբարը վերլիշում է նախնիթաց գիշերւայ ամբողջ խօսակցութիւնը, վերապրում է այն, ինչ որ զգացել էր Չաւէնի անսպասելի խօսքերից յետոյ:

Չաւէնի անսպասելի խօսքերը... Այն էլ ուրիշի ներկայութեամբ...

Պատերազմ էր:

Բովանդակ հայ կեանքը տենդով էր բռնւած: Ամեն օր իրար հակասող լուրեր էին դալիս: Նուբարենց տունը ամեն երեկոյ հաւաքւում էին ծանօթներ, բարեկամներ. խօսում էին, զրուցում, բերնից բերան տարածւող նորութիւններ հաղորդում մէկ-մէկու եւ զուշակութիւններ անում:

— Ի՞նչ կը լինի, ինչպէ՞ս կը լինի:

Ու հագար անգամ նոյն ձեւերով նոյն բառերն էին կրկնում՝ «մարդասէր Եւրոպան», «ազնիւ պետութիւններ», «ռուսի սուրը կտրուկ»: Պատմում էին պատերազմի արհաւիրքների մասին, թէ ինչպէս կրակի թոհ ու բոհի մէջ այրւում, ոչնչանում էին ստեղծագործ մարդու աշխատանքի արդիւնքները:

Այս բոլոր խօսակցութիւնների ընթացքին, սակայն, Նուբարն իր հոգու խորքում թագուն մի գոհունակութիւն էր զգում, — իր որդին՝ Չաւէնը հեռու էր այդ սարսափ-

ներից... Չաւէնն այդտեղ էր, իր աչքերի առջեւ, խոնարհած դրճերի ու թղթերի վրայ:

Առաջին ամիսների հանգստից յետոյ, Չաւէնը վճռել էր լրջօրէն նւիրւել իր սրարասմունքներին: Պէտք էր մի բան անել: Պէտք էր հաւաքել, կարգի բերել ցրած մտքերը, իսկ մնացածը ինքն իրեն կը լինի: Գրքերը թելի տակ, նա սենեակից սլարտէզ էր իջնում, նորից սենեակ բարձրանում, կարդում էր, դրում, քաղածքներ անում, դրածը ջնջում ու կրկին դրում: Հագար ու մի փիլիսոփայական հարցեր մեխւել էին նրա ուղեղի մէջ ու հանդիստ չէին տալիս նրան:

Չաւէնի սրարասմունքի ժամերին տնեցիք աշխատում էին աղմուկ չհանել՝ չխանդարել նրան: Անուշը ոտքի ծայրերի վրայ էր ման դալիս ու խիստ ցածրաձայն զրուցում իր կատուի հետ: Մանին հոգատար աչքերը չէր հեռացնում որդուց՝ միշտ կամացուկ փախսոցով ջանալով հասկացնել նրան, որ շատ չսրարասէ, խնայէ իր առողջութիւնը:

Չաւէնի երբեմնի սպրումների, յուշերի, յոյգերի ու տենչերի կարօտալի փնտռումները գունատւել էին արդէն:

Ի գուր փնտռուեց...

Չաւէնը զգում էր, որ իր մէջ այլեւս կազմւել, ձեւաւորւել էր մի նոր հոգի... Այժմ, երբեմնի այդ հարագատ միջավայրը կամաց-կամաց խորթանում, օտարանում էր իրեն համար: Եւ ճիշտ այնպէս, ինչպէս մի ժամանակ՝ հեռու այն երկրում, կարօտում էր այստեղ թողածին, կարօտում ու տենչում էր իր սիրուն անցեալին, այնպէս էլ հիմա կարօտում էր այն հեռու երկրին, ուսանողական կեանքին, նրա հարագատ դարձած շրջանին, եւ բոլոր յոյգերին ու սպրումներին:

Տխուր էր կեանքն այստեղ Չաւէնի համար: Խոր-

հուրդները կորցրել էին իրենց նշանակութիւնը. դեղեցկու-  
թիւն, սէր՝ ամեն տեսակի զգացմունքներն ու ըմբռ-  
նումները փոխել՝ տարբեր նշանակութիւն, տարբեր ար-  
ժէքաւորում էին ստացել:

— Պլատոնի թէորիան, սիրելի հայրիկ, հիմնւած է  
իդէաների վրայ: Իդէան Պլատոնի փիլիսոփայութեան  
մէջ երկու նշանակութեամբ է դործածուում — առաջին՝  
լօգիչիսկի եւ երկրորդը՝ մետաֆիզիչիսկի: Հասկանո՞ւմ  
էք: Մետաֆիզիչիսկի իմաստով իդէաները դոնուում են  
բնութեան եւ կեանքի հիմքում, իբրեւ այսպէս ասած  
Causae Finales: Իդէան, սիրելի հայրիկ, օրեկտիւ

չէ: Հասկանո՞ւմ էք: Իրերն ու երեւոյթները ոչ այլ ինչ  
են, բայց եթէ ստեղծներն իդէաների, իդէաներն են իսկա-  
կան օրինակները, նախապատկերները, իսկ իրերը ձեւ են  
ստանում՝ ըստ իդէաների: Պլատոնը ժխտում է, ուրեմն,  
երեւոյթների իրական լինելը եւ ճանաչում է միայն իդէա-  
ների բէալականութիւնը: Հասկանո՞ւմ էք:

— Ինչո՞ւ ես այդպէս յաճախ կրկնում, հասկանո՞ւմ  
էք:

— Ես ոուսերէն եմ մտածում, սիրելի հայրիկ:

Երեկոյ էր: Նրանք նստած էին պարտէզում, լայնա-  
ճիւղ ընկուղեանու տակ ու մեղմ զրուցում էին:

Այդտեղ էր Վասիլ խանը ու Նուբարի վաղեմի բա-  
րեկամ պարոն Վարդանը, որ Մանիի պատրաստած դա-  
թան ու վարդի անուշն առաջը դրած լուռ լսում էր Զա-  
ւէնի եւ Նուբարի խօսակցութիւնը:

Զաւէնը մի պահ մէկդի էր դրել զրքերն ու ոտքը  
ոտքին դրած, պատասխանում էր հօր հարցերին:

Պարոն Վարդանը ներողամիտ ժպտով էր նայում  
Զաւէնին, ու Զաւէնն այդ դրում է: Թաղուն մի հակա-  
կրանք կար նրանց երկուսի միջեւ, եւ իր հերթին Զաւէնը

վերից էր նայում «տեղացի» այդ մտաւորականի վրայ:  
Նրա ժպտը ջղայնացնում էր Զաւէնին, իսկ պարոն Վար-  
դանին ակնյայտ գայրոյթ էր պատճառում Զաւէնի իր  
հանդէպ ունեցած մեծամիտ կեցւածքը:

Մինչդեռ Վասիլ խանը հիացած էր: Իր սրտի խոր-  
քում նախանձի պէս մի բան էր շարժում: Նա տեսնում  
էր, որ Նուբարի թափած ջանքերն ասարդիւն չէին ան-  
ցել: Զաւէնը կատարեալ դրքի մարդ էր դարձել: Զաւէնն  
իրեն պահել դիտէր. նրա խօսելու եղանակը, շարժուձե-  
ւերը, ամեն-ամեն ինչ հիացմունք էին պատճառում Վա-  
սիլ խանին: Իսկ Ներսէ՞սը... Այդպէ՞ս էր իրենց Ներսէսը:

Շատ անդամներ Վասիլ խանը ցանկացել էր խօսել  
Նուբարի հետ Ներսէսի մասին՝ ասել, հարցնել, թէ հապա  
ինչո՞ւ նա ուրիշ տեսակ էր դարձել... Զաւէնի պէս պա-  
րապելու փոխարէն Ներսէսն անհող թրեւ էր դալիս քա-  
ղաքի փողոցներում, շրջապատում էր իրեն կասկածելի  
եւ ոչ-պիտանի ընկերներով՝ չկարողանալով իրեն պահել  
իր «ուսումին վայել եղանակով»:

Նուբարը մտքով հեռու սլացած, թէյի բաժակը ձեռ-  
քին, աչքերը սեւեռել էր մի կէտի:

— Մտածել, որ այսպէս խաղաղ նստած սեղանի  
շուրջ, մենք քաղցր զրուցում ենք, մինչ այնտեղ մարդիկ  
արիւն են թափում, կեանքեր են գոհուում, — ասաց Նու-  
բարը՝ դանդաղօրէն դառնալով պարոն Վարդանի եւ Վա-  
սիլ խանի կողմը, երբ Զաւէնը լռեց ու վերստին կախեց  
գլուխն իր դրքերի վրայ:

Ամենքը լռեցին:

Մի քանի րոպէ լսում էր միայն թէյի դեղաների  
ձայնը, որով խառնում էին շաքարը, կամ մաքրում անու-  
շի պնակը:

— Նուբար, — խօսեց վերջապէս Վասիլ խանը:

Նուբարն աչքերը դարձրեց նրա կողմը:

— Մեր Ներսէսն ախր էդ պատերազմի մասին ուրիշ-ուրիշ բաներ ա ասում...:

— Ի՞նչ բաներ, Վասիլ խան:

— Ճիշտ ա, մարդիկ արիւն են թափում, մենք՝ հայերս էլ դուրս ենք եկել պատերազմի՝ մարդասէր Նուբարայի կողքին, բայց մեր Ներսէսն ասում ա, որ էս բոլորը շարլատանների դործ ա, որոնք իրենց դրսւանը լցնելու մասին են մտածում ու խեղճ անպաշտպան ժողովուրդին թնդանօթի կրակին են կասում: Ես իրեն ասում եմ, որ քրիստոնեայ ազգերի ազատութեան խնդիր կայ, արդարութեան ու ճշմարտութեան խնդիր կայ: Ախր էդ ազնիւ պետութիւնները...:

— Պատերազմը, Վասիլ խան, շատ խորը պատճառներ ունի, — համոզւած շեշտով ասաց Նուբարը:

— Իսկ մե՞զ՝ հայերիս համար:

— Իսկ մեզ՝ հայերիս համար, Վասիլ խան, ի՞նչ իմանանք... Թէ որ մեծ Ռուսաստանը...:

— Մենք յոյս ունինք, շատ մեծ յոյս, — ասաց պ. Վարդանը:

— Ռուսաստանը շատ մեծ դեր ունի կատարելիք պատմութեան մէջ, — ասաց Զաւէնը՝ առանց գլուխը բարձրացնելու:

Վասիլ խանը նայեց նրան: Նա ցանկանում էր, որ Զաւէնը եւս մասնակցէր այդ խօսակցութեան, ուզում էր իմանալ նրա կարծիքները: Նուբարը հաւանութեամբ շարժեց գլուխը. իր հայրական հարատւութիւնը շոյուած էր ամեն անգամ, երբ Զաւէնը դիտական տւեալներով ու փաստերով խօսում, բացատրում էր:

Բայց Զաւէնը չչարունակեց:

Վասիլ խանը կրկին դարձաւ Նուբարի կողմը:

— Յետոյ, մեր Ներսէսը, Նուբար ջան, ասում ա որ... — նա լռեց մի վայրկեան, — դիտե՞ս ինչ ա ասում. ասում ա՝ հայր կուրը շարլատանութիւն ա, շարլատանութիւն, էն Արտօն էլ, ասում ա, աւագակ ա, աւագակի պէս հայ ժողովրդին դէպի մահ ու կոտորած ա տանում:

Նուբարը յօնքերը կիտեց, մինչ սրարոն Վարդանը վրդոված ձեռքի բաժակը աղմուկով վար դրեց:

— Թող չափը անցնում է, Վասիլ խան, — ասաց պարոն Վարդանը, — իսկ ինքը ընդունա՞կ է այդպիսի անձնագոհութեան: Տարիներով փախստական, միշտ սարերում, երբեմն կուշտ հացի կարօտ... Արտօնները հերոսներ են, Վասիլ խան: Տարիներ շարունակ հօր վերջին միջոցներով կրթւել ու դեռ պիտանի՝ որեւէ դործ ցոյց չտւած քննադատել ուրիշներին...:

Ու պարոն Վարդանը շրթունքներն իրար սեղմելով թախահարեց գլուխը:

Մինչ Վասիլ խանը շարունակեց.

— Ասում ա Արտօնները հայ ժողովրդի թշնամիներն են, որ նրանք մեր ազգի ճակատագրի հետ են խաղում, իրենց անձնական շահերի համար: Ես ինչ իմանամ, էսենց-էսենց բաներ ա ասում:

— Ես էլ չեմ հաւանում Արտօնների ընտրած ճամբան, Վասիլ խան, բայց ուզում եմ, որ նրանց երազն իրագործւի, — ասաց Նուբարը. — Այդ ճամբին շատ-շատ լաւեր ու կտրիճներ կը գոհւեն... Դու տեսար, Վասիլ խան, նրանց հաւատով լի աչքերը, վճռականութիւն արտայայտող հայեացքը, այն դիշեր, երբ նրանք եղբօրս հետ միասին մեկնեցին Կովկաս: Ո՞վ գիտէ, գուցէ վերջին անգամ էինք մենք տեսնում իրար... Մեծ է նրանց նախատակը, Վասիլ խան:

— Ի՞նչ նպատակ, հայրիկ, — Զաւէնը թեթեւ գլուխը բարձրացրեց:

— Նպատակը հայկական հարցի լուծումն է, որդիս :

Չաւէնը նորից դուրսը կ'ախեց, շրջեց դրքից մի քանի էջեր, ասլա հանդարտ, կարծես ինքն իր հետ խօսելով, ասաց :

— Իսկ ի՞նչ կը շահի մարդկութիւնը, եթէ հայկական հարցը լուծուի :

— Հայ ժողովուրդը, որդիս, ունի հող, երկիր, բնակչութիւն, հարստութիւն : Պատերազմը հնարաւորութիւնները լայն դուռ կարող է բանալ մեր ասպազայի, մեր դարգացման համար : Յետոյ մեր հողեկան, մեր կուլտուրական արժէքները...

— Մեր արժէքները... Երբ մարդ ծանօթանում է, հայրիկ, մեծ ժողովուրդների պատմութեան, գրականութեան, փիլիսոփայութեան հետ, զգում է այն ժամանակ, որ մենք խեղճ ենք ու մեր արժէքները ոչինչ են, ոչինչ... Գիտութեան ու արուեստի անծայր ու անյատուկ ծովի մէջ ընկած մի քանի կաթիլներ, եւ ուրիշ ոչինչ :

Նուբարը դարձացած նայեց Չաւէնին : Թէյի բաժակը վերցրեց, նորից վար դրեց :

— Մենք ունենք հարուստ գրականութիւն, սքանչելի բանաստեղծութիւն, աննման հէքեաթներ մեր կիսատատուած քաջերի մասին, — խօսեց պարոն Վարդանը դառնացած ձայնով, — միջնադարեան կրօնական մեր երգերը, Յովհաննէս Մանդակունուց սկսած մինչեւ Ներսէս Շնորհալի, մինչեւ Յովհաննէս Երզնկացին : Իսկ Նարեկացին, Յրիգը, Մկրտիչ Նաղաշը, Աղթամարի Գրիգորը, Նահապետ Բուչակն ու Սայաթ Նովան...

— Դրանցից եւ ոչ մէկը ոչինչ չեն սաւելացնում համամարդկային արժէքների վրայ, — հպարտ սառնասրբտութեամբ պատասխանեց Չաւէնն ու շեշտակի նայեց պարոն Վարդանին :

Մարդը չկարողացաւ այլեւս գտնել իրեն ու հեղնական մի ծիծաղ վար նետեց ատամների աքրանքից :

Չաւէնը բորբոքեց, ջղային մի շարժում արաւ, շտկեց թելը կոճակը, մատով լայնացրեց օձիքն ու ծխախոտն ատամների մէջ ծամելով ասաց :

— Ես ձեզ ճշմարտութիւնն եմ ասում, պարոն :

— Գիտեմ, դիտեմ, երկտասարդ, դուք համամարդկային արժէք համարում էք այն, ինչ որ օտար է, ինչ որ ձերը չէ, ինչ որ դրսից է գալիս : Սոստովանեցէք, որ վաղուց մեռել է ձեր մէջ ընդունակութիւնը խանդավառելու հարագատ գեղեցկութիւններով :

— Իսկ դուք ուզում էք համեմատութիւններ անել, — ձայնը բարձրացնելով ասաց Չաւէնը :

— Մի՛ յուզւիր, Չաւէն, մի՛ յուզւիր, — ընդմիջեց 'Նուբարը' տեսնելով Չաւէնի դայրոյթը :

— Ինչպէ՞ս չյուզւեմ. իմ հողին, իմ միտքը բողոքում է այդ ձեւի անարդարութիւնների դէմ : Իմ ջղերի վրայ ազդում է, երբ մարդիկ չիմացած բաների մասին են խօսում :

Պարոն Վարդանը վերստորեց : Վեր կացաւ տեղից :

— Այդպէս է, այդպէս, — ասաց նա գայրացած. — Գնում էք, վերադառնում, ուրանում էք ձեզ եւ մոռանում ամեն ինչ...

— Լաւ, լաւ, մի՛ վրդովւիր, բարեկամ, մի՛ վրդովւիր, — դիմեց Նուբարը հիւրին՝ դրութիւնը մեղմելու նպատակով, — նստիր, ջահել է, չի հասկանում, ես էլ նոյն կարծիքին եմ :

Նուբարի խօսքը սակայն կիսատ մնաց բերնի մէջ : Չաւէնը յանկարծ ձեռքը խփեց սեղանին, եւ բաժակները շրխկացին...

— Դու էլ նոյն կարծիքին ես... Ի հարկէ, նոյն

կարծիքին ես... Դուք բոլորդ էլ մի ձեռի մտածելակերպ ունեցող մարդիկ էք... Ինչո՞ւ, ինչո՞ւ կծկւել նեղ՝ ազգային պատեանի մէջ: Խխունջի պէս գլուխը ներս առնել եւ ոչինչ չտեսնել... Նեղմիտ ու ճղճիմ են ձեր տեսակէտները, յետադէմ մարդիկ էք դուք...

Տարօրինակ մի ըստ էր...

Նուբարի վրայ սառը ջուր լցրին: Նա շշմեց ու քարացաւ նստած տեղում...

Զաւէնը դայրոյթից դունատուել էր ու մինչ սպասում էր պատասխանի, պարոն Վարչանն արհամարհական մի հայեացք դրեց նրա վրայ ու լուռ՝ առանց որեւէ խօսք արտասանելու՝ ձեռքը տարաւ գլխարկին: Բայց Զաւէնը կանխեց նրան, հրեց աթոռը եւ ծխախոտը մէկ կողմ նետելով՝ շտապ հեռացաւ պարտէզից:

Նուբարի գլուխը քարշ էր ընկել կրծքին: Նա կարծես չնկատեց մինչեւ անդամ ոչ Զաւէնի հեռանալը, ոչ պարոն Վարչանի իրեն ցտեսութիւն ասելը... Ինքնարեւարար նա սեղմեց իրեն մեկնած ձեռքն ու կրկին գլուխը կախեց կրծքին...

Չնախատեսուած մի բան էր կատարւել:

Նուբարը փորձեց քննել ու դատել: Այդպէ՞ս պէտք է լինէր: Բայց յուզմունքը թոյլ չէր տալիս մտածելու, ցաւի պէս մի բան սեղմում էր իր ներսը: —

Իր ու Զաւէնի միջեւ մութ մի տարածութիւն կը բացւել...

Գիշերն արդէն իջել էր, ծառերը կախել էին գլուխները, երկինքը բարձրացել էր եւ մութ կապոյտ գոյն ստացել: Պարտէզի պատերը թռչել էին իջնող մթութեան մէջ:

Վասիլ խանը վաղուց մեկնել էր արդէն, բայց Նուբարը շարունակում էր մնալ իր բազկաթոռի մէջ: Ծխում

էր: Այնպէս անսովոր էր թւում նրան պարտէզն այդ իրկուռն: Ոչ ոք չկար նստած իր կողքին... Ոչ ոք: Նա, յանկարծ իրեն մենակ զգաց: Մարմնով թեթեւ մի դող անցաւ:

Տարօրինակ զգացմունք: Նուբարը երբեք այդպիսի բան չէր զգացել... Մենա՞կ... Շտկեց նստած տեղում ու աշխատեց մտածել՝ սառնասիրտ կերպով մտածել:

Թփերի արանքից լսւում էր ծղրիթի միօրինակ երգը: Զեփիւռն իջել էր, եւ պարտէզի վրայ թեթեւ, շատ թեթեւ մի սլալոց էր լսւում:

Չնախատեսուած մի բան էր կատարւել: Ու այդ էր արդէն ցաւալին:

Ի՞նչը:

Յաջորդ առաւօտ Նուբարը շուտ դուրս եկաւ տնից: Նա չնախաճաչեց, ջանաց ոչ ոքի հետ չխօսել ու դուռը կամաց բանալով՝ դնաց տպարան:

« Սիրելի միշտ, սիրելի յաւիտեան... »

« Սիրելի ու տանջւել... »

« Կապոյտ թախիծը պատել է հողիս: Ամեն ինչ այնպէ՞ս գեղեցիկ է եւ այնպէս տխուր... Ես դրում եմ քեզ, որովհետեւ ցանկանում եմ բաժանել քեզ հետ այն, ինչ որ տանջում է ինձ... Ա՛խ, ինչն է այսպէս տանջում ինձ... Ես ինքս լաւ չեմ հասկանում, բայց զգում եմ, թէ կայ մի բան, որ սեղմում է հողիս, որ լցնում է հողիս ու ես երջանիկ եմ որ տանջւում եմ... »

« Աղաչում եմ, աշխատիր հասկանալ ինձ: Փորձիր զգալ, որ այստեղ՝ հեռում տառապանքի գեղեցիկութեան »

մէջ թաթախուած մի հողի տանջուած է ու սիրում, եւ իր տանջանքից մի մասնիկ քեզ է ուղարկում...

« Մենակ մի հողի... Ընկած աշխարհի հեռաւոր մի անկիւնում... »

« Մենակ... »

« Ներիր, որ այսպէս պարզ եմ խօսում քեզ հետ: Եւ ինչպէ՛ս անսպասելի, ինչպէ՛ս յանկարծակի ստեղծւեց այս կապը իմ ու քո միջեւ... Բաղջը է այս զգացմունքը, Ձէօվա:

« Պարտէզի վրայ դեղին ձանձրոյթ է թափւում... Ես ուզում եմ արտասուել. դրուխ ափերիս մէջ առնել ու արտասուել... Յետոյ ուզում եմ մի բան անել, մի բան անել... Ա՛հ, հեռանալ, հեռանալ »...

Նա դուրսը բարձրացրեց, անփոյթ դոցեց ձեռքի դիրքը, որի մէջ պատահամբ դտել էր Նատայի մի քանի տարի առաջ իրեն դրած հին նամակները, եւ տխուր աչքերը յառեց պատուհանի ասպակու վրայ խաղացող արեւի շողերին:

Նատան...

Ձաւէնը նրա մէջ տեսել էր Տատեանային, դժբախտ Լիզային... « Սիրել կամ մեռնել, Ձէօվա »... Նրա զգացումներն այնպէ՛ս վճիտ, այնպէ՛ս ուժեղ էին թւում... Թւո՞ւմ...

Այդպէս չէ՞ր, ուրեմն:

— Ծօշափելի իրականութեամբ, — հնչեց յանկարծ Ձաւէնի ականջին մի քանի ամիս առաջ իրենց պարտէզում, ընկողնէնու տակ արտասանած Նատայի խօսքերը...

Ու նրան թւաց, որ կրկին լսեց Նատայի անսպասելի եւ չոր ծիծաղը... Այն ծիծաղը, որ այնպէս ցնցել էր իրեն... Նրա աչքերի առաջ պատկերացաւ Նատայի այդ պահի սառն անտարբերութիւն արտայայտող դէմքը. վեր-

յիչեց վերստին ժպտելու նրա ճիղը, մինչ ինքը վախեցածի պէս աշխատել էր խուսափել նրա հայեացքից:

Այդ առաւօտ էր: Ձաւէնը նստած էր իր սենեակում, նախաճաշի սեղանի առաջ:

« Կապոյտ թախիժը սրարուրել է հողիս », — կարգաց նա կրկին:

Կարգաց ու զգաց կարծես, որ երբեմնի «կապոյտ» այդ թախիժն այլեւս թանձր ու ճնշող՝ մոխրագոյն մի գանդուած էր դարձել ու պարուրել էր իրեն:

Նա ձեռքով անհամբերութեան շարժումներ արաւ, կարծես փորձելով արագօրէն հեռացնել իրենից մի բան... մի բան, որ եկել էր կպել իր ճակատին, իր աչքերին...

Ձաւէնը չիմացաւ թէ ինչո՞ւ, չիմացաւ թէ ինչի՞ համար, բայց զգաց, որ իր հոգու վրայ քարի պէս ծանր մի բան կար կախուած: Ու թւաց յանկարծ Ձաւէնին, որ ժամանակը եկել է, եկել հասունցել է, եւ ահա, ահա մի բան պէտք է կատարւի, մի շատ անհրաժեշտ բան...

Վարանոտ մատներով սկսեց խաղալ սեղանի սփռոցի ծոպերի հետ:

Կապոյտ ու նարնջագոյն դժերով ճերմակ սփռոցի տեսքն ինչ որ դոց փեղկեր բացեց իր ուղեղի մէջ եւ հեռու, հեռու մշուշների ու մութերի միջում, պայծառ ինչպէս մոզական լապտերից նետուած շիթեր, երեւացին կապոյտ եւ նարնջագոյն լոյսերի ժապաւէններ...

Ձաւէնը մի վալրիկեան մոռացաւ ամեն ինչ: Հոգու խորքում ուրախ մի թքթիւ առաջացաւ՝ մանկութեան պայծառ մի առաւօտի յիշողութիւն, ճերմակ սփռոցի կապոյտ ու նարնջագոյն դժերով զարդարուն... Ինքն այնպէս փոքրիկ, փոքրիկ մի տղայ էր, ծնօտը հազիւ էր հասնում սեղանին, իսկ սեղանի վրայ դեղին ինքնատեղ



էր եռում, մօր քնքոյշ ձեռքերն էին շարժում՝ խառնած բաժակներն թափանցիկ ապակիներն հետ:

Մթափեց յանկարծ: Մէկ կողմ հրեց դիրքը:

Նատան արդէն հագնւել, մօտեցել էր սեղանին:

Պատուհանն ապակու վրայ արեւի շողերը լուսէ պար էին բռնել: Ապակին մերթ ոսկի, մերթ կարմիր ու դեղին փայլով թրթռուն շողեր էր ցայտում չարածճի պատանու աչքերի պէս: Կարծես հրաբորբոք մի սիրտ, թարմ այգ առաւօտի ջինջ միջոցի մէջ, իր հրէ բոցերն էր նետում:

Աշնան արեւը նազանք ու կիրք ունի իր մէջ, աշնան մրդերը՝ կրակ ու մեղր: Երկինքն աշնան մութ փիրուզէ գոյն է օտանում եւ աւելի է իջնում երկրի վրայ՝ նրա հասուն գեղեցկութեան ու թանձրացած հիւթերի հմայքն ու քաղցրութիւնը մօտիկից զգալու համար: Զեփիւռը կրքոտ պայրւում է ծառերի բներին, գզւում, շոյում է պտուղներին, յետոյ խանդոտ ծափ է տալիս պարտէզում, ու մարդկանց աչքերը լցւում են անհուն թովչութեամբ:

— Այնպէս չէ՞, Զէօլա. այսպէս առանձին նախաձաշելն աւելի հաճելի է, այնպէս չէ՞:

Զաւէնը ոչինչ չսպասասխանեց:

— Դու պէտք է հասկանաս, սիրելիս, որ ինձ համար վերջապէս շատ էլ հետաքրքիր չէ ամեն օր ժամերով կոտրատւած ոռուերէնով պատմութիւններ լսել... Պարտէզում թէյ խմելը, հանդերձ ընտանեօք մի սեղանի շուրջ հաւաքելը, միօրինակ, ձանձրալի սովորութիւններ են, Զէօլա: Մենք՝ ես ու դու վերջ ի վերջոյ ուրիշ ըմբռնումների տէր մարդիկ ենք: Մենք հասուն մարդիկ ենք, անկախ անհատներ... Հիմա դու չես կարող մտածել այնպէս, ինչպէս քո ծնողները: Իսկ ե՞ս մանասանդ...

Նա շտկում է ուսերից վար սահած պարսկական

մետաքսէ շրջագլեւտը եւ դեղեցիկ կապոյտ աչքերը դարձնում է Զաւէնի կողմը. նայում է քնքշութեամբ:

— Ես արդէն շատ դիջումներ եմ անում, Զէօլա: Ամեն օր նոյն մարդիկ, նոյն գործողութիւնները, նոյն խօսակցութիւնները... Կարծես թէ քարացած քաղաք ենք ընկել ու այս քարացած անշարժութեան մէջ դուք նոր միօրինակութիւններ էք ստեղծում: Տխուր է, Զէօլա, տխուր ու ձանձրալի...

Նատան ոտքը դեցեց ոտքին, հագուստի թեւերը վեր քաշեց ու արմուկները դնելով սեղանին, երեսն առաւ ավերի մէջ:

« Նատան իրաւացի է, — մտածեց ինքն իրեն Զաւէնը, — ճշմարիտ են իր խօսքերը »:

— Այո՛, Նատա, տխուր է ու ձանձրալի:

— Մի ժամանակ, երբ դու ինձ պատմում էիր Արեւելքի մասին, ես կարծում էի, թէ ծաղիկներն իսկ լեզու ունեն այստեղ, ծառերն իսկ հէքեաթներ դիտեն փափսալ ու արեւն այստեղ պատկերանում էր աչքիս ադամանդէ հսկայ մի գունդի պէս, որի շողերի տակ եռացող կեանք՝ հեշտանք, ջերմութիւն, երփներանգ դեղեցկութիւններ ու հագար ու մի տեսակ կախարդանք էի տեսնում...

Զաւէնը լուռ լսում է Նատայի խօսքերը, գարմացած էր կարծես...

Ու կրկին նրան թւաց, որ կեանքը ինչ որ սպասողական վիճակի մէջ էր ընկել... Անխուսափելի մի բան կար կախած օդի մէջ, եւ ձգւած, լարւած էին զգացմունքները... Այդ ձգումից ու լարումից էր, որ անցեալը ցատադին մի դեղեցկութեամբ էր զղացնել տալիս իրեն, իսկ ներկան տամուկ ու դժնդակ էր երեւում...

Բայց Զաւէնի մտորումները տեւեցին միայն մի բո-

պէ: Նա կրկին մտաւ անմիջական իրականութեան մէջ ու դառնալով Նատային՝ ասաց.

— Այո՛, Նատա, բայց հիմա ամեն ինչ փոխել է արդէն...

Յանկարծ նա բռնկեց. հողու խորքում թաղնւած խուլ մի զգացում, որ մինչ այդ լուռ կծկել էր մնացել, շրթերից դուրս եկած բառերի հետ միասին ձեւաւորուեց, դարձաւ որոշ ու սովորելով դուրս եկաւ նրա սրտից. արտասանած բառերը կրկնակի իմաստ ստացան, քիչ առաջ կարդացած նամակից ծնւած տրամադրութիւնը վերստին պաշարեց նրան:

— Հիմա ամեն ինչ փոխել է, — կրկնեց նա՝ չարութեամբ նայելով Նատայի աչքերի մէջ:

Ձաւէնի ձայնը զարմացրեց Նատային:

— Քո այդ սպաների այցելութիւններն ինձ դիւր չեն դալիս, հասկացա՞ր, — ասաց Ձաւէնն անսպասելի արագութեամբ ու վեր կացաւ տեղից:

Նատայի զարմանքը փոխեց ծիծաղի:

— Օ՛... ասացէք խնդրեմ, այս էլ մի ուրի՞շ նորութիւն... Բայց դու լաւ գիտես, Ձէօլա, որ ես սովորեմ միշտ կաւալերներով շրջապատուած լինել: Դու գիտես, որ մեր տանը միշտ պարահանդէսներ էին լինում. չէ՞ որ ես մեծացել եմ սպաների շրջանում, նրանց քաղաքավարի ու վայելուչ ձեւերի մթնոլորտում: Նրանք այնպէ՛ս դեղեցիկ են բարեւում, յետոյ կռանում ձեռքդ են համբուրում, մատուցում են ծաղիկ, թեւդ մտած՝ առաջնորդում են քեզ բլեֆէտ, խնդրում, աղաչում են, որ ուտես, որ խմես, միշտ զարծալի, միշտ ուրախ բաներ են պատմում... Սիրում են կռքով պտոյտի տանել, ցատկում են կառքից, ձեռքը քեզ մեկնում, որ իջնես ու կառապանին առատ վարձատրելուց յետոյ, կրկին ու կրկին խո-

նարհւում են քո առաջ, կրկին անգամ ձեռքդ են համբուրում... Մարդ իրեն թագուհու պէս է զգում նրանց շքեղանում: Ես գինւորականի աղջիկ եմ, Ձէօլա, ես սովորեմ դրան:

Ու Նատան գոռոզ-գոռոզ նայեց Ձաւէնին:

— Բայց, Նատա... բայց... — ասաց Ձաւէնը, որ արդէն ջղախնացած՝ միայն առիթ էր որոնում զայրանալու ու գոռոզուարու:

— Առանց բայցերի, խնդրում եմ, առանց բայցերի. դու խանդում ես եւ ուրիշ ոչինչ:

— Բայց այդ բնական է, Նատա: Դու նրանց ընդունում ես օրւայ ամեն ժամին, կատակներ ես անում, ազատ, քեզ անվայել կատակներ... եւ իմ ներկայութեամբ:

Ու նա ուժղնութեամբ թափահարեց ձեռքերը:

— Իսկ դու կը ցանկայիր, որ քո բացակայութեան ժամանակ անէի, հա՞: Տեսնո՞ւմ ես, Ձէօլա, դու ինձ չես կարողանում զնահատել, դու կոշտ արեւելքցի ես, դու չես կարողանում ըմբռնել այդ նրբութիւնները... Դու... դու... վերաւորում ես իմ ինքնասիրութիւնը...

Ու Նատան յանկարծ գլուխը դրեց թեւերի վրայ ու սկսեց հեկեկալ: Այնպէ՛ս յանկարծ ու այնպէս բնական:

Ձաւէնը լռեց:

Բայց հակառակ իր սովորութեան՝ նա չժօտեցաւ Նատային, ձեռքը չդրեց նրա ուսին, ներողութիւն չխնդրեց իր կոպիտ վերաբերմունքի համար, այլ վերցնելով դիւարիկը շտապ դուրս եկաւ սենեակից:

Դուրս եկաւ սենեակից՝ ինքն էլ չիմանալով թէ ինչո՞ւ. ցանկութիւն զգաց միայն հեռանալ, դուրս վախճել տանից...

Նա մի քանի րոպէ անշարժ կանգնած մնաց պար-

տէզի աստիճանները վրայ... Այնտեղ, ճերմակ սիրտոցով ծածկած սեղանի առջեւ, մեն-մենակ նստել էր Մանին...

Առաւօտեան պարտէզը... լցւած աշնանային ծաղիկները բուրմունքով, սրտաւոր ծառերի ծանրացած ճիւղերով, այս ու այն կողմ թափթփւած դեղնած ու կարմրած տերեւներով ու խաղողի տունկի տակ, ճերմակ սեղանի կողքին մօր լուռ ու քնքոյշ ուրաւագծով...

— Հայրիկն ուր է, — հարցրեց Չաւէնը մօտենալով մօրը:

— Հայրդ դործի է գնացել, Չաւէն:

— Ա՞յսքան կանուխ:

Մանին տխրութեամբ նայեց Չաւէնին:

— Այո՛, այսքան կանուխ: Ի՞նչ անէ խեղճ մարդը: Վերջին բառերը դժգոհութիւն պատճառեցին Չաւէնին: Նրան թւաց, որ մայրը դիտաւորեալ ասաց այդ իրեն մի բան հասկացնելու համար:

Նբանք մի պահ լուռ մնացին դէմ դիմաց:

— Հայրդ այս տարի շատ է ընկել, Չաւէն ջան:

Չաւէնն անտարբերութեամբ ուսերը շարժեց:

— Ծերացել է, հասկանալի է:

Մանին գլուխը կախեց ու ցածրաձայն վստասաց.

— Գործերը վատ են գնում: Նրա յոյսը քեզ վրայ էր:

Չաւէնը սատիկ գայրացաւ:

— Ես ուղղակի զարմանում եմ ձեզ վրայ, — ասաց նա կոպտութեամբ, — ի՞նչ է, չարչիութիւն կ'ուզէիք որ անէի ձեզ համար... Ես եօթ տարի չարչարեւել, դուրս եմ յուզնեցրել, հասկանում է՞ք, դուրս...:

Մանին դունատ լսում էր որդուն: «Ներեխա իրաւունք ունի, տպարանի դործը դժւար է, իր բանը չէ»:

— Մի՛ բարկացիր, Չաւէն ջան, մի՛ բարկացիր. ես

հասկանում եմ քեզ, բայց դէ էն մարդն էլ մեղք է, չէ՞:

— Ես ի՞նչ անեմ, մայրիկ ջան, ասա՛, ես ի՞նչ կարող եմ անել:

« Իրօք, երեսան ի՞նչ կարող է անել, մանասանդ որ առողջութիւնն էլ լաւ չէ, օր օրի վրայ մաշւում է»: Նա տխուր հողածութեամբ նայեց Չաւէնին: Ո՛ւր էին երբեմնի այն կրակոտ աչքերը, կարմիր այտերը, լիք-լիք թէկունքները...:

Մանին յանկարծ վեր ելաւ տեղից:

— Մատաղ լինեմ քեզ, Չաւէն ջան, նստի՛ր, մի երկու հատ թարմ ձու բերեմ կեր:

— Ձեմ ուզում:

— Կաթ բերեմ սուրճով պատրաստած ու կարազ: Լաւ կարազ կայ տանը:

— Պէտք չի:

— Գու պէտք է լաւ սնուես, որդի, դու պէտք է կորցրած ուժերդ վերականգնես: Տե՛ս, ինչ գունատ ես: Կ'ուզե՞ս քեզ բժշկի մօտ տանեմ:

— Օ՛, մայրիկ, այդ ձեր սանալիմենտալիզմը... Հանդիստ թողէք ինձ, հանդիստ թողէք ինձ... Ազատութիւն չկայ այս տան մէջ... Մենք հասուն, անկախ անհատներ ենք վերջապէս, թէ՞ ոչ:

— Ախրժակդ լաւ չէ, դուցէ բժիշկը մի դեղ տայ... — շարունակում էր յուզւած Մանին՝ աղաչանքով նայելով որդուն:

Բայց Չաւէնը չէր լսում մօրը: Առանց ուշադրութիւն դարձնելու նրա յուզմունքին, Չաւէնը նա նրան խեղճացած նստած աթոռի ծայրին ու լցւած անորոշ մի գայրոյթով դէպի ամենքն ու դէպի ամեն ինչ, դուրս եկաւ փողոց:



— Կեանքն իր երկաթեայ օրէնքներն ունի: Ուզենք թէ չուզենք, պիտի կատարուի պատմութեան անհրաժեշտ ընթացքը: Արտադրական ուժերի զարգացման հետեւանքով պիտի փլի դրամատիրական աշխարհը եւ նրա աւերակներն վրայ պիտի ստեղծուի մի նոր աշխարհ... Դիւալեկտիկայի օրէնքն է այս, անհրաժեշտ օրէնքը: Պիտի դայ մի նոր շրջան՝ համադրութիւն, որ լինելու է ծնունդը նախկին երկու շրջանների՝ դրութեան եւ հակադրութեան, բերելով իր հետ նոր կեանքի նոր ըմբռնումներ: Պիտի ստեղծուի նոր մարդը, որ պիտի ժխտէ բոլոր հին գաղափարները: Իսկ հիմա թոյլ տուր ինձ քեզ ասել, Բաղբատ, որ հողիս փառաւորում է ամեն անգամ, երբ տեսնում եմ քեզ ու խօսում եմ քեզ հետ: Ասա, ինչպէ՞ս, ինչպէ՞ս կարողացար պահել հողուդ բիւրեղութիւնն անտանելի այս ճահիճի մէջ:

Բաղբատը դուրսը կախ լսում էր իր վաղեմի ընկերոջ ու սրտում ուրախ էր, շատ ուրախ: Ներսէսի խօսելու ձեւը, նրա մտերմիկ վերաբերմունքը շատ մեծ բաւականութիւն էր պատճառում իրեն: Նրանք հանդիպում էին դրեթէ ամեն առաւօտ, միեւնոյն սրճարանում, նստում էին կլոր սեղանի առաջ ու Ներսէսն այնքա՞ն հետաքրքրական բաներ էր պատմում...

— Ինչպէ՞ս չես ազդել ազգայնամոլութիւնից, ներքին ոյժի մղումով հեռու ես պահել քեզ այդ բոլորից: Յիշում եմ դեռ մեր ժամանակ, մեր դպրոցների ազգայնամոլ աշխարհաստեղծութիւնը... Շատ բան էի փոխել այն օրից, աւա՛ղ: Բայց մի օր պէտք է կարել շղթան, եւ կեանքը պէտք է մտնէ բնականոն հունի մէջ:

Ներսէսը ծանրութեամբ վերցրեց կաթով լի իր բաժակը ու մօտեցրեց շրթունքներին:

— Մի բուռ ժողովուրդ, ընկած Արեւելքի հեռաւոր այս անկիւնում, ինչ որ յետագէ՞մ երազներ է որոճում... Այսօր, երբ ամբողջ առաջաւոր մարդկութիւնն է պայքարում համամարդկային մեծ դաշակարների համար, մենք քաշուել ենք մեր ազգային պատեանի մէջ... Հաւատա՛ ինձ, Բաղբատ, կայ աւելի մեծ ճշմարտութիւն, աւելի մեծ արդարութիւն քան ազգի ազատութիւնը: Դա, մարդու ազատազրումն է մարդուց, որովհետեւ երբ մարդը ստիպւած է իր բազուկներով արժէքներ ստեղծել, որի աէրը ինքը չէ, միւս բոլոր ձեւի անարդարութիւնները նսեմանում են ինքնին: Կեանքն իր երկաթեայ օրէնքներն ունի եւ, ուզես չուզես, պէտք է կատարուի անխուսափելին: Ահա թէ ինչո՛ւ են ծիծաղելի այս տեսուչներն ու Արտօները եւ ազգային մեծամեծները: Գիտե՞ս, Բաղբատ, ազգային ճակատ ստեղծելով, նրանք իրենց դասակարգային, մանր բուրժուական շահերն են պաշտպանում: Նախ՝ լայնացնում են իրենց ազդեցութեան սահմանները եւ յետոյ ազգամիջեան կռիւներով հայ բանւորի ուշադրութիւնն իսկական պայքարի ճակատից դարձնում են մի այլ կողմ, այսինքն՝ մթադնում են բանւորի դասակարգային դիտակցութիւնը: Մենք՝ հայերս, բացասական մի գիծ ունենք՝ չենք սիրում ընթանալ դարի հետ: Մինչ առաջաւոր ազգերի լաւագոյն մտաւորականութիւնը լծուել է աշխատաւորական պայքարի, մենք դեռ ազգային կուռքեր ենք շինում ու պաշտում, որովհետեւ չենք դարդանում, ասլրում ենք հնադարեան զգացումներով եւ... շարունակում լալ, երբ մէկը երգում է՝ «Ահա, մայրիկ, ես գնում եմ ազգիս համար զոհուելու»...

Ներսէսը քահ-քահ ծիծաղեց՝ միանգամայն դոհ իր սուր դիտողութիւնից:

Ճիշտ այդ վայրկեանին էր ահա, որ նրանք երկուսն

էլ գրեթէ միաժամանակ նկատեցին Չաւէնին, որ դեռ ջղախնայած Նատայի ու մօր հետ ունեցած խօսակցութիւնից, կիտած յօնքերով, գլխարկը ձեռքի մէջ խաղացընելով անցնում էր սրճարանի առջեւից:

— Չաւէն, — ձայն տւեց Ներսէսը:

Չաւէնը կանգնեց:

— Նստի՛ր, եղբայր, նստի՛ր տեսնենք, ի՞նչ ես էլի մթնել, — ասաց Ներսէսը ու քաշելով Չաւէնի թեւից նստեցրեց նրան իրենց կողքին:

Յետոյ քննական մի հայեացքով Ներսէսը չափեց Չաւէնին ու չկարողանալով ժպտը գսպել, դարձաւ Բագրատի կողմը:

— Տեսնո՞ւմ ես... Մեր Չաւէնը մէկն է այն շատերից, որ թէեւ շատ կարդացած է, բայց դեռ չի կարողացել ուղղութիւն տալ իր գլխում հաւաքած պաշտօրին... Չաւէնը նման է այն մարդուն, որ ծախել է իր հողին սատանային, բայց որ փոխարէնը չի կարողանում օգտուել սատանայի իրեն տրամադրած բարիքներից...

— Բագրատը շատ պարարտ հող է սերմեր ցանելու եւ ապագային հունձք ունենալու համար: — Ասաց Չաւէնը դիմելով Ներսէսին: — Շարունակիր քարոզներդ:

— Դու մտքերի հասարակ փոխանակութիւնը համարում ես քարոզ, Չաւէն, եւ ինքդ էլ միշտ խոյս ես տալիս ինձ հետ խօսելու այդ նիւթերի մասին:

— Որովհետեւ դուք ինչ որ առաքելական դեր էք վերցրել ձեզ վրայ՝ լուսաւորել պղտորւած մտքերը... Գիտե՞ս ի՞նչ, իմ մտքերը պղտորւած են լոյսերի շատութիւնից:

— Այդ է պատճառը, որ դու ինձ տղէտ համարելով՝ իրարժում ես թէ ամեն տեսակի սերմ կարելի է ցանել իմ անկիրթ հողու մէջ... — նեղացած ձայնով ասաց Բագրատը:

Բագրատը խօսքն ուղղելով Չաւէնին ու դառնութեամբ յի հայեացքը ձգելով նրա վրայ: — Գո հայրդ էլ ինձ վրայ միշտ վերից է նայել, Չաւէն... Բայց մենք մի ժամանակ ընկերներ ենք եղել...

Չաւէնը նայեց Բագրատի վշտացած դէմքին ու ջանալով մեղմացնել ձայնը, ասաց:

— Մենք դարձեալ ընկերներ ենք, Բագրատ: Դու ինձ լաւ չհասկացար... Երբ ես ասում եմ՝ պարարտ հող, ես ի նկատի ունեմ քո անարատ մնացած, չթունաւորւած միտքը, քո մաքուր հողին... Ես էլ մի ժամանակ քեզ պէս էի եւ դուցէ երջանիկ էի... Իսկ ի՞նչ վերաբերում է հօրս, Բագրատ, նա հին մարդ է, ունի իր տեսակէտները, նա կարծել է թէ քեզ պիտի կարողանայ ուղղել:

— Հայրդ բուրժուա է, Չաւէն, — ասաց Ներսէսը ծիծաղելով, — եւ իր դասակարգին յատուկ բացասական գծերով բուրժուա...

— Թո՛ղ մարդկութեան քո այդ ստորաբաժանումների խաղը, Ներսէս: Միլիոնները դասակարգերի բաժանել՝ ծիծաղելի դործ է: Ասա խնդրեմ, բուրժուա է ե՛ւ իմ հայրը, բուրժուա է ե՛ւ Նօրելը, բուրժուա է ե՛ւ Մարոզովը... Մարդկութիւնը ստորաբաժանումների կարելի է ենթարկել միայն մի ձեւով՝ բաժանել մարդկութիւնն այնքան մասերի, որքան որ մարդ կայ աշխարհի վրայ:

— Միշտ նոյն անհատապաշտն ես: Կարծում ես որ անհատն ու դադափարն այն հզօր գործօններն են կեանքի մէջ, որ կարող են տիրել աշխարհը: Թէ իմանաս ի՞նչ պիտի հնութեան հոտ է դալիս այդ խօսքերից... Ահա՛ հա՛տ... Գաղափար... Դարը փուլ է եկել եւ իր փլատակների տակ թաղել Պլատոն, Բէրկլէյ, Ֆիխտէ, Հեգել, իրենց հին ու նոր դադափարապաշտ սխտեմներով: Դրօշակը վայր է ընկել անհատի ձեռքից եւ ընկել է ամբողջների ձեռքը: Խօսքն այսօր նրանցն է՝ ամբոխներինը:

— Նախ մի բան խնդրեմ, Ներսէս, — չորութեամբ ասաց Չաւէնը, — ինձ հետ վիճելիս երբեք մի աշխատիր ինձ որոշ ուղղութեան կամ դարձողի հետեւորդ պատկերացնել: Ես չեմ կարող համակերպել մարդու ճակատին ցուցանիչներ կոչանելու ցանկութեան: Անհատապաշտ, պաղապարապաշտ, նիւթապաշտ՝ այս խօսքերը դատարկ խօսքեր են, Ներսէս, հողուն սչինչ չասող խօսքեր...

— Դու հիւանդ ես, Չաւէն, ինտրիլիգենտ չլինայով:

— Լինել ինտրիլիգենտ՝ դա ինքնին մի նպատակ է՝ ընդհակառակը, առողջ երեւոյթ:

— Առողջ երեւոյթ... եւ մտքերի անկանոնութիւն դիւրի մէջ... Իսկական ինտրիլիգենտ լինելու համար հարկաւոր է մի կարեւոր բան, որ դուք՝ քեզ պէս մտածողները չունէք, Չաւէն:

— Ի՞նչ:

— Բանալի: Դուք բանալի չունէք վաղ դռները բանալու համար եւ կուրորէն հաւատում էք, որ գիտութեան դռները բաց են ձեր առաջ: Իսկ մենք ունենք այդ բանալին: Երբ օրինակ, մենք բացում ենք պատմութեան դուռը եւ ներս մտնում դարերի մէջ, մեզ համար ամեն ինչ պարզ է, ամեն ինչ հասկանալի:

— Ո՞րն է ձեր այդ բանալի կոչւած մողական դաւադանը:

— Դասակարգային պայքարը: Մարդկութեան ամբողջ պատմութիւնը դասակարգային պայքարի պատմութիւն է՝ այս կամ այն ձեւի տակ: Նոյնն է եւ այսօր:

— Պրոպագանդիստ...

— Ես պրոպագանդիստ չեմ: Ես պատիւ ունեմ պատկանելու մի հոսանքի, որ իր նոր խօսքով նոր պատկամներ է բերում շահագործող ու հարստահարող միլիոններին...

— Ես պատիւ ունեմ պատկանելու... Դու խօսում ես պաղապարապաշտի պէս, այսինքն ճիշտ հակառակ քո ուսմունքին... Գիտե՞ս, սահմանները շատ են խառնւած: Չգիտես թէ որտեղ է սկսւում ձեր պաշտած նիւթը եւ որտեղ վերջանում ձեր ատելի դաղապարը:

Չաւէնը վեր կացաւ տեղից:

— Եւ դեռ դու ինձ մեղադրում ես, որ չեմ որոշել թէ ո՞ր կողմին եմ պատկանում... Մի բան միայն կ'ասեմ, որ կարեւորը մարդկային անհատն է, մարդկային անհատը: Նա պէտք է ձգտէ լինել ուժեղ եւ կատարեալ:

— Ինչպէս, օրինակ, դու եւ քեզ նմանները, — ծաղրեց Ներսէսը, — դու «կատարելութեան» հասած անհատ, որ ձեռքերդ ծալած նստել ես... Ի՞նչ օգուտ քեզնից, Չաւէն:

— Իսկ դո՞ւ. ո՞րն է քո դործը... Լաւ իմացիր, Ներսէս, կեանքում կողմեր չկան, կան միայն աւելորդութիւններ եւ ժամանակի կորուստ: Յետսուիւն:

— Մենք դեռ կը հանդիպենք, — դուստաց նրա ետեւից Ներսէսը, բայց Չաւէնն արդէն անցել էր մայրը ու չլսեց Ներսէսի վերջին խօսքերը:

Հեռուից՝ փողոցի էն դիւրից լսւում էր փոքրիկ Հասանի ախուր երգը...

Ծառուղու երկարութեամբ Չաւէնը մի քանի անգամ դնաց ու վերադարձաւ՝ դիւարիկը ձեռքի մէջ խաղացնելով: Երեսը հովին էր տւած, աչքերը անորոշին յարած: Նա մի քանի անգամ դուրսը դարձրեց, նայեց հօր տպաբանի կողմը...

Գիշ առաջ լարած ջղերը թուլացել էին արդէն. անորոշ իր գայրոյթին փոխարինել էր նոյնքան անորոշ մի թախիծ...

Նա կրկին նայեց տպարանի կողմը... Փեղկերի ետեւում կանգնել էր Նուբարը եւ իրեն էր դիտում...

Չաւէնը տեսաւ հօրը... Յիշեց երէկ դիւերայ իրենց պարտէզի խօսակցութիւնը... պարոն Վարդանին... Ի՞նչ դատարկ խօսակցութիւն...

Շտապ, առանց երկար մտածելու, Չաւէնն յանկարծ ծոց մայթը ու քայլերն ուղղեց տպարանի կողմը:

Նուբարը նկատեց այդ եւ հեռացաւ փեղկից:

Տպարանի ներսի սենեակի խորքում դանդաղութեամբ դառնում էր մեքենայի խոշոր անիւը, որ վերջին ժամանակներս Բագրատի փոխարէն պատահական մարդիկ էին պտտցնում: Աջ կողմում՝ տառերի տախտակէ արկղիկները վրայ կուսացած, երեւում էր գրաչարի դուռնառ դէմքը:

Չաւէնը ներս մտաւ:

— Հայրի՛կ...

— Որդի՛ս...

Նուբարը կուսացաւ եւ յատակից մի չփի վերցրեց: Չաւէնը երեսը դարձրեց ու սկսեց ամենայն ուշադրութեամբ կարդալ պահարանի ասպակու ետեւ դուռած դանազան այցետոմսերի վրայ տուած անունները:

Մի ձի խրխնջաց դրսից, թեթեւ մի հով շարժեց վարագոյրի կախ ընկած փէշերը:

Նուբարը գգոյշ աչքերը բարձրացրեց Չաւէնի վրայ.

«Կարապետ խան Մելրոմեան».

«Միրզա Ասատուր»:

Ահա, ահա իր որդին, կրթւած, համալսարան սւարտած իր տղան... Իր Չաւէնը, իր ջանքերի պտուղը...

Նուբարը մի քիչ յետ-յետ քաշեց եւ հիացաւ յանկարծ...

Այդ ի՞նչ հասակ էր, ի՞նչ սքանչելի մազեր, ի՞նչ

սլաճիգ սրունքներ, համաչափ կազմւածք... Կարծես նոր էր տեսնում Չաւէնին. նայում էր, նայում ու չէր կըշտանում:

Մի բուսկի մէջ Նուբարի մտքից թռան, չքացան յանկարծ բոլոր սեւ ու անախորժ մտքերը, բոլոր կարծեցեալ վիճերը, բոլոր մութ տարածութիւնները, որ նախընթաց դիւեր այնպէս անսպասելիօրէն բաժանել էին նրան իր որդուց՝ իր Չաւէնից... Նա անհուն ցանկութիւնս պղպայ գրկելու, համբուրելու սքանչելի այդ գլուխը, սեղմելու նրան հայրական իր կրծքին, ասելու, որ ինքը հպարտ է իրմով, որ նա՝ Չաւէնը տան ճրագն է, իր սրտի կրակն է, ընտանիքի աստղն է, մօր աչքի լոյսն է:

Նուբարը այնպէ՛ս, այնպէս երջանիկ էր...

« Կարեւորն այս է, ա՛յս է կարեւորը. մնացածը մանր բաներ են, հասարակ, անցողակի դէպքեր », — մտածեց Նուբարը եւ ժպտաց ինքն իրեն:

— Այցետոմսերը քանխո՞վ էք տարադրում. հայրիկ:

— Տեսակները կան, Չաւէն ջան, նայած տեսակին, թղթին, տառերին...

Ու քիչ յետոյ, երբ հայր ու տղայ դէմ դէմի նստած, անհուն սիրով լցած իրար հանդէպ, բարեկամաբար գրուցում էին, Չաւէնը յանկարծ լրջացաւ ու խորն ու երկար մի հայեացքով նայեց հօրը.

— Հայրի՛կ...

— Ի՞նչ կայ, Չաւէն:

— Հայրիկ, ինձ թւում է, թէ ես գրականութիւն եւ փիլիսոփայութիւն չէր, որ պէտք է ընտրէի իբր մասնագիտութիւն...

— Ա՞յլ:

— Այլ... ուրիշ մի բան...

Այդ տարի ձմեռային ամիսներն անցնում էին շատ աննկատ :

Նուբարենց տունը դրեթէ ամեն օր լի էր հիւրերով՝ Զաւէնի ընկերները, Նատայի ազգակից բարեկամները, երկաթուղու վարչութեան մէջ ծառայող ուսւ պաշտօններ, երիտասարդ սպաներ : Գալիս էին Նուբարենց մօտ, երգում, նւագում գարնօշկի կամ կիթառի վրայ, ուրախանում եւ զանազան դարձալիքներ պատմում «կարպետ»ի մասին...

Երկաթուղու վարչութեան կառավարիչը բարձրահասակ, ճաղատ զլխով ու շատ երկար բեխերով մի մարդ էր, որ փողոցով անցնելիս այնպէս էր քայլում, կարծես թէ ուզում էր համազգեստի բոլոր կոճակները ցոյց տալ : Նրա բեխերը կոշտ էին եւ իւրաքանչիւր մազ, իրեն համար անկախ, ցցւում, կանգնում էր նրա տնկւած քթի տակին ու բոլորը միասին այդպէս ցից-ցից, ծածկում էին վերի ծուռ շրթունքը : Այս հանգամանքը նրա դէմքին բարկացած կատուի արտայայտութիւն էր տալիս, որ շատ էր վայելում իր կեցւածքին :

Ամեն անգամ, երբ չիմովնիկների խումբը դալիս էր Նուբարենց մօտ ընթրիքի, բարկացած կատուի արտայայտութիւն ունեցող մարդը սկսում էր ժպտալ : Քիչ յետոյ, երբ զգում էր որ արդէն բաւականաչափ կերել է, սկսում էր մէկ մէկ բանալ իր բաճկոնի փայլուն կոճակները...

— Эх брат, ты хороший человек,— ասում էր նա Նուբարին, շրթունքների իւղը լիզելով եւ ձեռքի լիքը բաժակը Նատային դէմ տալով,— Я ваш настоящий друг, нас-то-ящий...

— Այս ուսները զարմանալի սրտաբաց մարդիկ են, — հիանում էր Նուբարը եւ, ի պատասխան կառավարչի անկեղծ խօսքերին, դրկում էր նրա մէջքը եւ միւս ձեռքով կրկին ու կրկին լցնում դատարկւած բաժակը :

— За ваше здоровье, Нубар Аветикович, за ваше дорогое здоровье. Дай Бог вам...

Կար նաեւ մէկ ուրիշը, որ, կարելի է ասել, ոչնչով յետ չէր մնում կառավարչից, եւ այնտեղ, որտեղ բացաւ հայ էր կառավարիչը, կարողանում էր իրեն պահել ճիշտ նրա պէս, — դռոդ ու ինքնավստահ, կուրծքը դուրս ցցած, դուռին աքլորի գլխի պէս երկարած : Նա ունէր դեղեցիկ, թաւ մօրուք, որ ըստ իր դեղազրտական ճաշակի բաժանւած էր երկու հաւասար մասերի ու մէկն աջ, միւսը ձախ քաշւած դնացել, միացել էր բեխերին : Սա այն երեւելի յատկութեամբ էր օժտւած, որ ի վիճակի էր ամբողջ մի շիշ օղի միանգամից խմել... Յետոյ սկսում էր երգել, բոլորի հետ համբուրել եւ ի վերջոյ լալ : Լացը տխուր բովանդակի հետեւանք էր, երբ Նատան սկսում էր երգել ու նւագել իր կիթառը, երբ բաժակը, բաժակի էր զարնւում : Այդ ժամանակ էր, որ աշխարհիս բոլոր մարդիկ լաւ էին երեւում նրա աչքին, բոլորին սիրում էր նա իր ամբողջ հողով, բոլորին խղճում էր ամբողջ խղճով ու բոլորի համար արտասուում...

— Дальше, голубчик, дальше,— աղաչում էր նա համբուրելով Նատայի ձեռքը :

Եւ այդ ժամանակ էր, որ նրա մօրուքի դոյզ մասերը ձգտում էին իրար դալ՝ ակնյայտ կերպով տենչալով բաժանել բեխերի խուրճից :



Կային նաեւ լուռ ու ժպտուն դէմքեր. շրթունքային ժպիտներ, որ աչքերի արտայայտութեան վրայ բնաւ չեն ազդում եւ որ վախ առաջացնող արտայայտութիւն են տալիս դէմքին: Նրանք դալիս էին լուռ, նստում մէկը միւսի կողքին, մէկ-մէկ Սիրիբից, Արխանգելսկից բաներ պատմում, մէկ-մէկ «Тоска по родине» երգում...

Նատան լաւ բարեկամներ ունէր նաեւ ոռւս սպաների մէջ: Հիւսիսից եկած նոր այդ մարդկանց նիստ ու կացը, կեանքի ու մարդկանց հանդէպ ունեցած իրենց անկաշկանդ վերաբերմունքը, ամենից աւելի դրաւել էր Վարդէնուն: Նրա դեռատի, տակաւին չկազմակերպւած էութիւնը շարունակ փնտռում էր թարմութիւն, նորութիւն, եւ իր շուրջ տարբեր այդ խառնւածքների ստեղծած տարբեր մթնոլորտը նրա հրէ հոգուն զովացնող հովի պէս էր դիպչում:

Վիշտ ու քալսիծ անելանելի,  
Սիրտս ցաւա-գին հեծե՛ց...  
Ա՛յս ինչո՞ւ այս վի՛շտը՝ ծա՛նր ու տխուր  
Ոչ ոք, այս, ոչ ոք չըմբռնեց...

Երգում էր յաճախ Նատան ու նւազում կիթառի վրայ: Վարդենին լսում էր նրան, նրա հոգու մէջ ինչ որ բան էր շարժւում, աչքերը ցաւազին արտայայտութիւն էին ստանում ու միտքը դեգերում էր անծանօթ երազներէ դռներէ առաջ:

Ա՛յս ինչո՞ւ այս վի՛շտը՝ ծա՛նր ու տխուր  
Ոչ ոք, այս, ոչ ոք չըմբռնեց...

Կրկրնում էր կիթառը հիւանդ սրտի նման, արձա-  
գանդում երգի վշտալի բառերի բովանդակութիւնը, եւ  
Նատան հասաչում էր...

Ա՛հ, Նատայի երգերը՝ հոգի քաշկուտող, սիրտ տրո-  
ւող...

Մանին առատօրէն հիւրասիրում էր բոլոր իր նոր  
հիւրերին աշնան պատրաստած զանազանատեսակ անուշ-  
ներով, դաթայով, ընտիր մրգերով:

Մի անգամ Նատայի ծննդեան օրն էր:

Մեծ սենեակի աւելորդ իրերը հանել էին, դորդերը  
մաքրել ու երկար սեղան էին պատրաստել: Սպասում էին  
հիւրերի:

Ձաւէնն աշխատում էր ամեն ինչ այնպէս կարգու-  
ղրել, որ Նատան զոհ մնայ:

— Այսօր պէտք է լաւ ուրախանանք, վերջիչենք  
մեր հին օրերը, խմենք այսօր, Նատա, — ասում էր Ձա-  
ւէնը:

Նա ողբերուել էր, մինչ Նատան նստած բազմոցի  
վրայ ոտքերն էր ձօճում ու կիսաձայն մի երգ ասում:

Վարդենին ներս մտաւ խոհարարի հետ եւ սեղանի  
վրայ դասաւորեց պատրաստի ուտելիքները: Մինչ Անուշն  
այս ու այն կողմ վազվզելով աշխատում էր օգնել իր  
բրօջը:

Ձաւէնը երգում էր Նատայի հետ միասին ու եր-  
կուն էլ խորասուզել էին երգի մեղամաղձոտ ելեւէջների  
մէջ: Կարծես թէ երկունս էլ ինչ որ մի բան էին մտաբե-  
րում՝ մոռացւած մի բան, որ հիմա չկար: Ամուսինների  
ներդաշնակ այդ երգի տխուր մեղեդին ինչ որ մի անի-  
մաստ կորուստի եւ խորն ափսոսանքի զգացմունք էր ար-  
տայայտում:

Լռիք, իմ վիշտ, լռիք,  
Մի դիպչիր հին վերքերիս,  
Երբեք, երբեք յետ չի գայ...  
Երագն անդարձ ու սիրուն

Փողոցի դրան աղմուկը ցրեց նրանց վիշտը...

— Բռաւօ, բռաւօ, Նատալիա Իվանովնա, իսկապէս ժամերով կարելի է կանգնել ու լսել ձեր երգը:

Վարդենին վազեց ընդատաջ եկեղծներին: Նատան վեր ելաւ ու ձեռքը մեկնեց նրանց, որ վայելուչ շարժումով կոացան մէկիկ-մէկիկ ու համբուրեցին:

— Բարեւ ձեզ, Ջաւէն Նուբարիչ...

— Բարեւ ձեզ, Վարդենի Նուբարովնա...

— Համեցէք, համեցէք պարոնայք, խնդրեմ, խընդրեմ:

— Նատալիա Իվանովնա, շնորհաւոր ձեր ծննդեան տարեդարձը...

— Նատալիա Իվանովնա, լաւադոյն մաղթանքներս...

— Նատալիա Իվանովնա...

Ջաւէնը խնդրում էր հիւրերին նստել: Կառավարիչը տեղ դրաւեց սեղանի վրին, միւս պաշտօնեաները նրա շուրջը բոլորեցին ըստ իրենց աստիճանների: Եկել էր եւ Սերգէյ Պետրովիչը, սպայական իր տարադով, պըսպղուն ուսադիրներով... Եկել էին եւ ուրիշ սպաներ իրենց կանանց հետ: Բոլորը միասին կատակում էին, բարձր ու զլարթ ծիծաղում, հաճոյախօսութիւններ անում:

— Էհ, բարեկամ, ես օդու շիշը չեմ տեսնում, — ասաց կառավարիչը եւ հարցական նայեց Ջաւէնին:

— Օդի շատ կայ, Նիկոլայ Նիկոլայիչ, միայն պէտք է խմել:

— Ուրախութեան առաջին պայմանը խմելն է, Ջաւէն Նուբարիչ:

Բոլորն արդէն տեղաւորուել էին: Վարդենին համեստ ժպիտով լցրեց օդու առաջին բաժակները:

Նիկոլայ Նիկոլայիչը կանգնեց ու պատուիրեց բարձրացնել բաժակները:

— Միրելի սեղանակիցներ, այսօր իմ միակ պահանջն է ձեզնից ուրախութիւն... Խմէ՛ք եւ ուրախացէ՛ք:

Ամենքը ծիծաղեցին:

— Առաջին բաժակը մենք պէտք է պարպենք մեր սիրելի Նատալիա Իվանովնայի կենացը, որպէս «յանցաւոր» այսօրեան խնջոյքին:

Գիչ յետոյ նա կրկին վեր կացաւ տեղից:

— Պարոնայք, բաժակները լեցուն: Պարոնայք, աշխարհիս երեսին կայ, դոյութիւն ունի մի մեծ ոյժ: Այդ ոյժի անունը ոռոսական քաղաքակրթութիւն է... քաղաքակրթութիւն, դէպի որը ձգտում են Նուբար Աւետիքիչի պէս բոլոր գիտակից անհատները... Պարոնայք, ես առաջարկում եմ...

— Նուբար Աւետիքիչ, ձեր կենացը...

— Նուբար Աւետիքիչ, ձեր ողջ գերդաստանի կենացը... Մանկա Ստեփանովնայի հետ միասին:

Եւ խումբը երկձայն՝ բարձր ու առողջ ձայներով սկսեց երգել՝

Հեռու, հեռու աշխարհից,

Մայր վուգայի արիերից...

Բաժակներն ուրախ դիպչում էին իրար: Սերգէյ Պետրովիչը, որ նստել էր Նատայի մօտ, մի բոպէ բաժակը դատարկ չէր թողնում: Նա անդադար նայում էր Վարդենուն ու նրա հասցէին ինչ որ բաներ փախտում Նատայի ականջին:

Թուխ այդ աղջիկին իր հարբեցնող սեւ աչքերով, իր անարատ դէմքով, իր շրթունքների նորբաց վարդի հանդուցով, նրա ուշադրութիւնն էր դրաւում:

Նատան ծխում էր եւ երգում: Կենացները յաջորդում էին իրար ու բաժակները պարպւում առատօրէն: Ամեն մի կենացից յետոյ խումբը դռնում էր՝

— Խմիր մինչեւ վե՛րջ:

Զաւէնն ուրախ էր: Նա մասնակցում էր երգերին, հաճոյախօսութիւններ էր անում ու բարձր ծիծաղում, երբ հիւրերը հայերի մասին գտարձայիքներ էին պատմում: Ու աղմկալի ծիծաղից յետոյ նորից հնչում էր Նատայի երգը, որի ձայնն ամենից աւելի ուժեղ էր լսում:—

Այսօր ես ու դու թողիմք իրարու,  
Առանց աւելորդ լաց ու արցունքի...

Բոլորն էլ աչքերը դրել էին Նատայի վրայ, լսում էին ուշադրութեամբ:

Կեանքում մէկ անգամ միայն կը սիրեմ,  
Եւ դու իմ հոգում կ'այլրես ամհատում:

Երգն ու զինին աղգել էին բոլորի վրայ: Խոհարարը դպուղութեամբ կերակուրներն էր բերում, եւ Վարդենին տեղաւորում էր նրանց սեղանի վրայ առանց աղմուկ հանելու, մերթ ընդ մերթ քնքշութեամբ իր մօտ կանգնած Անուշին մի կողմ հրելով:

— Թո՛ղ, Անուշիկ, թող, մի՛ խանդարիր:

Անուշն իսկոյն գլուխը քաշում ու յետ յետ էր դնում: Բայց մի անգամ էլ, երբ խոհարարն եկաւ ու յանձնելով լեցուն պնակները, վերցրեց պարպածները, ձեռքից մի քանի հատ դանակ, պատառաքաղ սահեցին ու վայր ընկան: Անուշն անմիջապէս մօտ վաղեց, Վարդենին կուսցաւ ու յանկարծ... նրանց երկուսի աչքերն ընկան սեղանի տակ հասաքած ոտքերի գոյգերին... Նատայի բարակ մետաքսէ գուլպաներով ոտքերը տեղաւորւած էին Սերգէյ Պետրովիչի ոտքերի արանքում...

Կայծակի պէս մի բան շանթահարեց Վարդենուն... Նա ձեռքի ափը դրեց Անուշի աչքերին, որ կռացած ընկած դանակները վրայ, բնագոյօրէն ու գարմացած, նայում էր փաթաթւած գոյգ ոտքերին... Բայց Անուշն արդէն տեսել էր ամեն ինչ:

Նրանք գլուխները բարձրացրին, նայեցին Նատային... Նատայի աչքերը ժպտում էին, մինչ շրթունքները կրկնում էին բառերը վերջին երգած իր երգի... Զաւէնը հիացած լսում էր նրան, իսկ Սերգէյ Պետրովիչը, իբր ոչինչ, շարունակում էր Նատայի ականջին բաներ փրստալ:

— Բռաւօ, բռաւօ, Նատալիա Իվանովնա, ձեր կենացը, մասնաւորապէս ձեր կենացը... Աստուած վկայ, իսկական արեւստագիտուհու նման էք երգում... Ոչ, ոչ, աւելի շուտ երգում էք այնպէս, ինչպէս միայն սիրող կիներ կարող է երգել... Ես խմում եմ անխարդախ գեացմունքների կենացը, սիրոյ կենացը... Զաւէն Նուբարիչ, արլահ վերդին ձեզ մօտ...

— Горько, горько,— գոռացին բոլորը:

Զաւէնը ծիծաղեց: Մօտեցաւ Նատային, բաժակը ձեռքին: Եւ Նատան նստած տեղից գրկեց նրա գլուխը...

Տխուր էր սակայն այդ տարի ձմեռը փոքրիկ Անուշի համար: Տատի մահից յետոյ աշխարհը փոխուել, շուտ էր եկել նրա աչքին ու, թէեւ հայրիկը փոքրիկ Սեսիլի պէս շատախօս ընկերուհի էր դառել նրա համար, Անուշը դո՛ս չէր սակայն:

Փոքրիկ Սեսիլը... կապուտաչեայ մի Փրանսուհի էր նա, շատախօս ու թրթռուն: Սկզբում Անուշը շատ սիրով էր խաղում նրա հետ, ցոյց էր տալիս նրան իր դրժերը, իր խաղալիկները: Նրան դիւր էր գալիս Սեսիլի բըլբլուն լեզուն, նրա շարժումները, րէվերանները, որ նա կատարում էր այնպէս շնորհալի ձևով: Անուշին գրաւում էին նաեւ նրա դոյն-դոյն հագուստները, որ յիշեցնում էին այն բազմատեսակ տիկնիկները, որ հայրիկը բերել էր տալիս Սեսիլի երկրից, դիւին թիթեռնիկի ձևով կապած ժապաւէնը, նրա համարձակ սրահւածքը: Բայց իր հողու մէջ՝ խորը, շատ խորը գտնուող մի ծալքում, կար ամենքից թաքուն մի դժգոհութիւն, մի տխրութիւն ու նա յանկարծ ամեն բան թափելով Սեսիլի առաջ, փախչում էր ուրիշ սենեակ ու չէր ցանկանում այլեւս դուրս գալ:

Անուշի մտածմունքները բոլորովին այլ ուղղութեամբ էին ընթանում:

« Կար չկար, կեանքի հադար ու մէկ օրերից մէկում, աղքատ մի տան մէջ, ձմեռը ծխոտ բուխարիկի կողքին չոքած՝ կլկլացող գետնախնձորի կաթսայի առջեւ, ամառը մի հատիկ թղենու հովանոլ տակ պատասպարւած մի մայր ու մի տղայ կար: Աղքատ էին ու մենակ մայր ու տղան: Մենակ այս լեցուն աշխարհի մէջ: Մայրը բուրշէ էր դրում՝ մի կտոր հաց վաստակելու համար. տղան, թղենու սուերի կամ բուխարիկի բոցի տակ, երազներ էր հիւսում:

« Լուռ ու հնազանդ ճակատադրին, ամեն առաւօտ մայրը լոյսի հետ միասին արթնանում էր, իր դզրոցի առջեւ ծալապատիկ նստում: Տղան, դուլսը ձեռքերի մէջ առած, արցունքներ էր քամում իր աչքերից, աշխարհի լմաստը չըմբռնելու անդորութիւնից յուսահատ եւ յաճախ բռունցքները սրտին դրած, սեղմում էր ուժգին, ունայնութեան ցաւը աւելի խորը չզգալու համար: Եւ մի երեկոյ, երբ տղան գիշերւայ խաւարից դարհուրած, աչքերն սասողերին, ճակատը երկնքին դէմ տւած, սպասում էր արեւի փրկարար՝ մտքերը ցրող լոյսին, երկինքը ձեղքւեց եւ լուսէ մի պատկեր իջաւ նրա առջեւ:

« — Տեսնո՞ւմ ես այս ճամբան, որ ձգւում է ձեր տան արեւմտեան կողմը: Այդ է քո ուղին: Գնա՛ այդ ուղիով, անցիր չոր ու ցամաք անապատը, հեռո՛ւ, հեռո՛ւ երկրներ մտիր, մինչեւ հասնես ամայացած քաղաքներին: Այդ քաղաքներից մէկում Դեւն իր բնակութիւնն է հաստատել: Գտիր այդ Դեւին եւ խարոյկի վրայ այրիր իր հողին: Դեւի հողի՛ն, որ բոլորից ծածուկ խորհրդաւոր թաղստոցում է պահւած, եօթ քարի ետեւ գտնուող մի փոսի մէջ:

« Այս ասելով լուսէ հողին թփրտաց, երկինքը նորից մէջտեղից պատուեց եւ նրան իր մէջն առաւ:

« Այդ գիշեր մայրը մեռաւ...

« Գեղնաւուն ասազի վրայ, արեւի պայծառ լուսաւորութեան տակ, մութ ու վեհ, ինչպէս սեւ ամպերի շարան, ծփծփում էր երկար մի կարաւան: Անհաշիւ օրեր ու դիշերներ լուսացել ու մթնել էին ճամբորդների դլխին, լուսինը մի քանի անգամ նորել, հասունացել եւ չքացել էր երկնակամարից, բայց կարաւանը շարունակում էր իր հլու երթը եւ այդ հլութեան մէջ մի վեհութիւն կար:

— Ալլահը կամենայ, լուսինն այս անգամ բոլորելիս քաղաքի դարբասները կ'երեւան: Գիտեմ որ շաան անցել, քէչն է մնացել,— յոյս էր տալիս սրտկառելի ծերունին՝ կարաւանի երէցն ու պետը:

« Բախտ որոնողների, սէր փնտրողների, լուսէ ճամբաներ երազողների մի կարաւան էր դա, որ աշխարհի չորս կողմից հաւաքւել իրար խաչածեւոյ մեծ ճանապարհների վրայ հանդոյց էր կազմել: Գնում էին, ո՛րը վարդ ու սոխակը շրթին, ո՛րը խաւարի քօղն աչքերին ու սրտին: Գնում էին կապոյտ յուլունքէ յուրութքը թեւներին կապած, «աշուղի կարմիր խնձորը» սրտներին սեղմած:

« Ճանապարհն այս անգամ շատ էր դժւարացել: Այնտեղ, ուր եօթ ճամբաներ խաչածեւում էին իրար, առաջնորդ ուղտը ամենաներկար ճամբան էր բռնել. իսկ չկատարել նրա կամքը՝ նշանակում էր վտանգի ենթարկել կարաւանը: Եւ Ալլահի կողմից նշանակւած այդ ճանապարհը երկար էր, շատ երկար:

« Ամեն դիշեր յոգնած ուղտերը կլոր շրջագծով նըստում էին արեւից տաքացած չոր ասազի վրայ, մի քանի ժամ հանգստանալու, դէպի մութ տարածութիւնն ի վեր ցցւած սապատներով: Եւ փոշոտ, խանձւած երեսներով մարդիկ որոնող հայեացքներով եւ արեւի ճառագայթները տակաւին բիրբերի մէջ սլահած աչքերով փուռում էին դետ-

նին ու յոգնարեկ մէջքերը յենում ուղտերի գանգւածին: Խաւարի մէջ, բնութեան գրկում մխրճւած այս կենդանի էակները աստաճային մի բան ունէին իրենց հողիներում:

« Սակայն օրերը դարձան շարաթներ եւ շարաթներն՝ ամիսներ:

« — Զուր, ջուր...

« Ծարաւից տապալիւած լեզուները չէին դառնում մի հարց կամ մի խօսք արտասանելու: Ու վերջապէս աստաղագարդ մի մութ դիշեր բոլորը դետին թափւեցին: Ոմանք երեսն ի վար հողը լիղելով, ոմանք երեսն ի վեր աստղերից ջուր աղերսելով: Լուռ էին: Մթութեան մէջ միայն ուղտերի միօրինակ որոճն էր լսում եւ մէկ-մէկ էլ ծանր ու խուլ հառաչանքները տանջող ճամբորդների:

« Այդ դիշեր ալեգարդ ծերունին, կարաւանի երէցն ու պետը, մօրուքը շփելով երկար ու բարակ մտածեց: Մէկ նայում էր վեր, անապատի մէջ այնքան բարձր երեւոյղ աստղերին, մէկ ներքեւ ասաղների վրայ փուռած կարաւանին ու սիրտը մղկտում էր:

« — Ի՞նչ յանցանք ունի քո ստեղծածը, Տէ՛ր, ի՞նչ յանցանք: Չէ՞ որ քո ցոյց տւած ուղին բռնեցինք:

« Բայց հրաշքը հեռու չէր: Աստուած լսեց ծերունու մղկտոցը: Ու տակաւին աչքերը երկնքի աստղերից վար չէր առել, իր կնճոռա ու խոշոր ձեռքը դեռ ճերմակ մօրուքի վրայ մնացել էր անշարժ, երբ ալեգարդ գլուխը յետ դարձրեց ու ճիշտ իր կողքին տեսաւ յանկարծ խոր, խոր մի ջրհոր... Անոյշ խոնարութեան բաղձալի հոտն անմիջապէս տարածւեց ամեն կողմ: Բոլորը սթափւեցին: Ո՛րը սողալով, ո՛րը փորի վրայ քարը գալով, եկան խմբեցին փոսի շուրջը եւ լեզուները ճաճպացրին:

« — Բայց ո՞վ է այն քաջը, որ պիտի իջնէ ջրհորը,

կարաւանին ջուր հայթայթելու համար, — հարցրեց ծերունին աչքերը չորս կողմը դարձնելով:

« Ամենքը լուռ էին: Շատերն իրենց անզօր ձեւացրին, շատերը թոյլ ու անկարող: Ոմանք բարձրաձայն լացին, ուրիշները խուզ մնացին:

« Այն ժամանակ, մինչ այդ բոլորից անտես մնացած ջահել մի տղայ ուղտերի սապատներէ կտեւից դուրսը վեր հանեց:

« — Ես կ'իջնեմ, — ասաց, — ասա այս թուղը կապէք մէջքիս եւ տէք ինձ մի դոյլ:

« Բոլորի աչքերը փայլատակեցին: Ամենքը մէկէն վեր ցատկեցին իրենց պառկած տեղից. ո՛րը դոյլ, ո՛րը թոկ բերաւ. ամեն մէկն իր հերթին քննեց կապած հանդոյցը: Գրկեցին պատանուն, համբուրեցին նրա ձեռքն ու ստըք եւ հաղար ու մի օրհնանքով փոսն իջեցրին, զդոյլ, շատ զդոյլ, որպէսզի վտանգ չպատահի:

« Երբ տղան արդէն հասել էր ջրին եւ ոտքերը երկու խոշոր քարի դէմ տեւել, իջեցրին եւ դոյլը:

« Այսպէս, անապատի այրող աւաղները Աստծոյ հրամանով սառը ու գովաբար ջրով շաղախեցին: Ուղտերն էլ խմեցին, յապեցան եւ ճամբորդներն իրենց տիկերը լցրին: Յետոյ դուրսները փաթաթեցին ճերմակ շորերով, բարձրացան նստեցին սապատներին, եւ առաջնորդ ուղտը բռնեց դիմացի ճամբան: Բոլորը դո՛հ էին, բոլորը երջանիկ: Ի՞նչ լաւ է հրաշքը եւ ի՞նչ քարի է Աստուած: Բայց ոչ ոք չմտածեց այն անձնէր տղայի մասին, որ թուղ մէջքին կապած մնաց ջրհորի երկու քարերի վրայ կանգնած:

« — Հո՛ւյ, հո՛ւյ... հո՛ւյ, — դուռաց տղան թաղմաթիւ անգամներ, բայց ի դուր...

« Մենակ էր այլեւս: Գլուխը յետ դրած, վիզը ցա-

ւից շարժել չկարողանալով եւ ձեռքով շօշափելով խոնաւ ու մամռոտ պատերը ջրհորի, մէջքը դէմ տաւ պատին եւ այսպէս խօսեց Արարչին.

« — Դու էիր որ հողուս մէջ վառեցիր կայծը սիրոյ եւ բարութեան: Այն բոպէին, երբ ոչ ոք չէր ուզում իջնել այս փոսը, դու իր սրտի մէջ դուրժ գարթեցրիր եւ ներշնչեցիր ինձ անվախութիւն: Ինչո՞ւ հասցա հանդուրժեցիր այս անարդար վերաբերմունքը: Ինչպէ՞ս եղաւ որ թոյլ տւիր այդ գղացմունքի ծնունդը նրանց հողիներում: Դրա՞ն էի արժանի ես ուրեմն, — ասա լսեց եւ գլուխը կախ մնաց անշարժ:

« Այդ ժամանակ մութ այդ փոսի մէջ, կրպոյտ եւ կարմիր լոյսերի շողեր փայլատակեցին, ողջ պատերն աղամանդի պէս դանազան երանգներով պսպղացին եւ երկընքից մի ձայն լսեց.

« — Ոչինչ չկայ աննպատակ եւ ի դուր: Ամեն մարդ իր ճակատադիրն ունի եւ ոչինչ չի կարելի անել՝ դարձնելու կամ փոխելու համար այն բոլորը, ինչ որ պէտք է, որ կատարւի: Նայիր աջ եւ կը համոզուես:

« Տղան դարձաւ, նայեց փայլիւղ պատերին եւ ասա աջ կողմից դետինը շարժեց ու ճերմակ լոյսով ողողած մի ճանապարհ բացեց:

« — Գնա՛, — լսեց նորից նոյն ձայնը վերից եւ տղան անմիջապէս նետեց լուսէ այդ ճամբան:

« Շատ դնաց թէ քիչ, Աստուած գիտէ: Շատ նեղ ու լայն ուղիներով, ընդարձակ դաշտերով ու ծմակներով անցաւ, շատ լեռներ ու ձորեր կտրեց, շատ փորձանքներից ազատեց, մինչեւ որ վերջապէս հասաւ ամայացած քաղաքներին:

Ամեն կողմ քանդած չէնքեր ամեն կողմ երբեմնի հոյակապ տների աւերակներ, քանդած ճանապարհներ,

վրած աշտարակներ... մեծ մի քաղաքակրթութեան  
զարհուրելի խորտակում... Բայց յանկարծ նա դէմ-դէ-  
մաց ելաւ տակաւին կանգուն մնացած սեւ քարից շինւած  
բարձր մի շէնքի: Հսկայ այդ շինութեան ճակատը զար-  
դարւած էր մարդկային գանկերով, պատերն է վեր կախ-  
ւած էին կմախքներ եւ առջեւից հոսում էր կարմրաջուր  
մի գետ: Ամեն ինչ լուռ էր սակայն: Ոչ մի մարդկային  
շունչ եւ ոչ մի կենդանի էակ: Կատարեալ ամայութիւն:

« Այս է անպատճառ Դեւի քաղաքը, — մտածեց տը-  
զան ինքն իրեն: Բայց ինչպէ՞ս պնել, որ կարելի լինի  
մօտիկից տեսնել այդ հրէշին: Նա վճռեց սպասել: Գտաւ  
խոշոր մի քար, տեղաւորեց նրա կտեւում եւ անշարժա-  
ցաւ:

« Շատ չանցած, քիչ չանցած, մէկ էլ յանկարծ գե-  
տինը սկսեց դողալ, ամպերը գոռացին եւ գետի կարմիր  
ջուրը փրփրաց:

Դեւն էր: Սեւ ժայռի պէս ծուռ-մուռ դլխով, ահ-  
ռելի բերանը կացնի մէկ հարւածով բացւած մութ խոռոչ,  
գլխատիչ ատամները ուռած շրթների արանքից սրբանա-  
գին դուրս պրծած ահռելի դեւը: Երկու ոչխար մէկ ու-  
սին, երկու կով միւս ուսին եւ մի մեծ դոմէշ գլխին առած,  
նա, լայն ահանջները հովին տալով, գալիս էր: Գալիս  
էր մոնչելով ու փշշացնելով, հսկայ մարմինը ուռած տի-  
կի նման, աջ ու ձախ օրօրելով, ոտքերը մէկ-մէկ կաշնի  
բուն:

« Երբ հասաւ իր ապարանքին, վար դրաւ բռնները,  
չոքեց գետի ափին, մէկ ձեռքով բռնեց դոմէշի գլուխը,  
խաղալիկի պէս ոլորեց, պոկեց մարմնից, միւս ձեռքով  
կաշին քաշեց, հանեց եւ սկսեց աղահուլիսաբար ըստի:  
Սար, ձոր արձագանգ տւին նրա ատամների սաակ վայ-  
րադօրէն փշրող ոսկորների ճարճատիւնից: Յետոյ նոյն

ձեւով եւ արագութեամբ մաքրագործեց նաեւ ոչխարներն  
ու կովերը, այս գերանանման թեւը տարածելով մօտա-  
կայ բլրի լանջին՝ արմատախիլ արաւ մի ծառ, մաքրեց  
ատամներն ու ահռելի մոռթը երկնքին դէմ տալով սկսեց  
հռհռալ: Ողջ բնութիւնը թնդաց այդ հռհռոցից, լեռների  
գաղաթները դողացին եւ գաշտերի հարթութիւնները երե-  
րացին: Կարծես աղէտարեր մի երկրաշարժի նախնական  
ցնցումներ լինէին, որոնց պէտք է յաջորդէր կործանող  
ուժգին հարւածը: Երբ մի քիչ խաղաղեց եւ տեսաւ, որ  
իր շուրջն ուտելու այլեւս բան չէր մնացել, ընկաւ գետի  
վրայ, ծծեց, ծծեց, լայն շրթերը ջրի երեսին փռած,  
մինչեւ որ բոլորովին յաղեցաւ, ապա փուկեց գետնին,  
արեւի տակ ու մնաց անշարժ:

« Տղան ժամանակ համարեց դուրս գալ իր թաղըս-  
տոցից: Ելաւ դռոյ, կանգնեց իրեն պատասպարող քարի  
դլխին, հեռուից ստուգելու համար, թէ կեղծ քուն չի՞  
մտել արդեօք սոսկալի հրէշը: Երբ հաւաստիացաւ, որ  
խորն էր նրա ջունը, վար իջաւ, կանգնեց ճամբու վրայ,  
վերջիչեց լուսէ հոգիի տւած բոլոր պատուէրները եւ քայ-  
լերն ուղղեց դէպի ապարանք: Գնաց, տան մէջ գտնւած  
բոլոր մեծ ու փոքր քարերի ետեւ նայեց, բոլոր խոռոչ-  
ները տնտղեց, բոլոր կասկածելի անկիւնները փնտռեց,  
բայց ամեն տեղ մարդկային գանկերից բացի, ուրիշ ոչինչ  
չգտաւ: Երկար փնտռութիւց յետոյ, վերջապէս բնագո-  
րէն մօտեցաւ եօթ խոշոր քարերից շինւած մի անկիւնի,  
ուր եւ իրօք թաղցրած էր Դեւի հոգին՝ ապակէ մի սրակ,  
ամուր փակւած եւ այդ եօթ քարերի ետեւ գտնուող փոսի  
մէջ թաղւած:

« Տղան ծառերի ճիւղերից եւ չորացած մացառնե-  
րից սլատրաստեց մեծ մի խարոյկ, դտաւ յարմար մի  
բարձրութիւն, ելաւ վրան եւ, երբ կրակն արդէն բորբոք-

ւել, բոցալառուել էր, առաւ սրւակն ու ամբողջ ուժով նետեց կրակի մէջ: Ու յանկարծ երկինքը մթնեց, ամպերն իրար վրայ եկան, իրար թախուեցին, երկիրն ահուելի թափով դղրդաց: Ժայռի լանջին կտրած սեւ քարէ շէնքը աղմուկով փլեց, գետը վարարեց ու ծածկեց նրան ու մէկէն վերից խոչոր մի դանդաւած սոսկալի ուժով գետին նետեց եւ քառասուն կանգուն հողի մէջ մտաւ: Դեւի մարմինն էր: Գլուխը միայն դուրս մնաց, որ մի քանի անգամ թափահարեց, ցնցեց, ապա քարացաւ եւ շարտեսիլ սեւ մի ժայռ դարձաւ:

« Խարոյկը մարելու վրայ էր արդէն: Երկիր ու երկինք կամաց-կամաց խաղաղուում էին ու թւում էր թէ ամեն ինչ վերջացաւ, երբ միանգամայն անսպասելի հողի մի շերտ աղմուկով փուլ եկաւ եւ տակից այլանդակ մի միջատ իր եռանկիւնի գլուխը դուրս հանեց: Պսպղուն, վայրի աչքերը ստուգրեց աջ ու ձախ, յտեց տղայի վրայ ու՝

« — Հա, հա, հա, — քրքշայ յանկարծ: — Արդէն այսպէս է եղել միշտ: Բաւական է, որ իր հոգու մի մասնիկն ազատուի միայն եւ ընկնի հողակոյտի վրայ, որ յետոյ գնայ աշխարհ եւ վերսկսի իր կեանքի պատմութիւնը: Ահա ես, իր հոգուց ազատուած այդ մասնիկը... Հա, հա, հա, որքան միամիտ ես դու, որքա՞ն միամիտ... »

« Տղան աչքերը չորս արած նայում էր, ալանջները սրած լսում: Կարծես ողջ աշխարհում ինքն էր մնացել միայն ու մէկ էլ այդ քրքշացող միջատը:

« Կենդանին սակայն կամաց-կամաց սկսեց ձեւափոխուել. մերթ ոտքերը ներքեւ կախած օդի մէջ երբևող մարդ էր դառնում, մերթ ինքն իր վրայ դալարւող օձ: Մէկ զոմէջի մարմնով եւ ձիւ գլխով հրէջի վերածուում ու մէկ զունչը դէմ տւած ոռնացող վաղբ դառնում: Յե-

տոյ յանկարծ սկսեց փոքրանալ-փոքրանալ, ի վերջոյ դարձաւ թեւաւոր մի բոլոր, որ թրթռալով թռաւ, խաբառ շքացաւ: Հեռուից շարունակուում էր լսել միայն իր յարտեւ քրքիջը... »

« — Ձի յաջողւի, չէ՛, չի յաջողւի... »

« Այն ժամանակ տղայի հոգին յանկարծ անասելի դայրոյթով լցեց: Երկու ձեռքերը բռունցք շինած, դուրս պրծած աչքերով, խոցած սրտով եւ կծկւած ուղեղով նա այլևս առանց ինքն իրեն հաշիւ տալու եւ առանց յետ նայելու սկսեց վազել՝ հասնելու համար անյայտացող միջատին, որ քրքշալով դնաց վերսկսելու իր հին պատմութիւնը... Եւ նրա վազքը քանի գնում արագանում էր:

« Ու երբ ճանապարհին շուրջը նայեց, դարմացած տեսաւ, որ ինքը մենակ չէր այդպէս վազող. անհամար մի բազմութիւն իրեն պէս, երկու ձեռքերը բռունցք շինած, աղբրսալի աչքերով եւ խոցած սրտով, նոյն խաւար տարածութիւնն էր կտրում »:

Այսպէս էր պատմում Մարջան հօրաքոյրն ու համակ դայրոյթ դարձած, հառաչում անդոր:

— Հապա բալաս, ու դեռ մինչեւ այսօր չարի ետեւից ոչ ոք չի կարողացել հասնել:

Այդ ձմեռ, իր աղջկայ՝ Մարօի մահից յետոյ, Մարջան հօրաքոյրը յաճախ էր դալիս Նուբարեաց մօտ ու շաբաթներով մնում էր այնտեղ:

Ձմեռուայ գիշերներին նստում էր նա վառարանի կողքին, Անուշի գլուխը դնում ծնկին ու խօսում էր, խօսում: Ու թէեւ ժպտուն ու բարի Բեհեղ տատի միանգամայն հակապատկերն էր Մարջան հօրաքոյրը, Անուշը սակայն միշտ սիրում էր լսել նրան: Մարջան հօրաքոյրը միշտ դժգոհ, միշտ ծառայած հողի ունէր:

— Սիրտս նեղ է, նեղ, — գանդատուում էր յաճախ,



— ուզում եմ կանգնել բակի մէջտեղում, ձեռքերս դնել ականջներին եւ մի լաւ գոռալ, մի լաւ ճշալ:

Երբզուն ու խորհրդապաշտ Բեհեզ տատի պէս նա շատ հէքեաթներ չգլխտէր: Գիտցած երկու հէքեաթից մէկը Սատանայի եւ միւսը չար Գեւի հէքեաթն էր, որ նա սիրում էր պատմել ամեն անգամ, երբ առիթ ստեղծէր:

— Աշխարհիս բինովրէն Սատանան է, բալաս, Սատանան: Նրա բնակավայրը գտնուում է կարմիր աւաղների անապատում, քառասուն կողք-կողքի կպած, գլուխ գլխի տւած կապոյտ ժայռերի կատարին: Գետնի մէջ փորած վարի խոռոչներում իր ճուտերն են վխտում, թռչկոտում, հռհռում: Ինքը բազմած մութ ամպերի մէջ, երկար պոչը հրէ լեզուի պէս աշխարհի վրայ փռած, պողերը մինչեւ երկինք մխրճած: Ամեն անգամ, երբ նա շնչում է, նրա շնչից սեւ-սեւ ամպեր են գոյանում, ամեն անգամ, երբ կրակէ պոչը շարժում է, աշխարհը շարիքով է լցւում:

Այսպէս էր պատմում Մարջան հօրաքոյրը Սատանայի մասին: Անուշը լսում էր բիբերը խոշորցրած եւ յօնքերը վեր քաշած: Իր խկական մեծութիւնը սակայն Անուշի համար մնում էր դարձեալ անըմբռնելի: Հօրաքոյրը ասելով նա կարող էր փոքրանալ, փոքրանալ եւ՝

— Այ էն թաղում դրւած չիրուխի մէջ տեղաւորւել: Իսկ եթէ ուզենայ, այնքան կը մեծանայ, որ տեսնել իսկ չես կարող: Կամ ոտքը կը տեսնես, կամ մի մատը միայն...

Եւ պատմում էր թէ ինչպէս ինքը մէկ անգամ, երբ դեռ ջահել հարս էր, գնացել էր գլուղ: Դաշտում, ինչպէս եղաւ, ինչպէս չեղաւ, մնաց մենակ:

— Արեւն արդէն մայր էր մտնում: Գիւղացիք բոլորը քաշել էին: Ծառ, մացառ իրար էին խառնել: Երկինքը կպել էր երկրին... Մին էլ նայեմ, ի՞նչ տեսնեմ...

Նա՛ ինքը: Կարմիր կրակէ պոչը ոլոր-մոլոր դաշտում փռած, ծայրը մինչեւ երկինք նետած, աթղահա գլուխը դիմացի լեռան դէմ տւած, մեծ-մեծ ատամները բաց հրո... հրո...

— Յետո՞յ: Հասա ի՞նչ արիւր...

— Ի՞նչ արի: Ուշա կորցրի:

Անուշը կծկւում էր նոտած տեղը:

— Հասա՞, էգպէս է, Սատանան ամեն տեղ է: Սատանի խցիկների, թաղում դրւած ամանների, ծալքում, պահարանում... եւ միշտ էլ նա է յաղթողը, բալաս:

Հօրաքոյրը ինքն ինք «քառասուն» աստիճան խորութեամբ մութ մի մատան կար, ձմեռւայ փայտ ու ածուխի շտեմարան, ուր իջնելն ու մի վայրկեան մնալը մեծ քաջութիւն էր Անուշի համար, բայց ուր հօրաքոյրն իջնում ու ժամերով ուշանում էր:

— Ինչո՞ւ մեծերը սատանաներից չեն վախենում:

— Որովհետեւ բոլոր մեծերի մէջ մի փոքրիկ սատանայ կայ, — բացատրում է հօրաքոյրը: — Երբ նրանց աչքին երեւում է մեծ սատանան, նրանք իրենց փոքրիկ սատանայի միջոցով սկսում են նրա հետ խօսել, կատակել, մինչեւ որ կամաց-կամաց հեռանալով մութից դէպի լոյս են դուրս գալիս: Իսկ լոյսի մէջ արդէն սատանայ չկայ:

— Ուրեմն, բոլոր մեծերի մէջ մի փոքրիկ սատանայ կա՞յ:

— Այո՛:

— Որտե՞ղ:

— Ահա, ճիշտ այստեղ, — եւ կնճռոտ ձեռքը խփում էր ախոսներով լի ճակատին:

Այսպէս էր որ Անուշը իմացել էր սատանայի գոյութեան մասին:

Հօրաքոյրից բացի թափառական ֆալշիները եւս խո-

սում էին նրա մասին: Ջրով լեցուն ամանին նայելով, գզգզած մազերով գնչուն խորհրդաւոր ձայնով «սատանի աչքի», «սատանի պոչի» մասին դանազան տեղեկութիւններ էր տալիս...

— Գնա՛, առաւօտ շատ կանուխ, բարձրացիր ձեր տան տանիքը, երեսդ դարձրու արեւելք եւ երեք անգամ, թու, թքիր սատանի շիւ աչքին:

— Էհ, քոյրիկ, մատանի՞դ ես հարցնում: Տանդ մէջ է: Սատանի պոչը պէտք է կապես, երեք օր չի քաշի, կը դանես:

Սեւ ո՞ւր էր իր իսկական բնակութիւնը: Ինչո՞ւ էր այդպէս թշնամաբար վերաբերում մարդկանց:

Անուշը ոչինչ չէր հասկանում ու գիշերը, անկողնում, վերմակի մէջ փաթաթած, բաց աչքով երազ էր տեսնում... Ահա սատանան՝ բուրի կերպարանք առած, սեղանի վրայ նստած իրեն է նայում...

Անուշն իսկոյն երեսին խաչ էր հանում:

Այդպէս էր ասել հօրաքոյրը, — որ չարքերը դան, խաչ հանիր երեսիդ, կը չքեն:

Ու ամեն անգամ սատանայ ըուն կանչում էր՝

— Այո՛, այո՛ այո՛...

Անքուն, անքուն գիշերներ: Երկար ու սարսափներով լի:

Անուշը նստած է իր փայտեայ մահճակալի մէջ: Գիշեր է, ձմրան ցուրտ գիշեր: Վառարանի կրակը վաղուց մարել է արդէն, լուսամուտները ծածկւած են հաստ վարագոյրներով: Անուշը գլուխ է, որ ծածկւած են, բայց ահա, ահա մէկի արանքից, լուսնի հարած արծաթի տակ,

ճերմակ ձիւնն է պսպղում եւ ներդաշնակում փեղկին յենւած Նուբարի սպիտակահեր գլխի հետ:

— Հազար բուբլի, հազար բուբլի, կը լինի երկու հազար բուբլի: Մեծ դորդը ութ հարիւր յիսուն, ոսկէ վղնոցը վեց հարիւր... Ծուտով կ'աւարտէ, յետոյ չորս տարի համալսարան...

Վարագոյրի պատուածքից լուսինը բաց մնացած անկողնու ճերմակ սաւանի վրայ շանչ է շինել: Մութ անկիւնում ինչ որ սեւ բան է շարժւում: Այնտեղ ժամացոյցն է, կողքին Գրիգոր Արծրունին, միւսը պապն է, աթոռին նստած: Մութի մէջ շրջանակները շարժւում են կարծես, պատը մօտենում է մահճակալին... զրբնդ... զրբնդ...

Ժամը չորսն է: Յնցւում է:

— Էն էլ ութ հարիւր յիսուն, կը լինի...

Մութ անկիւնի սեւ սուերը նորից սկսում է շարժւել. մերթ տարածւում, մինչեւ առաստաղն է հասնում, մերթ սողալով յատակից սահում, վառարանի վրայ է մագլցում ու մէկէն ցատկում, ժամացոյցի սլաքներին է կպչում...

— Հօրաքոյր, հօրաքոյր... Սատանան արդէն մեր տունն է մտել...

Ու ամբողջ գիշեր Անուշը վախենում է ու ամբողջ գիշեր Անուշը սարսուում է...

Լուսաբացի մթնշաղին միայն, երբ արեւի առաջին ճառագայթները վարագոյրի բաց մնացած ճեղքերից ներս էին սողում, ողջ գիշեր այդպէս թիրաացող սուերները սկսում էին կամաց-կամաց հալչել ու դէպի պարտէզ նայող փեղկերը շառաչելով բացւում էին վերջապէս:

Անուշը նայում էր դարմացած աչքերով... Դրսում բարի ու ժպտուն երկինքն, անտեղեակ ներսում կատարաւոր անց ու դարձին, իր կապոյտ հովանին էր փոխել աչ-

խարհի վրայ: Ձմրան արեւի ճերմակ շողերը կտրին իջած ձիւնի հետ համբուրւում էին եւ նրանց համբոյրից ձիւնն երջանկութեամբ լցւած, պսպղուն շողեր էր արձակում՝ պլպլում, պլպլում... Կատուն, լուսամուտի փայտեայ վանդակին նստած իր փիլիսոփայութեամբ լեցուն աչքերը յառել էր միջոցին եւ պոչն էր շարժում ի նշան դոհունակութեան թէ՞ խորհրդածութեան: Իսկ այնտեղ, աջ պատին, Անուշի մահճակալի ետեւում, կախւած էր Բեհեզ տատի մեծադէր լուսանկարը, որ խոհուն աչքերով նայում էր վար ու ժպտում աշխարհին:

Ու թւում էր յանկարծ, որ կեանքն այնքա՞ն, այնքա՞ն լաւ է... Առարկաների վրայ բարի հոգի էր իջնում, նոր վառուող վառարանի չրթ-չրթացող կրակի իւրաքանչիւր հարւածի հետ Անուշի սրտում նոր շող էր ծագում, եւ ամեն ինչ ժպտում էր ճիշտ տատի մեծադէր նկարի խաղաղ աչքերի նման:

Որքա՞ն բան կար թաղնւած այդ աչքերի մէջ... որքան բան...

1915 թւի դարունն իր լիակատար հմայքի մէջ էր: Եղբեւենիներն իրենց յամբիկագոյն ու կարմիր ծաղիկների վնջերով, փոքրիկ, ցածլիկ ծառերի դեղին ծաղիկները, բոլոր, բոլոր վարդերը՝ կարմիր, ճերմակ, վարդագոյն բացել էին ու սխուել ամեն կողմ:

Այգիների մօտից անցնելիս անոյշ բուրմունքը, թեթեւ դեփիւռի հետ միասին, զարնւում էր մարդու երեսին, մարմինը թմրում եւ ուղեղը գորաւոր, ընտիր խմիչքի ազդեցութեան ենթարկւածի պէս, քաղցր հարբումի պատրանք էր ստանում: Քաղաքն արտասովոր թարմութիւն ու զեղեցկութիւն էր ստացել, ծաղկած ծառերի եւ ծաղիկների շնորհիւ: Վերի յարկի լուսամուտից դիտելիս անասելի մի դարթութիւն էր իջնում հոգու վրայ՝ այնքա՞ն թովիչ էր պատկերը:

Անոյշ թմրութիւն է իջնում մարդու վրայ մայիսեան այդպիսի օրերին: Ա՛հ, չմտածել ոչինչ, հանդատացնել միտքն ու հոգին ու նայել աշխարհին պողարեր ծառերի նման, որ կանգնել են ահա հպարտ ու զեղեցիկ, անտարբեր իրենց զեղեցկութեան հանդէպ:

Թափանցիկ թեւերով միջատներ ու ճանճեր, դունաւոր ու պսպղուն, թարմ կանաչների վրայ անհող թրթրում են ու իրենց հասկանալի եղանակով բնութեան դովքն են երգում: Երկինքը լայն-լայն բացել է կապոյտը, կար-

ծես ամեն գեղեցկութիւն եթերային իր գրկի մէջ սեղմելու անհուն ցանկութեամբ լցւած: Հեշտանքի մէջ ընկղւմւած նա լուռ կուսցել է երկրի հմայքների վրայ ու պայծառ իր աչքի՝ սոսոզուն արեւի հաղարաւոր ճառագայթները, սիրահարի նետերի նման թափել է ներքեւ՝ ծաղկած քաղաքի վրայ:

Լուռ ու կախարդական այս ժամին հեռւից՝ վերից, շատ վերից, լսում է արտուտի դայլայլը:

Հեշտանք ու կիրք կայ բնութեան մէջ:

Դէպի Աստուածածին տանող ճանապարհը լցւած է բազմութեամբ:

Ոմանք իրենց ուտելիքներն ու խմիչքները էշերի վրայ են բարձել, ուրիշները կապոցներ են շինել ու փայտի ծայրին հագցնելով դրել են ուսներին, ոմանք խուրջիններն մէջ են տեղաւորել ամեն ինչ ու բոլորը միասին դանդաղ բարձրանում են այգիների մէջ ընկած ծառոտ ճանապարհով:

Պառաւ տատերը, տըքտըքալով, բայց ուրախ, հետեւում են իրենց գաւակներին ու թոռներին, որոնք կատակելով, գանազան ճիշտ ու անճիշտ պատմութիւններ պատմելով ու ծիծաղելով, շտապեցնում են յետ մնացողներին:

Մի խումբ երիտասարդ արհեստաւորներ, առողջ ու քնքերով, արեւից վառւած այտերով, քայլում են դիւրաւորական քայլերով ու բարձրաձայն երգում: Ջահէլ հարս ու աղջիկ ջրի կլկլոցի պէս մունջիկ-մունջիկ զրուցում են եւ մանուկներն իրար ձեռք բռնած շարան-շարան առաջ են վազում:

Ղարաղաղի լեռներից իջած եղնիկի աչքերով երկտաաբդ մի աղջիկ, դաշտի ծաղիկներից գունաւոր փունջ շինել, կրծքին է խփել: Նրա գլխի գունաւոր բարակ շալը

թեթեւ քամուց շարժւում է անդադար ու սպառնում ամեն բոպէ վար սահել, ի յայտ բերելու համար փարթամ, մուգ-չաղանակադոյն մաղերը: Հաղուստի երկար քղանցքը թեթեւ քայլածքից նազանքով շորորում է ու ենթադրել տալիս նրա ուղղաձիգ սրունքների ճկուն գեղեցկութիւնը: Նա առաջ է ընկել, թեւին սեղմած փոքրիկ մի գամբիւղ եւ գնում է կարծես ինքն իրեն համար:

Բազմաթիւ կառքեր, մերթ դանդաղ ու մերթ սրարշաւ, անցնում են ոտքով քայլողների մօտից, ձեռքով կամ թաշկինակով նրանց ողջոյններ ուղարկելով:

Ամենքը մասնակցում են հանդիսաւոր այդ տօնին ու թւում է թէ ողջ քաղաքը ոտքի է:

Ու ահա հեռում, «էն ա հա՛» արդէն երեւում է փոքրիկ առուակը, որի շուրջը մի շարք կեռասնիներ կան անկած: Ջինջ ջրի մէջ երկինքն ու ծառերն են անդրադարձել ու ցածրիկ խոտերը վառ կանաչութիւն են ստացել:

Տեսարանը պարզ է... անստեր, անկնճիւ մի պարգութիւն, որ աչքա՛ն ներդաշնակում է մարդկանց հողիների հետ՝ գեղեցիկ իրենց պարգութեամբ, անկնճիւ հագեւանութեամբ, հեռու մանւածապատ մտածումներից ու լարդութիւններից:

Աստուածածնի երկաթաձող դռները բացել էին արդէն: Մատաղաւորները, ոչխարների եւ դառների հետ միասին, կանգնել էին դրանը: Քաղաքից դուրս ընկած մեծ մի այգի էր դա, որտեղ տարիներ առաջ մարդկանց աչքին «լուս ցերեկի պէս» երեւացել էր Աստուածամայրը ճերմակ երկար շրջագեւատով, գլխին ոսկէ մի պսակ: Նրա անւան նւիրած մեծ այդ այգու մէջ շինւած էր փոքրիկ մի մատուռ:

Ծառերի միջից երեւցող հասարակ քարերից շինւած

այդ մատուռը հեթանոս մեհեանի էր նման: Երբ քահանան ոսկեգոյն շուրջառն ուսերին, սաղաւարտը գլխին, ծնծղաների ու բուրվառի շրփոցի տակ կատարում էր սովորական իր ծէսը, երբ մարդիկ մատուռի առջեւ, սուր դանակներով մատաղներ էին մորթում եւ կարմիր արիւնը ողողում էր քարերը, իսկ հեռուից արդէն գոռնի ձայնն էր լսում, թուում էր թէ հեթանոս մի ծիսակատարութիւն էր տեղի ունենում...

Բազմութիւնը շրջապատել է մատուռը: Կանայք, գլխներին ծփծփան քողեր դցած, ոսկէ ձակատանոցներով, աղջիկները դոյնդոյն հազուստներով, երանութեամբ լի աչքերը յառել են ոսկէ խաչին, որի վրայ արեւն իր ճառագայթներն է խտացրել... Նրանք նայում են խաչի մէջ անդրադարձած արեւին ու ոսկուն՝ հուր ու փայլին, լսում են ներսից հոսող երգեցողութեան ձայնը ու հարազատ, խիստ հարազատ, բայց վաղուց կորուսած ու անյայտութեան մատնած մի զգացմունք, թրթռալով դնում, հոգու խորքում թաղնւած լարերին է դարձնում... Երբ, ոլորուն շղթայ դարձած, բարձրանում, փաթաթում է բռնկւած խաչի ոսկէ թեւերին, յետոյ վէտվէտալով վար է իջնում, խառնւում է մատաղացու ոչխարների ու գառների բառաչների հետ...

Օղից արեան հոտ է գալիս:

— Ա՛ռ, աղջիկս, այս փոքրիկ կուժն ա՛ռ: Վրան ծաղիկներ ցանիր, բոլորից հաւաքած իրերը՝ մատնոց, օղ, մէջը դիր, դնա եօթն անգամ էս բակի շուրջը պտտիր: Այս ու այն կողմ չնայես, չխնդաս ու չխօսես: Ա՛ռ աղջիկս, ա՛ռ այս փոքրիկ կուժը:

Բեհեզ տատը Անուշի երեսին ճերմակ մի քող էր դցում ու սափորը ձեռքը դնում:

Արեւի դեղին շողերը բակի աղիւսների վրայ մեղր

էին մաղել: Իրար վրայ հակած գոյգ եղբւենիները, ջուխտակ քոյրերի պէս, դալար ճիւղերով սիրոյ ու գըզւանքի շոյանքներ էին փոխանակում: Պատն ի վեր մազըլցած կանաչ որթերը ըմբոստ թեւերը դէպի պարտեզ էին պարգել, իրենց ստեղծների տակ կանաչաւուն լուսաւորութիւն ստեղծելու համար:

Պարտեզը, արեւելեան նախշոտ գորգի պէս, կարմրերին ու կանաչին էր տալիս... Կենտրոնում՝ քառակուսի ծաղկանոց, չորս բոլորը վարդենիներ: Մէկ կողմը դեղին նարգիլ, միւս կողմը շահպրակներ. մէկ կողմը կարմիր մեխակ, միւս կողմը թաւչէ վարդեր եւ անկիւններում բազմադոյն անանուն ծաղիկներ, կրակի բոցեր, լոյսի փայլիլող ճառագայթներ: Ու յետոյ շուքեր եւ շուքեր:

Փոքրիկ, մոխրագոյն ծիտերը, թառած ամեն թփի, ամեն ճիւղի, տարօրինակ այս լուսաւորութեան եւ ստեղծների մէջ, պսպղուն երանքներ էին ստանում, դեղին ու կարմիր, կանաչ ու մանիշակագոյն:

Լուռ ջերմեռանդութեամբ, անորոշ ու վեհ զգացմունքներով, Անուշը սկսում էր դառնալ բակի շուրջը: Քարէ սանդուխների վրայ նստած տատը, ծնկները գըրկած, սպասում էր:

— Բեր, աղջիկս, բեր սափորդ, ջրով լցրու, քողդ վրան դցիր, գոյգ վարդենիների տակ դիր ու թո՛ղ. թող, որ այս դիշեր աստղերի խորհուրդը մէջն ընկնի եւ ատաւոտեան բարի լոյսի շողը վրան կաթի:

Այդպէս էր յիշում Անուշը Համբարձման տօնը...

Այդ տարի Մարջան հօրաքոյրն եկաւ կապեց բոլոր կապոցները, դրաւ բակի պատի տակ: Առաւօտ կանուխ ամենքը միասին հաւաքւեցին ու ճամբայ ընկան:

Այդ տարի Նուբարը ոչխարի փոխարէն մի գոյգ ճերմակ աղաւնիներ մորթեց մատուռի քարերի վրայ: Ու

մինչ ներսից լսուում էր երկինք բարձրացող աղօթքի ձայնը, ու մինչ թեթեւ հովը շոյում էր կանանց գլխի քոշերն ու աղջիկներին մազերի հետ էր խաղում, իսկ ծառերի տակից լսուում էր դուռնի ձայնը, անդին՝ օդը մէջ, խունկի պալանները, ուրբա՞ծ արեւի ճառագայթներին, սողալով վեր էին բարձրանում՝ հասցնելու համար ամպերին ստեղծագործութեան առեղծւածի առաջ շարած մնացած ջերմեռանդ մարդկանց հողիներին անբացատրելի զգացմունքները:

Չաւէնն ու Նատան այգւղիսի տօները էին մասնակցում: Նուբարն իր սեղանի շուրջն էր հաւաքել Տիգրանի երբեմնի ընկերներին:

Հանդիսաւոր օրերին Նուբարի հայրական սիրտն առանձին կարօտով էր յիշում բացակայ իր գաւակին... Նա դիտէր մանաւանդ, որ Տիգրանը դեռ մանուկ հասակից տարօրինակ սիրով էր կասկած հին աւանդական տօներին: Գիտէր նրա սէրը Բարեկենդանի տօնի, Վարդավառի, Գրնդեզի հանդէպ ու զգում էր, որ Համբարձման այգօրը Տիգրանի հողին իրենց հետ էր...

Կարօտի ու սիրոյ իր զգացմունքներին դոհացում տալու համար Նուբարն այդ տօներին միշտ իրենց մօտ էր հրաւիրում, տանը կամ դաշտում, Տիգրանի հին ընկերներին, որոնց հետ Տիգրանը մեծացել էր եւ որոնց համար Նուբարենց տունը հարազատ տուն էր: Այդ ընկերներից ամենից աւելի Նուբարը սիրում էր Հայկին:

Հայկը կենսուրախ, առողջ եւ զւարթ բնաւորութեան սէր մի տղայ էր, որ Տիգրանի մեկնելուց յետոյ Վարդենու մտերիմն էր դարձել: Եւ Վարդենու համար նա այլեւս եղբոր պէս էր, այնքան մաքուր, այնքան հարազատ կապ էր ստեղծւել նրանց միջեւ:

Հայկի հետ էր կիսում նա ասլադայի իր երազը...

Նրանք երկուսով յաճախ իրար մօտ էին դալիս, խօսում էին, դատում, վճռում ու հիացմունքով կարդում հեռացած ընկերների խանդավառ նամակները:

Հեռացած ընկերներից ստացած նամակներից ամենից աւելի նրանց ոգեւորում էր Փարիզից եկած նամակները...

Իր մեկնելու առաջին տարին Գրիգոր աղայի տղան՝ Բարդէնը, որ նրանց մանկութեան ընկերն էր եւ որի վերադարձը վերահաստատել էր նրանց մէջ եղած երբեմնի կապը, մի քանի անգամներ գրել էր նրանց:

Գրել էր, նկարագրել Եւրոպան, ու թէեւ Բարդէնի նամակները միշտ լի էին կարօտով, ու թէեւ Բարդէնը յաճախ Արեւելքի գեղեցկութիւնների դովքն էր անում, նրանք ի սրտէ նախանձում էին Բարդէնին ու գրում էին նրան երկար-երկար նամակներ:

Այժմ բոլորած Նուբարի սեղանի շուրջը, ուր ներկայ էր եւ Գրիգոր աղան, նրանք կատակներ էին անում, երգում, պատմութիւններ պատմում, վերյիշում էին իրենց մանկութեան օրերը... Նուբարը ուրախանում էր նայելով նրանց, մինչ աղա Գրիգորի աչքերը լցւում էին տրամութեամբ:

— Կանաչը բեր մաքրե՛նք, աղջի: Օղու մարդէն սլաւորաստիր:

— Վա՛յ, տեսար հալա, աղը մոռացել եմ:

— Ես չատ ունեմ, խնամի, քեզի կը տամ:

— Տես, տես, հաղար անգամ ասացի, որ մեծ սիրտցը դրէք հա՛... Տէր ողորմեա Աստուած, էս ջահէլները գլխին խելք չի մնացել:

— Ժամանակն ա խարաբ էլէ, ժամանակը: Ի՞նչ ես թողել, ի՞նչ ես փնտռում, այ կնիկ:

— Ես աղջիկ ժամանակս մօրս խօսքից չիմ դուրս  
դայ: Հիմա հա ասա, լսողն ո՞վ:

Հեռուի պատերի տակ արդէն օջախներ են պատրաստ-  
տել ու մատաղները կրակի վրայ դրել:

Կանայք ուտելիքի կասկածներ են բացում, տղամար-  
դիկ խորովածի մսերը կտրատում, աղ ու սոխ են ցանում  
վրան:

Շուտով ամեն մի ծառի տակ, խոտերի վրայ բաց-  
ւում են դորդեր եւ կասկերտներ: Իւրաքանչիւր ընտանիք  
իր բարեկամներով ու աղգականներով ճաշի «սեղանն» է  
պատրաստում: Մատաղ անողները փոքրիկ, միատեսակ  
ամանների մէջ բաժին-բաժին արած միսը ձեռներին, մօ-  
տենում են սրան, նրան ու խնդրում են չմերժել: Զանա-  
դան տեղերից լսում են երգի ձայներ, բաժակաճառեր:

— Աղա Մնացական, կենացդ, այ մարդ, բա ին-  
չո՞ւ էդքան հեռու ընկար մեզնից:

— Շնորհակալ եմ, շնորհակալ, անուշ լինի: Աղջի,  
էս օդու շիշը տար Գասպարին:

Իրար անվերջ սլատառներ ու լեցուն բաժակներ ու-  
ղարկելով, ամենքն ուտում, խմում, երգում, ուրախա-  
նում են:

— Տունդ չէն մնայ, պարոն Նուբար, դաւակներդ  
մէկ-մէկ ձրագ դառնան դրանդ գլխին:

Լցնում են բաժակները, Մարջան հօրաքոյրը բաժա-  
նում է գաֆուանով փլաւը, վրան խորովածի շամփուրներ  
դնելով:

Ճաշից յետոյ հարս ու աղջիկ, շրջապատում են  
փոքրիկ Անուշին: Ու նախ կամաց, յետոյ աստիճանաբար  
ուժեղանալով բարձրանում է բախտի երդը, երիտասարդ  
չրթերից դուրս թռած տենչալի հառաչների պէս՝

Ձան գիւլում, ջա՛ն, ջան...

Փոքրիկ Անուշը կախարդած, թաթիկը սրբացած  
սալորի մէջ է մտցնում... Ու աստղերի խորհուրդը,  
լուսաբացի առաջին շողը՝ սկիզբն ստեղծագործութեան,  
հեթանոս մի մատուռի կողքին, երգի ու գոհարերութեան  
փառաւոր ծիսակատարութիւնից յետոյ, կաթում է բա-  
լորի մաքուր հոգիների մէջ...

Կրակը բռնկել ա,  
Իմ սիրտը բռնկել ա,  
Սրտիս հետ խաղ մի անի,  
Արիւնս բռնկել ա:

Բոլորը շրջապատել են երգողներին: Ոմանք կան-  
գնած են, ուրիշները նստել են, տղաներից մի քանիսը  
բարձրացել են ծառերի վրայ... Ամեն կողմից լսում են  
նոր ու նոր բառերով հիւսւած տողեր, որ խումբն անմի-  
ջապէս լրացնում է ջան դիւլում ջան, ջա՛ն հանգերգով  
ու մէկիկ-մէկիկ սպառում են սափորի մէջի իրերը:

Արի տղայ քո հրով,  
Լցրու սափորս քո հրով.  
Աղբիւր գնացած աղջիկ եմ,  
Լցրու սափորս քո ջրով:

— Բա՛հ, սամալարս հանդաւ: Խելքս տւի ջահէլ-  
ներին, մոռացայ կրակի վրայ ածուխ դնել:

— Հա դէ, զոչաղ, բռնի էս խալին մի թափ տանք,  
նորից փոենք: Համմա վիճակդ լաւ վիճակ էր հա՛, միտդ  
պահիր որ նշանածիդ ասես:

— Ես նշանած չունեմ:

— Լաւ, լաւ, աչկեարա չունես, մտքիդ մէջը կ'ու-  
նենաս:

Ձան դիւլումով սակայն օրը չի վերջանում: Մէկ

տեղ երկսեռ երիտասարդներ երկձայն խումբ են կազմել ու թառի ընկերակցութեամբ երգում են: Չորիուռ Պետրոսը մի քանի հոգի շուրջն առած՝ ինքնաբուխ երգեր է յօրինում ու ձեռքի դաւալին խփելով սիրատենչ հառաչներ արձակում: Արդէն տարիքն առած տղամարդկանց մի խումբ՝ վարակւած ընդհանուր ոգեւորութիւնից «եայլի» է բռնել թռչկոտում է, իսկ այգու խորքից լսում է մելամաղձոտ շէի երգը:

Բազմաթիւ ինքնաեռներ իրենց մեղմ երաժշտութիւնը խառնել են ընդհանուր ուրախութեան ու ապակէ բաժակներէ միջից մուգ նարնջագոյն թէյը արտակարգ բնոյթ է ստացել:

Գիշեր էր: Անլուսին, աստղալի մի գիշեր: Տան մէջ բոլորը քնած էին արդէն՝ յոգնած այդ օրւայ գրօսանքից:

Նստած մենակ իրենց պարտէզում, գլուխը դրած թեւերի վրայ, Վարդենին նայում էր երկնքին: Աստղերի լոյսը թեթեւ մթնշաղ էր թափել ծառերի վրայ ու մայրսեան գիշերը շնչում էր մեղմօրէն:

Վարդենու մտքի մէջ կասրոյտ լոյսեր էին իջել: Նա մտածում էր Համբարձման տօնի խորհուրդի մասին, Բեհեզ տատի մասին...

Համբարձման տօնը Բեհեզ տատը ծաղկամօր տօն կ'անւանէր... Ծաղիկներ, որ այնպէս առատօրէն բացւել, թափւել էին այդ օրն ամեն կողմ... Վարդենին հարբել էր նրանց բոյրից... Նստած այժմ պարաիզում, նա նայում էր աւամայ իրենց ծաղկած ծառերին: Նայում էր եւ երկու սուրբ ծառերին՝ ընկուղենուն եւ թթենուն, որոնք երբեք, երբեք չպէտք է կտրւէին... Կրակ կը թափ-

ւէր տան գլխին, եթէ կտրւէին... Նայում էր տանձենուն, խնձորենուն... Եւ ի՞նչ դարմանք... Մի ծառ ունէր այդ պարտէզը, դեղձի խոշոր մի ծառ, որ տնկւած օրից բարձր տալիս: Անցեալ տարի, ամբան վերջին եկաւ Մարջան հօրաքոյրը, առաւ կացինը եւ սպառնադին մօտեցաւ ծառին...

— Չէ, մի՛ խփիր, — ասաց նա ինքն իրեն, իբր ուրիշ մէկը, որ աշխատում է համոզել, — մի՛ խփիր: — Թէ բար չտայ, կը խփեմ, — պատասխանեց հօրաքոյրը ու կացինը կրկին մօտեցրեց ծառին...

Վարդենին յիշում էր այս տեսարանը, որին ինքը ահանատես էր եւ որի վրայ Նուբարը ժպտում էր ներդաժմօրէն... Բայց դեղձի ծառն այդ տարի իրօք որ բար էր աւել...

— Ծառերի մէջ ողի է ապրում, — ասում էր հօրաքոյրը, — պէտք է միայն խօսեցնել նրանց:

Այդ գիշեր Վարդենին իր ողջ էութեամբ էր դրում պարթօնքը դարնան, տրաքումը կոկոնների, աճումը ցօղունների: Միտքը հանդիստ, յանձնել էր ինքն իրեն հոգու ճօճումին, իսկ հոգին նետւած բնութեան մեծ օրորոցի մէջ, տարուբերում էր իրար հիւսւած երազի եւ իրաւանութեան վարդագոյն ամպերի միջեւ:

Նա այնպէս երջանիկ, այնքան խաղաղ էր այդ պահին:

Յանկարծ մի շշուկ վախեցրեց նրան: Գլուխը բարձրացրեց: Ծառերի խշշո՞ց էր արդեօք... Քամի չկար սակայն: Ոտնաձա՞յն: Նա նայեց աջ ու ձախ ու աւամայ ոտքի ելաւ: Շշուկը կրկնեց այս անգամ աւելի լսելի: Պարտէզի աջ կողմից էր՝ այնտեղից, ուր պատը ցածրանալով նայում է դէպի փողոց...

Անշարժացած, Վարդենին փորձեց մթութեան մի-



ըից մի բան որոշել: Նա դարձրեց գլուխը աջ, դարձրեց ձախ, աչքերի բիբերը լայնացրեց... Բայց ոչինչ չկարողացաւ տեսնել...

— Սուս, կամաց, — լսեց յանկարծ Նատայի ձայնը, — կամաց, սիրելիս...

Միւսը պատահանեց...

Վարդենին սկսեց դողալ... Բնադրամբ արտասուվոր մի վախ պաշարեց նրան: Միտը սկսեց արագ-արագ բարախել... Չար մի ոգի բարձրաձայն քրքջաց... Եւ յանկարծ բացւեցին շառագոյլ մառանի դռները... Կարասների մէջ ապրող չար վհուկները թափուեցին պարտէզ... ջրամբարից կաղալով դուրս ցատկեց եօթ գլխանի կախարդը, խնեցու վրայ հեծած պառաւն իջաւ վերեւից, սկսեց պտտել պարտէզի գլխին... Ծառերը մէկ-մէկ սատանաներ դարձած, շարժւեցին, իրար անցան, եւ հեռւից լսեց չար բուռի կանչը...

— Բո՛ւ... բո՛ւ...

— Սէրեօժա, — փսփսաց Նատան...

Վարդենին ալլելս հաղիւ կարողացաւ դսպել իրեն: Վազելով փախաւ ու ընկաւ սենեակ: Եւ այնտեղ թաղելով գլուխը ճերմակ բարձերի մէջ, հեկեկաց, հեկեկաց... Խեղճ, խեղճ Չաւէն...

Յաջորդ օրը երեկոյեան նա դգոյշ մօտեցաւ Չաւէնի սենեակի դրան:

Նատան տանը չէր: Սենեակում լոյս էր վառւում: Չաւէնը պարապում էր երեւի...

Նա մի քանի անգամ առաջացաւ, որ բանայ դուռը, յետ եկաւ նորից, կանգնեց աստիճանների գլխին... Ինչ-

պէ՞ս սկսել... Խօսել նախ Համբարձման տօնի մասին... Չէ, չէ, աւելի լաւ է սկսել Նատայի տօնակատարութիւնից, նրանց ոտքերի հպումից... Չաւէնը պէտք է անպատճառ իմանայ: Տան մէջ կեղծիք էր մտել, մինչ Չաւէնն ա՛յնպէս մաքուր սիրով է սիրում Նատային: Մաքուր սէր... Սէրը միայն մաքուր ու անկեղծ կարող է լինել, այնպէս ինչպէս իր հայրն է սիրում մայրիկին... մինչ Նատա՞ն... Եւ Չաւէնը չգիտէ այդ... Նա սովոր չէ կեղծիք տեսնելու ընտանիքի մէջ, ստելու իր դպացմունքները:

Չգոյշ ու անձայն Վարդենին բացում է դուռը ու կանգնում շէմքին:

Սկզբում նրան թւում է որ սենեակում մարդ չկայ:

Սեղանի վրայ վառւում էր ճերմակ լուսամփոփով ճրագը, բայց աթոռը դատարկ էր:

Նա բարձրացնում է աչքերը... Նայում է վարանոտ... Նայում է, նայում — Չի ուզում հաւատալ...

Ոչ, այդ անկարելի է... անկարելի է այդ...

Ինչպէ՞ս... Չաւէնը... Չաւէնն է այդ...

Վարդենին ահամայ պահում է շնչառութիւնը...

Դիմացի պատի մօտ, մէջքը դէպի դուռը դարձրած, կանգնած է Չաւէնն ու շոյում է, համարեայ իրեն հպած, ուռած ու կարմիր այտը տան կարանողուհու...

Ոտքերի ծայրերի վրայ դուրս է դալիս Վարդենին Չաւէնի սենեակից, առանց դուռը դոցելու:

Դանդաղ իջնում է նա աստիճաններից, կանգնում մի բոպէ: Յաւ, վիրաւորանք, տխուր ու սեւ զգացմունքների մի հոսանք թանձրանում, իջնում է իր վրայ... Նա կամացուկ սրբում է աչքից կաթած արցունքը եւ առաջին անգամ իր կեանքում զգում է, որ իրենց տունը ծփում, ծփծփում է մոխրագոյն ու անթափանց մի մշուշի մէջ...

— Ի՛նչեցրէ՞ք այս Հին նկարները սենեակի պատերից :  
Հանէ՞ք ամեն ինչ, որ մեռածներին է պատկանել մի ժա-  
մանակ : Մաքրէ՛ք ամեն ինչ :

— Բայց այս սենեակը տատիւ սենեակն է, Ձաւէն :  
Իր ձեռքով է դրւած ամեն բան, իր ճաշակով է զարդարւած :

— Սանտիմենտալիզմ եւ ուրիշ ոչինչ : Ի՞նչ պէտք է  
անեմ ես նրա ճաշակը : Այս սենեակը ինձ համար յարմար  
առանձնասենեակ կը դառնայ : Այս գոյգ ոսկեթել գորգերը  
պէտք է ծախել, սնդուկները դատարկել ու ոչնչացնել,  
ծաղկաւոր վարագոյրների փոխարէն ճերմակ վարագոյր-  
ներ պէտք է կախել :

— Ճիշտ է ասում տղան, Մանի : Մենք Հին մարդիկ  
ենք, կապւած ենք Հին իրերի հետ, բայց որ լաւ մտածես,  
կարողանաս աղատագրել հողիդ ու բաց աչքերով դիտես  
կեանքը, կը տեսնես որ դրանք աւելորդ զգացմունքներ են :  
Քանի որ ինքը պէտք ունի առանձնասենեակի, թող դա-  
տարկեն տատի սենեակը : Տղան պէտք է պարապէ, յօդ-  
ւածներ, աշխատութիւններ է ուզում գրել... Թո՛ղ, Մա-  
նի ջան, թո՛ղ : Կեանքի վրայ պէտք է նայել քաղաքա-  
կիրթ մարդու պէս՝ շիտակ, դէմ դիմաց :

— Այդ սենեակը միշտ մի պատրանք էր տալիս ինձ,  
որ նա դեռ ապրում է, որ նա մեզ հետ է :

— Իրականութիւնը չես կարող ժխտել, Մանի ջան :  
Մենք միշտ սիրել ենք ինքնախարէութեամբ զրադել,  
բարդացնել ամեն սովորական ու հասարակ երեւոյթ, մեր  
հողիների համար չեղած պատրանքներ ստեղծել, երազնե-  
րով ապրել : Պէտք է իրապաշտ լինել, ճշմարիտը տեսնել :  
Այսպէս է դատում Ձաւէնը եւ երեխան իրաւունք ունի :

Մենք արեւելքցիներս զգացմունքներով ապրող մարդիկ  
ենք, պէտք է ջանալ մաքով ապրել...

Ու Նուբարն այնպէս խեղճացած, այնպէս ընկճւած  
նայեց իր կնոջը, որ Մանին երեսը դարձրեց :

Անուշը հալածւածի պէս ընկաւ մառան : Բարձրա  
ցաւ այնտեղ նետւած քուրսու չոր տախտակի վրայ ու  
դլուխը երկու ձեռքերի մէջ առնելով աշխատեց մտաբե-  
րել...

Ձառ ֆիւլաջէն քանդեցին շալեր շինեցին, տասներ-  
կու ձեռք չկարած փէշը հաղուստներ կարեցին... Իսկ  
աղանձի տոպրա՞կը... Տատի ձեռքով կարւած աղանձի  
տոպրակը, որի միջից բոված ցորենի հատիկների հետ  
միասին մէկիկ-մէկիկ թափուում էին բառերն իր հէքեաթ-  
ների...

Ու Անուշը դլուխը երկու ձեռքերի մէջ առած աշխա-  
տեց մտաբերել, յիշել, վերյիշել...

Ի՞նչը...

Ինչ որ մի բան, որ չկար այլեւս, որ ընդմիշտ կո-  
րել էր, բայց որ թրթուում էր այնտեղ՝ ներսում...

Անուշին թւաց յանկարծ, որ ինքը լսում է տատի  
ձայնի ելեւէջները, տեսնում է նրա ժպտուն ու փառաւոր  
դէմքը, զգում է համը իր սրտորաստած աղանձի...

Ի՞նչ էր ասում հեռու աշխարհից եկող այդ ձայնը...

— Գուրս եկ մառանից, այդտեղ շատ ցուրտ է, ի՞նչ  
ես ծախ նման չոր տախտակին թառել :

— Ո՞ւր է տատիս աղանձի տոպրակը... Աղանձի  
տոպրակն եմ ուզում...

Լալիս է Անուշը, մղկտում :

— Այս երեխան խենթ է :

Պատերազմի տարիները Նուբարի ընտանիքի համար անցան տաղտկալի միօրինակութեան մէջ:

Մի քանի տարի առաջ տեղի էին ունեցել զարհուրելի դէպքեր... Հայ ժողովրդի մի մասը կորցրել էր իր հայրենիքը... Աշխարհիս բոլոր կողմերում ցրած իւրաքանչիւր հայի սրտին սուգ էր պատել ու մթնել էր երկինքը:

Ռուսաստանում ծայր էր տւել արդէն յեղափոխութիւնը: Երկու տարի առաջ Նատան մեկնել էր Ռուսաստան՝ այլևս չվերադառնալու պայմանով... «Այսպէս լաւ է, Ձեօվա, — դրել էր նա Ձաւէնին իր նամակի մէջ, — մեր սիրոյ փրկութեան համար մենք պէտք է հեռու լինենք իրարից»... Նուբարը քաշուած էր սպարան, Մանին մտադրաւ տարւած էր ընտանեկան հոգերով:

Ձաւէնը շատ անգամներ փորձել էր ձեռնարկել որեւէ դործի: Փորձել էր դրաղւել մասնաւոր դասերով, բայց իր ջղային բնավորութեան պատճառով չէր յաջողել: Հրատարակել էր դպրոցում պաշտօնավարելու, իբր ուսուցիչ, բայց այստեղ էլ հանդիպել էր անյաջողութեան:

Դպրոցում Ձաւէնը ծառայել էր այն երեւոյթի դէմ, որ ուսուցիչները, ուղղակի կամ անուղղակի կերպով, քաղաքական սերմեր էին ցանում աշակերտների անկազմակերպ հոգիներին մէջ: Մանաւանդ Ներսէսը, որ հեռու-

ներից սկսելով, դժոյշ, բայց յամառօրէն, կարողանում էր իր ցանկացած ուղղութիւնը տալ աշակերտութեան:

— Դու ոճրագործութիւն ես անում, — ասում էր Ձաւէնը Ներսէսին, — դու պղտորում ես անարատ հոգիները, բռնանում ես դեռ չկազմակերպւած մտքերի վրայ:

— Իմ միտումներս ազնիւ են, եւ ես նրանց ցոյց եմ տալիս կեանքի ճշմարիտ ճամբան, — պատասխանում էր Ներսէսը:

Իր բռնած դիրքի համար Ձաւէնը դարձել էր չսիրւած ուսուցիչ: Եւ մի օր էլ, երբ դասի ժամանակ ըմբոստի մէկը ծառայել էր իր դէմ, Ձաւէնը բղաւել էր, դասարանը սկսել էր աղմկել, Ձաւէնն աւելի էր զայրացել եւ ի վերջոյ մի աստակ էր իջեցրել ըմբոստ աշակերտի երեսին... Այնուհետեւ դէպքերը դասաւորւել էին այնպէս, որ Ձաւէնը ստիպւած էր եղել թողնել դպրոցը՝ հրատարակել պաշտօնից:

Երբ տեղի էին ունենում հոգաբարձական ընտրութիւններ, եւ քաղաքը երկու մասի բաժանւած դէմ-դիմաց, էր դալիս, Ձաւէնը ցոյց էր տալիս Ներսէսին աշակերտների խմբերի վրայ, որ մեծերի պէս զայրանում էին ու յուզում...

— Տեսնո՞ւմ ես այս տխուր պատկերը: Անհատը մեռնում է դրանց մէջ... շաբլօնով մտածող, շաբլօնով դործող մարդիկ են դարձել, — ասում էր նա շեշտելով շաբլօն բառը:

— Այո՛, — պատասխանում էր Ներսէսը, — դասակարգային սլայքար է, միակ մղիչ ոյժը յառաջադիմութեան ու մարդու ազատագրման: Միայն, — աւելացնում էր նա խորհրդաւորութեամբ, — պէտք է ցանկալի ուղղութիւն տալ այդ սլայքարին...

Ընտրական ամբողջ այդ յուզումը եւ ընդհանրապէս

հայ դաղութը հետաքրքրող ամեն հարց, Ձաւէնը համարում էր «փոթորիկ մի բաժակ ջրի մէջ» ու ներողամտօրէն ժպտում... .

Յաճախ քաղաքային պարտէզում Բաղրատի ու Ներսէսի ընկերակցութեամբ շրջում էր նա, մեռցնելու համար ժամանակը: Վիճում էր նրանց հետ... Իսկ նրանք տարւած էին օրւայ խնդիրներով, քաղաքական հարցերով, սուտական մեծ յեղափոխութեամբ եւ բոլոր երեւոյթները վրայ նայում էին յատուկ ակնոցով:

— Եթէ այդքան ասպարդին անցրած ժամերդ, — ասում էր Ձաւէնը Ներսէսին, — դու յատկացնէիր գիտական որեւէ աշխատանքի, ինչե՞ր չէիր կարող անել... .

— Դարը ուրիշ բան է պահանջում, — պատասխանում էր Ներսէսը, — դարը անյետաձգելի հարցեր է ասպարէզ նետել, որոնց անմիջական պատասխանը պէտք է տալ: Քո ասած աշխատանքները ուրիշ՝ աւելի խաղաղ շրջանի համար են: Պատմական տարբեր շրջաններում, քաղաքացու դերը տարբեր է լինում: Այսօր պահանջում է դործնական միջամտութիւն:

Ձաւէնը դալիս էր տուն պղտորւած մտքով, փակւում էր իր սենեակում ու ժամերով մնում էր այնտեղ առանձնացած... Փոթորկայոյց ներկայ այդ կեանքի մէջ ո՞ւմ էին պէտք փրկիսփայտի իր աշխատանքները... Ու թւում էր Ձաւէնին, որ արտաքին պայմաններ՝ իրենից դուրս գտնուող զօրութիւններ իր դէմ էին ելել ու խանգարում էին իր անհատի բնական դարգացումը... որ ինքը կանգնած էր մեն-մենակ, անհաշտ հանրային կեանքը բնորոշող եւ ալեկոծող երեւոյթների առաջ: Եւ թւում էր նրան, որ ճշմարիտը ինքն էր, իսկ Ներսէսները հոսանքին յանձնւած, կորսւած մարդիկ էին:

Այսպէս էր մտածում Ձաւէնն ու այսպէս պատաս-

խանում Ներսէսին, երբ վէճի էր բռնւում նրա հետ: Այժմ սակայն Ներսէսը չկար՝ նա մեկնել էր Ռուսաստան, եւ Ձաւէնը մնացել էր բոլորովին մենակ:

Նուբարը կորցրել էր իր սովորական անդորրութիւնը: Նա չէր կարողանում այլեւս երկար նստած մնալ իր սիրած անկիւնում, խաղաղութեամբ լցւած հոգիով դիտել իր շուրջը, կամ կարդալ: Նա քայլում էր սենեակից սենեակ, իջնում էր պարտէզ, նստում մի բոսի, յետոյ կրկին շարունակում քայլել... Յաճախ Վասիլ խանն էր դալիս, լայց այժմ նրանց խօսակցութիւնները հանդիսաւոր բնոյթ չէին կրում. Վասիլ խանը դալիս էր Նուբարի մօտ մի բան հարցնելու կամ մի լուր իմանալու համար:

— Հայերի դործերը, Նուբար ջան, կարծես թէ էլի վատանում են: Ի՞նչ նոր լուր... .

Նուբարը շարժում էր գլուխը արտասանքով, մի բան կորցրած մարդու պէս, որով ուղում էր ասել, որ միութարական ոչ մի լուր չկայ... .

Դեռ յունւարից սկսած Ձուլֆայից եկած տեղեկութիւնները սարսափելի էին... Ամեն կողմ աւար ու արիւն... Ազգամիջեան թշնամական կռիւները ծայր էին տւել սահմանից այն կողմ... Ռուսը քաշել էր իր զօրքը... Գնացքները ամեն օր յարձակման էին ենթարկւում... .

Նուբարը Տիգրանից ոչ մի լուր չուներ, եւ նրա սիրտը կտոր-կտոր էր լինում:

Ճանապարհները վտանգւած էին... Ընկել էին Կարսն ու Ալեքսանդրապոլը... Մայիսի կէսերին Արարատեան դաշտը բոլոր կողմերից շրջապատւած էր թշնամիներով... .

Պիտի վերջանա՞ր արդեօք այդ սարսափելի մղձաւանջը... Պիտի ազատէ՞ր արդեօք հայ ժողովրդի վերջին բեկորը դէթ իր կովկասեան հայրենիքի մէջ... .

Նուբարը մռայլ էր: Իր խիղճը հանդիստ էր սա-

կայն... Ինքը վաղուց էր նախատեսել բոլոր այդ վտանգները, ինքը հեռու էր մնացել որեւէ մասնակցութիւնից, եւ կարողացել էր ազատել Չաւէնին զինուորակոչութիւնից... Ինքը... Բայց այդ բոլորը բաւական չէին չղգալու համար ողբերգութեան ամբողջ ուժգնութիւնը... Պատմութեան քամիները սոնում էին հայ աւերակներէ վրայ, սպառնալով մարել վերջին ճրագը... Հեռաւոր այդ երկհրում ընկած փոքրիկ հայ վաղութր տաղնապի օրեր էր սպրում... Ամենքը սպասողական վիճակի մէջ էին:

Ու մի օր էլ...

Ժողովուրդը խուռն ի խուռն շտապում էր եկեղեցի, իրար հետ քշիչալով, յուզւած, հեւ ի հեւ...

Ի՞նչ էր սպասահել, ի՞նչ էր սպասահել...

Եկեղեցու բակը լցւած էր բազմութեամբ: Մարդիկ տարակուսած նայում էին իրար: Սահմանի այն կողմից եկել էին մարդիկ ու ինչ որ նոր լուրեր էին բերել...

Նուբարը սաստիկ յուզւած էր... Նա կանգնել էր խնձորենու տակ ու աչքերը չէր հեռացնում Առաջնորդաբանի աստիճաններից, որտեղից պէտք է իջնէին նորեկները: Նա անհամբեր էր: Սպասում էր, որ վերջանային բոլոր այդ արարողութիւնները, նորեկները գային, ասէին իրենց խօսքը, հաղորդէին ժողովրդին նոր լուրերն իրենց, որպէսզի յետո՞յ, յետոյ էլ ինքը մօտենար նրանց ու հարցընէր, հարց ու փորձ անէր ե՛ւ իր դաւակի՛ Տիգրանի մասին... Սահմանից այն կողմ չէ՛ին տեսել նրան, որեւէ բան չէ՛ին լսել նրա մասին...

Անուշը կանգնած հօր կողքին, յենել էր խնձորենուն ու հետաքրքրութիւնից բռնկւած աչքերի բոցը թափում էր բազմութեան վրայ: Նա անընդհատ դիմում էր հօրը, զանազան հարցեր էր տալիս նրան, բայց Նուբարը չէր պատասխանում:

Աստիճանների վրայ սկսեց իրարնցում... Երկու հողի արագ-արագ իջնում էին աստիճաններից... Շունչը բռնած բազմութեան միջից նրանք անցան եւ ուղղեցին դէպի պատուանդանի վրայ իրենց համար սրատրաստւած սեղանի կողմը...

...

Հազարաւոր աչքեր նրանց վրայ էին դամւել... Հազարաւոր ականջներ նրանց խօսքին էին սպասում... Նուբարն այնքան մօտիկ էր խօսողին... Նա տեսնում էր նրա ամեն մի շարժումը եւ աշխատում էր բաց չթողնել ոչ մի խօսք:

« Քաղցով եւ տենդով բռնւած մի ժողովուրդ... Մի ժողովուրդ սեղմւած իր երկրի մերկ լեռներին, անդէն ու անգօր »...

Ժողովուրդը շունչը բռնած լսում էր...

Նա նկարագրում էր մեծ սարսափի օրերը, տասնեւհինգ թուի ջարդերը, հողերի բռնազրաւումը, դաղթը...

Ամենքը յուզւած էին... Յուզւած էր ե՛ւ Նուբարը...

Ճառախօսը կամաց-կամաց ողբերգում էր...

« Մայիսի քսանչորսին էր... մեզ մնացած փոքրիկ հողամասի վրայ... Երկաթուղու դժով դէպի մեզ էր շարժւում հսկայ մի բանակ... Վերջին հարւածն էր... մահ կամ ազատութիւն... Եւ ահա հայ ժողովուրդը մէկ մարդու պէս ոտքի ելաւ... Ոտքի ելաւ հայ ժողովուրդը, հայրենակիցներ, առիւժ դարձած առաջ նետեց եւ... յաղթեց »...

Կեցցէների տարափի ու ողբերգւած ծափերի տակ թնդաց ողջ բակը... Արցունք էր հոսում սակայն բոլորի աչքերից... Այնքա՛ն կորուստներից յետոյ մի լոյս, մի յոյս էր ծագել...

Անուշը գրկեց խնձորենու բոյնը եւ սկսեց արագ-

արագ պտտուել նրա շուրջը, խենթացածի պէս: Տաք մի հոսանք բարձրացել էր իր մէջ, այտերը վառուում էին...

Եւ ահա, ճիշտ այդ ժամանակ, Նուբարը նկատում է, որ մօրուքաւոր նորեկը, որ քիչ առաջ կանգնած էր ճառախօսի մօտ, կրամաց-կամաց ամբոխը ճեղքելով դէպի իրեն է դալիս:

Նուբարը դարձացած նայում է նրան: Այո՛, չէր սխալւում: Մարդը մօտեցաւ, մօտեցաւ եւ կանգնեց նրա առաջ:

— Պարոն Նուբարը դուք է՞ք, — հարցրեց նա քաղաքավարութեամբ, — ես նամակ ունիմ ձեզ համար:

— Նամակ...

Նուբարի սիրտը սկսեց արագ-արագ բարախել...

Նամակ... Տիգրանի՞ց արդեօք...

Ու մինչ Նուբարը տարակուսած նայում էր սահմանի այն կողմից եկած մարդուն, վերջինս զարմանից հանած թղթերի կապոցի մէջ փնտռում էր նամակը:

Տեւեց երկար մի րոպէ...

Ու վերջապէս: Նուբարը դողդոջուն ձեռքը մեկնեց ու առաւ նամակը... Նրա ականջին շարունակում էին հընչել ծափերի տարափն ու բանախօսի կրծքից բարձրացող թաւ ձայնը:

« Ո՞վ կարող էր սպասել... Բայց հրաշքը եկաւ... Սուլի ու Ջարդի մատնեած մի ժողովուրդ ոտքի ելաւ ու կատարեց պատմական մեծ մի գործ... Որպէս ամուր պատանդան, հայ ամբողջ սիրիւնքի եւ դալիք սերունդներին համար, Սարդարաբադը ստեղծեց »...

— Հ Ա Յ Ա Ս Տ Ա Ն Ի Հ Յ Ն Ր Ա Պ Ե Տ Ո Ի —  
Թ Ի Ի Ն ... Այս ես եմ գրել, պարոն Նուբար: Հիմա ես բոլոր տառերը ճանաչում եմ... Էս հասակիս մէջ սովորեցի... Մեռնեմ իմ հայրենիքին... Հիմա մի ուխտ ունեմ, պարոն Նուբար՝ դնալ Հայաստան ու իմ հայրենիքիս փոստատան ցրիչը դառնալ...

Նուբարը նայում է իրեն մեկնած թղթի կտորին, երեսայի ձեռագրով դժադրեած տառերին... Նայում է Սէթի դէմքի վրայ տարածւած երջանակաւէտ ժպիտին ու շարունակում է քայլել, ձեռքին ամուր բռնած մեծ մի ծաղկեփունջ: Ինչպիսի ոգեւորութեամբ էր լցւած ծերունի նամակագրերի հոգին... Նուբարը գրեթէ դարձացած էր:

Հայաստանի Հանրապետութիւն... փոքրիկ մի հողամաս, շրջապատւած թշնամիներով...

Նուբարը գգում էր, որ իր հոգին չէր ուրախանում, չէր ոգեւորւում... Նա գգում էր, որ մեծ ու նշանակալից մի բայց կար կախւած փոքրիկ հայրենիքի վլխին: Բայց Նուբարը չէր ջանկանում փչացնել Սէթի ուրախութիւնը, եւ չէր հարցնում նրան՝ իսկ յետո՞յ, Սէթ, իսկ վա՞ղը, վա՞ղը... եւ Սէթը նամակներով լիքը պայուսակը թեւի տակ, քայլում էր նրա հետ կողք-կողքի:

Նրանք հասել էին արդէն քաղաքի վերջին տներին եւ ուղղւել էին դէպի դերեգմանատուն:

Հայաստանից եկած նամակը, որ այնպէս յուզել էր Նուբարին, Տիգրանից չէր: Արտօն էր գրել: Երկար ու բարակ նկարագրութիւններից յետոյ, Արտօն գրել, խընդրել էր Նուբարին իր կողմից ծաղկեփունջ դնել «անմոռաց սիրածի»՝ Մարօի դերեգմանի վրայ եւ Նուբարը անձամբ էր կատարում Արտօի խնդիրքը:

Տիգրանի մասին Արտօն ոչինչ չէր գրել... Նուբարի

եղբայր Համբարձումն անյայտ կորել էր ու Նուբարի սրտի տխրութիւնը փարատուելու փոխարէն, կրկնապատուել էր:

Սէթը, իր աշխատանքը թողած, շարունակում էր քայլել Նուբարի կողքից եւ անդադար խօսում, հարց ու փորձ էր անում: Իր հայրական զգացմունքն այնպէս էր շոյւեւ...

Նուբարի ստացած նամակի մէջ, խմբական մի լուսանկարի վրայ, զինւորական տարագով, փամփուշտակայներով ծածկւած, հրացանը ձեռքին նկարւած էր Արմաշը...

— Ես սրանց հողուն մատաղ, սլարոն Նուբար, մի տես, մի տես ի՞նչ ասլաններ են...

— Նայիր այս ջահէշներին, Սէթ... Ի՞նչպիսի դէմքեր են... յողնած, տանջւած... Եթէ դու մեզ մօտ լինէիր, Սէթ, երբ Հայաստանից եկածները ինձ մօտ հիւր էին ու լսէիր նրանց պատմութիւններն այն արհաւիրքների մասին... Մեծ մի փոթորիկ է անցել հայ աշխարհով, տակն ու վրայ արել, աւերել մի ամբողջ երկիր... Մի ամբողջ ժողովուրդ քաղաքակիրթ մարդկութեան առջեւ սրի ու հրի է մատնւել... Եթէ լսէիր թէ ինչե՞ր էին պատմում նրանք... Դաշտերում, ձորերում թափթփւած դիակներ, քարերի տակ լքւած մանուկներ, որոնց հաւաքել են հարիւրներով, հաղարներով... Կարծես խօսքը խնձորի մասին լինէր, Սէթ... Կարծես թափ էին տւել մի մեծ խնձորենի ու պտուղները վաճառքի հանել աշխարհի չորս կողմերի վրայ... Կարելի է խելագարւել... Խելագարւել կարելի է... Նայիր, նայիր այս լուսանկարին: Տես ինչպէ՞ս է փոխւել Արտօն, սա է՝ յենւած խուրջիներն, Արմաշի կողքին... Գրում է, որ կարօտել է տաք կերակրի, փափուկ անկողնու...

Նրանք մտել էին արդէն գերեզմանատուն եւ քայլում էին նրա գլխաւոր ուղիով:

Նուբարը մէկ-մէկ կանգ էր առնում գերեզմանների առաջ, բարձրաձայն կարդում էր քարերի վրայ փորագրւած ու արդէն հնացած տառերն ու նորից առաջանում: Յետոյ նրանք ծուեցին դէպի աջ ու կանգ առան: Նուբարը կռացաւ, համբուրեց գերեզմանաքարը ու ծաղիկների փունջը դրեց նրա վրայ: Յետոյ կանգնեց, սեւեռուն հայեացքը դեցեց շիրմի վրայ ու մնաց անշարժ:

Նա մնաց այդպէս երկար, երկար ընդհներ: Սէթը նոյնպէս լուռ էր: Գլխարկը ձեռքին նա կանգնել էր Նուբարի կողքին ու յարգանքով սպասում էր նրան: Սէթը դիտէր, որ Մարօից աւելի Նուբարի սիրտն այդ պահին լցւած էր Տիգրանով... Նա դիտէր, զգում էր, որ Նուբարին տանջում, չարչարում էր Տիգրանի երկար լուրթիւնը...

Քիչ յետոյ Նուբարը նորից կռացաւ, համբուրեց հողը ու վերջին անգամ նայելով գերեզմանին, քայլերն ուղղեց դէպի դուռը:

Յունիսեան արեւը բարձրացել էր արդէն ու նրանք տրադացրին իրենց քայլերը:

Նուբարի աչքերի մէջ սառել էր արցունքի մի կաթիլ:

Չգոյշ, ինչպէս գիշերային ոգիներ, հացթուխ Հարսնուկն ու Փանին, ներս սողացին սենեակ, աշտեղից սլառչեամբ:

Կլոր լուսինը կպել էր երկնքին, տունն ամբողջապէս մութի մէջ էր: Լուռ նստեցին: Հարսնուկն անձայն մօտեցրեց ջրով լի ամանը Փանուն, եւ Փանին յետ արաւ իր երեսի ծածկոցը:

Հողեխօսներին յատուկ դունատ, մեղրամոմի պէս, երես ունէր նա, խոշոր ու լայն բացած աչքեր, որոնց բիբերը քաշուել՝ աչքի խոռոչի վերեւում ծւարել էին: Երկար, սեւ ծածկոցը, որ ծածկում էր նրա դլուխը, իջնում էր ցած՝ ուսերն ի վար: Տարօրինակ մի բան ունէր այդ կինը, որ լուսնի ճերմակ լոյսի տակ վախ էր առաջացնում մարդու մէջ:

Նա աչքերը բարձրացրեց ու նայեց լուսնին: Մի քանի անգամ ձեռքը նետեց դէպի երկինք, ասես բռնելու համար լուսնի կլոր ալտից, յետոյ կուացաւ, նայեց ամանի ջրին, բոլոր մատների ծայրերը ի մի հաւաքեց, թափահարեց ջրի վրայ՝ մատների միջի ոյժը նրա վրայ ցանելու համար ու յանկարծ քարացաւ. ջուրը սկսել էր «եռալ»...

Երկար մնաց Փանին այդ վիճակի մէջ անշարժ, աչքերը ջրին: Տեսնո՞ւմ էր նա արդեօք երթն աստղերի,

առեղձաժային ընթացքը համաստեղութիւնների, գգո՞ւմ էր ըրթմը տիեզերքի, որ համապատասխանում էր իր սրտի գարկին. անցնում էր ծովեր, թռչում ցամաքներ, թէ՞ մթնոլորտի մէջ, սովորական աչքին անտեսանելի, ձեւաւորւած երեւոյթներ էր տեսնում, կատարւած դէպքերի տեսիլների մէջ խորասուզում, դալիքը փնտռում...

Նա գգուշութեամբ ձեռքը դրաւ հիւանդի գլխին: Հանդարտ բարձրացրեց աչքերը լուսնին ու հնչեց յանկարծ մետաղէ իր ձայնը, որ կարծես դետնի տակից էր դալիս:

— Ներսում բան ա սլառահէլ:

— Մեծ մի քար ընկել ա հոգու շիւշի վրայ:

— Ծիւշէն փշրուել ա:

— Աղջիկ կա՞յ մէջը:

— Աղջիկ չկայ: Բոլորտիքը մութ ա, խառն ի խուռն ա: Գայլ ու առիւծ եմ տեսնում: Ինքը չկայ, ներսը փռշրուել ա, շիւշէն ա կտարուել: Դժար ա դործը:

— Մի ճար արա, Փանի: Էլ բժիշկ չմնաց, էլ դեղ չմնաց...

— Ի՞նչ անեմ, ջին չի, որ բռնեմ, դուրս քաշեմ:

Լուեցին:

— Մէկ անգամ էլ փորձէք դուռնով պարացնել: Էլաւ, էլաւ, չէլաւ, ես անգօր եմ:

— Լաւ է ասում, խանում ջան, էդ մէկն էլ արա, — վրայ բերաւ Հարսնուկը: Անցեալ տարի բարեկամիս աղջիկը էսէնց մի բան էր էլէ, դուռնով պարացրին: Հաւաքեցին բարեկամ, հարեւան, եօթ օր, եօթ գիշեր սլառեցին, աղջկան էլ պարացրին, անցաւ դնաց...

Մանին հառաչեց յուսահատուած:



Մուժ էր: Լուռ ու խաւար մի գիշեր:

Փողոցից, կողք-կողքի, արագ քայլերով, մերթ ընդ մերթ իրար հրելով, յուզւած, մէկ-մէկու անկապ խօսքեր նետելով, ընթանում էին երկու սոււերներ:

Նրանք շտապում էին. երբեմն-երբեմն վազում, յետոյ կանգ էին առնում, խորը շնչում ու նորից շարունակում իրենց ճամբան:

Շուտ տեղ հասնելու փափաքը տանջում էր նրանց, եւ որքան շտապում էին, հասնում փողոցի ծայրին, թեքւում յաջորդ փողոցը, վազում, նորից դէպի աջ ծուռում, նորից դէպի ձախ դառնում, այնքան ճանապարհը երկար էր թւում:

Մուժը սեւ մի սաւան էր փռել քաղաքի վրայ: Քարերը սպառնադին ցցել էին ճանապարհին, սիւներն աննշմար էին դարձել, տները ուրաղները աղօտացել էին: Մերթ ընդ մերթ այս ու այն կողմ կատունների կանաչ աչքերն էին պսպղում միայն եւ լուռ էր շները հաջողը:

Գիշերը լուռ էր ու անտարբեր: Փողոցներն աւելի նեղացել էին կարծես եւ նրանց ոլորապտոյտ, անվերջանալի անկիւնադարձերը, անելանելի լարիւրինթոսի պէս, շմեցնում, ջղայնացնում էին նրանց: Թւում էր թէ ընկել են խաւար՝ ամեն կողմից փակւած անմուտք ու անելք դետնուղի մէջ ու ժամանակն այնպէս երկար, այնպէս անտանելիօրէն երկար էր...

Ամեն բան արագութեամբ սահում էր, անցնում նրանց աչքերի առջեւից: Հատ-հատ բաց մնացած խանութների մթազնած ապակիները, թարթում էին իրենց պղտոր ըրբերը. լուռ էր դռները երկաթէ բախիչների հարւածների ձայնը ու թեթեւ քամու սուլոցը վար էր թափում, արդէն դեղնած, տեւեւները ծառերի:

Նուբարի սրտի տակ սեւ մի կասկած էր մտել...  
Չարագուշակ մի կասկած...

Նա կանգնեց յանկարծ, բռնեց Բագրատի թեւը...  
— չինի՞ թէ... — ու սարսափեց իր մէջ ծնւած դաղափարից...

Փակ դրան առաջ կծկւած սեւ մի շուն ցատկեց տեղից ու վազեց նրանց վրայ: Անցորդները ոմանք կանգնեցին դարմացած, նայեցին նրանց ու պատերի վրայով քայլող կատունները անթարթ պլզած, կանաչ աչքերով, դիտեցին փողոցը: Մի աստղ ընկաւ անհունի խորը:

Նուբարը գլուխը մօտեցրեց Բագրատի գլխին, երեսը երեսին՝ ջանալով մթութեան մէջ նայել նրա դէմքին՝ գուշակել ճշմարտութիւնը...

— Դու ինձանից մի բան ես թաղցնում, Բագրատ...

— Ես ոչինչ չգիտեմ, ոչինչ... Հեմ թաղցնում...  
Ես միայն...

— Դու միայն ի՞նչ... ասա՛, ասա՛...

— Ինձ միայն մայրս ասաց, որ քեզ լուր տամ...

Նուբարը թողեց նրա թեւն ու շտապ շարունակեց քայլել:

Բագրատը հագիւ էր հասնում նրա յետեւից:

Երբ քրտնած ու հեւալով հասան վերջապէս ու կանգ առան Բագրատենց տան դրան առաջ, Նուբարը բնազդամբ ձեռքը դրաւ սրտին... Մի բոպէ երկուսն էլ անշարժացան... Բագրատը հրեց դրան փեղղը, որ աղմուկով գնաց, կպաւ ետեւի պատին: Իջան կիսախաւար դաւիթը: Նուբարը ձեռքը տաւ Բագրատին, որ ուղեկցեց նրան դէպի բակ:

Փոքրիկ քարիւղի ճրագը ձեռքին, նրանց առաջ դուրս եկաւ Մարջանը:

— Ի՞նչ է պատահել, քոյր, — հեւալով հարցրեց Նուբարը, կցկառուր ու խուլ ձայնով:

Մարջանը լուռ առաջ անցաւ՝ դէպի սենեակ տանող աստիճանները լուսաւորելու համար: Նուբարը հետեւեց նրան... Երբ հասան նախասենեակ, Մարջանը յետ-յետ քաշեց: Նուբարը հրեց կիսափակ դրան փեղկն ու այլ-այլած ու յուզած ընկաւ սենեակ...

Ընկաւ սենեակ ու մնաց սառած:

Այնտեղ, գորգածածկ բազմոցի վրայ, փուել էր Տիգրանը...

Տիգրանը... Մէկ ձեռքը գլխի տակ դրած, միւսը կախ, դէպի յատակը երկարած... Գունատ, նիհար, երկարած մօրուքով...

Նուբարն ամբողջ մարմնով դողալով մօտեցաւ նրան... Ահաւոր, անսպասելի մի դժբախտութեան առաջ էր դուռն ան ինքն իրեն...

— Տիգրան... գաւա՛կս...

Տիգրանը վեր կացաւ, նստեց: Առանց յուզմունքի կամ ուրախութեան որեւէ նշան ցոյց տալու, նա լուռ նայեց հօրը...

— Զաւա՛կս...

Տիգրանը թոյլ տւաւ, որ հայրը փաթաթելի իր պարանոցին, համբուրէ դեղնած այտերը:

Նուբարը երկու ձեռքով բռնեց նրա գլուխը, հեռացրեց իրենից, նայեց այդ դէմքին... Տիգրանի, իր սիրասուն Տիգրանի դէմքին... — Կապոյտ ախօսներ աչքերի տակ, նիհար, վտիտ այտեր, ծածկւած առանտ մազերով, սրւած քիթ ու աչքեր... աչքեր... Ի՞նչ սոսկալի անդունդ էր բացւել նրանց մէջ... Ի՞նչ լայն վիհ... անհուն, անյատակ մի վիհ...

Նա ջանաց թափանցել այդ աչքերի մէջ, ջանաց բռ-

նել որդու հայեացքը, բայց Տիգրանը սառն էր ու անտարբեր...

— Ասա՛, խօսի՛ր... պատմի՛ր... պատմի՛ր ինձ... Ինչպէ՞ս եկար, ո՞ւմ հետ եկար... — գրկեց կրկին, սեղմեց կրծքին ջերմօրէն, ջերմօրէն:

Տիգրանը թոյլ-թոյլ հպատակւում էր:

Աղերսադին աչքերով Նուբարը նայեց Մարջանին... Մարջանն ուտեւրը վեր քաշեց, ցաւազին արտայայտութեամբ նայեց իր եղբօր:

— Եկած ընդէից այսպէս է, — չճնջաց անհամարձակ:

— Զի խօսում, Մարջան, չի խօսում, որ ցաւն հասկանամ...

Մարջանը գոգնոցի ծայրով սրբեց աչքերը:

Վախեցած Նուբարը կրկին դարձաւ դէպի Տիգրանը եւ հաղիւ գսպելով արցունքները սկսեց շոյել նրա խիտ մազերը, նրա չորացած ձեռքերը...

Հայր ու տղայ նստած էին կողք-կողքի, եւ մինչ Նուբարը սիրով լցւած, կարօտադին ու դարհուրած նա-յում էր իր գաւազին, Տիգրանը լուռ էր:

Նուբարը հանեց թաշկինակը, սրբեց քրտնած ճակատը:

— Տիգրան ջա՛ն, — կանչեց աղերսադին...

— Հայրի՛կ, սո՛ւս, սո՛ւս կաց, հայրիկ...

Նուբարի ձեռքից թաշկինակը վայր ընկաւ... Նա զարհուրած նայեց որդուն: Այդ ի՞նչ սոսկալի ձայն էր... ճաքած, դեղին ձայն...

Տիգրանի աչքերը լայն-լայն բացւել էին, ու նա վախեցած անհանդիսաւ հայեացքներ էր նետում դրան կողմը:

Յետոյ նա աչքերի կողմերը իրար մօտեցրեց, գլուխը

ծոնց ուսի վրայ ու վիրաւոր այծի պէս մնաց այդպէս :  
Հայրը վախենում էր այլեւս դիտել նրան :

— Հայրի՛կ, — ասաց յանկարծ Տիգրանը՝ կռանա-  
լով հօր կողմը, — հայրիկ, ես մարդ եմ սպանել, դի-  
տե՞ս...

Նուբարը յետ-յետ դնաց...

Տիգրանը ձեռքը քսեց այտին, յետոյ քաշեց դէմքի  
վրայի երկարած մազերը ու աչքի տակից նայեց հօրը :

Նուբարը սաստիկ յուզւած, դրկեց նրա մէջքը,  
փորձեց հանգստացնել, շոյել, դուրս նրան : Յետոյ կռա-  
ցաւ վրան, ջերմ-ջերմ համբուրեց մազերը, այտերը,  
էլի, էլի...

Բայց յանկարծ Տիգրանը ընդոստ դուրսը յետ քա-  
շեց ու ձեռքերն ամուր կրծքին խփելով գոռաց հօր երե-  
սին .

— Հեռու, հեռու ինձանից...

Կանգնեց... Սոչորցրեց բերքը, սեղմեց չրթունք-  
ներն ու ջղային մի ցնցումով, գլուխը թեւերի մէջ ա-  
նելով, փուռեց բազմոցին...

Տեսարանը դարհուրելի էր...

Նուբարը, ինքն իրեն կորցրած, փուռեց որդու վրայ :

Դէպքը պատահել էր այսպէս :

Այդ գիշեր, ընթրիքից յետոյ, Մանին պատրաստել  
էր ինքնաեռն ու բաժակներն էր սրբում, թէյը լցնելու  
համար : Զաւէնը դասաւորում էր նարդիի քարերը, նար-  
դի խաղալու համար Գրիգոր Եւանդուլիչի հետ, որ սե-  
զանի մի կողմում նստած Անուշի հետ ռուսերէն էր պա-  
րապում :

— Կրիլովի առակները պէտք է անգիր սովորեալ,  
յետոյ կ'անցնենք ուրիշ գրողներին :

Անուշը լսում էր Գրիգորից Եւանդուլիչին, բայց  
աչքը չէր հեռացնում պատի փամայոյցից... Դասը եր-  
կարում էր...

Տասներկուամեայ Անուշի համար Գրիգորից Եւան-  
դուլիչը կատարեալ փորձանք էր... Նրա դէմքը ճրագի  
լոյսի տակ աւելի կարմիր էր երևում, հաստ մատների  
կողուններն աւելի տափակ : Սօսելիս, Գրիգորից Եւան-  
դուլիչը, կարծես շունչը չէր առնում՝ ա՛յնպէս միօրի-  
նակ, միալար էր հնչում նրա ձայնը : Իսկ բառերը, մէկը  
միւսի նման, բուրն էլ կարծես միատեսակ բովանդակու-  
թիւն ստացած, գլորւելով դուրս էին գալիս նրա շոր շըր-  
թունքներից, ընկնում էին սեղանի վրայ, դիպչում դըր-  
քերին, տետրի թերթերին եւ Անուշի մէկ ականջից մտնե-  
լով, անցնում էին վզալով, միւս ականջից անմիջապէս  
դուրս փախչելու համար : Նուբարը լսում էր Գրիգորից  
Եւանդուլիչի արդէն բազմաթիւ անգամներ լսած բացա-  
տուրութիւնները :

Յանկարծ դուռը բախեցին ամուր ու երկարատեւ  
բախումներով...

Ամենքը իրար նայեցին :

Այդ ի՞նչ օտարոտի բախում էր... Այդպէս բախե-  
ցին դուռը, երբ Մարօն էր մեռել... Այդպէս բախեցին,  
երբ դադաղադործը եկաւ Բեհեզ տատի դադաղը շինելու  
համար...

Զաւէնը դադարեցրեց իր գործը : Անուշն անմիջա-  
պէս վեր թռաւ տեղից, վազեց դէպի պատշգամբ, այն-  
տեղից տանիք բարձրացաւ ու կռանալով դէպի փողոց,  
ձայնեց .

— Ո՞վ է :

— Շուտ, հայրիկիդ ասա, թող վար իջնէ, — լսեց փողոցի մուտքի միջից Բագրատի ձայնը...

Անուշը յետ եկաւ:

Նուբարն անմիջապէս առաւ գլխարկն ու իջաւ փողոց...

— Ահա թէ ինչու Բագրատն այնպէս չարազուշակ կերպով էր բախում մեր դուռը, — հագիւ արտասանեց Նուբարը, բազմոցին փուսած Տիգրանի մէջքը գրկելով ու գլուխը վրան դնելով, — եւ ճանապարհին ոչինչ չէր ուզում ասել... Ոչինչ չէր ուզում ասել...

Մարջանն աչքերը սրբելով՝ կոացաւ Նուբարի վրայ:

— Երեխան վախացել է: Վեր կաց ճարի մասին մտածենք:

Նուբարը թուլացած, թոյլ տւաւ, որ Մարջանը բռնէ նրա թեւերից ու բարձրացնէ: Նա յուսահատ նայեց Տիգրանին, որ անտարբերութեան մէջ ընկած, աչքերը յառել էր առաստաղին...

Այդ օրւանից Տիգրանն այլեւս կամաց-կամաց կորցրեց ե՛ւ իր յիշողութիւնը, ե՛ւ խօսելու ընդունակութիւնը... Դարձաւ լռակեաց, համր մէկի պէս, չճանաչեց ոչ ոքի ու գիշեր ու ցերեկ մնաց պառկած, միանգամայն անշարժ վիճակի մէջ, անտարբեր շրջապատի դուրգուրանքին ու լացին:

Բժիշկներին ու դեղերին յաջորդեցին դրբացներն ու Ծանիները, բայց ամեն ինչ անցաւ անօգուտ:

Գիշեր է, ձմրան ցուրտ մի գիշեր: Աշխարհի վրայ լուսթիւն է իջած ու լսուում է կարծես ձիւնի փաթիլների վայր ընկնելու ձայնը: Երկիրը սպիտակ լոյս է ճառագայթում՝ ձիւնը պսպղում է տարածուն մի լուսաւորութիւն սիրելով իր շուրջը: Գորշ երկինքը, պճրանքի մէջ մտած երկրից սէր է աղերսում: Երկիրը, մերկ իր գեղեցկութիւնը փուսած նրա շւարած աչքերի առաջ, սառն իր նազանքների հմայող թրթուումներն է ցոյց տալիս, սպաղացող փաթիլների փափուկ սաւանի տակ՝ ջերմ իր ծոցի մէջ դալիք պտուների սերմը գուրգուրալով:

Ձիւնը քուլա-քուլա թափւում է քնած քաղաքի, կրծկւած տների վրայ: Թեւատարած ծառերի սեւ ճիւղերի վրայ, ձիւն է կանգնել ու բները տեղ-տեղ ճերմակ կաւով ծեփւած են կարծես: Մխնելոյցներն անձայն ծխում են: Մերթ ընդ մերթ լսում է շան հաջոց, որ ով գիտէ ինչի՞ց դըղւած, կարճ ու ողբազին ոռնում է իր բնից: Տների դռներն ամուր փակւած են ու չկայ որեւէ լուսաւոր պատուհան փողոցի վրայ: Հատ-հատ տնկւած մենակեաց սիւների գլխին քարիւղի ճրագները, ձիւնի փաթիլներով զարդարուն, սլալում են ու լուսաւորում նեղլիկ փողոցների ճերմակութիւնը:

« 1922 թիւ, Թաւրիզ »

« Շուրջս ամեն բան արդէն ապրած ու քառամտ է, »

իսկ ներսս այրում է: Ապագաս ծածկել է քամար ու սե-  
ֆողի տակ: Վախեցում եմ խորտակելու եւ ընդմիջտ ըն-  
կնել... Ա՛հ, միօրինակ ու միապաղաղ այս միջավայրը,  
ուր մեռնում է ամեն տեղ, մարում ամեն ձգտում »...

Քաշւած սենեակի մի անկիւնը, փոքրիկ սեղանի  
առաջ, Վարդենին կուսցել է իր յուշատետրի վրայ:

Ներսից՝ Տիգրանի սենեակի բաց դռնից, երեւում է  
երկար մի ճրագ, որի դեղին լոյսը, խառնւած տիրող  
լուսթեան, անախորժ մի զգացում է մաղում հոգիների  
վրայ: Սենեակի խորքից բարձրացող Տիգրանի շնչառա-  
ւթեան ձայնը ճեղքում է թանձրացած տխրութիւնն ու դա-  
լարելով անցնում, մտնում է միւս սենեակը, ճանկուելու  
համար Մանիի սիրտը, որ ծնկները դրկած եւ կուսցած  
նրանց վրայ, նստել է անշարժ, դրան մօտ դրւած բաց-  
մոցին ու վշտալի աչքերը յատել է դետնի դորդի սեւ  
նախշին:

Գետնի դորդի սեւ նախշը լայնանում... ուռչում է  
Մանիի մութ ու տխուր սրտի նման:

Անուշը նստած մօր կողքին, գլուխը քնքուլթեամբ  
յենած նրա թեւին, խորասուզւել է իր ներաշխարհի մէջ:

Սենեակի հակառակ անկիւնում Նուբարը, մխրճւած  
հինաւուրց բողկաթոռի մէջ, աշխատում է ամփոփել  
ցրւած մտքերը: Նա մերթ ուղղում է ախոցները, իջե-  
ցնում կամ բարձրացնում է ճրագի պատրոյգը, աչքերն է  
յառում առաստաղին ու մտածում է, անընդհատ մտա-  
ծում...

Չաւէնը դարձնում է գրքի էջը.—

« Ելնելով Անորոշի ընդերքից, անհատն ինքն իրեն  
գտնում է անսկիզբ ու անվախճան այս աշխարհի մէջ՝ շըր-  
ջապատւած ուրիշ անհամար անհատներով, որոնք բոլորն

էլ իրենց ամբողջ կեանքը նւիրում են անընդհատ միգի ու  
տառապանքի... »

« Աւելորդ եւ անօգուտ միգ ու տառապանք: Ոչինչ  
չի կարող լցնել ահաւոր անդունդը մեր հոգիների... Մար-  
դը միշտ հիասքափւած, միշտ յուսահատ է... Հիաս-  
քափւած իր ձգտումներից, յուսահատւած իր յոյսերից  
... Հեռում ցցւած է շարունակ մահւան ուրուական »...

— Եւ դու արի ու տես, որ իրականի մէջ,— մտա-  
ծում է Նուբարը,— որ իրականի մէջ պատահում է չե-  
ղածն ու չսպասւածը...

Նա յուզմունքից ուժեղ մի շարժում է անում, ձեռքն  
ամուր խփում է ճակատին, կարծես ջանալով դուրս քշել  
այնտեղից անվերջ ճանկուող մի մխրճ եւ բարձրաձայն  
հառաչում է:

Չաւէնն աշխատում է չլսել հօր հառաչանքները՝ խո-  
րասուզւել իր ընթերցանութեան մէջ, բայց չի կարողա-  
նում... Նա դժգոհութեամբ կիսում է յօնքերն ու ծածուկ  
դիտում Նուբարին:

Չաւէնը գիտէր հօր հառաչանքների պատճառը. հա-  
կանում էր նրան... Տիգրանի անբուժելի հիւանդութիւնը  
չատ էր ընկճել Նուբարին... Չաւէնը գիտէր որ հայրը  
գոհ չէր եւ իրենից՝ Չաւէնից... Բայց ի՞նչ կարող էր  
անել...— Ինքը կրթւած, համալսարան աւարտած, գրա-  
կանութիւն եւ փիլիսոփայութիւն ուսումնասիրած Չաւէ-  
նը, ի՞նչ կարող էր անել... Ծնողների սիրոյ համար չէ՞ր  
արդէն, որ ապրում էր այդ մթնոլորտում, ուր սասպարէզ  
չկար իրեն համար, ուր ձանձրանում էր, տխրում ու ծե-  
րանում... Նա յիշեց ինչպէս մի քանի օր առաջ, երբ  
գլուխն ուսերի մէջ մտցրած ու խորասուզւած մտքերի  
մէջ, դանդաղ քայլերով տուն էր վերադառնում երեկոյ-

Լան սլոտյալեց, ահանջին հասաւ խօսակցութեան ձայն, որ իր ետեւից էր դալիս.

— Սրան նայիր, Գարեգին, ծերացե՞լ է, ինչ է, այս խեղճ տղան:

Խօսողը թէեւ փսփսոցով էր, որ շնչաց այս խօսքերը իր կողքից քայլողի ահանջին, Զաւէնը լսեց սակայն ու նրան թւաց մի վայրկեան, որ սրտի մէջ տարիներէ ի վեր ձգւած մի լար կտրուեց յանկարծ: Նա ցնցուեց անմիջապէս, ընդդէմաբար բարձրացրեց կախ ընկած գլուխը, շտկեց մէջքը, ուսերը թափահարեց ու փորձեց հոլարտ, ինքնավստահ երեւալ, բայց զգաց ճշմարտութիւնն արտասանւած այդ խօսքերի ու դառը մի զգացում, որ արդէն իսկ բուն էր դրել իր մէջ, թանձրացաւ ու ձեւաւորեց:

Այդ օրւանից Զաւէնն աւելի ջղային, աւելի բարկացկոտ էր դարձել: Ոչ մի տեղ հանգիստ չունէր, գոհ չէր, ու իր միակ ընկերը դարձել էր կարծես Ծոպէնհասուէրը միայն. —

« Ներկան միշտ սեւ է ու տխուր, իսկ ապագան անորոշ է, անորոշ... »

« Կեանքը, բոլոր իր հոգսերով, խարուսիկ յոյսերով, անհամար հիստերիալիզմներով, արժանի է միայն մեր զգումսին »:

Նուբարն աչքերը փակեց: Ամենօրեայ մտքերը, սեւ ու թունաւոր ճանձերի նման, եկել բղրղալով թափուել էին գլխին ու բազմայօդ իրենց սաքերով քրքրում էին վէրքերը նրա:

Նուբարը օր օրի վրայ ճերմակում էր: Նրա երբեմնի խրոխտ կեցածքը վաղուց էր կտրել, գլուխը քարշ էր ընկել կրծքին, մէջքը կորացել էր: Խօսելիս նա այլեւս առաջւայ պէս հաւատով լեցուն չէր արտասանում բռնեքը, չէր ժպտում ու չէր կատակում: Նրա ձայնը հնչում էր սղատր

ու լալիան, կարծես թէ մութ հորից էր բարձրանում... Մութ մի հոր, ուր ընկել էր Նուբարը, հէքեաթի ջրատու այն տղայի նման, որ անապատի մէջ ծարաւ հողիներին դոյլերով ջուր մատակարարեց, բայց որ ինքը մնաց մենակ, լքւած բոլորից, հորի յատակին, մթութեան եւ անելանելի վիճակի մէջ...

Վերից եկող մի ձայնի էր սպասում կարծես Նուբարը, հրաշք բերող մի ձայնի, որ կանչէ, որ ցոյց տայ իրեն լուսաւոր այն ուղին, որ տանում է դէպի փրկութիւն...

Տնեցիք խուսափում էին նրա հետ երկար խօսել: Առաջւայ հողատար ու քնքոյշ Նուբարը չէր այլեւս. չէր շոյում դաւակներին, քաղցր խօսքեր չէր ասում կնոջ: Գնում էր նա Տիգրանի սենեակը, կանդնում ժամերով նրա մահճակալի մօտ, գլուխը քարշ, մատներով սամուր մագիւղը շփելով, նայում էր, նայում Տիգրանի Կրքացած դիմադներին, անթարթ հայեացքին, նստում էր յաճախ, ոտքը ոտքին պցած, խորասուզում, արդէն արժէքը կորցրած ու խիստ ցաւից սղաղած, մտքերի մէջ, էրբեմն-երբեմն կռանում էր որդու վրայ՝ մօտիկ, շատ մօտիկ, աշխատում էր դուցէ հայրական իր շնչով սթափեցնել համբուցած հողին, կեանքի կոչել նրան եւ, ի վերջոյ աւելի ու աւելի յուսահատ դուրս էր դալիս սենեակից ու նետում փողոց: Գնում էր թափառելու մենակ, դատարի վաղոցների մէջ ծարած այդ քաղաքի. գնում էր հովին, քամուն ու բաց երկնքին պատմելու անհուն վիշտն իր հայրական:

Այդ գիշեր Նոր Տարւայ գիշեր էր...

Այդ գիշեր սենեակի մէջտեղում ճերմակ սփռոցով երկար սեղան էր բացում, լուսաւորւած խոշոր ճրագներով, հազար ու մի տեսակ բարիքով: Պատի տակ կանգնած էր սլալակներով ու խաղալիկներով զարդարւած ծառը, վառ մոմերի դողդողացող լոյսերով ծփծփուն: Տունը

ցնծութեան մէջ էր... Դրսից, ձիւնը ճերմակ վարդի թեր-  
թեր էր թափում պատուհանների ապակիների վրայ, պա-  
տերի վրայ մոմերի լոյսերի խաղը, սուեքներ էր թրթռա-  
ցնում, պատշգամբ տանող լուսամուտի լայն տախտակին,  
եռում էր գեղին ինքնաեռը՝ տաքուկ մի մթնոլորտ ստուգ-  
ծելով իր շուրջը: Վարագոյրների դունադեղ ծաղիկները  
ծիծաղում էին ու նրանց թերթիկները, երազի մէջ երեւ-  
ցած թիթեռնիկների պէս, զգացմունքից զգացմունք էին  
ցատկոտում:

Նուբարը նայեց շուրջը. այն անկիւնին, ուր ցցում  
էր ծառը, պատուհանի տախտակին, ուր եռում էր ինքնա-  
եռը... Մանին, իր խշխշուն մետաքսէ գլխատով սահում էր  
նրա աչքերի առջեւից, գլխի բարակ քողը գարթ նազան-  
քով շորորցնելով... Ու յանկարծ Նուբարի պտտող հայ-  
եացքը կանգ առաւ Վարդենու վրայ... Ուժեղ մի սար-  
սուռ անցաւ նրա ողջ մարմնով... Մարտուռ, որ վայրկե-  
նապէս պարուրեց նրան, իջաւ մինչեւ խորքը թմրած իր  
հոգու ու գլխաստացրեց պաղած միտքը:

Վարդենին, կռացած յուշատետրի վրայ, շարունա-  
կում էր գրել: Նրա աչքերը ա՛յնպէս տխուր էին...

Ինքը մնաց այլեւս... ու ոչ մի յոյս դնալու, շարու-  
նակելու կիսատ մնացած կրթութիւնը... Թաւրիզը բան-  
տի պէս մի բան էր դարձել նրա համար, տունը կորցրել  
էր իր հրապոյրը, ուր ամէն ոք քաշէլ, իր հոգու թաղըս-  
տոցն էր իջել...

Նա կրանկէլ էր յուշատետրով. մերթ յուզեաւ արագ-  
արագ շարում էր տողերն իրար ետեւից, մերթ կանգ առ-  
նում, թերթում էր հին էջերն ու խորասուզում նրանց  
մէջ: Վերջին տարիներն իր մտքերն ամենից աւելի պտտո-  
ւել էին մի զգացումի շուրջ՝ դուրս գալ, գնալ, խախտել,  
հեռանալ... Ու նոյն միտքը տարբեր բառերով, տարբեր

արտայայտութիւններով, անցնում էր կարմիր գծի պէս  
յուշատետրի էջերով՝ իր հոգու էջերով:

Սախյան, Վարդենու մատաղ հոգին լցած էր եւ ու-  
րիշ զգացմունքներով... Ամէն անգամ, երբ գրիչը կանգ  
էր առնում ու Վարդենին կամացուկ փակում էր աչքերը,  
անմիջապէս Բաղրատի սուեքն էր ուրուազձոււմ նրա  
մտապատկերի մէջ... Բաղրատը... Մարջան հօրաքրո-  
ջենց Բաղրատը...

Երէկ իրիկունն նա մեկնել էր Թաւրիզից:

Վերջին ժամանակներում դէպքերն այնպէս արագ-  
րէն էին յաջորդում իրար... Երկու տարի առաջ ընկել էր  
Հայաստանի Հանրապետութիւնը եւ Հայաստանը խոր-  
հրդայնացել էր: Սահմանի այն կողմից նորէն եկել էին  
մարդիկ, ոգեւորւած խօսքեր ասել: Ներսէսը գրել էր,  
կանչել Բաղրատին: Մեկնելուց առաջ նա եկել էր Վար-  
դենու մօտ մնաս բարեւի: Նրանք միասին դուրս էին եկել  
փողոց ու լուռ քայլել էին առատ թափուած ձիւնի վրա-  
յով... Անցել էին փողոցից փողոց... Բաղրատը խօսել  
էր նրան Հայաստանի մասին՝ Նոր Հայաստանի մասին,  
համամարդկային եղբայրութեան ու հաւասարութեան  
մասին... Խօսել էր ոգեւորւած, հաւատով լցած ձայ-  
նով...

«Նա դնում եմ, Վարդենի, գնում եմ նւիրելու հո-  
յակապ մի գործի, — ասել էր նա, — եւ ուրախ եմ, որ  
գնում եմ: Գնում եմ մոռացութեան տալով ամբողջ մի  
կեանք՝ երկտասարդ, անպտուղ մի կեանք, որ հոսեց, ան-  
ցաւ այս փոսի մէջ...»

Նրանք շարունակել էին քայլել ու մէկ էլ յանկարծ,  
երկար լուծիւնից յետոյ, Բաղրատը բռնել էր Վարդենու  
ձեռքը ու սեղմել էր իր ափերի մէջ... Այդ սեղմումից  
Վարդենու հոգու մէջ թաղնւած մի զգացում արթնացել

էր իսկոյն... Բայց Վարդենին անմիջապէս լռեցրել էր նրան... Միտքը արթնացած զգաստութեան էր հրաւիրել... Չէ՞ որ Բագրատն իր հօրաքրոջ տղան էր... Մինչ Բագրատը երազանքի մէջ ընկած շարունակել էր.

« Ախտոս, Վարդենի, որ այստեղ անցրած կեանքիս ճանապարհի վրայ կանգնած ես եւ դու եւ պիտի խանդարես ինձ մոռանալ այս անցեալը... Պիտի խնդարես»...

Բաժանուելիս Վարդենին սեղմել էր Բագրատի ձեռքն ախտոսանքի խորը զգացումով: Բագրատի ընկերակցութիւնից զրկուելը շատ զգալի էր նրա համար. վերջին ժամանակները նրանք ա՛յնպէս մտերմացել էին իրար հետ... Բայց այժմ Վարդենու համար կար միայն մի իրողութիւն, դա իրենց տունն էր, իր ընտանիքը, որի վրայ տիրութեան քոյ էր իջել ու ճնշում էր, ճնշում իրեն...

Նուբարը շարունակում էր դիտել Վարդենուն:

Այն օրից, երբ հայր ու աղջիկ, կանգնած դէմ-դիմաց, նայել էին իրար, թափանցող, մէկը միւսի հոգին կարդացող ու ըմբռնող հայեացքով, երբ Վարդենին լացակումած թափել էր իր սրտի վրայ ծանրացածը՝ «երբ հերթն ինձ հասաւ, ամէն բան փոխւեց... Դու ինձ խոստացար ուղարկել շարունակելու իմ կրթութիւնը, դու չկատարեցիր քո խոստումը, հայրիկ» ու թաշկինակը սեղմել էր աչքերին, այդ օրից Նուբարն այլևս երբեք եւ ոչ մի խօսք չէր լսել նրանից:

Վարդենին տխուր նայում էր ամէն երեկոյ տուն վերադարձող հօր մտահոգ դէմքին: Նրա կուսացած մէջքին, փոս ընկած աչքերին, օգնում էր նրան վերարկուն հանել, առնում էր ձեռնափայան ու գլխարկը եւ քնքշութեամբ համբուրում էր նրան:

Նուբարը դիտէր, Նուբարը հասկանում էր իր աղջկան... Բայց այդ երեկոյեան, Վարդենու քաշած այդ

վիճակը, նրա յուզմունքով լի դէմքը, չափազանց ազդեց Նուբարի վրայ...

«Ի՞նչ կատարեցիր քո խոստումը, հայրիկ, — հնչեցին նրա ականջին Վարդենու բառերն եւ նա վերելեց այդ պատկերը...»

Նուբարի սիրտը ճմլեց: Նա մեղաւոր զգաց իրեն Վարդենու տխուր այդ վիճակի համար, ջանաց միաժամանակ արդարացնել իրեն, — դէպքերը, պատերազմը, դժբախտութիւնները...

« Բայց ես ի՞նչ մեղք ունեմ, ես ի՞նչ մեղք ունեմ, հայրիկ »...

Նուբարը յանկարծ ցանկութիւն զգաց գրկելու, գգուելու Վարդենուն, խոստովանելու նրան իր թուլութիւնը, իր պարտագանցութիւնը... Խոստանալու անպայման մի բան անել: Մի բան անել... Ի՞նչ անել, երբ գործերն այնպէս վատ էին գնում, երբ աշխատանք չկար:

Նա վեր կացաւ եւ դանդաղ մօտեցաւ Վարդենուն: Վարդենին գլուխը բարձրացրեց, նայեց հօրը՝ խղճացող մէկի պէս... Որքա՛ն էր փոխւել հայրիկը... Նա ահամայ թեւով ծածկեց յուշատետրի էջը: Նուբարը ձեռքը դրաւ նրա գլխին: Վարդենին բռնեց իսկոյն այդ ձեռքն ու համբուրեց ջերմութեամբ: Հայր ու աղջիկ այնպէս լաւ էին հասկանում իրար...

Նուբարը մի րոպէ կանգնեց, այնպէս, կարծես գլխի մէջ մի միտք ծաղեց... Յետոյ նշան արաւ Վարդենուն, որ վեր կենայ տեղից: Վարդենին փակեց տետրը ու մօտեցաւ նրան: Նուբարը գրկեց Վարդենուն ու կամացուկ տարաւ նրան դէպի լուսամուտը եւ, այնտեղից մատով ցոյց տալով իրենց երկրորդ բակն, ասաց.

— Ինչի՞ս է պէտք... կը ծախեմ ու քեզ եւ Անուշին...



Ձաւէնը գլուխը բարձրացրեց ու հարցական նայեց  
հօր կողմը:

« Միշտ նոր տանջանքի դուռ է բացում էր համար,  
— մտածեց Ձաւէնը, — ինչ տարօրինակ մարդ է... »

Վարդենին սեղմեց հօրը:

— Այո՛, կարելի է ծախել, — կրկնեց Նուբարը:

— Բայց կարելի է ե՛լ չծախել, — լսեց յանկարծ  
Ձաւէնի ձայնը:

Հայր եւ աղջիկ դարձան նրա կողմը:

— Աղջիկները պէտք չունին բարձրադոյն կրթու-  
թեան, — շարունակեց Ձաւէնը, այնպէս կարծես ի միջի  
այլոց:

Նուբարը հեռացաւ լուսամուտից ու սկսեց քայլիկ  
սենեակում:

Վարդենին չարութեամբ նայեց եղբորը:

— Աչքերդ մի՛ յտօիր վրաս, — ասաց Ձաւէնը շեշ-  
տակի նայելով քրոջը, — ո՞ւմ է պէտք քո կրթութիւնը,  
ի գուր... »

— Իսկ քո՞նը, — դռչեց յանկարծ Վարդենին ու ինքն  
էլ դարմացաւ իր ձայնի կոպտութեան վրայ:

Ձաւէնը վեր կացաւ տեղից:

— Համարձակութիւնդ... Իսկ ի՞մը... Իսկ ե՞ս... »

Նուբարը մի վայրկեան քննող հայեացքով չափեց  
որդուն: Այդ հայեացքը զգալի կերպով բարկացրեց Ձա-  
ւէնին: Նա դիտէր, որ տան մէջ ոչ ոք այլեւս առաջւան  
պէս չէր յարդում իրեն, ոչ ոք իր վրայ, իր «ապագայի»  
վրայ հաւատ չունէր այլեւս... Նա կատաղած մի քանի  
քայլ առաջացաւ դէպի Վարդենին:

— Դու ինձ քե՞զ հետ ես համեմատում, — դուռաց  
գլուխը երկարած, Շոպէնհաուէրը ձեռքին յետ-յետ պա-  
հած:

Մանին տեղից վեր թռաւ վանխցած:

— Լռեցէ՛ք, լռեցէ՛ք, տանը հիւանդ կայ, լռեցէ՛ք ի  
սէր Աստծոյ... Ձաւէն, որդիս... »

Բայց Ձաւէնն ուշադրութիւն չդարձրեց մօր վրայ:  
Նրա լարած ջղերը բաց էին ընկել արդէն եւ անկարելի  
էր այլեւս գուպել:

— Անպէտք աղջիկ... »

— Դու ես անպէտք, — դուռաց Վարդենին վերաւոր-  
ւած, չկարողանալով գուպել իրեն, — դու մինչեւ անդամ... »

Բայց Ձաւէնը չթողեց, որ նա վերջացնէ իր խօսքը,  
մօտեցաւ նրան բարկութեամբ, դունատւած դէմքով ու  
իրեն համար իսկ անսպասելի կերպով, կոպիտ մի շար-  
ժումով բռնեց նրա թելից... »

— Ի՞նչ ասացիր, կրկնիր հայա... »

— Ձաւէն, Ձաւէ՛ն, — կանչեց Մանին լացակու-  
մած, նետւելով դէպի քոյր ու եղբոր կողմը... — Տունս  
դարձել է կուրի բուն, տունս քանդուել է... Ձաւէ՛ն... »

Անուշը վաղեց քրոջ կողմը, ձեռքով բնադղմամբ  
հրեց Ձաւէնին, որ հեռանայ, բայց Ձաւէնը բարկացած  
չնայեց իսկ նրան:

— Այո՛, անպէտք ես, — կրկնեց Վարդենին գայրոյ-  
թով ու փորձեց յետ քաշել թելը... »

Եւ պատահեց այն, ինչ որ Նուբարը երբեք չէր կա-  
րող երեւակայել... »

Ձաւէնը դետին նետեց ձեռքի գիրքը եւ առանց աջ  
ու ձախ նայելու, ուժեղ մի ապտակ իջեցրեց Վարդենու  
այտին... »

Կարծես ողջ տունը քանդեցին Նուբարի դլխին...  
Նա արագութեամբ մօտեցաւ Վարդենուն, ցցեց յանկարծ  
երբեմնի իր փառահեղ գլուխն ու մէկ ձեռքով պաշտպա-  
նելով աղջկան, միւսով հրամայական շարժում արաւ  
Ձաւէնին հեռանալ:

Զաւէնը մնաց անշարժ ու կոսլտուեթեամբ դառնալով  
հօր կողմը, դռուաց .

— Դու հայր չես, դու թո գաւաղներին դաստիարա-  
կել իսկ չես կարողացել մինչեւ այսօր :

Արհամարհանքով արտասանւած այս մեղադրանքը,  
անսպասելի նետի պէս գարնեց Նուբարի սրտին . . .

— Զհամարձակես դոռալ հայրիկի վրայ, — առաջ  
անցաւ Վարդենին, — չհամարձակես . . .

Ու մինչ Զաւէնը պատրաստուում էր կրկին անաղնկալ  
մի ելոյթի, ու մինչ Նուբարի գլուխը աստիճանաբար  
կրկին քարշ էր ընկնում իր կրծքին, իսկ Մանին լալիս  
էր, յանկարծ ներսի սենեակի դռների չէմքին, ոտքից  
գլուխ ձերմակ շապիկ հագած, սեւ մազերն անկարգ ճա-  
կատն ի վար թափած, խոշոր աչքերով, գունատ երեսով՝  
ուրուկանի պէս կանգնեց Տիգրանը . . .

Մի վայրկեան կարծես տիեզերքը քարացաւ, երկրա-  
գունդը պահեց իր վայրագ սլտոյտն ու մարդիկ տեղն ու  
տեղը անշարժացան . . .

Լայն, խոշորցրած բիւբերով, Տիգրանը կանգնեց  
գրան չէմքին ու նայեց բոլորին . . . Ոչ ոք տեղից չշարժ-  
ւեց : Նուբարը ձեռքերը կախ, կուացած գլխով, իրանը մի  
քիչ առաջ թեքած, Մանին գլուխը բռնած ու արցունքի  
կաթիլները այտերին անշարժացած, Զաւէնը ձեռքը առաջ՝  
դէպի Վարդենին մեկնած, գայրոյթը դէմքին քարացած,  
Վարդենին ու Անուշը սլատին սեղմւած . . .

Նայում էին վախեցած, երկնքից իջած ոգու պէս ան-  
սպասելի այդ յայտնուումին :

Տիգրանը սկսեց կամաց-կամաց առաջանալ : Քայլ առ  
քայլ . . . Եկաւ, եկաւ, հասաւ սենեակի մէջտեղը, միշտ  
նոյն դիրքի մէջ՝ լուսնոտ մէկի պէս . . . Նա դարձաւ, նա-  
յեց մօրը, երկա՛ր, երկար նայեց . նայեց Նուբարին, Զա-

ւէնին, բոլորին, բոլորին . . . Յետոյ գգուչուեթեամբ բարձ-  
րացրեց ձեռքերը դէպի վեր ու . . . ու առաջին անգամ լի-  
նելով չորս տարիների համուրթեան ընթացքին բացեց  
մոմէ շրթունքները եւ խուլ՝ մեռելային ձայնով ու դող-  
դողացող վանկերով թոթովեց . . .

— Ո՛ւր է Բե-հեզ տա-տը . . .

Ամենքը ցնցեցին :

Մանին ընկաւ Զաւէնի գիրկը, Վարդենին ու Անուշը  
աւելի սեղմեցին սլատին, կարծես ցանկանալով մի անցք  
բանալ նրա կարծր դանդաձի մէջ, մի անցք, որ կլանէր,  
որ տանէր իրենց, հեռացնէր այդ տեսարանից . . . Ու յան-  
կարծ ճերմակ մազերը երեսին թափւած, կնճիռներով  
ակօսւած ճակատով Նուբարը, գոյգ ձեռքերի մատներն  
իրար հագցնելով՝ աղաչական պահածքով, աղերսագին  
աչքերով, վազեց դէպի Տիգրանը ու համարեա ընկաւ,  
չոզեց նրա ոտքերի տակ . . . փլած, խորտակւած Նուբա-  
րը . . .

ՔԱՌՍԻ ՄԻՋԻՑ

Հսկայ ջրաղացքարն ասուելի արագութեամբ դառնում է: Մարդիկ գլուխները կորցրած, բոլոր ջղերը լարած, վազում են փախչող կեանքի ետեւից...

Տարածութիւնն անթափանց է, մշուշոտ: Քաղաքի սիրտը ճեղքող գետնայարկ զնացքը դղրդում է անընդհատ, օձապտոյտ իր մարմինը քարշ տալով, սառը լոյսերով ողողւած, խոնաւ անցքերի միջով:

էյֆէլը հեռոււմ վառւում է, բորբոքւում, բռնկւում յանկարծ հրդեհի լաւանների մէջ, աստղեր բացում ու մարում եւ դազազի ձեւով ցցւում մութի մէջ:

Առաւօտեան մութ ու լուսին, քնաթաթախ, դալկացած դէմքերով, յոգնատանջ մարմնով մարդիկ իջնում են գետնայարկ: Խումբ-խումբ ներս են խուժում բանւորները, մի բոսի սպասում: Հեռուից արագ սահելով հասնում է զնացքը: Դռներն արագօրէն բացւում են, եւ մարդիկ իրար հրելով ներս են խցկւում, կարծես մի աներեւոյթ ձեռք նրանց սեղմում իրար վրայ է գլորում: Վազոնները լցւում են, սրքան որ հնարաւոր է, շառաչով փակւում են դռները, եւ զնացքը կշտացած վիշապի պէս, ոլորւում է, վշշում ու սողալով մտնում քարէ ծանր կամարների տակ՝ իր հետ տանելով անթիւ գոհերն անկուշտ հրէշի:

Հրէշը չոքել է իր բաղմաթիւ ոտքերի վրայ, երկար սեւացած ծխնելոյզներից թանձր ծուխ է արտաշնչում եւ անյադ ու վայրի աչքերով դիտում է աշխարհը:

Ներսում, մեքենաների հսկայ մի անտառ... Անթիւ շարաններ բանւորների... Մի տեղ ձուլում են, միւս տեղ յղկում, մէկ ուրիշ տեղ ներկում ու փայլեցնում:

Դառնում են ֆրէզ-ները, տուպի-ները, մորտէզ-ները, պէրսօր-ները...

Մարդը կանգնել է խոշոր մեքենայի առջեւ: Բարձրացնում է ձեռքը, իջեցնում, նորից բարձրացնում է... նորից իջեցնում... Ու այդպէս անընդհատ: Յենած միշտ աջ ոտքին, մէջքը ծռած, վիզն առաջ երկարած — այսպէս տասը ժամ, այսպէս ամեն օր — բարձրացնում է ձեռքը, յետոյ իջեցնում: Նա պէտք է վերցնէ նետուած տախտակը, բռնէ սուր դամին՝ պէտք է ծակէ տախտակը: Այդպէս է անում նա հարիւրերորդ, հազարերորդ անդամ, այդպէս է անում նա ամբողջ օրը, ամբողջ կեանքն իր: Նա միայն այդ է անում: Եւ մարդ-օղակներից կադմըւած հսկայ շղթան շարժւում է, շառաչում...

Տիկ-տակ-տա՛կ, տիկ-տակ-տա՛կ:

— Էն ի՞նչ հասակ էր է՛ր... Էն ի՞նչ աչքեր էին անիրաւի աղջկայ աչքերը...

Տիկ-տակ-տա՛կ, տիկ-տակ-տա՛կ:

Փողոցի մուտի մէջ պսպղում են հարսնետուների վառ լալաներն ու ջահերը, որոնց միջից երեւում է ինքը՝ հարսը, կանաչ կարմիր հագուստներով, վարդալոյսն քօղով եւ երեսն ի վար, երկու կողմերից կախւած ոսկէ թելերով, փայլելուն, պսպղուն...

— Արմաղ-չարմաղ աղջիկ...

— Թէ՛ թո՛նրի կրակ աղջիկ...

— Մի տես է, մի տես, հէնց ա արեւի կտոր:

Զուռնան նապում է «Տարան-տարան»ը եւ օդի մէջ հրձիգներ են տրաքում...  
Տրա՛ք...

Դղրդում է մեքենան, դառնում է կաշէ դօտին, սլատցնում երկաթների մէջ թաղւած խոշոր անիւր... Պէտք է շտապել. հարեւանը իր ժամանակին կը նետէ պիէս-ը, եթէ ուշանայ հերթը կը կորցնէ, շղթան կը քայքայի: Երկու վայրկեանի մէջ պէտք է հասցնել: Երկու վայրկեան... Ողջ կեանքը կարելի է վերսիշել... Երկու վայրկեան... Մէկ խոշոր շունչ:

Շըրխի... շըրխի...

— Տես՞ր, Արտօ, տես՞ր, Արտօ, տես՞ր, Արտօ...  
— Տես՞ր, Արտօ, տես՞ր, Արտօ, տես՞ր, Արտօ...

Զընդ հա զընդ, զընդ հա զընդ, մէկը միւսի ետեւից հարսի բաժինքն են բերում...

— Ա՛յ ջան, ա՛յ ջան...

— Տօ, Արտօ, զգոյշ եղիւր, մատերդ տակովը չտաս, մատերդ...

Արտօն մի վայրկեան սթափւում է:

Մեքենայի սեւ գանդւածն իր սուր ատամներն է ցոյց տալիս նրան: Կողքի հայ տղան յօնքերն է կխում:

— Խեղճ մեքենայի վրայ պահիր, այ մարդ:

Նրանց աչքերը մի պահ հանդիպում են իրար. ջերմ գդացումը վառւում է երկուսի հոգիների մէջ: Մեքենաների աղմուկի միջից տխուր մի երգ իր յանկերգն է կըրկնում...

Եար ունէի բոյով չիմա՛ր,

Դէմքով աննրման...

Եար ունէի բոյով չիմա՛ր...

Եար ունէի...

— Տես՞ր, Արտօ, տես՞ր, Արտօ, տես՞ր, Արտօ...  
— Տես՞ր, Արտօ, տես՞ր, Արտօ, տես՞ր, Արտօ...

— Մօտեցէք, մօտեցէք, պարոններ եւ տիկիներ, մի՛ վարանէք, պարոններ եւ տիկիներ: Դուք չգիտէք, թէ ինչի՞ց է յաճախ առաջ գալիս ընտանեկան ողբերգութիւնը: Բայց եթէ դուք կարողանաք առերես մանր երեւցող ձեր ամեն մի կարիքի մասին ժամանակին մտածել... այո՛, պարոններ եւ տիկիներ, պէտք է լրջօրէն մտածել: Մի՛ նայէք այդպէս՝ տարակուսանք արտայայտող աչքերով: Ես վաճառում եմ կօշիկի ներկ, «Լա Լիւն» մարկը: Ուշադրութիւն: «Լա Լիւն» եւ ոչ թէ ուրիշ յայտնի կամ անյայտ մարկ: Կօշիկի ներկը, պարոններ եւ տիկիներ, մէկն է ոչինչ կարծած մանր այն անհրաժեշտութիւններից, որ պատճառ է դառնում ընտանեկան անհաճոյ խօսակցութիւնների, ընտանեկան անհամաձայնութեան, ընտանեկան ողբերգութեան: Ահա ձեր ամուսինը յոգնած տուն է վերադարձել ու ցանկանում է մաքրել իր կօշիկները: Նա վերցնում է ներկը, քսում է կօշիկներին ու փորձում է փայլեցնել... Ծփում է, շփում... Կօշիկը չի փայլում, սակայն: Ներկը վատն է, «Լա Լիւն» չէ: Ջղայնանում է ձեր սիրելի, ձեր շատ սիրելի ամուսինը, դուռում է, գայրանում... Այո՛, մտածեցէք, սիրելի տիկիներ, մտածեցէք միայն...

— Հինգ Փրանկ, հինգ Փրանկ, հինգ Փրանք, հինգ Փրանկ... Մէկը, երկուսը, երեքը, ահա ձեզ չորսը... Չորս հատ դեղեցիկ փողկապ... Մարդասիրական տեսակէտից եմ մօտենում ես այսօրւայ վաճառքին... Հինգ Փրանկ... հինգ Փրանկ... հինգ Փրանկ...

Փարիզ:

«Ռտալի» հրատարակի տօնավաճառն է:

Ժողովուրդը թափւել է փողոց: Հրատարակը լցւել

է բազմութեամբ: Աջից ու ձախից լսում են մեքենայ նազարանների ձայներ, պտտում են կռուսելները, բարձրանում դառնում են սաւառնակները: Ծօծանակներից լսում են կանացի ճիչեր: Ելեքտրականացած տախտակամածի վրայ դղրդում են ինքնաշարժեր:

Թւակալած դունաւոր անիւները դառնում են անդադար՝ խոստանալով շահողին մի շիշ գինի կամ շամպայն, մի քիւ շաքար կամ մի տուփ շօկօլատ: Ոմանք ոյժը չափող դնդակներ են նետում, ուրիշները երկար հեռադիտակներով լուսինն են դիտում: Մարդիկ դառնում են կռուսելների պէս, քրքրում են, դուրսդուրում...

Ծրջապատի աղմուկին անտարբեր, Արտօն հանդարտօրէն անցնում է տօնավաճառի միջով: Կարծես ոչինչ չկայ՝ ոչ ծիծաղ ու երգ, ոչ քրքիջ ու ճիչ: Լուռ, գլուխը կախ անցնում է նա ուրիշ մոլորակից ընկած մէկի պէս, աչքերը մերթ այս, մերթ այն կողմը նետելով:

— Մէկ Փրանկ, մէկ Փրանկ, մէկ Փրանկ... Մարինան ցուցադրւած է եւրոպական բոլոր քաղաքներում: Դարվինի օրէնքի ցայտուն ապացոյցն է նա... Կէս կին, կէս կապիկ...

— Այս կողմ, սիրելի ժողովուրդ, այս կողմ համեցէք: Այստեղ է գտնւում Մարսի բնակչուհին՝ Մարսից ընկած աղջիկը, — երկար խողովակը բերանին դրած կանչում է խոշոր մի մարդ. — Ողջ է, բայց շղթայւած է... Մտէք, զարմացէք:

Մի ուրիշ տեղ մանկամարդ մի աղջիկ է կանգնած, երեսին փոքրիկ դիմակ, վրան՝ սեւ ծածկոց:

— Գեղեցիկ է Վենիսի նման, — խօսում է խուպոս ձայնով, ուռած դէմքով մէկը, — ով ներս մտնէ մերկ պէտք է տեսնէ նրան, բոլորովին մերկ... Եւ նա մենակ

չէ... Մտէ՛ք, պարոններ եւ տիկիններ... Այս ոչ այլ ինչ է, եթէ ոչ գեղեցկութեան ցուցադրութիւն՝ արեւստ:

Սեւ գիմակի տակից կարմիր շրթունքները ջղային շարժումներ են անում: Մինչ երկաթեայ վանդակները միջից երեւում են երկու երիտասարդներ, սեւացած մարմիններով, դուրսները փետուրներով զարդարւած, մերկ ու նիհար...

«Վայրենիներ են»...

Նրանք անզաղար դուռում են, վայրի շարժումներ են անում, սպառնում են յարձակել ժողովրդի վրայ, շիկացած երկաթի ծայրն են բարձրացնում, քսում են արդէն բորբոքւած եւ ուռած լեզուներին...

Ժողովուրդը լուռ դիտում է:

Ամեն մարդ պէտք է իր ապրուստը շահէ:

Ու դառնում են կարուսելները, ճշում են կանայք, աղմկում են նւագարանները, դղրդում են ելեքտրական կառքերը:

Տօն է:

— Մամա, քարիկէս ուրկոճկէ արա:

— Աման, ձգէ, տղաս, ձգէ՛ նայիմ... Տասնըչորս, տասնըհինգ, տասնըվեց:

— Մամա, ես կայիկէս կորցրել եմ, ինձի աւ տուր՝ նորը աշքքէ ընեմ:

— Աղջի Շուշան...

Շուշանը հագուստների հաշիւը թողած ու որդու վրայ բարկացած մի հայեացք նետելով՝ դուրսը բաց լուսամուտից դուրս է հանում:

— Ի՞նչ կայ, Սիրանոյշ:

— Նոր ֆոնֆէֆսիոն բերած եմ, կ'ուզես նէ եկ առ Շուշանը գլխով հաւանութեան նշան է անում:

Ու յանկարծ բոլոր լուսամուտներից կանացի գլուխներ են դուրս նայում:

— Մեզի ֆոնֆէֆսիոն չկա՞ր:

— Կայ, կայ, ամենքիդ ալ կայ: Քիչիկ մը համբերէք, որ դատեմ:

Գլուխները ներս են քաշւում, եւ տունը նորից լցւում է կարի մեքենաների միօրինակ ձայնով:

Բոլոր յարկերի վրայ, բոլոր լուսամուտների առաջ, հայ կանայք, մէկ-մէկ հատ մեքենայ դրած՝ կարում են:

Ոլորապտոյտ աստիճաններ, որ բարձրանում են բակի ճիշտ մէջտեղից, տարօրինակ տեսք են տալիս նրան:

Բակը, որ հազադուր մի երեւոյթ է Փարիզի մէջ, ունի երկու ծառ, որոնց ճիւղերը շոյում են մի կողմից տան լուսամուտները, միւս կողմից կողքի պատի նեշ պատշգամբը: Շէնքը չորս կողմից շրջապատել է նրան ու լուսամուտէ իր աչքերը դամել է փողոցի մուտքին:

— Սեդրակն եկաւ...

— Մելսակը դնաց...

— Մնացականը դործ բերաւ...

Շուշանի սենեակը պանդոկի բնակիչների կենտրոնավայրն էր: Այդտեղ էին դործերը բաժանում, այդտեղ էին հաւաքւում բոլորը՝ իրենց վիշտը եւ ուրախութիւնը պատմելու, իրար նոր լուրեր հաղորդելու, հինը քրքրելու:

Փոքրիկ քառակուսի մի սենեակ էր այդ, որի մէջ զարմանք պատճառող կանոնաւորութեամբ տեղաւորւած էին տախտակէ մահճակալներ, կարի մեքենաներ, սեղան, աթոռ եւ հազար ու մի տեսակ մանր-մունր իրեր: Պատերը զարդարւած էին բազմաթիւ մեծ ու փոքր լուսանկար-

ներով, — երեխաներ, երիտասարդ տղաներ, մանկամարդ աղջիկներ:

— Աս կորուսած եղբորս թոռն է. աս մէկը հօրաքոջս աղջկայ քեռայրին եղբայրն է. աս պատիկն իր մանչն է, միւսը աքսորի ճամբին սպաննուած հօրաքոջս անդրանիկ տղայի գաւակն է, — բացատրում էր ամեն անգամ Շուշանը, երբ մէկն ու մէկը մօտենում էր պատերին ու զետում լուսանկարները:

— Ամենքդ միասին կ'ապրիք:

— Ամենքս միասին:

— Մամա, քարլիէս, մամա, կայիէս...

Շարաթ երեկոյ էր:

Արտօն հանդարտաքայլ ներս էր մտնում բակ: Պանդուկի բնակիչներն արդէն սկսել էին ուրախանալ: Վարի յարկից լուծւում էր բանժոյլի միօրինակ նւազը: Մէկը վերի լուսամուտին կրթնած՝ « Հէյ ջան սարեր » էր երգում: Մէկ ուրիշն իր սենեակից ձայնակցում էր նրան: Երիտասարդ աղջիկներ դրամաֆօնի վրայ պարի եղանակներ էին նւազում: Ուրիշ մի տեղից տաճկական երգի ձայն էր դալիս:

Արտօն դէմքի վրայ քաղցր մի ժպտ խաղաց: Նա կանգնեց մի րոպէ՝ լսելու համար տարբեր կողմերից եկող տարբեր այդ ձայները եւ առանց ուշադրութիւն դարձնելու լուսամուտներից դէպի բակ կոնցած բազմաթիւ դուրանների վրայ, մտաւ նախադաւիթ:

Կիսախաւար աստիճաններից Արտօն սկսեց բարձրանալ դէպի վերցերորդ յարկի իր սենեակը, բայց հազիւ մի քանի յարկ բարձրացած, զգաց յանկարծ, որ մէկը շտապ՝ համարեա վազելով բարձրանում էր իր ետեւից: Արտօն ակամայ յետ-յետ դնաց... Աստիճանների կիսախաւարի մէջ նա ճանաչեց իսկոյն նրբակազմ այն աղջկան

եւ հէնց այն էր՝ Ժպիտը դէմքին ուզում էր բարեւել... Բայց աղջիկը, առանց ուշադրութիւն դարձնելու Արտօնի վրայ, առաջ անցաւ ու արագօրէն բանալով իրենց բնակարանի դուռը՝ ներս մտաւ ու անյայտացաւ:

Աղջկայ ետեւից դուռն աղմուկով փակեց: Փոքրիկ մի այցետոմս դուրս թռաւ տեղից ու պտուելով ընկաւ յատակի վրայ:

Արտօն մի պահ զարմացած կանգնեց, ձեռքով երեսը չփեց, յետոյ մօտեցաւ, վերցրեց դետնին ընկած այցետոմսն ու խնամքով ամրացրեց դրան վրայ՝

«Տիկին Սաքեմիկ Դաւիթ»:

Արտօն չգիտէր սակայն, թէ ովքեր էին դտնուում այդ պահին տիկին Սաթենիկի մօտ:

Երջանիկ օր էր այդ օրն Արտօնի համար:

Շարաթ էր:

Արտօն կարող էր հանդարտութեամբ հանել, պառկել իր մահճակալի վրայ, դուռը ներսից փակել ու անձնատուր լինել իր երազներին: Այդ օրը նա կարող էր երագել, ինչքան որ ցանկանար: Առաւօտեան զարթուցիկի զիւճչոցը չպէտք է ցնցէր իրեն:

Նա ներս մտաւ սենեակ, վառեց լոյսը: Իր հաւատարիմ ընկերն այնտեղ էր դարձեալ՝ սենեակում էր:

Նա նստեց մահճակալին ու ժպտալով աչքերը յառեց այդ «ընկերոջ» վրայ: Ի՞նչ վառ էին նրա թելերի դոյները, կարծես նոր քաղած ծաղիկների ալան-չալան փնջեր լինէին:

Ա՛հ, իր այդ հարազատ բարեկամը, իր սրտի ու մտքի զաղտնիքների, տենչերի ու յոյզերի միակ ընկերը... — Իր խուրջինը:

Ի՞նչ օրեր էին տեսել նրանք երկուսով միասին, մերթ



բաց դաշտի մէջ, մերթ սարերի լանջին, քարերի վրայ: Միասին էին ուրախացել, միասին լացել...

Արեւելքի հոտն էր բուրում նրանից: Արեւի վառման շողերը դեռ թրթռում էին նրա նախշերի վրայ... Նշաձեւ ծաղկաւոր այդ նախշերը, խոս թելերից հիւսւած՝ կարմիր, կանաչ, դեղին, սպիտակ...

Ու մինչ յոգնած իր ուղեղի մէջ անընդհատ կրկնում էր դործարանի մեքենաների աղմուկը, իսկ աջ ոտքը միեւնոյն դիրքի մէջ սլահելուց թմրել ու ցաւում էր, հաւատարիմ այդ «ընկերը» իր անկիւնից ժպտում էր նրան, ու Արտօն մտովին վերյիշում էր նրա խորքում թաղնւած գանազան ու դարմանազան կախարդանքների մասին...

## 2

Ճիշտ նոյն օրն էր:

Թղթի մի կտոր ձեռքի մէջ ամուր պահած՝ վարդենին ու Անուշն անցնում էին փողոցից փողոց:

Նուբարը կատարել էր իր խոստումը.— վարդենին ու Անուշը եկել էին Եւրոպա:

« Թող դնան,— մտածել էր Նուբարը,— աշխարհ կը տեսնեն, քաղաքակիրթ մարդկանց հետ կը շփուեն, լեզուն կը կատարելագործեն: Եթէ որեւէ դիպում իսկ չստանան, դարձեալ շատ բան կը սովորեն ու իրենց ապագան կը հարթեն »:

Եւ դարնանը, իրենց նման մի խումբ երիտասարդների հետ միասին, վարդենին ու Անուշը ճամբայ էին ընկել դէպի Եւրոպա:

Անուշն արդէն մեծացել՝ հասուն աղջիկ էր դարձել: Իր աչքերի կրակոտ արտայայտութեան վրայ աւելացել էր այժմ լըջութեան ու խմաստութեան դեղեցկութիւնը: Եւ այժմ, մայրաքաղաքի լայն փողոցներով, քայլում էր նա, երիտասարդի իր հասունութեամբ, որի հոգու դռները բաց էին այլեւս կեանքի առաջ:

Փարիզ դալու առաջին օրերն էին:

Փարիզը խառն ի խուռը շարժանկար էր... այնպէս, ինչպէս է նա ամեն նորեկի համար, որ չի կարողանում մէկ անգամից ընտելանալ նրա սոսկալի թոհ ու բոհին:

— Փողոցի մինչև ծայրը բարձրացէք, յետոյ ծուէք աջ, յետոյ ձախ, — բացատրում էին նրանց անընդհատ: Եւ նրանք գնում էին մոլորւածի պէս:

Գնում էին, գնում, կանգնում էին պտտող կարուսելների, թուշող սաւառնակների առաջ, լսում հետաքրքրութեամբ այս ու այն կողմից եկող ձայներն ու աղաղակները, եւ մարդիկ նրանց հրում էին, մարդիկ նրանց գլորում էին:

Նրանք այնպէ՛ս յոգնել էին, իսկ հրապարակը այնքա՛ն մեծ էր: Կանգնում էին, դիտում գարմացած: Զէ՞ որ Եւրոպա էին գտնուում... Եւ, սակայն, վայրագ ու կատաղի էր թւում նրանց այդ բոլորը:

Ուրիշ մի մոլորակ էր այս, ուրիշ տնձալ, ուրիշ գարկ, խորթ, անհարազատ, որ թափում էր նրանց վրայ կարծես մոխրագոյն մի փոշի: Պաղ աչքերով, շիտթւած մըտքով նայում էին նրանք իրենց շուրջը, շտապ շարժւող մարդկանց, եւ անխուսափելի հարցեր մէկը միւսի ետեւից ծնւում էին նրանց ուղեղի մէջ. — ո՞վ եմ ես, ո՞ւր եմ եկել, ի՞նչ եմ փնտռում... Ու իբր պատասխան նրանք լսում էին զիլ ձայնը երկար այն շեփոթի, որ հրաւիրում էր տեսնել Մարսից ընկած աղջկան: Իբր պատասխան նայում էին գիտունի արտայայտութիւն ունեցող մարդուն, որ հատիկ-հատիկ բացատրում էր Մարինայի կէս կին, կէս կապիկ լինելու հրաշքը:

Ամեն բան այնպէ՛ս մշուշապատ էր ու այնպէս պղտոր:

Գոնէ, շո՛ւտ տեղ հասնէին:

— Նախ՝ դէպի աջ, յետոյ՝ դէպի ձախ...

Նրանք անցել էին արդէն հրապարակի վրայ բացւած ծառուղին ու մտել նեղ փողոցների մէջ: Լայն ծառագարդ պողոտաների կողքին՝ փարիզի մէջ այդպիսի նեղ փո-

ղոցներ... Ծխից սեւացած պատերով իրար վրայ կուտակւած տներ... Բաղմաթիւ փակ լուսամուտներ, որոնք այնպիսի տխուր տպաւորութիւն էին թողնում...

Վարի յարկերում գետեղւած էին խանութներ, սըրճարաններ, սրճարաններ ու սրճարաններ: Հսկայ տների կողքին՝ տեղ-տեղ քանդւած շէնքեր կային, շրջապատւած ցանկապատերով ու յետոյ կրկին՝ նեղ փողոցներ ու կրկին սրճարաններ:

Անսովոր ինքնաշարժերի եւ ելեքտրաքարշերի դարհուրելի հոսանքին, անսովոր մարդկանց խումբ ի խումբ գրոհին, Վարդենին ու Անուշը շարունակում էին քայլել:

Բաւական քայլելուց, ուրիշներին անվերջ ճանապարհ գիջելուց, մեղաւոր ժպիտով ամեն կողմ «ներողութիւն» շոյալելուց յետոյ, նրանք վերջապէս հասան «աջ կողմի շորթորդ փողոցը» եւ կանգ առան անկիւնի տան առաջ՝

— Hôtel Ortolan.

Կարդաց Վարդենին գրան ճակատին:

— Վար նայէ, աղջի, վար նայէ, ան ուղք՞ր են...

— Հայ ըլլալու են:

— Հայ են, հայ են, մարդ կը փնտռեն:

Բակի մէջ կանգնած էին Վարդենին ու Անուշը եւ աջ ու ձախ էին նայում:

— Տիկին Սաթենիկն այստե՞ղ է բնակւում, — հարցրեց Վարդենին Ֆրանսերէն լեղուով:

— Որո՞ւն կը հարցնես, ետրում, — ձայնեց մէկը վերից:

Վարդենին առաջացաւ դէպի լուսամուտը եւ գլուխը վեր բարձրացրեց:

— Տիկին Սաթենիկը, պարսկաստանցի<sup>օն</sup>։ Հոս, Հոս է, Հոս, աղջիկս։

Վարդենին այս անգամ գլուխը դարձրեց հակառակ կողմը եւ տեսաւ, որ բակի չորս բոլորը գտնւած լուսամուտներից բազմաթիւ դուռներ կոացել իրենց են նայում...

Բայց մինչ այս, մինչ այն՝ Շուշանն արդէն բակումն էր։

— Եկէք, եկէք ես ձեզի իրեն քովը տանիմ, — տիկին Սաթենիկը հոս է, մերին հարեւանն է։ Եկէք, ի՞ ետեւէն եկէք։

### 3

Տարիներ էին անցել։

Աննկատելի արագութեամբ գլուխէլ էր ժամանակը։ Ժամանակը, որ ա՛յնպէս անգթօրէն վայրագ իր հոսանքի մէջ առնում տանում է ամեն ինչ, որ չունի ոչ շափ, ոչ կշիւ, որ արհամարհում է մարդկային բոլոր ճիգերը եւ ամեն բան անհասկանալիին հասցնելու տենդով բռնւած՝ հոսում է, հոսում...

Ութ տարի էր արդէն, որ տիկին Սաթենիկը Եւրոպա էր։

Ո՛ւթ տարի...

Պատերազմի տարիներն ապրել էր նա Նիսում, իր աղջկայ՝ Նորայի հետ միասին եւ այժմ մէկ տարի էր միայն, որ տեղափոխւել էր Փարիզ։

Բժիշկ Դաւթի մահից յետոյ, տիկին Սաթենիկը վըճուել էր այլեւս Թաւրիզ չվերադառնալ եւ Մարգարիտի հետ միասին տեղաւորւել էր Հօթէլ Օրթոլանի մէջ։

Այն ժամանակ, երբ Վարդենին ու Անուշը մտան բակ, տիկին Սաթենիկը նստած էր իր բնակարանի լուսամուտի առաջ, որ բացում էր փողոցի վրայ եւ կոսւցած ծնկներին փուած դորշ մի շրջագոյն տի վրայ, արագարագ քաշում էր ասեղը, մերթ ընդ մերթ անհամբեր մի հայեացք ձգելով փողոցի կողմը։

Տարիները փոխել էին տիկին Սաթենիկին։ Նրա եր-

բեմնի խրոխտ կեցածքը խապառ անյայտացել էր: Աչքերի մէջ երեւում էր ինչ որ յուսախաբուեթիւն, ինչ որ վախ, որ առաջ է դալիս, երբ մարդ անմիջական չվման մէջ է մտնում կեանքի հետ: Նրա խոշոր կաղմածքն այլևս նախկին ինքնավստահութիւնը չէր ներշնչում: Իր ձեւերը նոյնպէս փոխել էին՝ աւելի զգոյշ, համակերպող մարդու ձեւեր էին դարձել... Սեւ, երկար շրջագգեստը, որ իջնում էր մինչեւ սոքերը, աւելի երկար էր երեւցնում նրա հասակը: Թեւերը զարդարած էին սեւ ժանեափնէրով, գօտին սեղմած էր հին ձեւի սեղմիրանով, որ բարձրանում էր մինչեւ կուրծքը: Գլխի կենտրոնում հաւաքւած մազերի գունդը չկար այլևս. տիկին Սաթենիկի մազերը կտրւած էին «au l'air court»...

Արագ արագ սահում էր ասեղը ծնկներին փուած գորշ շրջագգեստի վրայով, մինչ ինքը ցածրաձայն խօսում էր աթոռի մօտ կծկւած ծեր իր շնիկի հետ:

— Տեսա՞ր, Fifi, tu as vu Fifi... ասաց, որ ընկերուհու մօտ է գնում, ընկերուհու մօտ... Հը՞, Fifi...

Տիկին Սաթենիկը շտապում էր: Պէտք էր ձեռքի կարը շուտ վերջացնել, յանձնել Շուշանին, յետոյ սկսել միւս շրջագգեստը...

Վերջնականապէս Եւրոպա հաստատուելու իր վճռից յետոյ, տիկին Սաթենիկը կարգադրել էր ծախել Թաւրիգի իր տունն ու պարտէզն ու Մարգարտի հետ տեղափոխւելով Փարիզ՝ իր ապրուստը շահում էր կարով:

« Այս քաղաքը մեծ է, մեզ ոչ ոք չի ճանաչում, իսկ այնտեղ, իմ ծննդավայրում, ո՞վ կարող է իմանալ, որ մաղամ Սաթենիկը Փարիզ նստած կար է անում», — մըտածում էր տիկին Սաթենիկը:

Այս հարցում սակայն, տիկին Սաթենիկը չարաչար

սխալւում էր: Նրա հետո ծննդավայրում ապրող տիկին Հոռոմն ամեն բան գիտէր...

— Несчастное создание, — ասում էր տիկին Հոռոմն իր բարեկամներին, — ուղղակի դժբախտ... Ամբողջ օրը մայր ու աղջիկ կար են կարում... Էն խեղճ մարդու գլուխն էլ այստեղ կերան... Ես ոչինչ չունեմ, ի հարկէ, ես ոչինչ չունեմ. լաւ է Փարիզ ապրելը: Բայց ապրես, եւ ոչ թէ, ամօթ է ասել, նահատակես:

Բայց այս լուրերի մասին ինքը՝ տիկին Սաթենիկը որեւէ տեղեկութիւն չունէր ու շարունակում էր հանդիստ սրտով իր գործն անել:

Ամրացնելով հազուստի վերջին կոճակը՝ տիկին Սաթենիկը նորից անհամբեր մի հայեացք է նետում փողոցի կողմը:

Մարգարտն ուշանում էր: Ու թէեւ նա ասել էր, որ ընկերուհու մօտ է գնում, տիկին Սաթենիկը սակայն ներքին մի կասկած ունէր իր սրտում... Եւ այդ էր պատճառը, որ նրա անհամբերութիւնը կամաց-կամաց փոխւում էր ջղայնութեան:

— Խենթ աղջիկ... Երեւի դարձեալ այն անպիտան նկարչի...

Ու յանկարծ աստիճանների վրայ աղմուկ...

Շուշանը փակ դրան ետեւից ձայն էր տալիս արդէն: Ի՞նչ էր, ո՞վ էր...

Տիկին Սաթենիկը հազիւ ժամանակ ունեցաւ սեղանատնից քաշել՝ դուրս տանել կարի մեքենան: Շտապ հաւաքեց բոլոր կարերը, սեղանի վրայից ասեղ, մկրատ ու մատնոց վայրկենապէս անհետացան, եւ նա վերջապէս ընդառաջ ելաւ իր հիւրերին.

— Tiens, bonjour, tiens, բարեւ... դուք որտե՞ղ, փարիզը որտեղ... étudiants... regardez moi ça...

Ու տիկին Սաթենիկը կռացաւ վերջապէս եւ ուշացած երկու համբոյր դրոշմեց, ինքնաբերաբար իրեն դէմ տըրւած, Վարդենու եւ Անուշի գոյգ այտերին: Բայց Վարդենին ու Անուշը շիրթութեան մէջ էին ընկել արդէն...

Վարդենին ժպտաց, ինչ որ բաներ ասաց, նայեց տիկին Սաթենիկի կտրած մազերին, թեւերի ժանեակներին, աչքերը երբեք չկարողանալով պահել նրա աչքերի մէջ, յետոյ կրկին ժպտաց եւ գրաւելով առաջին պատահած աթոռը խապառ լռեց:

Անուշը լուռ հետեւեց քրոջ օրինակին:

Լռեց եւ ինքը՝ տիկին Սաթենիկը:

Գննող, գննող հայեացքով նա սկսեց ոտքից դուրս չափել նախ Վարդենուն, յետոյ Անուշին...

Իսկ Վարդենին ու Անուշը սառել էին մնացել:

Այնպէ՛ս անհամբերութեամբ էին սպասում նրանք այդ հանդիպումին... Օտար քաղաքի մէջ երբեմնի բարեւ-

կամուհու տեսութեան... Տիկին Սաթենիկի ընդունելութիւնը սակայն փոխել էր նրանց գգացմունքները:

Անուշը չգիտէր ի՞նչ անել. գարմացած, շարած նայում էր իր շուրջը... Ու մինչ տիկին Սաթենիկը, ջանալով բարձր պահել իր դուրսը, դանդաղօրէն գնում էր նրանց, Վարդենու յիշողութեան մէջ կրկին ու կրկին կենդանի կերպով վերարտադրում էր Թաւրիզը... Տիկին Սաթենիկի կեանքն այնտեղ... Իր հայրը՝ Նուբարը... Ու ահա, ահա իրենց մեկնումի օրը, վերջին այն օրը, Նուբարի խօսքերը...

Լայն քարանսարայի քարքարոտ բակումն էին: Կառապանները ձիերն էին լծում. ամենքը սպասում էին յուզած... Ինքը կանգնած էր մայրիկի կողքին ու հարիւրերորդ անգամ լինելով հաշում էր նրա հազուստի մանրիկ կոճակները, որոնք վերից վար կոճկում էին սեւ շրջագգեստի կուրծքը: Ա՛հ, մայրիկն այնպէս տխուր, տխուր էր այդ օրը... Իրենց մեկնումը, անշուշտ, յիշեցնում էր նրան Տիգրանին, նրա մեկնումի օրը... Ի՞նչ յոյսերով էին լցւած ծնողական սրտերն այդ օրը... Իսկ հիմա՞. Տիգրանը մնացել է տանը, դամւած իր անկողնուն:

Մեկնումի օրը Վարդենին վերջին անգամ այցելել էր նրան, կռացել համբուրել էր նրա գունատ ճակատը, մոմէ այտերը, լացակումած շոյել էր նրա դեղեցիկ դուրսը, առատ մազերը...

— Գնում եմ, Տիգրան ջան, — ասել էր:

Բայց Տիգրանը լայն լայն բացած իր աչքերով նայել էր նրան անտարբեր ու անտարբեր եւ ոչինչ չէր պատասխանել:

— Մայրիկ ջան, մի՛ մտածիր, — Վարդենին շոյում էր մօր ձեռքերը, — մի՛ մտածիր, մայրիկ ջան...

— Շուտ նամակ կը գրես, — պատասխանում է Մանին, աշխատելով սառնասիրտ երեւալ:

Ու մինչ Վարդենին խոստովանելու է անում, իսկ Մանին լսում է նրան ու շոյում իրեն փարած Անուշի գլուխը, նրանց մօտենում է Նուբարը:

Վարդենին դարձացած նայում է հօրը... Հայրիկն այդ օրը այնպէ՛ս հպարտ երեւոյթ ունէր... Նրա կռացած մէջքը շտկւել էր կարծես, աչքերի մէջ հաւատի, յոյսի եւ լաւատեսութեան կայծեր էին փայլում:

Թողնելով Մանին Անուշի կողքին, հայր ու աղջիկ թեւ թեւ սկսում են քայլել բակի երկարութեամբ:

— Անցածն անցած է, դաւակա, — ասում է Նուբարը հաստատուն ձայնով, — պէտք է՛ յուսահատուել: Ամեն բանի պատճառը պատերազմն էր եւ, սակայն, այժմ խաղաղ է աշխարհը: Գնա, աղջիկս, դնա՛ կրթւիր: Ես չեմ ուզում, որ քո մէջ կիսատ մնայ այդ տենչը: Կրթութիւնը բարձրացնում է մարդու հոգին: Աշխատեցէ՛ք երկուսդ էլ լաւ օգտուել Եւրոպայից:

Ու յետոյ հայրիկը հեռացնում է նրան, տանում բակի հեռաւոր մի անկիւն: Այնտեղ, քարի վրայ նստած, մի փոքր յուզւած, բայց ինքն իրեն իշխելով, Նուբարը շարունակում է.

— Մեր ընտանիքն իր դոհն տւաւ, Վարդենի... Մենք կորցրինք Տիգրանին... — նա գրկում է Վարդենուն ու այլեւս չկարողանալով դսպել իրեն՝ շնչում է նրա ախանջին. — Կորցրինք մենք Տիգրանին, Վարդենի, բայց պէտք է մտածել Չաւէնի մասին:

Վարդենին սեղմւում է հօր կրծքին:

— Այո, դաւակա, պէտք է մտածել Չաւէնի մասին: Նա քո եղբայրն է, եւ դու պէտք է սնես այդ նրա համար:

Վարդենին տարակուսանքով նայում է հօրը: Նուբարը շարունակում է.

— Եղաւ, պատահեց... Նատան օտար էր... Հասկանալի է... Նատան մեղք չունի... Բայց Չաւէնի հոգու համար... Այդպէս եղաւ: Անցածն անցած է, բայց դեռ տապալայ կայ մեր առաջ: Ես գիտեմ, որ տիկին Սաթենիկը...

Եւ Նուբարը պատմել էր Վարդենուն իր եւ տիկին Սաթենիկի երբեմնի երջանիկ ծրագրի մասին՝ Մարգարտին եւ Չաւէնին իրար հետ ամուսնացնելու ցանկութեան մասին, որ հակառակ իր կամքին, այնպէ՛ս անյաջողութեան էր մատնւել...

— Տիկին Սաթենիկը վիրաւորւել էր... Իրաւունք ունէր... Ես նրա առաջ, մանաւանդ Մարգարտի առաջ շատ մեղաւոր եմ, Վարդենի... Այդ պատճառով անձամբ գրել չեմ կարող ու մանաւանդ այսքան տարիներ յետոյ... Բայց ես գիտեմ, որ Մարգարտը դեռ է՛ ամուսնացել... Այժմ նրանք Փարիզ են, եւ դու անձամբ նրանց տեսութեան պիտի դնաս, աղջիկս... Գնա, փորձի՛ր առանձին խօսել իրեն, Մարգարտի հետ, փորձի՛ր համոզել նրան... Ես գիտեմ, որ նրա սիրտը կոտրուեց այն օրից, երբ Չաւէնն ուրիշի հետ ամուսնացած վերադարձաւ: Եւ այդ է պատճառը, որ մինչեւ հիմա նա չի ամուսնացել: Բայց դու ասա իրեն, բացատրիր... Ինքը լաւ ես հասկանում, թէ ի՞նչ պէտք է ասել... Միայն աշխատիր համոզել: Եւ այն ժամանակ ես նամակ կը գրեմ տիկին Սաթենիկին, ներողութիւն կը խնդրեմ նրանից եւ Չաւէնը կը դայ Փարիզ... Բայց գլխաւորը նախ՝ ինքը Մարգարտն է:

Եւ Նուբարը տւել էր Վարդենուն տիկին Սաթենիկի հասցէն:

Վարդենին ահամայ աչքերը պտտցրեց սենեակի

չորս բուրբը, նայեց դռներին... Մարդարիտը չկար, սակայն: Ներսի սենեակի դռները բաց էին, եւ ոչ ոք չկար այնտեղ:

Անուշն իր հերթին սկսել էր դիտել տիկին Սաթենիկի բնակարանը, պատերը, կահկարասին:

Սենեակի յատակը, ուր նստած էին նրանք, ծածկւած էր երկու փոքրիկ արեւելեան դորդերով: Պատերի վրայ կախւած էին սրարսկական մանրանկարներ ոսկեգոծ շրջանակներով, ու նրանց կողքին ամբացած էր մեծադիր նկարը Սուրբ Թերէզի, դէպի երկինք բարձրացած աչքերով: Պատի տակ դրած կար ցածրիկ մի բազմոց, նախշուն բարձերով զարդարւած: Ճակատի պատի մօտ գտնուում էր հայելիով պահարանը, որի վրայ հազար ու մի տեսակ մանր առարկաներ կային շարւած: Այդտեղ էին այն զոյգ արծաթէ ծաղկամանները, որ Անուշը յիշում էր իր մանուկ օրերից, երբ նրանք այցելում էին տիկին Սաթենիկին: Այնտեղ էր եւ ձեռանկար սքանչելի այն արկղը, որի մէջ մի ժամանակ տիկին Սաթենիկն իր զարդերն էր պահում:

Բայց մինչ այս, մինչ այն՝ տիկին Սաթենիկը սկսել էր խօսել արդէն:

— Մի տարի առաջ Մեդիտերանէի ափին էինք՝ Նորայի մօտ...

Տիկին Սաթենիկի դէմքի վրայ առաջին պահին արտացոլւած անբարեացակամ արտայայտութիւնը կամացկամաց սկսել էր հալւել: Նա շտկեց իրեն ու մինչեւ անզամ թեթեւ մի ժպիտ խաղացնելով շրթունքների վրայ՝ դարձաւ դէպի Վարդենին եւ ասաց.

— Թաւրիզից յետոյ Փարիզ... Երեւակայում եմ՝ ի՞նչ տարաւորութիւն:

Վարդենին անմիջապէս նրա ժպտին պատասխանեց ժպիտով:

— Շատ մեծ քաղաք է, մէկ անգամից դժւար է ճանաչել:

— Mais je pense bien... փոքրիկ, խղճուկ մեր այն քաղաքից յետոյ: Դեռ այն ժամանակ, երբ ես Թաւրիզ էի, գոնէ մի բան էր... Դէ, վերջապէս, մէկ երկու ընտանիքներ կային. եւրոպական հիմնարկութիւններում կանոնաւոր մարդիկ էին ծառայում... jour fixe եւ այլն... Իսկ հիմա՞:

— Շատ բան չի փոխւել, — ասաց Վարդենին ժպտալով, — Թաւրիզը նոյնն է, ինչ որ առաջ՝ նոյն jour fixe-ները, նոյն...

Բայց տիկին Սաթենիկը չթողեց, որ նա իր խօսքը վերջացնէ:

— Hélas, ma petite, hélas, շատ բան է փոխւել, — հառաչեց նա, ձեռքերը մէկը միւսի վրայ դնելով և տեղաւորելով փորի վրայ, գլուխը վեր բարձրացրեց: — Hélas, ես ամեն մանրամասնութիւն գիտեմ, ինձ միշտ գրում են: Ո՞ւր են հիմա երբեմնի մարդիկ:

Եւ տիկին Սաթենիկը ձեռքով այնպիսի մի շարժում արաւ որ Վարդենին ու Անուշն անմիջապէս հասկացան, որ խօսքը վերաբերում էր իրեն՝ տիկին Սաթենիկին:

— Որովհետեւ, — շարունակեց տիկին Սաթենիկը, — շատ բնական երեւոյթ է: Եւրոպայում ապրելուց յետոյ դժւար է, շատ դժւար: Ուրիշ է, օրինակ, մաղամ Մառին: Այո՛, ճիշտ է նա եւս մի անգամ եկել է Եւրոպա, mais, ուրիշ է մէկ անգամ գալը, մի քանի բաներ տեսնել կամ շտեմնելը, տեսածը հասկանալ կամ չհասկանալն ու վերադառնալը, ուրիշ է դիտակից մէկի հա-

մար... Ի դէպ, մադամ Մառին շարունակում է իր հին կեանքը:

Բայց ոչ Վարդենին եւ ոչ Անուշը մադամ Մառի կեանքի մասին որեւէ տեղեկութիւն չունէին:

— Այո՛, դիտեմ... վերջին տարիները դուք այնպէս քաշած կեանք էիք վարում... Մանական Զաւէնի դժբախտութիւնից յետոյ, — ասաց տիկին Սաթենիկը՝ դէմքին խղճհարւածի ցաւազին մի արտայայտութիւն տալով:

Նրա ձայնի մէջ Վարդենին զգաց անմիջապէս հին սիւր:

— Իսկ տիկին Երանուհի՞ն, ի՞նչ տիկին Հոռոմը... Գրեւ էին, որ տիկին Սասնիկի ամուսինը ինչ որ ուրիշ մի կնոջ... բայց *laissons...* Ինձ համար բնաւ հետաքրքիր չէ տիկին Սասնիկի *intime* կեանքի մէջ մտնելը: Գիտէ՞ք, այստեղ, Եւրոպայում մարդիկ ուրիշների կեանքով զբաղւելու սովորութիւն չունեն, եւ մենք էլ վարժուել ենք այդ բանին: Ասենք, ես առաջ էլ...

Եւ տիկին Սաթենիկն ուղեց խօսքը փոխել:

— Եթէ իմանաք թէ ինչքա՞ն հետաքրքրական բաներ կան այս քաղաքի մէջ... այնպիսի *curiosité-ներ*... Օ՛ր լա, լա, լա... Իմ Մարգարիտս այժմ այնպէս է վարժուել Փարիզին, որ ուրիշ ոչ մի քաղաքում չի համաձայնում ապրել:

— Իսկ ո՞ւր է հիմա Մարգարիտը, — հարցրեց վերջապէս Վարդենին:

Տիկին Սաթենիկն անհանդիստ մի ակնարկ նետեց ժամացոյցի վրայ, յետոյ քննական աչքով նայեց Վարդենուն եւ առանց պատասխանելու նրա հարցին՝ ասաց նշանակալից ձայնով.

— Մարգարիտս այժմ աւելի է գեղեցկացել:

Բայց Վարդենին ոչինչ չպատասխանեց:

Տիրեց անհաճոյ մի լուսթիւն:

— Օ՛, oui, այն էի ասում, — սկսեց նորից տիկին Սաթենիկը, — այնպիսի *curiosité-ներ* կան այս քաղաքում, *mes enfants. c'est quelque chose extraordinaire.*

Նա վար իջեցրեց աչքերի կողերը, յօնքերը վեր բարձրացրեց ու հիացած օրօրեց գլուխը:

— Էն թշառ կարապետ խանի տղան անցեալ տարի եկել էր Փարիզ: Բայց ոչինչ չտեսաւ խեղճ դժբախտը: Փարիզ ապրելը չէ միայն, դիտակից ու հասկացող պէտք է լինել, որ կարողանաս մի բան տեսնել, մի բան հասկանալ...

Նա ժպտաց ու վիզը ոլորելով ծոցը գլուխը: Այսպէս ծոած պահեց տիկին Սաթենիկն իր գլուխը, ամեն բան իմացողի յաղթական ժպիտը դէմքին: Քիչ յետոյ կամացուկ շոյեց թեւերի վրայ իջած հազուատի սեւ ժանեակները:

Օգտւելով նրա անշարժ այդ դիրքից՝ Վարդենին զգուշօրէն սկսեց դիտել նրան: Այո՛, տիկին Սաթենիկը փոխւել էր եւ շատ էր փոխւել: Արտաքին այդ ձեւերի տակ նա աշխատում էր ցոյց տալ իր երբեմնի «մեծութիւնը», բայց շինծու էին այժմ այդ բոլորը: Պարզ էր, որ տիկին Սաթենիկն առաջւայ «մադամ Սաթենիկը» չէր: Յին թափը, որով նա սկսել էր մի ժամանակ իր կեանքը, իջել, պակասել էր... Բայց տիկին Սաթենիկը ճիշդ էր թափում չկորցնել իր երբեմնի արժանապատուութիւնը:

Երբ նրանք մօտեցել էին արդէն թէյի սեղանին, տիկին Սաթենիկը դարձաւ յանկարծ Վարդենու կողմը եւ վեհանձնութիւն ու ներողամտութիւն արտայայտող դէմքով հարցրեց.

— Իսկ ինչպէ՞ս են հիմա ձերոնք:



Վարդենին անակնկալի եկաւ կարծես:

— Ոչինչ, այնպէս, լաւ են, — պատասխանեց նա մի քիչ շփոթւած:

— Եւ ո՞ւր է հիմա Չաւէնը:

— Չաւէնը... Չաւէնը Թաւրիդ է, փորձում է տըպարանով զբաղուել... օղնել հայրիկին... Հայրիկս այժմ ծերացել, յոգնել է:

— Mais je pense bien. — չըթունքները իրար սեղմելով ասաց տիկին Սաթենիկը. — Իսկ ձեր տո՞ւնը, իսկ Մանի՞ն...

— Միշտ նոյնը...

— Քանի՛ քանի՛ տարիներ են անցել... — եւ տիկին Սաթենիկը թեթեւ մի հողոց հանեց ու թէյամանը վար դնելով մտածմունքի մէջ ընկաւ... — Իմ խեղճ ամուսնուս մահից յետոյ... Ու ես վճռեցի ծախել իմ տունը... Իմ սիրուն տունը, իմ պարտէզը...

Նա լռեց յանկարծ: Չսպեց բարձրացող յուզմունքը... Շատ հեռու չգնար...

— Fifi. mon fils, viens ici, viens mon amour, viens mon enfant.

Ու երբ փոքրիկ, բայց արդէն ծերացած չունը, վզի գանդակները գնդգնդացնելով մօտեցաւ, տիկին Սաթենիկը յուզած գրկեց նրան ու սկսեց ամուր-ամուր փայփայել, այնքա՛ն ամուր, որ խեղճ կենդանին սկսեց կաղկանձել:

Թեթեւ գանգի մի հարւած փրկեց դրութիւնը:

Տիկին Սաթենիկը դնաց դուռը բանալու:

Վարդենին ուրախացած նայեց դրան կողմը:

— Et voilà, et voici... Entrez, entrez donc, monsieur...

Հակառակ Վարդենու սպասածին, չէ՛մքում յայտ-

նւեց ճերմակ դէմքով, կապոյտ թափանցիկ աչքերով, միջին տարիքի մի մարդ:

— S'il vous plaît, s'il vous plaît, — ասաց տիկին Սաթենիկն ակնյայտ ուրախութեամբ լցւած ձայնով: — Monsieur Joseph, monsieur Joseph... Ահա ասիկ, je vous présente, ահա ասիկ, ներկայացնում եմ ձեզ,

— Enchanté made...

Բայց տիկին Սաթենիկը չթողեց, որ mons. Joseph ը խօսքը վերջացնէ:

— O', mes enfants, o', գաւակներս, եթէ դուք ձանաչէիք... si vous saviez seulement...

Մարդը շարած նայեց տիկին Սաթենիկին ու թէեւ չհասկացաւ թէ ինչ է ասում «մաղամ Սաթանը», զգաց, որ խօսակցութեան նիւթը ինքն էր ու լռեց:

— Charmant, extraordinaire մի մարդ:

Վարդենին ու Անուշը նայում էին Փրանսացուն եւ ինչե՛ր, ինչե՛ր էին մտածում, ինչե՛ր գրում...

— Դէ, մենք հիմա փոխուել ենք, չէ՞, ինչպէս ասացի, մի տեսակ եւրոպականացել ենք, վարժուել սրանց նիստ ու կացին, սրանց սովորութիւններին, որոնք մեզ համար դարձել են հարազատ: — Լարած եւ պտուտակը բաց թողած մեքենայի պէս, շարունակում էր տիկին Սաթենիկը: Նրա քիչ առաջւայ մեղամաղճոտ տրամադրութիւնն այնպէս յանկարծ էր փոխուել, որ Վարդենին ու Անուշը զարմանքով էին նայում նրան: Տիկին Սաթենիկն աշխատում էր Փրանսացու մօտ ուրախ երեւալ, հաճելի լինել նրան: Իսկ Փրանսացին ոչինչ չէր խօսում. նրա դէմքն իսկ ոչինչ չէր արտայայտում. նա միայն թափանցիկ աչքերը չէր հեռացնում պատի ժամացոյցից:

Եւ պատի ժամացոյցը սկսեց հատ հատ խփել...

Մէկ, երկու... երեք...

Ու դեռ գարկերը չէին դադարել, յանկարծ դռների ամուր շրխից... Մէկը շտապ քայլերով ներս ընկաւ նախասենեակ... Այնտեղ մի բան դլորեց ու աղմուկով վայր ընկաւ... Սենեակի դռները բացեցին ու գունատ, յուզած, մագերի դանդուրները ճակատին թափած, կարմրած, բորբոքած աչքերով ներս ընկաւ Մարգարիտը...

Տիկին Սաթենիկն անմիջապէս ոտքի ցատկեց:

— Mais qu'est ce que c'est ça ?

Բայց Մարգարիտը չթողեց, որ նա մօտենայ իրեն. մի հայեացք դրեց ներկաների վրայ, անորոշ, շաղախած մի հայեացք... Վարդենին ու Անուշն ակամայ ոտքի ելան...

Մարգարիտը մի բոպէ նայեց նրանց՝ ճանաչեց...

— Վարդենին է, Մարգարիտ, — ասաց տիկին Սաթենիկը՝ ջանալով իր ձայնի մէջ մտցրած շեշտով հասկացնել աղջկան, որ դսպէր իրեն, — Թաւրիզից են եկել, աղջիկս, Վարդենին է, ու իր քոյրը՝ Անուշը:

Մարգարիտը մօտեցաւ նրանց: Մնաց մի բոպէ, աչքերը Վարդենու աչքերի մէջ դրած...

— Թաւրիզից ես եկել... — հարցրեց խեղդւած ձայնով ու այնպէս կարօտով, այնպէս անկեղծ սիրով փաթաթեց նրան...

Յետոյ գրկեց Անուշին, բայց չուտով հեռացաւ նրանից եւ առանց ուշադրութիւն դարձնելու կանգնած եւ իրեն բարեւին սպասող Փրանսացու վրայ՝ դուրս փախաւ սենեակից...

Դռների բախում...

Հարեւան սենեակում մէկն ինքն իրեն նետեց մահճակալի վրայ, եւ լուեց զսպւած հեկեկոցի ձայն...

Նրբ տիկին Սաթենիկը վերադարձաւ սեղանատուն, Վարդենին ու Անուշը ոտքի էին, նոյն դիրքի մէջ, ինչպէս որ թողել էր նրանց տիկին Սաթենիկը: Կանգնել էին ու զարմացած իրար էին նայում:

— Վարը... դռնապանուհու հետ անհաճոյ խօսակցութիւն է ունեցել... յուզել է դատարկ բանի համար, — փորձեց բացատրել տիկին Սաթենիկն ու խնդրեց, որ շարունակեն նստել, բայց Վարդենին արդէն ձեռքը մեկնել էր նրան:

— Մէկ ուրիշ անգամ յատկապէս կը դամ Մարգարտին տեսնելու համար, — ասաց նա անկեղծ ախոսանքով սեղմելով տիկին Սաթենիկի ձեռքը:

— Mais bien sûr, ma chère, ուրիշ անգամ եկէք, անպայման եկէք, — ժպտաց տիկին Սաթենիկը շողոքորթ ժպիտով եւ կռայաւ իսկոյն համբուրեց Վարդենուն ու շոյեց Անուշի այտերը:

— Նամակ գրելիս, պատմէք ձեր մասին, — ասաց նա՝ թեւը դրելով Վարդենու մէջքին, — ասէք որ եկաք, տեսաք մեզ... մեր բնակարանը, դադ, ելեքորականութիւն, confort moderne: Տիկին Հոուսին թող իմ բօլժուռներս յայտնեն, ու ասեն, որ դուք ինձ մօտ, Փարիզում, ձմերուկ էլ կերաք:

Ու բարձրաձայն ծիծաղելով նա ուղեկցեց իր հիւրերին մինչեւ դուռը:

Փարիզ... Մի ոսկէ դնդակ...

Եւ աղմուկ, աղմուկ...

Սրճարաններէ ապակէ դռներն անընդհատ բացուած են ու փակուած, ցուցափեղկերը ճշում են գունաւոր լոյսերի շիթերով:

Ետուզեռ: Խաժամուտ:

Օդը լցած է ծուխով ու կծու հոտով: Երկնքի կուրծքը օդանաւերն են ճեղքում: Գետինը ծածկւած է հազար ու մի տեսակ արագավազ կառքերով:

Ճոռում է հողը, անքում են մարդիկ ու վագում, վագում քաղաքակրթութեան հսկայ անիւնն կցւած, մեքենայի մասնիկներէ պէս:

Պանդուկներէ, ցածր առաստաղներով միալուսամուտ բազմաթիւ սենեակները լեցուն են ամեն տեսակի բնակիչներով, ամեն ազդի ու դաւանանքի: Նրանցից ամեն մէկը, քաշւած իր պատեանի մէջ, լուռ ու մունջ անհատի իր դոյուլիւնն է ապրում, միանգամայն անտարբեր ուրիշներէ կեանքին: Նրանք ճանաչում են դռների ճակատներին փակցրած սենեակի թիւով... Ու թէեւ ամեն օր հանդիպում են իրար, բայց օտար են մէկ-մէկու:

Փարիզ... Մի ոսկէ դնդակ...

Վարդենին ու Անուշն առաւօտը մտնում են Լուվր, երեկոյեան միայն տուն վերադառնալու նպատակով: Այն-

պէս բանաստեղծական, այնպէս գրաւիչ էին օրերը... Յոգնած դուրս էին գալիս, մօտիկ սրճարանում մի քիչ հանգստանում եւ կրկին ներս էին մտնում՝ շարունակելու համար կիսատ թողած բաժանմունքը:

Նրանք կանգնում էին երկար-երկար, իւրաքանչիւր նկարի, իւրաքանչիւր արձանի առաջ:

Դաւթի նկարներին յատկացրած սրահում, բարձր պատերից կախւած բազմաթիւ նկարների կողքին, Վարդենին տեսել էր վերջապէս մաղամ Բէկամիէ-ի իսկական ձեռանկարը, այն, որ դեռ տարիներ առաջ այնպէս յուզում էր նրա պատանի սիրտը: Այնտեղ, թաւիչ բազմոցի վրայ, բարակ հագուստի փեշերը դետնին փռած, մերկ ոտքերով, հոլանի թեւերով, սեւ մի ժապաւէն դանդուր մագերի մէջ, նստած էր մաղամ Բէկամիէն:

Շատ բան չէր փոխւել Վարդենու հոգու մէջ անցած այդ տարիների ընթացքում: Նրա հոգին թրթռում էր ի տես դեղարւեստական այդ գործերի այնպէս, ինչպէս իր պատանի տարիքի մէջ: Երկտասարդ էր արիւնը թանձր հոսանքով բարձրանում, ծածկում էր նրա թարմ դէմքը, այտերը շիկնում էին ու վառւած աչքերը նկարից նկար էին անցնում:

Ահա Վիժիէ Լը Բոէօն-ը, — քնքուշ դէմքով, դորովալի աչքերով, կրծքին սեղմած մանկամարդ էր աղջկան... Ահա Ջիօկոնդան... Լէոնարդոյի Ջիօկոնդան, խոնաւ աչքերով, նուրբ շրթունքների երկու կողմերին զարմանալի վարպետութեամբ շինւած ծալքերով, որոնց շնորհիւ բացւում է խորհրդաւոր այդ կնոջ երեսին դէպի անմահութիւն թռչող ժպիտը...

« Միրելի հայրիկ, — դրում էր Վարդենին հօրը, — կ'ուզէի, որ մօտս լինէիր: Կ'ուզէի քեզ հետ միասին

պատել փարիզը, այցելել թանգարանները... Երէկ ամբողջ օրը Տրոկադերոյի թանգարանումն էի: Այնտեղ են դտնւում Փրանսական հին եկեղեցիների արձանապատ ճակատների կաէ ու փայտէ ընդօրինակութիւնները:

« Իմ սիրելի հայրիկ, ինչպէս պատմել, ինչպէս նկարադրել քեզ այս բոլորը... Բայց եթէ տեսնէիր, թէ անծանօթ արւեստագէտների հանձարը ի՞նչպիսի հմտութեամբ է կարողացել ստեղծել մոնիւմենթալ ոճը՝ հեռւից դիտելու համար արւեստի հսկայ դործերը, իրենց բովանդակ գեղեցկութեամբ, դու եւս ինձ հետ միասին կը մնայիր զմայլւած, նրանց առաջ կանգնած:

« Ամենից հետաքրքրականը սակայն, դո՛ւթական արւեստի արձանագործութիւնն է, որով գարդարւած են տաճարների ճակատները, սիւներն ու կամարները: Ո՞վ կարող է այսօր թափանցել խորքն այն անծանօթ արւեստագէտների հոգիների, որոնք մտածելուց առաջ զգացել են, ապրել ու ստեղծագործել արձաններ, կիսանդրիներ, խորհրդաւոր կենդանիներ... — Տարօրինակ թռչուններ արեղանների գլուխներով, որ երկար կտուցներով կտցահարում են խաղողի ողկոյցները... Երիտասարդ աղջիկներ, կէս աղաւնի, կէս կին՝ թառած որթի փարթամ ճիւղերի վրայ, որոնց վերից դիտում են շւարած աչքերով տարօրինակ այն թռչունները՝ արեղանների գլուխներով: Մարդկային գլխով առիւծներ, բերանները լայն բաց ու երկնքին դէմ տւած, ոռնում են ասես ինչ որ ցանկութեամբ լցւած... Մի խումբ թռչուններ կէսամարդ, կէս-կին, գլուխ-գլխի տւած, գաղտնի բաներ են հաղորդում իրար:

« Իսկ Եւայի սքանչելի արձա՞նը... Գեղեցիկ մի սալամանդր դրկած, խաղողի ու բազմատերեւ որթի ճիւղերով շինւած պատւանդանի վրայ կանգնած, եւ սալա-

մանդրը՝ կրակի այդ խորհրդանիշը, ճշում է նրա դրկից, բերանը դէպի նա դարձրած... »

« Իսկ քիմերանե՞րը, որ եկեղեցիների բարձունքներից ծամածռութիւններ են անում վարից վեր իրենց նայողներին: Նրանք կարծես ծաղրում են ամեն ինչ, որ համարւել է սրբութիւն մի ժամանակ... Հեթանոս զգացողութիւնը, թաքուն կերպով ապրել է կրօնաւոր այդ արւեստագէտների մէջ ու սպրթելով յաճախ իրենց մատների ծայրերից, թափւել է սառն այս քարերի վրայ: Եթէ այստեղ լինէիր, կը դնայինք միասին թանգարաններ, եւ եւս քեզ ցոյց կը տայի ժպտուն առաքեալը Ռէյմսի հռչակաւոր տաճարի, ցոյց կը տայի Բալի Կոյսը եւ, վերջապէս, Ստրասբուրգի տաճարի «Գայթակող»ի տարօրինակ արձանը, ինձորը ձեռքին, որի մէջքի վրայ սողալով դէպի վեր են բարձրանում օձեր, մողէսներ ու դորտեր... »

« Որքա՞ն, որքա՞ն շնորհակալ եմ քեզից, հայրիկ, որ հնարաւորութիւն տւիր ինձ ձգտելու եւ հասնելու իմ ապագային: Որքա՞ն երախտապարտ եմ քեզ: Երբ վերադառնամ, ինչպէ՞ս պիտի ջանամ հատուցանել քեզ այս բոլորը »...

Շողերն այդ տարի ժամանակից շուտ էին սկսել: Փողոցներում, մեծ պարտեզների մէջ կառքերի վրայ դրած թիթեղեայ ամանների պաղպաղակներն արագորէն սպառուում էին: Ծաղկէվածառները, որ հակառակ կարտփուստալների վրայ նկարւած գեղեցիկ ու մանկամարդ պղծիկների, բաղմածալք սեւ շրջագլեստ հազած խոշոր կազմւածքով ու լայն-լայն երեսներով կանայք էին, թաւամած ծաղկէփնջերը թարմացնելու համար անդադար ստոր ջուր էին ցանում կախ ընկած թերթիկների վրայ, որոնք սակայն աւաղ, չէին բարձրացնում իրենց թօշնած դէխիկները: Մեծ քաղաքի տոթը խեղդում էր նրանց:

Խեղդւում էին եւ մարդիկ: Բարձր տներն արգիլում էին թարմ օդի հոսանքը փողոցների մէջ եւ մարդիկ թուլացած ու դալիւացած ասպաւէն էին փնտրում մօտակայ պարտեզներում:

Լիւքսեմբուրգի կլոր աւազանի ջրնջ ջուրը գովանալու պատրանքն էր ներշնչում մարդկանց, իսկ աղմուկով վար թափւող ու աւազանի մէջ փշրող շատրւանի ձայնը, լեռներից շառաչելով հոսող պաղ ջրվէժի երազն էր յիշեցնում:

Բուսաբանական այգու հսկայ ծառերի տերեւախիտ ճիւղերի տակ վազվզում էին մանուկների խմբեր ու նախանձով նայում արհեստական առուների մէջ լողացող

բաղերին: Հեռուից՝ պարտեզի խորքից լսում էր ջրաշունի ճիչը, որ բոպէն մէկ անգամ խորասուզում էր իրեն համար յատկապէս շինւած աւազանի մէջ, յետոյ անմիջապէս դուրս ցատկելու համար:

Բարձրաբերձ շինութիւնների ու եկեղեցիների սեւացած պատերը, դէմ էին տւել արեւին իրենց կարծր քարերն ու ամբարելով ջերմութիւնը ճառագայթների, շնչում էին կածես ծանր ու խորը:

Ինքնաշարժերը հեւում էին: Հեւալով պատուում էին նրանք ծանրացած օդը մայրաքաղաքի փողոցների ու սլանում էին արագ՝ սեւ հետքեր թողնելով միջուղիների վրայ:

Վարդենին ու Անուշը անցնում էին ուսանողական թաղի երկար ծառուղիով:

Ճաշից յետոյ էր: Բաղմաթիւ յայտարարութիւնների ու ցուցափեղկերի առջեւից անցնելուց ու ամեն ինչ մանրամասն դիտելուց յետոյ, նրանք թեքւել էին արդէն քովընտի մի փողոց:

Տոթը նեղում էր նրանց: Երկինքն այնպէս ծանրացել, կախւել էր վար... Կապոյտի վրայ դեղին փոշի էր մաղւել:

Քայլում էին դանդաղ, առանց շտապելու, երբ յանկարծ, փողոցի հակառակ կողմի վրայ գտնուող մի տուն գրաւեց նրանց ուշադրութիւնը: Մի տուն, որի բաց դրան սռաջ երեւում էր ծանօթ մի առարկայ...

Կանգնեցին:

Այնտեղ, հեռու մայթի վրայ գտնուող այն տան դրան սռաջ, խողովակը դէպի վեր ցցւած, դրւած էր մի ինքնաեռ...

Նրանք մի պահ իրար նայեցին...

Ինքնաեռի տեսքը հարազատ մի թել շարժեց նրանց

հոգիներում: Անմիջապէս յետ դարձան, անցան մայթը ու կարծես բնազդմամբ կանգնեցին փողոցի ծայրին:

Բաց դռների առաջ կանգնած էր մի երիտասարդ...

— Վստահ եմ, որ այդ երիտասարդը հայ է, — սասց Վարդենին. — Եթէ երեսն այս կողմ դարձնէր...

Փողոցի անկիւնից իրեն վրայ յառած չորս հետաքրքիր աչքերի մագնիսական ո՞յժն էր արդեօք, թէ՞ ներսից եկող ուժեղ մի բնազդ՝ փողոցի դրան առաջ կանգնած երիտասարդը գլուխը դարձրեց նրանց կողմն այնպէս, կարծես մէկն իրեն ձայն տուաւ... Դարձրեց գլուխն ու հարցական աչքերով նայեց Վարդենու ու Անուշի կողմը:

— Կարծես թէ... — շնչաց Վարդենին: Կարծես թէ այս երիտասարդը ծանօթ է ինձ...

Անուշը տարակուսանքով նայեց քրոջը:

— Այո, Անուշ... Նա այնքան նման է... Նա այնքան նման է Բարդէնին...

Աչքերը յառած երիտասարդի վրայ Վարդենին մնացել էր անշարժ կանգնած իր տեղում: Նա գիտէր, որ Բարդէնը Փարիզ էր: Գիտէր որ Փարիզ էր նաեւ Հայկը: Բայց ո՞ր էին նրանք: Մեծ այդ քաղաքի մէջ...

— Մօտենա՞նք... — հարցրեց Անուշը ցած ձայնով:

— Մօտենանք:

Դանդաղ ու կասկածոտ քայլերով երկուսով միասին առաջացան դէպի անծանօթը...

Բարձրահասակ երիտասարդը լարւած ուշադրութեամբ դիտում էր նրանց:

Ստեղծուել էր այնպիսի մի վիճակ, երբ օտար երկրում երկու համազգակիցներ հեռուից հեռու զգում են իրար, զգում արեան բլիճների դադտնի հաղորդակցութեան միջոցով, առանց գիտակցութեան մասնակցութեան:

Տարբեր անձնաւորութիւնների մէջ դտնող միատեսակ այդ բլիճները, որ իրար հետ կապւած են դարերից եկող, մեզ անծանօթ, հազար ու մի նրբին, բայց իրական կապերով, որ տարածութեան վրայ իսկ զգում, ճանաչում են իրար, սկսում են եռալ երակների մէջ, ձգտում են մօտենալ իրար, մօտենալ... Տաք, հարադատ՝ ջերմութիւն տւող մի հոսանք է ստեղծւում, ու անկարելի է այլեւս կանգնեցնել մղումը նրանց... Եւ բնազդը բռնում է ձեռքիցը ու տանում է քեզ: Տանում է տանում, լուծ միտքդ հլու հարատակում է նրան, իսկ սիրտդ թաքուն հրճանք է զգում:

Վարդենին ակամայ ձեռքը տուաւ Անուշին: Երիտասարդը մի քայլ առաջ եկաւ: Եւ այն վայրկեանին, երբ բոլոր զգացմունքների սլայծառ լուսամուտների՝ երեք գոյգ սեւորակ աչքերի, վարագոյրը մի աննկատ ակնթարթի մէջ ցած ընկաւ յանկարծ, Վարդենին ու Անուշը դէմդիմաց եկան իրենց հօր վաղեմի բարեկամի՝ Գրիգոր աղայի որդուն...

Նրանց առաջ կանգնած էր Բարդէնը:

— Դո՞ւք... Փարիզում...

Բարդէնը յուզւած երկար երկար թոթւեց Վարդէնու եւ Անուշի ձեռքերը, որոնք իրենց հերթին չափազանց ուրախ էին այդ անակնկալ հանդիպումի համար: Իսկ երբ ներս մտան Բարդէնի աշխատանոցը, նրանց ուրախութիւնը կրկնապատկեց: Այնտեղ, բազմոցի վրայ նստած էին Հայկն ու Արմաշը:

— Հայկ, Արմա՛շ, — գոչեց Վարդենին:

— Ի՞նչպիսի անսպասելի հանդիպում:

Արմաշը թեւերը բաց մօտեցաւ նրան:

Նրանք համբուրւեցին:

— Իսկ Շողե՞րը, իսկ հա՞յրդ:

Վարդենին սաստիկ յուզւած էր: Արմաշը Փարիզում ... Ե՞րբ, ինչպէ՞ս էր եկել, ինչո՞ւ էր եկել...

Դեռ մի քանի տարի առաջ, երբ Սէթը Շողերի հետ միասին Հայաստան էին գնացել, ճանապարհները փակել էին Հայաշխարհում տեղի ունեցող պատմական դէպքերի պատճառով ու Վարդենին ոչ մի լուր չուներ նրանցից: Բազրատի մեկնելիս նա գրել էր Շողերին, բայց ոչ մի պատասխան չէր ստացել ու ենթադրել էր, որ կեանքն իր գործը կատարել էր արդէն, եւ Շողերի հոգու մէջ Տիգրանը մոռացութեան էր մատնւել: Արմաշի մասին Վարդենին ոչինչ չգիտէր: Գիտէր միայն, որ որպէս կա-

մաւոր նա կուել էր Հայրենիքի փրկութեան համար. լսել էր, որ մասնակից էր եղել Սարգարաբադի հերոսամարտին... Իսկ յետո՞յ...

Եւ ահա յանկարծ Արմաշը Փարիզում...

Ու Վարդենու յիշողութեան մէջ կայծակի արագութեամբ գարթնեց մայիսեան տօնի՝ պատանեկութեան իրենց շրջանի գրօսանքի այն օրը: Ինքը Շողերի հետ միասին սիրոցն էր դցում կանաչ խոտերի թաւիշի վրայ, Տիգրանը կռացած կանաչեղէնի կապոցի հանդոցն էր բացում, հայոց լեզուի ուսուցիչը, բարի ժպտով դէմքին նայում էր նրան... Իսկ ճաշից յետոյ, տեսչի ոգեւորիչ խօսքերից յետոյ, ահա, ահա պատանի, կրակոտ Արմաշը, թառը ձեռքին...

Նա աչքերը չէր կարողանում հեռացնել Արմաշից ու ձեռքը նրա ձեռքի մէջ՝ նայում էր ակնապիշ, կարօտցած մէկի պէս:

Արմաշը նոյն կրակոտ տղան էր: Կարծես տարիներ չէին անցել, կարծես նոյն պատանին լինէր: Նա միայն աւելի էր դեղեցկացել ու աչքերի բոցին խառնւել էին դիտակցութիւն եւ ինքնավստահութիւն:

Նրանք նստեցին կողք կողքի: Վարդենին, մի բոպէ մոռացած Բարդէնին ու Հայկին, հարցերի տարափ էր թափում Արմաշի վրայ:

— Հայրս վախճանեց, — ասում էր Արմաշը, — իսկ Շողերը...

— Իսկ Շողե՞րը...

— Շողե՞րը, հին մտածելակերպի այդ աղջիկը...

Շողերը, Վարդենի, բոմանտիզմի գոհը եղաւ:

— Մեռա՞ւ... — հարցրեց Վարդենին յուզւած:

— Ոչ, ապրում է, բայց կոտորւած սրտով, փշրւած

հողով: Տիրդրանի հիւանդութիւնը շատ ընկճեց նրան՝ ու չի կարողանում այլեւս մոռանալ:

Այնուհետեւ Վարդենին իմացաւ, որ 1920 թուից յետոյ Արմաշը դարձել էր համայնալար եւ այժմ եկել էր փարիզ ուսանելու, որպէսզի կրկին հայրենիք վերադառնայ:

— Թաւրիզից հեռանալուց յետոյ ես շատ բան տեսայ, Վարդենի... Բայց հետագայում իմ իրէջանքերը փոխւեցին: Պատմութիւնը յանկարծակի դարձրեց իր անիւը եւ ամեն ինչ շուռ եկաւ: Ամեն ինչ շուռ եկաւ եւ իմ հոգում: Ես կուեւի եմ Սարգսրաբաղի հերոսամարտում՝ կուեւի եմ հայրենիքիս փրկութեան համար, բայց եկաւ մի օր, երբ ես զգացի, որ այդ հայրենիքը կորստեան ճամբին է կանգնած այլեւս: Ահ, այնքան շատ էին մեր թշնամիները, այնպէս թշուառ էր մեր հայրենիքն այդ ժամանակ, Վարդենի... Նկարագրելը դժուար է: Սովի ու հիւանդութիւններու ճիրանների մէջ էինք: Մեռնում էին հարիւրներով, հազարներով... թաղելու ժամանակ իսկ չկար.— լցնում էին դիակները սայլերի վրայ ու տանում, փոսն էին դրում... եւ այդպէս ամեն օր, ամեն օր... Սովը բացել էր իր ահուելի ճանկերն ու հիւժուում էր ժողովուրդը մեր: Ճանապարհները փակ էին ամեն կողմից՝ մենք կտրւած էինք ողջ աշխարհից, շրջապատւած էինք թշնամիներով: Ես աչքովս եմ տեսել այդ բոլորը, Վարդենի, ինքս եմ ապրել այդ բոլորը: Յուսահատութիւնը պաշարել էր ինձ... կարծում էի կորած ենք այլեւս եւ հողիս հրաչքի էր սպասում:

Հրաչքի էր սպասում հողիս, Վարդենի ու կատարւեց այդ հրաչքը:

1920 թիւն էր: Օրհասական օրեր էին: Ընկել էր արդէն Ալեքսանդրապոլը: Զմեռ էր, ցուրտ ու ձիւնոտ

ձմեռ: Մենք մի քանի ընկերներով նետուել էինք անյայտութեան գիրկն ու մատնւած ընդհանուր շփոթին՝ դաւլիս էինք Երեւան... Գալիս էի՞նք. փախչում էինք... եւ փախչում էինք ոտքով, քաղցած ու ծարաւ, յանձնւած ձմեռայ սոսկալի ցրտին՝ բուք ու բորանին:

Ամեն կողմ ճերմակ ձիւնն իր սառը սաւանն էր փռել: Բարակ, մոխրագոյն մի գիծ, գօտիի նման փաթաթւել էր բլուրների լանջին. ճանապարհն էր: Ահ, որքան սոսկալի էր բնութեան սառն անտարբերութիւնն այդ պահին... Զարմանալի ու զարհուրելի ընկճւած վիճակ էի ապրում.— զուր էին եղել ուրեմն ամեն, ամեն ճիւղ, զուր էր թափւել այնքան արիւնը մեր... ու զոհերը մեր... Իսկ ընկերներս շտապեցնում էին. պէտք էր քայլել քայլել: Բայց մենք չգիտէինք թէ ո՞ւր ենք գնում, ինչո՞ւ ենք դնում՝ մեր վաղն այնպէս անորոշ ու մութ էր դարձել...

Իրիկնադէմի արեւն իր ճառագայթները ցրել էր բլուրների աղամանդէ գաղաթների վրայ: Մենք քայլում էինք լուռ, անձնատուր եղած մեր սեւ մտքերին: Եւ ահա այդ ժամանակ էր, Վարդենի, որ յանկարծ կատարւեց անսպասելի մի դէպք... Այդ ժամանակ էր ահա, որ իմ հոգում պայթեց յանկարծ յոյսը, Վարդենի... —

Հեռուից՝ ճերմակ-ճերմակ դաշտի միջից, միջոցը ճեղքելով, զարհուրելի արագութեամբ, փոխփողալով ու ծփծփալով դէպի մեզ էր դալիս կարմիր հսկայ մի դրօշակ... Կարծես թէ կրակ է մի բոց պատում էր սառած բնութիւնն այդ... Ահ, մինչեւ այսօր չեմ մոռանում լեռների ու դաշտերի սպիտակ ձեան Փօնի վրայ ծածանւող կարմիր այդ դրօշակը:

Մենք կանգ առանք: Հողիս վայրկենապէս դարձաւ ինքն իր վրայ եւ ըմբռնեց իրողութիւնը: — Այդ նոր կառավարութիւնն էր, որ դալիս էր Երեւան, փոխարինելու



հին կառավարութեան: Այդ նրանց ինքնաշարժն էր, որ սուրբում էր այդպէս արագ ու շտապ:

Կարմիր այդ դրօշը գալիս էր որպէս նոր մի խորհուրդ, հայ աշխարհի առաջ նոր մի ճամբայ բանալու:

Ու ցուրտ այդ իրիկնամուտին, յոյսի տաք մի ճառագայթ վառեց իմ հոգում:

Ահա թէ ինչպէս սկսեց իմ նոր կեանքը, Վարդենի:

Քանի՞ քանի անգամներ Վարդենու շրթունքները շարժեցին՝ ընդմիջելու համար Արմաշին, հարցնելու նրան թէ ո՞ւր է հիմա Բագրատը, իր հօրաքրոջ տղան՝ Բագրատը... Բայց ներքին մի յուզմունք արգելում էր նրան այդ հարցումն անել:

— Արմաշ... իսկ ո՞ւր է հիմա... իսկ ո՞ւր է հիմա... Ներսէսը...

— Ներսէսը Հայաստան է եւ տենդօրէն նւիրել է աշխատանքի:

Ու մինչ նրանք խօսում էին այսպէս, իսկ Անուշը հետաքրքրութեամբ լսում էր նրանց, Բագրէնը հիացած նայում էր երկու քոյրերին:

— Տեսէ՛ք, տեսէ՛ք, տղերք, լաւ նայեցէ՛ք, դեռ չաւրըած Արեւելքի ծաղիկներ են:

Այդ դառնալով Վարդենուն եւ նրա երկու հիւսե-րին որ նա հաւաքել ու փաթաթել էր իր սիրուն գլխի շուրջը, Բագրէնը բացազանչեց.

— Այո՛, անցել է ամբողջ մի շրջան, անցել է ամբողջ մի հոգեբանութիւն... Ու թէեւ ճիշտ է, որ պրպտող միտքս իմ առաջ բացել է նոր ձեւերի, նոր գեղեցկութիւնների բաղադրան ուղիների, բայց խոստովանում եմ, հոգուս խորքում թագուն մի կրակ է վառում՝ անցեալ գեղեցկութիւնների կրակը:

— Եւ անցեալ սէրերի բոցը, — ծաղրեց Արմաշը:

— Ոչ ոք, ոչինչ ինձ այնքան չէր յիշեցնի իմ անցեալը, — շարունակեց Բագրէնը, — ինչպէս դու, Վարդենի ու... գլխիդ շուրջ փաթաթուած այս գոյգ հիւսե-րը...

— Ռոմանտիզմ, — արաց Արմաշն ու ոտքի կանգնեց:

Այդ ժամանակ Անուշը սկսել էր արգէն դիտել Բագրէնի աշխատանոցը:

Բագրէնի աշխատանոցը, որ ոչ այլ ինչ էր բայց եթէ երբեմնի խանութ: Բագրէնը նրան բաժանել էր երկու մասի, վարագոյրով գտելով այն անկիւնը, ուր գտնուում էր ջրի ծորակը: Այդ՝ խոհանոցի բաժանմունքն էր: Ձախ անկիւնում ամրացրած էր տախտակէ մի դրադարան, ուր գետեղուած էին արուեստի վերաբերեալ հին ու նոր դրքեր, բազմատեսակ ամսագրեր, ուսումնասիրական երկեր: Այստեղ էր նաեւ իր գրասեղանը ու մի սնտուկ, որ ծածկուած էր կապերտներով եւ որ ծառայում էր իր բազմոց: Սենեակի միւս մասում գտնուում էին նկարչի դորժերը:

Ննջարանը գտնուում էր երկրորդ յարկում... սիւնե-րի վրայ ամրացրած էին լայն տախտակներ, որ կաղմում էին յատակը փոքրիկ մի բարձրութեան: Այդ բարձրու-թեան վրայ գտնուում էր անկողինը, շրջապատուած ան-թափանց վարագոյրերով:

Բարձրանում էր Բագրէնն այնտեղ «խոհանոցում» դրած փայտեայ նեղ մի սանդուխտով, որ ամեն անգամ սպառնում էր կոտրել նրա խոշոր ու ծանր մարմնի ճըն-շումից:

Անուշն ամբողջապէս գրաւել էր պատերից կախած նկարներով, որոնց իմաստը լաւ չէր կարողանում ըմբռ-նել: Նա սեւեռում էր իր աչքերը որեւէ մի նկարի վրայ,

աշխատելով հասկանալ նրա իմաստը, բովանդակութիւնը, բայց հազիւ էր կարողանում նշմարել ծանօթ որեւէ իրի թոյլ ուրուագծեր եւ ապա ամեն ինչ խառնուում էր իրար:

— Հասկան՞ում ես մի բան իմ նկաներից, Անուշ: Անուշն ուները թո՛թեց:

— Այո՛, գիտեմ, նոր են այս բոլորը քեզ համար, նոր եւ մինչեւ անդամ տարօրինակ: Պատերազմը փոխեց ամեն բան, Անուշ, ու մենք խաղաղ, բայց լճացած մի կեանքի ափից, թռանք մէկ ուրիշ ափ... Ընկանք մէկ ուրիշ աշխարհ, ուր կախարդանքները մեքենայական են: Իմ դորձերն արդիւնք են այդ թռիչքի: Շատ բան չես հասկանայ հիմա: Բայց եթէ երկար սպրես Փարիզում, ըմբռնես նրա ուիթմը, ու կարողանաս հողու աչքերով թափանցել դարիս կեանքի ներքին ծալքերի մէջ, այն ժամանակ... այն ժամանակ... բայց չգիտեմ ո՞րն է լաւ... իմանա՞լ թէ՞ չիմանալ:

— Պատիւ ունիմ յայտնելու քեզ, Անուշ, որ եթէ ցանկանաս իմանալ, այսինքն՝ թափանցել դարիս կեանքի ներքին ծալքերի մէջ, — ասաց Արմաշը ծիծաղելով, — դու կարող ես ոչ թանգարաններ յաճախել, ոչ թատրոններ, ոչ դորձարաններ, ոչ իսկ Սենայի ափը՝ գիտելու համար կամուրջների տակ սպրող մարդկանց, ոչ կեանքի բարձունքները ելլել ու ապա յատակն իջնել, այլ պէտք է միայն ծանօթանաս մեր սիրելի Հայկի, փարիզեան կեանքի եւ դորձերի հետ:

Անուշը գարմացած լսում էր Արմաշին ու տակաւին ոչինչ չհասկանալով նրա խօսքերից՝ նայում էր Հայկին:

Հայկը, որ մինչ այդ գրադւած էր Վարդենուն հարցումներ տալով, ձեռքերը մտցրեց դրպանի մէջ ու նայեց Արմաշին:

— Եթէ մենք այսօրւայ Հայկին տարրալուծենք դի-

տական ձեռով, կը ստացւի «զարիս կեանքի ներքին ծալքերը», — շարունակեց Արմաշը. — Պատահարներին յանձնըւած, բնագոյներով լեցուն, մութով ու խաւարով պատած մի կեանք ու այդ խաւարի մէջ լուսաւոր մի շիթ, ոսկի մի ճառագայթ՝ իր բանաստեղծութիւնները: Դու դեռ առիթ կունենաս համոզուելու ասածներիս մէջ: Նա կարող է քեզնից արցունքներ խլել, եթէ արտասանէ իր զրւածքներից. կարող է քեզ մտատանջութիւններ ինթարկել, եթէ կարգայ իր պատմածքներից: Բայց նա կարող է քո ծիծաղը շարժել, եթէ պատմէ իրական պատմութիւններ իր արկածալի կեանքի անսպառ շտեմարանից:

Անուշը հետաքրքրւած խնդրեց Հայկին պատմել իր կեանքի հետաքրքիր զրւագներից, — չէ՞ որ երեք տարի էր արդէն որ Հայկը Փարիզ էր:

Հայկը նստեց ու ոտքը ոտքին դրեց:

— Փարիզ դալու առաջին ամիսներին Փրանսերէն լաւ չգիտէի: Ես եւ նա աշխատում էինք միեւնոյն գործարանում, այնպէս որ միջանցքում յաճախ էինք հանդիպում իրար:

Մի օր էլ մօտեցաւ ինձ ու հարցրեց՝

— «Սիրելի պարոն, ասացէք խնդրեմ, դուք ինձ ինչ տարիք կը տայիք»: Դէ, ես էլ որ շատ էի լսել Փարիզի կեանքի մասին, առանց երկար-բարակ մտածելու՝ ասացի. «Նրեսուն Փրանկ»: Աղջիկն այլայլեց, բարկացաւ, կատաղեց ու կարմրած աչքերը վրաս սեւեռեց...

— Թողի՛ր հեռացա՞ր, — հարցրեց Արմաշը:

— Չէ՛, եղբայր... Վերջը սենեակս եկաւ ու տասը Փրանկով գոհացաւ...

Անուշի մարմնով սառը մի սարսուռ անցաւ: Նա

չծիծաղեց, նայեց դարմացած Հայկին, տհաճ մի գոչացում արթնացաւ իր մէջ:

Չծիծաղեց ե՛ւ Վարդենին, որ լուռ դիտում էր Հայկին:

— Մի անգամ էլ,— շարունակեց Հայկը,— վճռել էի հայի երես չտեսնել այլեւս. նեղացել, վիրաւորել էի ամբողջ հայ ժողովրդից: Փոխեցի թաղամասս, ոչ ոքի հասցէս չտւի, շատ քաղցած օրեր անցրի, յետոյ մտայ շաքարի գործարան, որպէս բեռնակիր: Մնացի ինքս ինձ հետ... մէկ ամբողջ ամիս: Մէկ ամբողջ ամիս տառապանք ու հրճանք... Տառապանքիս պատճառը գործարանի զանգն էր. երբ նա դնում էր, մէջքս ինքն իրեն ծռւում էր շաքարաւազի ծանր պարկը շալակելու համար: Եւ ի՞նչսլիսի պարկ... Եւ ժամեր անընդհատ: Բայց այդ բոլորով ես հրճւում էի: Հրճւում էի այն մտքից, որ ես մեն-մենակ եմ, անաղբ, անհայրենիք... Մենակ ամբողջ տիեզերքի մէջ, ազատ ամեն ձեւի պարտականութիւններից, անընկեր, անբարեկամ, որին ոչ ոք չի սիրում եւ որ ինքը ոչ ոքի չի սիրում... Ազատ, ազատ մի անհատ... Մտածում էի՝ ինչ էր իմ կեանքը, ի՞նչ տւեց ինձ իմ ազգը: Հայ անունն իմ ատաջ բացեց տառապանքի ուղիներ ու դնալով ուժեղանում էր իմ արհամարհանքն իմ անցեալի հանդէպ: Բայց...

Նա մի պահ կանգ առաւ ու աչքերը պտտցրեց բոլորի վրայ, ապա շարունակեց.

— Բայց պատահեց անակնկալ մի դէպք: Գարնան արեւոտ մի առաւօտ «ազատագրւած» անհատս պտտում էր Բիւք Շօմօնի պարտէզի ծառուղիներով: Երջանիկ էի մենութեանս մէջ: Բարձրանում էի ժայռերի ծայրերը, իջնում էի ձորակներ, նայում էի բարձրից թալուղ ջրերին. հոգիս հանգիստ էր: Ու մէկ էլ յանկարծ... Փոթո-

րիկ էր որ բարձրացաւ մէջս: Ուղեցի թողնել հեռանալ, բայց «նա» մագնիսի պէս ինձ դէպի իրեն էր ձգում: Փորձում էի երեսս դարձնել մէկ ուրիշ կողմ, չէի կարողանում սակայն: Աչքերս շարունակ սեւեռւում էին իր վրայ: Կամքիցս անկախ ես ընտրեցի յարմար մի քար, նստեցի ու սպասեցի: Սպասեցի երկար... Չէր շարժւում: Մարմինը թաղւած էր ժայռերի մէջ, դլուխը ծածկւած էր բարակ վերարկուով՝ արեւից պաստպարելու համար, դուրս էր մնացել միայն ցցած ահռելի մի քիթ: Տարակոյս չունէի... Այդ քիթը հայկական ծագում պէտք է ունենար: Երկար սպասեցի: Մէկ էլ մարդն արթնացաւ: Նստեց, յօրանջեց, նայեց շուրջը, ժպտաց արեւին, ծառին ու ծաղկին, յետոյ վեր կացաւ տեղից, շտկեց հագուստներն ու սկսեց քայլել: Բայցիցի եւ ես... Ստերի պէս հետեւում էի նրա իւրաքանչիւր քայլին: Նա իջաւ մէթրո, ես նրա ետեւից: Տոմս դնեց, ես նոյնպէս: Դուրս եկաւ դետնայարկից, ես նոյնպէս... Նորից քայլեցինք ու մէկ էլ աչքերիս առաջ ծանօթ մի ցուցանակ՝

Ճաշարան Մայր Արաբս...

Հայերու ժամադրապալայր:

Ներս մտանք «ժամադրապալայր» ու կրկին տեսայ հայեր, լսեցի հարազատ բարբառ... Այդ օրւանից ես նորից մնացի շղթայւած, կապւած իմ անցեալին, իմ ազգին:

— Դու կարող էիր կորչել, եթէ կամք ունենայիր, — ասաց Բարգէնը, — բայց բարեբախտաբար կամքդ թոյլ է:

— Չգիտեմ, բարեբախտաբա՞ր թէ՞ դժբախտաբար: Այսպէս էր խօսում Հայկը:

Արմաշը մօտեցել էր սենեակի մէջտեղում վայտեայ

պատւանդանի վրայ դրած կտաւին եւ ուշադրութեամբ դիտում էր չաւարտւած մի նկար:

Բարդէնի դէմքի վրայ տհաճ մի քող էր իջել:

— Գիտե՞ս ինչ, Բարդէն, — ասաց Արմաշը լրջութեամբ, — գիտեմ, ձեր այս տարւայ ցուցահանդէսին դու այս նկարդ է, որ պէտք է ցուցադրես, եւ սա ձեր ցուցահանդէսի գլուխ դործոցներից մէկը պիտի լինի:

Վարդենին ու Անուշը նոյնպէս մօտեցան կտաւին:

Արեւելեան դիմադծերով մանկամարդ մի կնոջ նկար էր այդ, տակաւին չաւարտւած, որի շուրջ թափւած էին աշնան հասուն մրգեր՝ տանձ ու խնձոր... Կնոջ դէմքի կէսը ծածկւած էր վառ կանաչ դոյնով, մինչ միւս կէսը թափանցիկ վարդագոյն էր: Մագերը նկարւած էին ծովի կապոյտով:

Վարդենին աչքերը չէր հեռացնում նկարից. մի բան էր դուռ կարծես... մի բան՝ ծանօթ մի դէմք պէտք է ստանար կարծես կիսաւարտ այդ նկարը... Ու յանկարծ տեսաւ... Գոյների երփներանդութեան միջից, իրեն էին նայում մի գոյդ աչքեր, այնքա՛ն ծանօթ, այնպէ՛ս դրաւիչ...

— Մարդարիտը...

Բարդէնը ցատկեց տեղից, վերցրեց արագութեամբ նկարն ու դարձրեց նրան հակառակ կողմը:

— Յոյց կը տամ, երբ վերջանայ, — ասաց նա ու բռնեց Վարդենու թեւից: Իսկ այսօր, Վարդենի, իսկ այսօր աւելի լաւ է, մեր ժամանակը նւիրենք մեզ, մեր անցեալին: Որքան էլ նա տխուր ու անհրապոյր լինի, այնուամենայնիւ, թաքուն մի կայծ բորբոքում է իմ մէջ ու ինձ տանում դէպի անցեալի յուշերը:

Հայկը Բարդէնից եւ Արմաշից դրամ վերցնելով դնաց գնումների: Երբ քիչ յետոյ բեռնաւորւած վերա-

դարձաւ, Արմաշն արդէն սեղանը ծածկել էր թերթերով: Քիչ յետոյ բոլորը նստել էին սեղանի շուրջը, եւ Հայկը, անձեռոցն առաջը կապած, մատակարարի պաշտօն էր կատարում:

Գարեջրի շիշերը մէկը միւսի ետեւից բացւում էին:

Հայկն ուրախ էր չափից աւելի: Նա նստել էր Անուշի կողքին ու մանրամասն հարց ու փորձ էր անում նրան թաւրիզի իր ծանօթների, իր ընկերների մասին: Արմաշը դադարւած էր ճաշով:

Բարդէնն աթոռը մօտեցրել էր Վարդենուն եւ գլուխը կախ լսում էր նրա պատմութիւնները: Եւ որքան շատ էր պատմում Վարդենին, այնքան աւելի լարում էր Բարդէնի ուշադրութիւնը: Նա բիրերը լայն-լայն բացած՝ նայում էր Վարդենուն: Նրա դէմքի արտայայտութիւնը մատնում էր իր հոգու փոթորիկները:

— Այդ օրը, — շարունակում էր ցած ձայնով Վարդենին, — հայրս երկար երկար լացեց: Առաջին անգամ չէր, որ այդպէս դժբախտ էի տեսնում իրեն: Տիգրանի վիշտը հօրս կանխահաս ծերութեան է մատնել: Ես սեղմըւել էի նրա թեւին, եւ մենք միասին քայլում էինք դադրի ետեւից...

Վարդենին կանգ առաւ մի վայրկեան:

— Քանի՞ տարեկան էր հայրդ, Բարդէն, — հարցրեց նա քիչ յետոյ ու տեսնելով Բարդէնի յուզմունքը՝ աւելացրեց, — ծերութիւնն էր պատճառը, դիտեմ... Մեզնից ոչինչ չէ կախւած: Ի՞նչ կարող ենք անել:

Լռեցին:

— Իսկ յիշ՞ում ես Գրիգորի Նւանդուլիչին... Նա էլ լացեց: Արցունքներ Գրիգորի Նւանդուլիչի անտարբեր դէմքի վրայ՝ կարո՞ղ էիր երեւակայել... Երբեմն-երբեմն տարօրինակ այդ մարդը, ցանկութիւն էր ունենում

Տիգրանի սենեակը մտնելու: Նստում էր նրա մահճակալի մօտ, առանց մի բառ արտասանելու, անշարժ դիմադժերով... Ի՞նչի մասին էր մտածո՞ւմ... Ոչ ոք չգիտէր... Իսկ յետոյ դուրս էր գալիս նրա սենեակից, նոյն անտարբեր հայեացքով եւ սկսում էր Ձաւէնի հետ իր անվերջանալի նարդին: Ու յանկարծ այդ օրն արցունքներ... Հայրդ սիրւած մարդ էր, Բարդէն:

— Սիրւած, բայց լքւած... Յետո՞յ: Պատմիր, Վարդենի, պատմիր ինձ ամեն մանրամասնութիւն:

— Մեկնումիս օրն ինձ մօտեցաւ Գրիգորիյ Եւանդուլիչը, եւ ես նրանից իմացայ, որ Ռօզը եւ մայրդ Լիոն են՝ ջեռուղ մօտ, եւ որ դու Փարիզ ես: Նա ինձ խնդրեց քեզ յայտնել, թէ ինքը փակեց Գրիգոր աղայի աչքերը եւ թէ նրա վերջին խօսքերը եղել են օրհնանքի ու երջանիկ ապագայի մաղթանքներ իր զաւակների համար: Նա խնդրել էր քեզ յայտնել, թէ մի օր տուն վերադառնաս, վերանորոգես ձեր տունը եւ թէ այդ տան մէջ, մի օր նորից հնչէ խինդն ու ծիծաղը: Թաղումից յետոյ, երբ տուն էինք վերադառնում, հայրս կրկնում էր անդադար. «Սեղճ Գրիգոր աղա, խեղճ Գրիգոր աղա, մարեց դժբախտ մի կեանք... Այդ մաղը ոչինչ չինայեց իր զաւակների երջանիկ ապագայի համար»: Ես վախենում էի նրա այդ խօսքերից, Բարդէն... այնպէս ծեր ու ընկճւած էր երեւում ինձ հայրս... Ինձ թւում էր, որ...

— Քեզ թւում էր, որ նա էլ պէտք է մեռնէ, Վարդենի... Նա մեռած է արդէն... Մեռել է արդէն մի սերունդ, որ ա՛յնքան անձնազոհ եղաւ, որ փարւեց դադարփարներին ու հաւատաց, թէ մի օր պիտի պսակւի իր թափած ջանքերի արդիւնքը: Իսկ ի՞նչ ստացւեց: Արդիւնք չկայ: Պատերազմը, յեղափոխութիւնը, ջարդն ու սովը եւ արտաքին ուրիշ պայմաններ մեր եւ մեր հայրե-

րի միջեւ անասելի մի վիճ բացեցին: Բայց կային եւ ներքին, անտեսանելի պատճառներ, որ մենք չէինք տեսնում ու չէինք զգում, չէինք հասկանում... Ու այդ էր իսկական վտանգը... Մենք կտրւում էինք մեր հարազատ միջավայրից, խորթանում էինք ու մեր հոգիների հօւրը ցրիւ էինք տալիս օտար ուղիների վրայ... Մենք միշտ ու շարունակաբար խորացնում էինք վիճը, Վարդենի... Եւ այսօր մեր սերունդի հոգիներում մի ողբերգութիւն կայ: Մենք չկարողացանք դարու մարդը դառնալ, մեր հոգու նժարների վրայ հէքեաթն ու մեքենան փոփոխաբար իջնում են, բարձրանում ու մեզ նետո՞ւմ բեւեռից բեւեռ:

Անուշը, որ չէր մասնակցում նրանց խօսակցութեան, ուշադրութեամբ լսում էր Բարդէնին, աշխատում էր անդրադառնալ նրա ասածների վրայ, վերլուծել նրա իրաքանչիւր խօսքը: «Մենք մեր հոգու հօւրը ցրիւ ենք տալիս օտար ուղիների վրայ»... Ինքն ու Վարդենին, օտար այս ճամբաները բռնած, նոյն բանը չէին անում...

Հայկը ճաշը վերջացրած սկսել էր տխուր մի մեղեդի, նախ ցածրաձայն, յետոյ բարձր, աւելի բարձր: Արմաշը ձայնակցում էր նրան: Իսկ Անուշը յենւած բարձերին՝ մտածմունքի մէջ էր ընկել:

Մէկ ամիս առաջ էր...

Մեծ չորս անիւանի սայլը, լծւած երկու գոյգ նիհար ու ոսկրոտ ձիերով եկաւ ու լայն այն քարաւնասարի քարքարոտ բախում կանգնեց:

Կապերտների կտորների մէջ փաթաթւած անկողիններ, փայտեայ սնդուկներ հազուստների համար, անձրեւանոց ու առձեռն պայուսակներ:

Քարքարոտ բախից բեռներով բարձած այն սայլը, բեռների դլխին ծալապատիկ նստած ճամբորդներով, ճրո-

ձուլում ու շուք ու մուռ դալով դուրս եկաւ փայտեայ  
դարբասներէց ու բռնեց Եւրոպա տանող ճամբան :

Եւրոպա էին դալիս :

Չորս նման սայլեր, տասնըվեց ձի, ութ կառապան  
ու մշակ եւ հայ ուսանողներէ մի խմբակ՝ մի ամբողջ  
կարաւան... :

Գալիս էին, ո՛րը վարդն ու սոխակը շրթին, ո՛րը  
խաւարի քօղն աչքերին ու սրտին : Գալիս էին կապոյտ  
ուլունքէ յուռութքը թեւերին կապած, «աչուղի կարմիր  
խնձորը» սրտներին սեղմած :

— Այստեղ քարերը շատ խոշոր են, պէտք է իջնել :

— Այստեղ ձորը շատ մօտիկ է, ճամբան նեղ է,  
պէտք է իջնել :

Մէկ ուրիշ տեղ դետն էր վարարել, չորրորդում  
բլուրն ի վեր պէտք էր բարձրանալ եւ այսպէս անվերջ...  
Ջրերը վարարել էին, եւ դետերը դժարանց էին դարձել :  
Խարձած այդ սայլերի գլխին նստած, վտանգաւոր էր  
դետն անցնել, եւ թուրք մշակներն աղմուկ-աղաղակով,  
երբեմն էլ սիրուն շերեր երգելով, ոտքերը մինչեւ ծնկե-  
րը բաց, թէ՛ մարդկանց եւ թէ՛ իրերը մէկիկ-մէկիկ շա-  
լակելով այս ափից միւս ափն էին հանում :

Մշակի մէջքին նստած, իրենք էլ հեռաւոր ու անո-  
րոշ, փայտայած դաղափարներ շալակած, հայ երիտա-  
սարդները յողթահարում էին ամէն խոչընդոտ :

— Նայիր, Անուշ, նայիր, տես ինչ անխարդախ կա-  
նաչ է : Հաւատա, որ արժէր այսքան նեղութեան, —  
ասում էր վարդենին՝ հիացած :

Իսկ երաժշտութեան հետեւել ցանկացող երիտասար-  
դը, սեւ մազերը հովին տւած, ձեռքերը մէջքին, անդրա-  
վարտիկի ծայրերը դուլպաների մէջ մտցրած եւ հաստ  
թեւերով խաչածեւ ոտքերին փաթաթած, անդադար

հիացմունքի բացադանչութիւններ էր անում եւ բանաս-  
տեղծութիւններ արտասանում :

Այսպէս եկան օրեր ու օրեր... Շատ գիշերներ լու-  
սացան ու կրկին մթնեցին նրանց գլխին... Նրանք ուրախ  
էին, լի ինչ որ վառ, շատ վառ յոյսերով... Երիտասարդ,  
թարմ ուժեր, որ բացուող ծաղիկի պէս դէպի «լոյսն» էին  
ձգտում :

Խումբը մերթ մեծանում էր, այս ու այն քաղաքից  
իր մէջ մտնող նոր երիտասարդներով, մերթ փոքրանում՝  
հիւանդացած ու զանազան վայրերում յետ մնացած ըն-  
կերների պատճառով :

Պատահում էր սայլ էր շուք դալիս, ոտք ու գլուխ  
ջարդում, ձիերն էին գլուխ առնում ու խոր ձորը տա-  
նող ճամբան բռնում... Պատահում էր հիւանդանում,  
ջերմ ու տենդի մէջ էին ընկնում... :

Նման դէպքերով լեցուն էր ճամբան :

Բայց պէտք էր գնալ :

Երբեմն, երբեմն վարարած ջրերի ափին, կամ բաց  
մի դաշտի մէջ մեն-մենակ ընկած «չայչիխանները»  
ապաստան էին տալիս նրանց : Արեւելքի ճանապարհներին  
չինւած այդ սենեակները, որ այնքան նման էին իրար... :

Ու Անուշը մէկիկ-մէկիկ յիշում էր նրանց... :

Ո՞վ կարող էր իմանալ թէ քանի օրեր ու գիշերներ  
գլորեցին նրանց գլուխների վրայով : Ոչ օր գիտէին, ոչ  
ժամանակ : Նետեւել էին բնութեան գիրկն ու վազում էին  
դէպի մեծ մի դաղափար... Իսկ ձգտումի ճամբան... —  
թեթեւ ու անվիշտ եւ աննիւթ, աննիւթ... :

Գալիս էին, իրենց յանձնած ամեն պատահարի, լըց-  
ւած վերելքի անդուսպ թափով, ծարաւի հողիներով...  
Գալիս էին դէպի հեռուում բացւած մի դուռ, փնտռում-  
ների դէպի նոր մի ուղի... :

Իջնում էին ծուռ-մուռ ձորակներ, բարձրանում քարոտ բլրակներ, մերթ քամու ու անձրեւի տակ թրջւում, մեթ արեւի տակ կիրզում: Յետոյ ամեն գիշեր լուսնի լոյսի տակ, գետի եզերքին, կամ խեղճ գիւղացու ծաղկազարդ բակում, սիրուն հէքեաթներ եւ երգ ու նւագ... Զէ՞ որ դարուն էր:

Նշենիններն ա՛յնպէս էին ծաղկել, վարդի թփերի մօտ սոխակներն ա՛յնպէս էին դայլայլում... Նրանք երզում էին օպերաներից, յուզում վերլէնով... Խորասուզում էին նրանց մէջ փնտռելու համար աղը հոգու թելերի, սրտի յոյզերի... Վերլէն... Վերդի...

Վարդի թփերի մօտ սոխակներն այնպէ՛ս էին դայլայլում եւ նշենիններն այնքա՛ն առատ էին ծաղկել... . . .

Արմաշն ու Հայկը շարունակում էին երգել, Բարդէնը, որ յուզմունքից մի առ ժամանակ լռել էր, մնացել, վեր կացաւ տեղից, լցրեց բաժակն ու մեկնելով դաւաթն՝ ասաց.

— Խմենք, ընկերներ, մեր Իրականութեան կենացը, հակասութիւններով լի հայ Իրականութեան կենացը... Գիշ առաջ ես ասացի, որ մենք ապագայի պաշտամունքի ցաւով ենք բռնած եղել միշտ ու որ այդ է եղել մեր վըտանդը: Իսկ այսօ՞ր... այդ նոյն ցաւով բռնած հաւատանք, որ պէտք է յալթենք, որ պէտք է յաջողենք... Մենք էլ հաւատանք...

Բոլորը դատարկեցին բաժակները: — Խմենք այն մարդու կենացը, — վեր կացաւ տեղից Հայկը, — որ իր ամբողջ կեանքի ընթացքին, ծննդեան օրից մինչեւ մահ, ենթակայ լինելով բազմազան կլիմաների, յաղթահարելով արտաքին ամէն տեսակ աղ-

ղեցութիւններ, կը պահէ, կը պահպանէ իր հոգու ամբողջութիւնը: Նրա կենացը, ով կեանքի անհասար պայքարից դուրս կը դայ յաղթական՝ չկորսած «ես»ով, — նա նայեց բոլորին, — որի՞դ կենացը, ուրեմն: Մենք՝ «փարիզցիներ» արժանի չենք այդ կենացին, իսկ դո՞ւք, — խօսքն ուղղեց նա Վարդենուն եւ Անուշին, — դուք եւս մի քանի տարի յետոյ մեզ պէս պիտի դառնաք... Բայց խմենք, հաւատանք, որ կան այդպիսիներն ու խմենք:

Մութն ընկել էր: Վարդենին վեր կացաւ տեղից: — Ես հաւատացած եմ, որ կան այդպիսիները, — ասաց նա ու ձեռքը մեկնեց Բարդէնին:

Բարդէնը ժպտաց տխուր մի ժպիտով: Նրանք մէկիկ-մէկիկ իրար ձեռք սեղմեցին: Արմաշն ու Հայկը առաջ անցան ուղեկցելու համար Վարդենուն եւ Անուշին:

Աշխատանոցի թանձր ծուխից յետոյ, հաճելի էր մաքուր օդ շնչելը: Նրանք քայլում էին դանդաղ ու Արմաշը մէկ թեւը Վարդենուն, միւսն Անուշին, աշխատում էր դրողեցնել նրանց:

— Յուսով եմ, որ չձանձրացար մեզ հետ այս երեկոյ: — Ասաց Հայկը դառնալով Վարդենուն:

— Ընդհակառակը, — պատասխանեց Վարդենին անկեղծ ոգեւորութեամբ, — ընդհակառակը, Հայկ:

Նրանք շարունակեցին քայլել: Յանկարծ Հայկը, միանգամայն անսպասելի, թեւով հրեց Վարդենուն, ու ձայնը ցածրացրեց:

— Հաւանեցի՞ր Մարգարիտի նկարը: Վարդենին գլխով հաւանութեան նշան արաւ:

— Իսկ գիտե՞ս նրա եւ Բարդէնի պատմութիւնը: Նա հարցական նայեց Հայկին:

— Հա՞պա, — ասաց Հայկը, — բայց տիկին Սաթե-նիկը... «տա, տա՛, տա՛ տա», այսպէս է խօսում տիկին

Սաթենիկը, — «ասացէք այդ նկարչին, որ նա նկարիչ չէ, որ Փարիզում հազարաւոր նկարիչներ քաղցած փողոցներն են թափառում... տա, տա, տա, տա»... Տիկին Սաթենիկն ատում է Բարբէնին, մինչ Մարգարիտը... աւաղ... մինչ Մարգարիտը սիրում է նրան... Միայն թէ Բարբէնը չի հասկանում իր լաւը: Այժմ էլ կապուել է սեւամորթ մի աղջկայ հետ Ձուգու անունով եւ դիշերները նրա հետ է անցկացնում... Գանի՛ քանի անգամներ Մարգարիտը ներել է նրան, Բարբէնը խոստացել է, երգել, որ միայն նրան է սիրում, բայց ես, ես դիտեմ, որ նրա խոստումները երկար չէին տեւում: Դեռ մի քանի օր առաջ էր... Ձուգուն արհեստանոցի մէջտեղում կանգնած բարձրաձայն երգում ու սլարում էր, երբ յանկարծ Մարգարիտը դուռը բացեց... Բացեց, տեսաւ թէ չէ Ձուգուին, անմիջապէս դուրս փախաւ... Բայց մէկ էլ նրա ետեւից դուրս եկաւ Ձուգուն եւ բարձր ձայնով սկսեց բղաւել. «Mademoiselle, mademoiselle.. Մարգարիտը յետ նայեց, Ձուգուն դէմքը ծամածոեց ու լեզուն ցոյց տուաւ նրան...

Այս բոլորը կատարւեց շատ արագ: Եւ ահա յանկարծ սոսկալի մի բարկութիւն իջաւ Բարբէնի վրայ... Նա դունատեց, կարմրեց ու վերցնելով յանկարծ Ձուգուի դըլխարկն ու վերարկուն՝ նետեց կատաղութեամբ նրա երեսին... Յետոյ մօտեցաւ, կոպտութեամբ բռնեց թեւից ու փողոց շարեց...

Վարդենին ու Անուշը, որ խորին յուզմունքով էին լսում այս բոլորը, նայեցին իրար... Նրանք անմիջապէս յիշեցին տիկին Սաթենիկի մօտ սլատահածը... Հասկացան Մարգարիտի արցունքների սլատահումը, երբ այն օրը նա այնպէս այլալուծած, ներս էր ընկել սենեակ...  
Նրանք հասկացան ամբողջ եղելութիւնը:  
Ծանր քարի պէս մի բան ճնշեց նրանց հոգիները:

Անցել էին ամիսներ:

Առաջին օրերի ոգեւորութեան յաջորդել էր արդէն փարիզեան յոգնութիւնը:

Անուշն ու Վարդենին դեռ չէին կարողանում բռնել տեմպը նոր կեանքի, ընթանալ ուրիշների հետ կողք-կողքի:

Ուրիշ աշխարհ էին ընկել կարծես:

Դժուար էր այդ բոլորը մանաւանդ Անուշի համար: Անուշը...

Հէքեաթներով ու երագներով հիւսւած այդ հոգին... որ դեռ մանուկ օրից սովոր էր նայել կեանքի երեւոյթների վրայ ըննող աչքերով, որի հոգու մէջ տարիների ընթացքում կաթել էին բազմատեսակ տպաւորութիւնների շողեր՝ մերթ գարմանալի ու հետաքրքրական, մեթ անբացատրելի ու առեղծւածային, ընկել էր այժմ մի ուրիշ աշխարհ՝ արեւելքից արեւմուտք...

Մի ուրիշ աշխարհ, ուր այլ էին փոխարարերութիւններ, ուրիշ էր ընթացքն աւօրեայի, տարբեր էին հոգիները մարդկանց եւ այլ էր խորհուրդը կեանքի:

Իր հոգու աչքերով, աչքեր, որ այնպէս թափանցող էին՝ որ սիրում էին իջնել մինչեւ խորքը երեւոյթների ու դէպքերի, Անուշը սկսել էր արդէն դիտել եւ այս նոր կեանքը:



Բայց ընդհանուր աճապարանքի ու սոսկալի վաղքի մէջ նրա հոգին յողնում, թուլանում էր եւ իր միտքն յաճախ կամուրջ էր նետում դէպի խաղաղ եւ անկնճիռ այն կեանքը, որ նա թողել էր իր ետեւում...

Սաղաղութիւն հոգու եւ մտքի...

Այժմ, երբ հեռու էր նրանցից, նա մէկիկ-մէկիկ յիշում էր ամեն մանրամասնութիւն... Յիշում էր մանաւանդ մանկութեան իր շրջանը, Բեհեդ տատին, նրա հէքեաթները... Եւ ամեն անգամ, երբ Արեւ աղջկայ շողշողուն հէքեաթն էր յիշում, մարմինը սառսուում էր:

Այնպէս ցուրտ էր այս երկիրն իրեն համար... Յուրտ ու խոնաւ:

Արեւ աղջկայ շողշողուն հէքեաթը, Անուշին յիշեցնում էր եւ իրեն՝ թրթուուն այն հին Անուշին, — տան կայծկլտուն ոգուն, որ կարծես Բեհեդ տատի հոգու ճառագայթներից լինէր շինւած: Գունազեղ դոյների ալիքներով յաւերժ ծիծփուն այն Անուշին՝ կարմիր արշալոյսի շողերի պէս շողշողուն, ջինջ ու պայծառ, որ տաճարներում վառուող մշտավառ կրակի նման, վառւում էր իրենց տան թաքնաթաքուր անկիւններում:

Իր հին այդ պատկերի առջեւ Անուշը տարօրինակ գուրդուրանք էր զգում: Հոգին մի պահ լցւում էր հեռուներից եկող ջերմացնող շողերով:

Ամեն անգամ, երբ բարձր յարկի իր լուսամուտից նայում էր երկնքին ու բիբերի մէջ անդրադառնում էր ցուլն աստղերի, նա յիշում էր փոքրիկ Անուշին: Երբ արեւի ճառագայթները թափւում էին իր սենեակն ու նա վաղելով նստում էր նրանց ճերմակ շողերի տակ, նրա միտքն անմիջապէս դէպի նա էր թռչում: Ծաղկավաճառի մօտից անցնելիս, ծաղիկների եւ վարդերի բոյրն ու դոյնը հին Անուշի երազներով լեցուն աչքերն էին արտացոլում:

Նա ամեն օր վարդենու հետ միասին դնում էր համալսարան, վերադառնում տուն, պարսպում, միւս օրը կրկին դնում համալսարան: Եւ օրերն արագօրէն յաջորդում էին իրար:

Այրում էին նրանք համալսարանից ոչ հեռու, վեցերորդ յարկի նեղ մի սենեակի մէջ, որի մի հատիկ լուսամուտից երեւում էին իրենց տան դիմացի, աջի ու ձախի բոլոր սենեակները. եւ եթէ մօտենայիր լուսամուտին ու կռանայիր վար, ներքեւում կ'երեւար քառակուսի փոքրիկ մի բակ, ուր երբեք արեւի շող չէր ընկնում, որովհետեւ չորս կողմից շրջապատւած էր բարձր ու մութ պատերով:

Պանդուկի անարեւ ու նեղ այդ բակը մերթ ընդ մերթ դառնում էր բեմ: Այստեղ էին դալիս փողոցի երգիչներն ու ջութակահարները, այստեղ էր դալիս փոքրիկ ոռու այն աղջիկը՝ կարմիր թաշկինակը դլսին կապած, զնգզնփան թմբուկը ձեռքին: Գունաւոր շորեր ունէր նա, գունատ այտեր ու շատ երգելուց արդէն փչացած ձայն: Հայրը նւազում էր գարմոշկի վրայ եւ փոքրիկ աղջկին իր զգայնոտ ձայնով երգում էր հին բովանակներ, պարում էր դնչուական պարեր:

Ոռու այդ աղջկայ երգերը Անուշին յիշեցնում էին Նատային:

Նատային ու Ջաւէին...

Տխուր յիշողութիւն... Ու այդ տխուր յիշողութիւնն իր ետեւից քաշում, բերում էր մի շարք ուրիշ յիշողութիւններ՝ երկարաբեխ չիւտվնիկներ, փայլուն ուսադիրներով սպաներ: Յետոյ այդ բոլորը կամաց-կամաց չքանում էին ու մնում էր միայն Ջաւէին:

Անուշը զիտէր, որ մեծ պատերազմից յետոյ ահազին տարադիրները հետ Նատան եւս դուրս էր եկել իր հայրենիքից ու այժմ գտնւում էր Փարիզում: Արմաշն էր

տեսել նրան: Նատան երգում էր ոռոսական մի ճաշարանում, որտեղ ծառայում էր եւ նրա հայրը — երբեմնի այն զինւորականը, որի մասին խօսելիս՝ Անուշը յիշում էր, Նատան այնպէս պարծանքով էր նայում իրենց...

Ուժեղ, հաստատուն ձայնով տարիքոտ մի կին Անուշինց բակի ամենօրեայ երգչուհին էր: Միօրինակ ու միապաղաղ մի երգ զիտէր նա, որ երգում էր առանց որեւէ ելեւէջի, հանդարտ, սկզբից մինչեւ վերջ, — բարեխղճօրէն: Յետոյ կանգնում էր բակի մէջտեղն ու սկսում էր խօսել:

— Ամուսինս սպանւեց պատերազմի դաշտում, պարոններ եւ տիկիներ, մնացի մենակ, պարոններ եւ տիկիներ ու չունեմ ոչ ոք այս աշխարհում, պարոններ եւ տիկիներ...

Անուշը լսում էր այս բոլորը, դիտում էր շրջապատը, յետոյ կրկին խորասուզւում իր պարապմունքների մէջ: Իսկ հեռւից մերթ ընդ մերթ երբեմնի Անուշն իր սակեման շողերն էր նետում նրա հոգու վրայ:

Ձմեռ էր:

Խոնաւ, անձրեւոտ ձմեռ: Փարիզը հսկայ արեւածաղիկի պէս բացել էր իր ոսկէ թերթերն ու ծիծաղի կատաղի պոռթկումներ էր արձակում:

Լոյսեր, լոյսեր կարմիր ու կապոյտ, կապոյտ ու կարմիր ու մշուշի մէջ ճառագայթած ճշացող ցուցանակներ՝ Ֆօլի Բերթեռ, Մուլէն Ռուժ, մերկ աղջիկներ ու մերկ տղաներ... ջազ, ջազ, ջազ:

Սրճարանների մէջ շտապած կանայք, իւղած մազերով երիտասարդներ ու ամենուրեք դսպած մի աղմուկ: Աղմուկ, որի միջից ոչինչ պարզ չի լսւում. — ամեն տեսակի զգացողութիւնների, կրքերի արտառոց խառնուրդից գոյացած ձայների եւ ճիչերի խմբակցութիւն:

Սէն Միշել, Մոնպարնաս, բուլվարներ... Ապաշների թաղը, Կուպօլը, Օլիմպիան եւ Մօրիս Շլալիէի երգերը...

Ma mère,

Dites moi, ma mère...

Պառաւած Միստանդէթի ժպիտով շաղախւած դէմքը, ամեն անկիւնից աչքով է անում ու գոյգ ոտքերի սքանչելի սրունքները ճօճւում են օդի մէջ... Ցատկոտում են, թռչկոտում՝ վայրի, բռնազրօսիկ ոստոյններով վերվեր են նետւում ու յանկարծ Նոտր Դամի գլխի կանաչա-

զգեստ սրբերի վզին փաթաթուամ... Հնչում է ջաղը, եկե-  
զեցու մուժ զանգւածի վրայ կասկածելի սոււերներ են  
թափուում ու լսում է Միստինգէթի պառաւած ծիծաղի  
ճայնը:

« Fleur perverse,  
Qui nous verse  
Tous ses parfums  
Tour à tour... »

Եւ ամեն ինչ խառնուում է, կորուում մշուշի մէջ:  
Երեկոյ էր:

Գորշ երկնքից մաղւող մանր անձրեւի տակ, փայլ-  
փլուղ պողոտայի մէջտեղով, գլուխը քարշ դցած, հան-  
դարտօրէն քայլում էր տարօրինակ մի մարդ:

Նրա հասակը բարձր էր, գլխին ունէր մօխրագոյն  
կէպի եւ ձեռքին փոքրիկ մի պայուսակ:

Առաջին յարկի վրայ դտնուող մեծ ու դեղեցիկ մի-  
ջանցքի միջով, դէպի երկրորդ յարկ էին ձգուում ճերմակ,  
լայն աստիճաններ, որոնք վերջանում էին քառակուսի  
մի նախասենեակում: Նախասենեակի երկու կողմերում  
բացուում էին սրահներ՝ դարդարւած դեղարեւտական  
զործերով, — նկարներ, արձաններ, գորգեր, յախճապա-  
կէ անօթներ:

Այդ սրահներից ամենամեծը, որի յատակը ծածկւած  
էր կարմիր թաւիչով, դարդարւած էր հայ նկարիչների  
զործերով:

Յուցահանդէս էր:

Մարդիկ դալիս էին, դնում:

Նրանք ներս էին մտնում գլուխները բարձր բռնած,  
աչքերն այս ու այն պատի, այս ու այն նկարի վրայից  
արագ սահեցնում, յետոյ շրջան էին անում, կրկին յետ  
դալիս ու մի նկարի առջեւ դամւում:

Կանգնում էին խորասուզած, գլուխներն էին ծռում,  
մօտենում էին նկարին, հեռանում կրկին...

Այսպէս՝ պատահում էր օրինակ սրտակուելի արտա-  
քին ունեցող մի մարդ, արեւտի մասին իր ունեցած  
ըմբռնումներին վստահ ու հպարտ դրանով, կանգնում էր  
հիացած մի նկարի առաջ... Կանգնում էր նա մէկ ոտքն  
առաջ նետած, յենած միւս ոտքին, իրանը յետ դցած,  
աչքերը խոփու ու իմացականութեամբ լցւած... Մինչ  
մէկ ուրիշը, աղւած նրա խորասուզած այդ դիրքից,  
ակնոցները շտապ հագցնում էր թի սապատին ու գլուխը  
երկարելով, մօտենում էր նկարին, մի բոպէ խանդարում  
պատկանելիին, յետոյ յետ-յետ էր դնում ու կանգնում  
հիացած նրա կողքին:

Հարուստ հայերը, մանաւանդ նրանք, որ հմուտ  
«կօլեքսիոնեռներ» էին համարւում եւ որոնց ներկայու-  
թիւնը նկարիչներին յոյս էր ներշնչում, առհասարակ աչ-  
քի տակով էին նայում նկարներին: Ինչ բան էր որ... Հայ  
նկարիչների ցուցահանդէս... Մի ակնարկով կարելի էր  
որոշել թէ «մի բան» կա՞ր, չկա՞ր... Իրենք այնպիսի  
մեծ-մեծ ցուցահանդէսներում էին եղել... Այնքա՞ն մեծ  
արեւստագէտների գործեր էին տեսել ու... դնել... այո,  
ու դնել... Իսկական արեւստագէտների գործեր: Հիմա  
ինչ որ հայ նկարիչների ցուցահանդէս...

Յուցահանդէսը փակելու նախօրեակն էր:

Նկարիչների մեծ մասը ներկայ էր այդ օրն ու հան-  
դիսաւոր տխրութեամբ՝ աշխարհիս ստեղծագործութիւ-  
նից մինչեւ այսօր արեւստագէտին չըմբռնելու, չդնահա-

տելու ճշմարտութեան դառնութիւնը դէմքերին, այս ու այն կողմ կանգնած, խօսակցում էին իրար հետ ու դեռ յոյսը չկորցրած նայում դռներին:

— Ոչ ոք ոչինչ չծախեց այս անգամ:

— Ոչ ոք, ոչինչ:

Հառաչում են, ջանալով ցոյց տալ, որ այժմ իրենք գիտեն, այդպէս են մարդիկ, այդպէս են եղել նրանք միշտ, միշտ՝ դարեր շարունակ... Բայց այդ ոչինչ չի նշանակում, ոչինչ չի ասպնդուցում: Իսկ մանաւանդ հայ մարդիկ... Հայ իրականութիւնը...

— Եւ այն էլ Փարիզի մէջ: Երեսուն հազար նկարիչ կայ Փարիզում: Երեսուն հազար...

Ժպտում են մխիթարւած:

— Տաղանդն ի՞նչ անէ, ջանք:

— Ի՞նչ կարող է անել:

Նա նայում է վերից, բարձր իր հասակի ծայրից, փոքրիկ, սուր մօրուքը մի փոքր առաջ տնկելով, աչքերն իր սկզբունքներին հաւատարիմ մնալու աներերութեամբ լցւած, չյուսահատուող ու անտարբեր ներքեւ սպրող մարդկութեան բութ տգիտութեան...

Յածրահասակ նկարիչը նայում է նրան ակնյայտ դայրոյթով:

— Ինքն իրեն Լէօնարդօ է կարծում...

Ու ակնոցները դառնում են նրա կողմը՝ ծաղրական մի ժպիտ ցոլացնելով ասպակիների միջից:

— Լէօնարդօ... — նկարիչ, փիլիսոփայ, գիտնական... Ինչու չէ՛: Խեղճ մարդ, մինչեւ ո՞ւր է նետել իր մեծամտութիւնը:

Մինչ փոքրիկ սուր մօրուքը խօսում է հանդարտութեամբ:

— Կախարդական բանալին ձեռքին նա մտաւ Տաճա-

րից ներս ու մէկիկ-մէկիկ բանալով հրաչքների դռները՝ կարողացաւ դռնել համադրութիւնը գիտութեան եւ արւեստի: Ի՞նչ կարելի է անել առանց կրթութեան... Մինչ մեր նկարիչները...

— Իբր թէ ինքը շատ կրթւած է:

— Հրաչքի գաղտնիքը կայանում է Լէօնարդոյի երակի մտաւոր կարողութիւնները եւ համբերութեամբ մշակւած արւեստագէտի իր տաղանդի միասնականութեան մէջ:

— Թութակի պէս միշտ նոյնն է կրկնում:

— Միաք, վարպետութիւն, ստեղծագործական թափ, այդ է որ Լէօնարդոյի ստեղծագործութիւնները դարձրել է մնայուն ու կատարեալ, թէ չէ այս փոքրիկ բաները... Մեր այսօրւայ նկարչութիւնը... Ոչինչ բաներ են սրանք:

Սրահի հակառակ կողմում արգիական ըմբռնումներով նկարիչներ են հաւաքել եւ, դասական դպրոցին հետեւողները հասցէին զանազան որակումներ անելուց յետոյ, լուրջ վիճարանութեան մէջ են:

— Ժամանակակից մեծ արւեստագէտ է Պիզասօն: Նրան հետեւելն արդէն պատիւ է մեզ: Նա անդամահատութեան է ենթարկում ամեն առարկայ, ձեւ: Ամեն ինչ կտրատուում, հալում է նրա ձեռքի տակ: Զեւերի արագ յաջորդականութիւն, խուսափող տպաւորութիւններ, ակնարկների վայրկեանական պատկերաւորում: Ամեն բան նրա մօտ կարծես մշտական հոսման մէջ է, բայց եւ միեւնոյն ժամանակ քարացած է կտաւի վրայ՝ յանկարծ կանգ առած մեքենայ խաղալիկի նման:

— Մեքենականութիւնն իր խորն ազդեցութիւնը թողեց նկարչութեան վրայ, — խօսում էր կապուտաչեայ մի նկարիչ, իսկ նրա ունկնդիրը նայում էր նրան լարւած

ուշադրութեամբ, առանց սակայն շատ բան հասկանալու:

Այդ երեւում էր նախ նրա աչքերից, որոնց նա աշխատում էր հնար եղածին չափ ըմբռնողի արտայայտութիւնը տալ, շրթունքների յաճախակի սեղմումից եւ վլիթի թափահարումից, որով նա ուզում էր ասել որ այո՛, այո՛, հասկանալի է, հասկանալի է:

— Վերից վար դիտելու հնարաւորութեան շնորհիւ...

Ունկնդիրը բարեխղճօրէն նայում էր նրան. այդ մէկ կէտը շատ լաւ չըմբռնեց կարծես...

— Ինչպէ՞ս վերից-վար...

— Սաւառնակից երկիրը դիտելու հնարաւորութեան շնորհիւ, ստեղծւեց տեսողութեան նոր ձեւ — ուղղահայեաց պերսպեկտիւր, որ ոչնչացնում է առաջին պլանի դոյրութիւնը: Շնորհիւ սինէմայի, վայրկենական լուսանկարչութեան, մարդը ճանաչեց վայրկեանի քարացումը: Արագութեան խենթ ընթացքի զարգացումը պատճառ դարձաւ, որ այսօրւայ դժադրութիւնը դառնայ ելեկտրիկ՝ ցատկատող: Մշտնջենական շարժումը սուս դինամիզմի դպացողութիւնը: Դարը հրկիզող նոր շարժումներ են սրանք:

— Ճշմարիտ արեւտը մաքուր, յստակ ներդաշնակութեան մէջ է: Այն՝ ինչ որ ասում էին հին յոյները, այն՝ ինչ որ կոչւում է դասական:

— Իրապաշտութիւն, իրապաշտութիւն, այդ է ճշմարիտ ճամբան...

Սրահի հեռաւոր մի անկիւնում, ցածլիկ բազկաթռուի վրայ մխրճուել նստել էր Անուշը: Նստել էր նա խորասուզւած իր մտքերի մէջ, աչքերը յառած իրենից ոչ հեռու նստած Բարգէնի, Հայկի ու Վարդենու վրայ:

Բարգէնը տխուր էր: Իր բարձր հասակը համարեա

երկտակւած, թեւերը բազկաթռուի թեւերին յենած, գլուխը յետ դցած ու սեւ աչքերն առաստաղին յառած, նա նայում էր անտարբեր մէկի պէս: Մերթ ընդ մերթ կախում էր գլուխը, երեսն առնում ավերի մէջ եւ մնում անշարժ:

Հին, գոյնը կորցրած հադուստ ունէր նա, կարկասած կօշիկներ, դէմքը սակայն գեղեցիկ էր:

Նրա սեւ ու խիտ մազերի մօտ, ցորենի հասուն արտի պէս, Հայկի դեղին, ոսկէգոյն գլուխն էր երեւում:

— Շատ հասկանալի է, — ասում էր Բարգէնը, — շատ հասկանալի է: Այստեղ հայը հանճար իսկ դառնայ, դարձեալ ոչ մի շօշափելի արդիւնքի չի կարող հասնել: Թերթերը կը գրեն, գուցէ եւ նկարներիդ արտատպութիւնը դնեն, բայց երբեք չեն մոռանայ տակը աւելացնել *peintre arménien...* Ու կը մնաս խեղճ:

— Ասենք, հայը երբեք էլ հանճար չի դառնայ, — ասաց Հայկը ծիծաղելով:

— Բայց ինչո՞ւ, ինչո՞ւ Հայկ:

— Ինչո՞ւ: Թերեւս որովհետեւ հայը շատ է սիրում կծկւել ինքն իր պատեանի մէջ: Հայի տաղանդը շատ աւելի բարձրութիւնների կարող էր հասնել, եթէ միայն հայը կարողանար դուրս գալ իր հայութիւնից, նայէր աշխարհին բաց աչքերով, բաց հոգիով:

— Բայց սիրելի Հայկ, այդ խնդրին կարելի է մօտենալ նաեւ հակառակ ծայրից: Ես շատ անդամներ եմ մտածել այդ հարցի մասին ու ինձ թւացել է երբեմն քո ասածների ճիշտ հակառակը: Ձէ՞ որ վերջ ի վերջոյ, հայը միշտ ու միշտ բացել է իր հոգին ամեն տեսակի ագրեսիւթիւնների առաջ: Մի ժամանակ Յունաստանի, Հռոմի, Պարսկաստանի, իսկ հետագայում Եւրոպայի «լոյսն» էր քաշում նրան: Գուցէ, Հայկ, գուցէ ընդհա-

կառակը պէտք է լինէր՝ դուցէ հանձարներ տալու համար հայը պէտք է աւելի ու աւելի խտացնէր իր մէջ իր ցեղի հոգեկան ուժը, շնչէր ու ապրէր առաւելապէս իր հողի վրայ, իր հողի բոյրով, իր երկրի օդով ու ամբարէր, ամբարէր իր մէջ ամեն ինչ որ իրն է, ինչ որ իր ցեղն իրեն է հասցրել դարերի ընթացքին, դարերի միջով:

Հայկը լռեց եւ ուսերը վեր քաշեց.

— Ո՞վ դիտէ...

Նրանք նստած էին Բարզէնի նկարների դիմացը: Երկու նկար էր ցուցադրել Բարզէնը, որոնցից մէկն առաջին իսկ վայրկեանին դամել էր իր վրայ Անուշի ուշադրութիւնը: Դա Մարգարիտի նկարն էր...

Արեւելքի աղջիկը... ձեռքին մի խնձոր... դէմքի կէսը կանաչ, միւս կէսը վարդագոյն եւ մազերը ծովի կապոյտ: Հուրհրան աղջիկ...

Բայց այն՝ ինչ որ դերել էր Անուշին, դա Մարգարիտի դարմանալի հայեացքն էր: Բարզէնը կարողացել էր խտացնել նրա մէջ ջերմութիւն, հուր ու կրակ, արեւելեան իմաստութիւն... Գաղտնիքների փափսոցին ունկընդիր, տիեզերքի բիթմը ականջին:

Մարգարիտի աչքերը...

Նկարը վերջացել էր առանց «մօղելի», յիշողութեամբ, որովհետեւ շարքաստիկ այն օրից յետոյ Բարզէնն այլեւս երբեք չէր կարողացել հանդիպել Մարգարիտին:

Ձէին կարողացել հանդիպել նրան ոչ Անուշը եւ ոչ Վարդենին: Առաջին այցելութիւնից մէկ շաբաթ յետոյ, երբ նրանք կրկին այցելել էին տիկին Սաթենիկին, դըռնապանուհին նրանց յայտնել էր որ տիկին Սաթենիկն այլեւս այդ արանդովում չի բնակում:

Հեռացել էր նա այնպէս յանկարծակի...

Անսպասելի այս լուրը շատ յանկարծակի էր եղել մանաւանդ Վարդենու համար, ու նա ամեն հանդիպողի տիկին Սաթենիկի մասին տեղեկութիւններ էր հարցնում: Նրա համար անհասկանալի չէր տիկին Սաթենիկի այդ վերաբերմունքը: Պարզ էր՝ Մարգարիտը չէր ցանկացել այլեւս հանդիպել Բարզէնի հետ: Բայց Վարդենին մտածում էր իր եղբոր՝ Ձաւէնի մասին... Ձէ՞ որ իր վերջին նամակների մէջ հայրիկը գրել, յայտնել էր, որ Ձաւէնը շուտով պէտք է ճանապարհէր դէպի Փարիզ... եւ հայրիկը լիայոյս էր, որ ճամբորդութիւնն ու Փարիզը կը ցրէին նրան պատած յոռետեսութիւնը: Ու թէեւ Վարդենին գրել էր հօրը ու պատմել արդէն Մարգարիտի ու Բարզէնի սիրոյ պատմութիւնը, հայրիկը դեռ յոյսը չէր կտրում եւ կարծում էր, որ Ձաւէնի Փարիզ դալով դործը մի կերպ կը կարգադրէր...

— Եւ ի՞նչ անէ հիմա հայ արեւստագէտը, Հայիկ, — շարունակում էր Բարզէնը յուզւած, — ելք չկայ: Գնա՞յ, ուրանա՞յ ամեն ինչ, ուրանա՞յ իր ազգութիւնը, փոխէ՞ լեզուն ու դառնայ ուրիշ մի բան: Ոչ ոք չի կարող հասկանալ հոգեկան այն ապրումները, որոնց ենթակայ է այսօր հայ երիտասարդութիւնը: Մարդիկ չեն տեսնում դուցէ թէ ինչ է կատարում՝ հայը կորցնում է հոգին... Ա՛հ, իսկ չկայ ոչինչ աւելի ողբերգական քան կորսւած հոգու ողբերգութիւնը... — Նա յուզւած նայեց Մարգարիտի նկարին: — Նայեցէք, — ասաց յանկարծ, — նայեցէք խնդրեմ այս նկարին, սէր, կրակ, մաքրութիւն, բերեղութիւն եւ հողի, հողի... Մինչ խրսած եմ ես ինչ որ ցելի մէջ: Իմ մէջս լոյս է, իսկ դուրսս խաւար, ես սիրում եմ ապրել կապոյտ երկնքի տակ, բնութեան մաքրամաքուր կապոյտ երազն աչքերին երեսայի պէս, մինչդեռ ապրում եմ այս ծուխ ու մուրի դիրկն ընկած: Ես

ընդունակ եմ սիրելու իմ հոգու ամբողջ ուժով ու ես չեմ կարողանում սիրել... Ես այլասերեամ, հոգիս կորցրած արեւելքցի եմ, իսկահան ես—ս կորցրած հայ եմ... Ես ոչ այս եմ, ոչ այն, — ոչ սառը տրամաբանող Արեւմուտքի մարդն եմ, ոչ հուրն ու բոցը հոգուս մէջ ամբարած արիւնքին եմ:

Նա լռեց:

Յանկարծ սրահը լուսաւորեց: Վերից՝ յատուկ շինւած թաղերի մէջ թաղցրած ճրագներից, լոյսի քուրաներ թափւեցին վար: Նկարները նոր կենդանութիւն ստացան:

Ճիւղէ այդ բոլորին էր, երբ առաջին յարկի գեղեցիկ սրահների մէջտեղից դէպի երկրորդ յարկ ձգող ճերմակ ու լայն աստիճաններով, հանդարտութեամբ բարձրանում էր տարօրինակ այն մարդը... Բարձրահասակ ու խոշոր կազմւածքով տարօրինակ այն մարդը, որ հագել էր մոխրագոյն բաճկոն, սեւ անդրավարտիկ եւ ձեռքին բռնած ունէր նեղ ու տափակ փոքրիկ մի պայուսակ:

Խորը մտքած դորշ կէպի—ի տակից, աջ ու ձախ նայելով, հանդիսաւորութեամբ բարձրանում էր նա շքեղ այդ աստիճաններից, առանց ուշադրութիւն դարձնելու իջնող ու բարձրացող մորթագարդ կանանց ու վայելուչ հաղնւած տղամարդկանց վրայ: Երբ հասաւ վերջապէս երկրորդ յարկի նախադաւիթը, դռուշութեամբ մօտեցաւ կարմիր թաւիչով ծածկւած սրահի ապակէ դռներին ու կռանալով, ձեռքի պայուսակը կամացուկ վար դրաւ:

Մտաւ սրահ:

Ամենքի պէս ընդհանուր մի ակնարկ նետեց պատերի նկարներին, ջանաց կարդալ սրահ, նրա ստորագրութիւնը, նստեց մի քանի բոլոր թաւէ աթոռի ծայրին, քորեց սկանջն ու կրկին սկսեց քայլել:

Հերթով՝ մէկիկ—մէկիկ նայեց նա բոլոր նկարներին,

բոլոր արձաններին ու կամաց—կամաց առաջանլով եկաւ ու կանգ առաւ Մարդարիտի նկարի առջեւ:

Կանգ առաւ թէ չէ՝ սկսեց բարձրաձայն ծիծաղել ու դառնալով մօտի երիտասարդին ասաց՝

— Էս ի՞նչ է, սո...

Երիտասարդը նայեց նրան լուրջ դէմքով: Այդ լուրջութիւնն աւելի զւարճութիւն պատճառեց նրան եւ նա կրկին ծիծաղեց.

— Հա, հա, հա...

Մարդու արտաքինը, նրա համարձակ մուտքը, արդէն շատերի ուշադրութիւնն էր գրաւել:

— Ո՞վ է:

Ամենքը նայում էին նրա կողմը:

Իր բազկաթոռի վրայից Բարդէնը նոյնպէս սկսել էր հետաքրքրութեամբ նայել տարօրինակ այդ անծանօթին... Իսկ անծանօթը շարունակում էր կանգնած մնալ նկարի առջեւ, որի խառը դոյների միջից ըստ երեւոյթին աշխատում էր որոշել բովանդակութիւնը:

Բայց այդ ժամանակ կատարեց յանկարծ անսպասի մի դէպք: Մարդը յանկարծ շուռ եկաւ... Շուռ եկաւ կարծես մի բանից ցնցւած, յետ—յետ դնաց, լայն թիւղունքների վրայ ցցեց դուրսը եւ ուշադրութեամբ սկսեց դիտել... Անուշին...

Երկուսն էլ բոլորապէս քարացան:

Անուշն աչքերը լայն բացած նայում էր նրան...

Ահա, ահա խոշոր դուրսը, մագերի խուրճը գլխարկի տակից ճակատն ի վար ընկած... Ահա քիթը, հաստ շերթունքները, թիկնաւէտ հասակը...

— Սպասիր, սպասիր մի լաւ նայեմ է՞, — խօսեց յանկարծ մարդն ու առաջացաւ դէպի Անուշը:

Նրա ձայնը փարատեց ամեն կասկած:

— Արտօ՛, — դոչեց Անուշը...

Հրեղէնն ձին ճեղքեց ամպերը... Ոսկէ բաշը ձեռքին կարծ ձիաւորը քշեց փրփրած երկվարն իր... Սէւ եամուռնջին փողփողաց նրա մէջքին ու ճերմակ փափախի տակից կայծ տւին աչքերը...

Գետնի վրայ դանուղ խորհրդաւոր մի դուռ բացեց, — կանաչ մարդադետին, դոյն-դոյն ծաղիկներ, պտղատու ծառերի շարաններ, ոսկէ տանձեր, յակինթէ խնձորներ... եւ այնտեղ, հեռուում բարտիների մօտ կանգնած, բրոնզէ արձանների պէս, ճերմակ ձիերի սանձը ձեռններին, հայդուկների խմբեր...

— Արտօ՛, դո՞ւ... — դոչեց Վարդենին Անուշի հետեւից ու նրանք երկուսով վեր թռան նստած տեղերից:

Արտօն յուզւեւ էր:

Մի քանի րոպէ առաջ քահ-քահ ծիծաղող այն մարդը չէր կարծես: Նրա աչքերը լցւեւ էին անհուն սիրով ու կարօտով...

— Աղջի ջան, դուք էք է՛... նայում եմ, նայում... Ես ի՞նչ իմանամ որ...

Նա յուզմունքից չգիտէր ինչ ասել ու քնքշութեամբ մերթ Անուշին, մերթ Վարդենուն էր նայում:

Անուշն ու Վարդենին բռնեցին Արտօի թեւից եւ ուրախ-ուրախ մօտեցրին նրան արդէն ոտքի կանգնած Հայկին ու Բարդէնին:

Հայկն անմիջապէս նոր մի բազկաթոռ բերաւ: Արտօին տեղաւորեցին իրենց մէջտեղն ու շրջապատեցին նրան:

— Գործից տուն էի վերադառնում. դիտէի, «բայսօր ցուցահանդէսի վերջին օրն է: Դէ, մեր հայ նկարիչներն են, չէ՞, ասացի դնամ, տեսնեմ թէ ի՞նչ են նկարում... Մենք էլ մի դաղափար ունենանք, չէ՞»:

— Իսկ իչո՞ւ էիք ծիծաղում իմ այս նկարի վրայ, հարցրեց Բարդէնը հետաքրքրւած:

Արտօն աչքերը դարձրեց նկարի վրայ ու սկսեց նորից ծիծաղել: Այնպէս պատ, անկեղծ էր ծիծաղում Արտօն, որ բոլորը վարակեցին նրանից:

Անխարդախ, հում, չտաշւած, չքաղաքակրթւած այդ մարդու ներկայութիւնը, շքեղ սալոնի մէջ, այնպէս յանկարծակի հաճելի թւաց բոլորին...

— Էդ դո՞ւ ես նկարել, — հարցրեց նա. — Բա ես ինչ իմանամ, ակպէք ջան... Կարմիր, կանաչ աղջիկ ես նկարել, ասես վարդերի փունջ լինի: Մարդն հօ էդ տեսակ չի լինում, չէ՞... Մաղերն էլ կապոյտ ես արել, բնութեան մէջ կապոյտ մագ կա՞յ:

— Չգիտես ո՞վ է Բարդէնը, Արտօ, — հարցրեց Վարդենին, նկատելով, որ Արտօն չի յիշում Բարդէնին:

Արտօն դուրսը բացասական շարժեց ու միաժամանակ աչքերը յառեց Բարդէնի երեսին:

— Եաւաչ տեսնեմ... Հը՞... Կարծես թէ ծանօթ դէմք լինի...

— Այս՛, ծանօթ է, Արտօ. Բարդէնը Գրիգոր աղայի տղան է, չէ՞ ս յիշում:

— Վահ, քո տունդ չքանդւի... ինչպէ՞ս չեմ յիշում, ինչպէ՞ս չեմ յիշում... Քո հայրը պատւական մարդ էր, լաւ էլ բաժակ բռնող էր, իմ արեւը... ազնիւ մէկն էր... Ուրեմն, դու էլ հիմա նկարիչ ես դարձել, հա՞... Լաւ, լաւ... Բայց էդ խեղճ աղջկան...

Ու Արտօն նորից դարձաւ դէպի նկարը:

— Արտօ, Արտօ, — ասաց յանկարծ Վարդենին մի բան յիշողի փութկոտութեամբ, — այդ նկարը տիկին Սաթենիկի աղջկայ՝ Մարգարիտի նկարն է... Դու յիշում ես, չէ՞, տիկին Սաթենիկին... Ասա, խնդրեմ, երբեք-



երբեք չե՞ս հանդիպել նրանց այստեղ, փարիզում... Ո՞ւր են ապրում հիմա... Դու գիտե՞ս նրանց նոր հասցեն:

Արտոն աչքերը լայն-լայն բացած՝ նայեց մէկ նկարին, մէկ Վարդենուն...

— Չէ՛... Ի՞նչ ես ասում... էս մեր Մարգարիտն է... Ասենք աչքերը նման են է՛...

Ու առանց պատասխանելու Վարդենու հարցին, Արտոն վեր կացաւ տեղից, մօտեցաւ կրկին նկարին... Նայեց երկար-երկար... աջից, ձախից...

— Բաւականին նմանութիւն կայ, երբ որ լաւ նայես... — ասաց մտահոգ ու նստեց:

Վարդենին հարցական նայեց նրան:

Արտոն դուռը բարձրացրեց:

— Այո՛, — ասաց, — տիկին Սաթենիկն իր ուղածն արաւ հէ խեղճ աղջկայ հետ:

Բարգէնն ուշադրութեամբ նայեց Արտոնին:

— Դուք ճանաչո՞ւմ էք նրանց:

— Ճանաչում եմ... Ի հարկէ, որ ճանաչում եմ... Մէկ ամբողջ տարի միեւնոյն պանդոկի մէջ ենք ապրել:

— Հօթել Օռքո՞լան, — հարցրեց Վարդենին ծայր աստիճան հետաքրքրած:

— Հօթել Օռքոլան:

— Իսկ ո՞ւր են հիմա նրանք:

— Հեռացան մեր պանդոկից նրանք չափազանց անսպասելի արագութեամբ, — սկսեց պատմել Արտոն: — Մի օր յանկարծ իմացայ որ չկան... Ե՞րբ էին մեկնել, ո՞ւր էին մեկնել չիմացայ:

— Յետո՞յ: — Երբեք, երբե՞ք այլեւս չհանդիպեցիք նրանց, — հարցրեց Բարգէնը:

— Հանդիպեցի... Այո՛, հանդիպեցի... — Արտոն

տխրութեամբ դուռը շարժեց: — Վերջերս, բոլորովին պատահամբ հանդիպեցի:

Ամենքը հետաքրքրած լուծ էին նրան:

Բարգէնի դէմքը աստիկ յուզած էր:

Մարգարիտի անակնկալ անհետանալը շատ խորն ազդեցութիւն էր թողել նրա վրայ... Իրեն համար իսկ անսպասելի ազդեցութիւն: Կորել էր կարծես թանկագին մի բան, վերջին մի կայծ երբեմնի բիւրեղ իր զգացմունքներից... Երբեմնի սիրող իր հողուց:

Բարգէնը երբեք չէր կարող երեւակայել, որ Մարգարիտի կորուստն այդպէս ծանր ազդեցութիւն պիտի թողնէր իր վրայ: Տարիներ լի փարիզեան կեանքն այնպէս էր յեղաթիւրել իր հոգին, որ Բարգէնը մոռացել էր իր իսկական էութեան ինչ լինելը: Սովորել էր ապրել առանց ինքն իր վրայ անդրադառնալու, փարիզեան կեանքի հետ համընթաց՝ դլտորեկով, պատէ-պատ դարնեկով: Մարգարիտի կորուստը կարծես սթափեցրել էր նրան:

— Ես գիտէի արդէն, — շարունակեց Արտոն հանդարտութեամբ, — գիտէի, որ տիկին Սաթենիկը նրա շուրջն էն Փրանսացուն էր պտտցնում շարունակ, բայց չգիտէի որ... Վաղուց էր չէի տեսել, մի օր հետու մի թաղամաս էի ընկել... Պատահամբ մտայ մի խանութ ու տեսնեմ, ի՞նչ տեսնեմ... Միեւնոյն Փրանսացին, սպիտակ դոզնոցը հագին, կշեռքի առաջ կանգնած գետնախնձոր է կշռում: Էս կողմ, էն կողմ... Պատի տակ նրստած էր ինքը՝ տիկին Սաթենիկը կար էր անում... Մէկ էլ դուռիս միւս կողմ դարձնեմ... Մարգարիտը կէսի ստաջ նստած դրամներն է հաշուում: «Հա՛ բարեւ, բարեւ, բոնժուռ, բոնժուռ, ինչպէ՞ս էք»... Ճիշդն ասած, մի փոքր շփոթեւ էի, չգիտէի ի՞նչ ասեմ, ի՞նչ հարցնեմ: Հասկացել էի արդէն թէ դործն ինչո՞ւմն է... էս կողմ,

էն կողմ, տիկին Սաթենիկը թէ դէ՛ «Հա, Մարգարիտն ամուսնացել է մըսիօ Ժողէի հետ»...

— Մըսիօ Ժողէի հե՞տ... ամուսնացե՞լ է արդէն...

— դռնէն Վարդենին դարմացած ու յուզւած:

Արտօն դիտով դրական շարժում արաւ:

Վարդենին նայեց Անուշի կողմը:

— Յիշում ես, չէ՞, այն Փրանսացուն:

— Յիշում եմ... — պատասխանեց Անուշը:

Բարդէնը ձեռքը խփեց ծնկին:

— Մարգարիտ... եւ մըսիօ Ժողէ...

— Նստած էր կէսի առաջն ու դրամներն էր հաշուում: Նայեցի: Հերթիս էի սպասում: Լաւ էլ խանութ էր մարդի խանութը: «Մի, մի էքստրաօղբինեա տղայ է, — ասում էր տիկին Սաթենիկը, — ինքն էլ գտարիւն Փրանսացի է»... — Շարունակում էր պատմել Արտօն, բայց Վարդենին այլևս նրան չէր լսում... Նա մտածմունքի մէջ էր ընկել:

Մարգարիտն ամուսնացել էր... Մարգարիտն ամուսնացել էր... Իսկ Զաւէնը դալիս էր... Եւ ինքը կարծում էր թէ... մըսիօ Ժողէ... գտարիւն Փրանսացի...

— Իսկ էն ինչ երես էր Մարգարիտի երեսը... Աստուած հեռու տանի: Դանակ խփէիր՝ արիւն չէր դուրս դալ... Կարծես թէ հոգին իրա մէջից փախել, գնացել էր: Աչքերը, ինչպէս որ շիւշա... Ամեն անգամ, որ ամուսինը յաճախորդի ձեռքն ապրանք դնելով, դուռում էր «Բէս սիլ վու պլէ», էն խեղճ աղջիկը բարձրացնում էր կախ ընկած դուռին ու ժպտալով նայում էր յաճախորդին... Բայց ի՞նչ ժպիտ... Մարդու լացն էր դալիս: Ժպտում էր, յետոյ իսկոյն լրջանում, սառում, մնում... Սիրտը չորացել էր կասես:

«Մարգարիտը, դաշնամուր եւ մենակեաց փշատե-

նին», — մտածեց Բարդէնը դառնութեամբ ու նայեց աղամայ իր նկարին:

Լռեցին:

— Մալխաս, — ասաց քիչ յետոյ Արտօն ու դարձաւ Հայկի կողմը: — Դէ, հիմա դու պատմիր նայեմ, մեր տղայ, ո՞ր էր մինչեւ հիմա:

Ու մինչ Հայկը պատմում էր Արտօնին, թէ կեանքն իրեն ինչպէս ափէ-ափ նետեց, ինչպէս ընկաւ Փարիզ, վերջիչում էր թաւրիզը, իրենց տունն ու ծանօթներին, իսկ Անուշն ու Վարդենին միջամտում էին անվերջ ու պատմում, պատմում, Վարդենին յանկարծ նկատեց, որ Բարդէնը չկայ: Նա անմիջապէս բարձրացաւ տեղից ու սկսեց աչքերով փնտռել Բարդէնին:

Հեռու, թափուր մնացած մի բազմոցի վրայ, մենմենակ նստել էր Բարդէնն ու գլուխն առել ձեռքերի մէջ:

Վարդենին կամացուկ մօտեցաւ նրան եւ ձեռքը դրեց նրա ուսին: Բարդէնը ցնցեց, շտկեց ու տխրութեամբ նայեց Վարդենուն:

— Վարդենի՛... Նստիր ինձ մօտ, Վարդենի, ես այնպէ՛ս մենակ եմ այսօր...

Վարդենին նստեց անմիջապէս:

— Տխրեցի՞ր... Մարգարիտն ամուսնացել է... Բայց չէ՞ որ միեւնոյն է, Բարդէն, Մարգարիտը եւ դու...

— Իրաւացի ես... Բայց կորցնելով Մարգարիտին, ես կորցրի ինձ... Այդ է որ ողբերգական է: Մարգարիտն իմ հոգու փրկութիւնն էր եւ ես չհասկացայ այդ:

Վարդենին նայեց նրան:

Բարդէնն անկեղծ էր խօսում:

Բայց յանկարծ Բարդէնը դարձաւ Վարդենու կողմը, երկու ձեռքերը մեկնեց դէպի նա, բռնեց նրա ձեռքը:

— Վարդենի... բայց այդ բոլորն անցաւ... անցաւ... Այդ երէկ էր... Այսօր ես ուզում եմ փոխել այլեւս: Դու ասում էիր, որ մեր տան ապակիները կոտրատւած են եւ որ մեր տունը կիսաւեր վիճակի մէջ է հիմա... Ես ուզում եմ վերաշինել մեր տունը, Վարդենի: Ես ուզում եմ փախչել Արեւմուտքի այս հրէշից, որ «քաղաքակրթութիւն» անւան տակ չողել է մեր բիլին ու խեղդում է մեզ: Պէտք է փախչել, փախչել... այլապէս ուշ կը լինի: Ես ուզում եմ դառնալ դէպի իմ իսկական էութիւնն ու ապրել իմ հոգու կապոյտով: Դու գիտե՞ս, Վարդենի, թէ ինչի՞ եմ ընդունակ ես... — Ես ընդունակ եմ մոռանալ ամեն ամեն բան՝ անկումներով լեցուն իմ անցեալն ու դեալ... Բայց ես այնպէ՞ս մենակ եմ... Հաւատա՛, որ այն ինչ որ դու տեսնում ես, այն կեանքը, որով ապրում եմ այսօր, դա արտաքին շարքն է իմ հոգու, որի տակ թաղնւած է մարդը իր իսկական արժանիքներով: Հաւատա՛, հաւատա ինձ, Վարդենի...

Վարդենին ապշած նայում էր Բաբդէնին: Նա լսում էր նրան ուշադրութեամբ ու կարեկցութեամբ, բայց սպասխանելու ոչինչ չէր դատում:

— Նայում եմ այժմ ես իմ շուրջը... մենակ եմ, բոլորովին մենակ: Ու թւում է ինձ, որ դու՛, դու, որ եկել ես իմ ծննդավայրից, եկել այն հին աշխարհից, որ տեղից եկել եմ եւ ես, դու միայն կարող ես ինձ հասկանալ, դու միայն կարող ես... Օգնիր ինձ, Վարդենի... Օգնիր ինձ...

Ու Բաբդէնը փրկութիւն հայցող մէկի պէս՝ մէկի պէս, որ անգոր այլեւս լողալու, փոթորկւած ծովի ալիքների մէջ ընկած, ձեռքը նետում է առաջին պատահած տաշեղին, կրկնում էր անդադար՝

— Օգնիր ինձ, Վարդենի, օգնիր ինձ... Զգում եմ,

որ յետոյ ուշ կը լինի այլեւս, ուշ կը լինի յետոյ... Իմ մէջ բոյն դրած մէկ ուրիշ ես—ս հուժկու իր դլուխը կը բարձրացնի մի օր ու կը կտրի իմ վերադարձի ճամբան: Հող, երկիր, հայրենիք ինձ համար անիմաստ խօսքեր կը դառնան ու կը կորչեմ ես: Փախչել, փախչել...

Նա ուժգնօրէն սեղմում էր իր աիւրի մէջ Վարդենու դողացող ձեռքը:

Բայց այդ ժամանակ սրահի լոյսերը մարեցին: Կամաց-կամաց դուրս եկան ուշացած վերջին այցելուները: Արտօն, Հայկն ու Անուշն արդէն մօտենում էին նրանց:

Վարդենին զգուշօրէն ազատեց իր ձեռքը Բաբդէնի ձեռքերից ու ոտքի ելաւ:

Մոխրագոյն լուսաւորութեան տակ մեծ այս սրահի պատերից կախւած նկարներն այնպէ՞ս խորհրդաւոր տեսք էին ստացել...

Յար եւ նման Փարիզի պանդոկների ուրիշ սենեակներին, լայն մահճակալ՝ վրան բնութւով շինւած խոշոր բարձ, բուխարեկ, ապակու տակ դրւած հնադարեան ժամացոյցով, որ երբեք չի դորձում, լւացարան՝ տաք ու սառը ջրի ծորակներով ու քսանհինգ մոմանոց առաստաղին կպած մի լամպ:—

Արտօնի սենեակը:

— Ի՞նչ դարմանալի գուղաղխութիւն, ի՞նչ դարմանալի գուղաղխութիւն,— կրկնում էր անդադար Արտօն եւ ուրախ-ուրախ դնում էր դալիս, դրկում մերթ Վարդենուն, մերթ Անուշին, շոյում էր նրանց դլուխները:

— Ուսանելու էք եկել, հա՞:

— Այո՛, Արտօ, ուսանելու ենք եկել:

Արտօն նստեց նրանց կողքին: Ու սկսեց կրկին ու կրկին հարց ու փորձ անել նրանց Թաւրիզից, Նուբարից, Մարջան հօրաքրոջից... Յետոյ մտածմունքի մէջ ընկաւ... Բայց այդ տեւեց միայն մի բոպէ, նա ժպտաց իսկոյն, վեր կացաւ տեղից, մօտեցաւ պահարանին, հանեց ասյտեղից սպիրտէ փոքրիկ ճրագը, վառեց, դրաւ սեղանին, բացատրեց, որ դա իր ինքնատէն է, յետոյ հանեց պահարանից ամեն ինչ, որ ունէր՝ հաց, սրանիր, իւլ, պտուղ եւ գինի ու ժպտաց կրկին:

— Այս գիշեր միասին պիտի ընթրենք, — ասաց նա ուրախացած երեխայի պէս:

Անուշը հետեւում էր նրա բոլոր շարժումներին:

Հայդուկ Արտօն էր դա...

Ինչպիսի սովորական մարդ էր...

— Ինչո՞վ ես պարապում դու այստեղ, Արտօ, — հարցրեց Անուշը, բայց զգաց յանկարծ, ինքն իսկ չիմանալով թէ ինչո՞ւ, որ չպէտք է հարցնէր... Պարզ այդ հարցն այնպէս տարօրինակ մի բովանդակութիւն ստացաւ յանկարծ, այնպէս նշանակալից դարձաւ...

Արտօն սակայն պարզութեամբ նայեց նրան եւ հանդարտ ձայնով պատասխանեց.

— Գործարան եմ դնում, սիրելիս, ինչպէս բոլոր ինձ նմանները: Է՛հ, տարագիր վիճակ է:

— Ի՞նչ գործարան:

— Օթոմոբիլի գործարան:

— Դու օթոմոբիլ՞ էս շինում:

Արտօն ծիծաղեց:

— Օթոմոբիլի փայտեայ կառուցածքի մի մասն եմ շինում միայն: Առաւօտեան ժամը 6-ից, մինչեւ երեկոյեան ժամը 6-ը: Այո՛, — շարունակեց նա, — այդպէս, ստիպւած ես:

Եւ Արտօն կանգնեց յանկարծ, կանգնեց ու սկսեց նկարագրել... Սոչոր ձեռքերով զանազան շարժումներ անելով, մասները բանալով ու փակելով՝ պատմածը տեսանելի դարձնելու համար:

— Մեծ մի աշխատանոց... Բազմաթիւ մեքենաներ, դանազանատեսակ... Երկար շարաններ բանուորների: Մի մասը պտուտակն է դարձնում, միւսն անիւի վերի մասը յղկում, երրորդը ներկում է, չորրորդը վայլեցնում: Դառնում են ֆրէզները, տուպիները — մօրտէզները: Մարդը կանդնել է խոշոր մեքենայի առաջ ու բարձրացնում է ձեռքը, նորից իջեցնում: Նա յենւած է միշտ աջ ոտքին, մէջքը ծռած, վիզը դէպի առաջ երկարած... Այսպէս տասը ժամ, այսպէս ամեն օր... Մեքենան դղրդում է, դառնում է կաշէ դօտին՝ պտտցնում խոշոր մի անիւ՝

Տիկ, տակ, տակ,

Տիկ, տակ, տակ...

Պէտք է շտապել, պէտք է միշտ շտապել: Վարանել չի կարելի. հարեւանն իր ժամանակին կը նետէ պիտքը. եթէ ուշանաս, հերթը կը կորչէ, «չղթան» կը կտրէ: Երկու վայրկեան, երկու վայրկեանի մէջ պէտք է հասցնես... Ու այդ երկու վայրկեանների մէջ, ինչե՛ր ինչե՛ր չեմ վերջիչում ես... — աւելացրեց Արտօն վերստին նրատելով ու գլուխը կախելով... — Երբեմն-երբեմն մեքենայի տիկ-տակն ականջիս գուննի ձայնի է նմանում... Ու յիշում եմ... — Նա մի բոպէ լռեց, ձեռքով երեսը շփեց... — Ու լսում եմ... ա՛յ շարաշ, ա՛յ շարաշ... Ի՞նչ անեմ, — չնշաց յանկարծ, — չեմ կարողանում՝ ուրիշին սիրել չեմ կարողանում այլեւս... Էս սիրտս չի կարողանում մոռանալ նրան...

Լռեց:

— Փոթորիկի պէս մի բան էր մեր կեանքը, փոթորիկի պէս մի բան... Գամիները ոռնացին, կայծակները հարածեցին ու ջարդած մեր նաւի բեկորները դուրս եկան անհարազատ ափեր... Իսկ յոյսերի ի՞նչալիսի օրեր ապրեցինք... Դու դեռ փոքր էիր, — Անուշ: Նստում էիր ծնկներին վրայ ու փափախս գնում գլխիդ: Դու չէիր հասկանում... Հայաստան էին մեկնում երկու եւրոպացիներ. գնում էին բարենորոգումների ծրագիրն իրագործելու: Ու մէկ էլ յանկարծ՝ պատերազմ... Այնուհետեւ կամաւորական խմբեր, կռիւներ ու անխախտ համոզում, որ այսօր—վաղը Վան պիտի լինենք, էրզրում պիտի դրաւենք: Ի՞նչ Վան, ի՞նչ էրզրում: Նահանջ ու ջարդ ու մէկ միլիոն զոհ... Փոթորիկ էր, փոթորիկ: Սարգարապատի հերոսամարտի շնորհիւ կարողացանք պահել փոքրիկ մի հողամաս, որ 1920 թւին բոլշեւիկների ձեռքն անցաւ: Ես էլ մի կերպ ինձ դրեցի Բաթում, ապա Պոլիս, Յունաստան, Բուլղարիա, յետոյ Փարիզ: Ո՞վ կարող էր երեւակայել, որ մի օր Փարիզում, հայ նկարիչների ցուցահանդէսի մէջ, պէտք է հանդիպէի քեզ, պէտք է հանդիպէի ձեզ: — Նա ժպտաց, կարճ, վաղանցիկ մի ժպտով: — Այո՛, բաղձադան են հայ ժողովուրդի ուղիները աղջիկս:

Սպիրտէ փոքրիկ ճրագի վրայ դրած ջուրն աղմուկով եռում էր արդէն: Արտօն վերցրեց շրթունքը կտորած մի բաժակ, որ ծառայում էր իբր թէյաման, չոր թէյի մի բուռ նետեց նրա մէջ ու սկսեց լցնել բաժակները:

— Հիմա այլեւս ոչինչ չունեմ աշխարհիս երեսին՝ ոչինչ ու ոչ ոք, բացի... յիշատակների մի խուրձինից:

Ու նա ցոյց տաւ պահարանի մօտի անկիւնում խնամքով տեղաւորած, դունադեղ թեղերից հիւսւած իր խուրձինը:

— Այդ խուրձինի մէջ է իմ ամբողջ հարստութիւնը՝

հողեկան հարստութիւն, ի հարկէ... Երբեմն, երբեմն բացում եմ այն, հանում մէջի եղած չեղածը, նորից դասաւորում... Ու...

Արտօն ակնյայտ ուրախ էր, որ առիթ էր ներկայացել կրկին անգամ պատմելու իր խուրձինի մասին: Անուշը զգաց այդ ու չյապաղեց խնդրել Արտօն բանալ խուրձինը, ցոյց տալ իրենց թէ ինչեր կային նրա մէջ պահած...:

Արտօն վեր թռաւ տեղից: Անակնկալ այդ հանդիպումն այնպէս էր ուրախացրել նրան, որ նա պատրաստ էր ցոյց տալ ամեն-ամեն ինչ, խօսել ամեն-ամեն բանի մասին, ինչի մասին որ տարիներ լուր, սուս էր արել:

Արտօն զգուշութեամբ բարձրացրեց խուրձինը, տեղաւորեց աթոռի վրայ ու սկսեց քակել հանդոցները:

— Ունեմ շատ հին լուսանկարներ, որոնք թերեւս ձեզ հետաքրքրեն:

Անուշը լցած հետաքրութեամբ՝ դէմքը մօտեցրեց խուրձինին:

Առաջին իբր, որ Արտօն զգուշութեամբ դուրս քաշեց խուրձինի միջից, խոշոր մի ալբոմ էր: Մի ըսպէ մնաց անշարժ, յետոյ ալբոմը մեկնեց երկու քոյրերին:

Լուսանկարների մի հաւաքածու էր, որի առաջին էջի վրայ ամբացրած էր Մարօի մեծադիր նկարը, սիրաշատ աչքերով, ծաղիկների մի փունջ կրծքին, երկու ձեռքերը կրծքին սեղմած:

Անուշն ու Վարդենին երկար-երկար նայեցին իրենց հօրաքրոջ աղջկայ հին այդ լուսանկարին:

— Նա մեռաւ, — մի պահ լուրթիւնից յետոյ, հագիւ լսելի ձայնով արտասանեց Արտօն, — բայց իմ հոգում նա միշտ կենդանի է: Կեանքիս մէջ երկու անգամ եմ ես ուժեղ տառապել ու դգացել կսկիծի ամբողջ խո-

րութիւնը, — աւելացրեց նա հառաչելով, — սիրտս երկու անգամ է միջից ձեզքուել...

Անուշը, որ ծանօթ էր Արտօի եւ Մարօի սիրոյ պատմութեան, հարցական նայեց նրան, — երկու անգամ էր սիրել արդեօք:

Արտօն այդ հայեացքին չպատասխանեց: Նա տխրութեամբ նայեց Անուշին ու դարձրեց ալբոմի էջը:

— Ճանաչո՞ւմ էք, — հարցրեց ցոյց տալով երկար մօրուքով ու բեխերով, հայդուկի տարազներ հագած ու կողք-կողքի կանգնած երկու անձնաւորութիւններ, որ յենած իրենց հրացանները վրայ՝ նայում էին խրոխտ ու հաւատով լցւած աչքերով:

Թէ Անուշը եւ թէ Վարդենին անմիջապէս ճանաչեցին Արտօին ու իրենց հօրեղբայր Համբարձումին, որ Արտօի հետ անցել էր Կովկաս ու անհետ կորել:

Արտօն յուզւած էր... Աչքերը լայն-լայն բացած՝ գլուխը մօտեցրել էր նկարին... Կռացել էր կարծես իր անցեալի վրայ ու պրպտում էր նրան կեռ մի ունելի ձեռքին... Մի անցեալ, որ չկար այլեւս. անհետ կորած մի անցեալ, որի յիշողութիւնները հնամաչ ու դեղնած լուսանկարներ էին դարձել միայն... Անցեալ՝ լի բոմանտիք զգացողութիւններով, որ այլեւս երբեք, երբեք չպէտք է կրկնէր:

Նրանք կամացուկ գլուխները բարձրացրին ու նայեցին Արտօին... Նրա դէմքն այլայլւած էր, աչքերը լցւած էին անհուն տխրութեամբ: Պարզ էր, որ Արտօն ապրում էր այդ անցեալով, աշխատում էր միշտ հրահրել, միշտ վերակենդանացնել այն իր յիշողութեան մէջ:

— Երբ կարօտը շատ է տանջում հոգիս, այն ժամանակ փակում եմ դուռս, նստում մենակ ու... — մի

պահ խօսքը կիսատ թողեց... — ու դնում եմ առջեւ այս տուփը:

Եւ Արտօն ձեռքը տարաւ դէպի խուրջինն ու հանելով այնտեղից փոքրիկ թիթեղեայ մի տուփ՝ դրաւ սեղանին:

— Այստեղ է տեղաւորւած իմ Հայաստանը, — ասաց նա երկիւղածութեամբ, — Այս է իմ սրբութիւնը...

Մի բուռ հող ու փոքրիկ մի սրահ ջուր...

— Երբ բացում եմ այս արկղն ու դնում առաջս, անմիջապէս քակում եմ թելերն յիշողութեանս ու միտքս ոլորապտոյտ ճանապարհներով յետ է դնում ու վերյիշում ամեն, ամեն կարօտ: Այս հողը Կարսի հողից է, իսկ ջուրը Երեւանից է: Տեսէք, քանի՞ տարի է անցել, դոյնն անգամ չի փոխել, փակ այս սրահի մէջ մնացել է թարմ, յիշողութիւններիս պէս:

Յետոյ Արտօն հանեց կլոր մի փափախ: — Սա էլ, երբեմն-երբեմն տանը դնում, նստում եմ... Դէ, այստեղ անյարմար է փողոցում ծածկելը:

Արտօն փափախը դրաւ գլխին ու ժպտաց: Յանկարծ նա ձեռքը մեկնեց ու խորհրդաւորութեամբ դուրս քաշեց խուրջինի խորքից երկար մի իր...

— Շւի՞... — Այո՛, շւի, այս էլ Հայաստանից եմ բերել:

Ու ողբւորւած՝ ծոեց փափախը: Յենեց մահճակալի երկաթին ու գլուխը վեր բռնած՝ սկսեց նւագել:

Սենեակը լցեց «հովւի բայաթի»ի մելամաղձոտ կլկլոցներով:

Արտօի մեծ ու կլոր մատները դարմանալի հմտութեամբ սահում էին շւիի անցքերի վրայով: Նուրբ ու տխուր ձայնը պարզ այդ գործիքի երազի միջից էր դուրս կարծես... Հեռո՛ւ-հեռո՛ւմ՝ դաշտեր ու ձերմակ

դառններ... փոքրիկ մի հովիւ, աարի լանջին սիրուն մի գիւղակ, ու ծաղկած նշենիններ:

— Իսկ ա՞յս ինչ է, Արտօ,— հարցրեց Վարդենին՝ դուրս քաշելով խուրջինի միջից հաստ ու խոշոր մի տետրակ:

Արտօն, որ դարպանից թաշկինակը հանած խնամքով շէրի ծայրն էր չորացնում, լրջացաւ իսկոյն:

— Դա՞, դա իմ միակ մխիթարութիւնն է,— ասաց նա՝ շէրն դնելով սեղանի վրայ ու ձեռքը տարաւ դէպի տետրակը:

— Հում նիւթ ապագայ պատմութեան համար: Որովհետեւ կարեւոր բաներ կան... Մեզ պէս մարդիկ, մի տեսակ, ստիպւած են, այսպէս ասած, գրի առնել...

Եւ Արտօն սկսեց հանդարտութեամբ եւ հանդիսաւորութեամբ թերթել յուշատետրի էջերը:

Նրա հաստ շրթունքները իրար վրայ եկան, այտերի երկու ակօսներն աւելի խորացան եւ ճակատը կնճռոտեց: Վարդենին մի րոպէ կռացաւ տետրի վրայ, բայց անմիջապէս գլուխը յետ քաշեց:

— Տես, տես, դադտնի բան չկայ, պատմութիւն է, յուշերս են... Գրել եմ եւ գլխաւորապէս Կարսի մասին: Ինչ առաջ ասացի ձեզ, որ ես երկու անգամ եմ դգացել մահաւան սարսափը՝ սիրտս երկու անգամ է մէջտեղից պատուէլ... Մէկ անգամ, երբ մեռաւ Մարօն, իսկ միւս անգամ, երբ Կարսը յանձնեցինք թշնամուն: Տասներկու գլուխ է: Եթէ գործարանն ու այդ անպիտան մեքենաները չլինէին, որ կլանում են իմ ժամանակը, արդէն վերջացրած կը լինէի: Առաջին գլխի վերնագիրն է՝ «Բէզլի-Ահմեդի կայարանում»: Այս կայարանում էր, որ զօրավար Բէյ-Մամիկոնեանի սիրտն առաջին կասկածն ընկաւ, թէ մենք Կարսը չպէտք է կարողանանք պաշտպանել:

Երկրորդ գլուխը կոչոււմ է՝ «Իմ դեան անցնելը»: Սա կարեւոր է, որովհետեւ իմ ունեցած ապրումները չափազանց հետաքրքիր էին: Դէ, ինչ արած, հրացանն ու փամփուշտը փոխեցինք թուղթ ու դրչի:

Արտօն լռեց յանկարծ եւ պաշտօնական լրջութեամբ սաքը դցեց սաքին:

Յաւալի եւ միեւնոյն ժամանակ ծիծաղելի մի բան կար նրա այդ լրջութեան մէջ:

Ինչ յետոյ նա դարձաւ, նայեց իր հիւրերին.

— Եթէ կուզէք,— ասաց,— գնանք մի փոքր պըտըտելու: Ես իմ պատմութիւնը կը շարունակեմ փողոցում:

Ու մէկիկ-մէկիկ հաւաքելով բոլոր իրերն ու դասաւորելով վերստին խուրջինի մէջ, նրանք միասին դուրս եկան փողոց:

Գաղաքը սլլպլում էր աստղալի երկնքի պէս: Ամեն կողմից լոյսերի հեղեղ էր թափւում մայթերի վրայ: Պանթէոնի հրատարակից երեւում էին Լիւքսենբուրգի ծառերի դադաթները: Հրատարակի աւազանի բազմաշիթ շատրւանը, ուրախ-ուրախ ժայթքում էր վեր ու ճերմակ փրփուր դարձած, փշրելով յետ էր թափւում աւազանի ջրերի վրայ: Նրա մարդարիտէ կաթիլները մի պահ մնում էին օդում, իրենց թափանցիկութեան մէջ անդրադարձնելով բոլոր լոյսերը, որոնց ճառագայթները բեկւելով ջրէ այդ գնդակների մէջ՝ դարձանալի երանդաւորումներով թափւում էին անցորդների բերբերի մէջ: Սրճարանների ապակիների ետեւ նստած մարդիկ անհոգ պուպրիկները նման ժպտում էին իրար, խօսում կարծե: բնաւ իրենց չվերաբերող հարցերի մասին, անյոյզ ու անտարբեր հայեացքներով: Կարծես աներեւոյթ մի ձեռք՝ մեծ մի

երեխայ իր հաճոյքի համար խաղ էր սարքել խօսուէն այդ տիկնիկներին ու այժմ դիտում էր վերինց :

Պանթէոնը, ուրբուն իր սիւներով մութի միջից պատկառեւ իր դեղեցկութիւնն էր սրարտադրում բոլորին :

— Եօթերորդ եւ ութերորդ դլուխները նւիրւած են կոիւնների նկարադրութեան : Այսպէս, օրինակ, 1918 թւի կոիւնները Կարսի ամբոյցների վրայ ու աշուհեւեւ նահանջը... Նահանջ մինչեւ Ալեքսանդրապոլ... Բայց ի՞նչ նահանջ : Անկանոն, ցաք ու ցրիւ... Կարսից դեռ նոր դուրս եկած, թշնամին մեր թիկունքն էր անցել... Տեղի ունեցաւ կատաղի կոիւ, դորքն ու ժողովուրդը խառնել էին իրար ու մէկ էլ, ի՞նչ տեսնեմ... — Արտօն կանգնեց... — այն ինչ որ տեսայ, երբեք, երբեք չպէտք է մոռանամ... Թշնամին դիրք էր բռնել բլրի գլխին, — նա ձեռքով նկարագրեց բլուրի ձեւն ու բարձրութիւնը, — գնդակների տարափը թափւում էր գլուխներիս... Այլեւս նահանջի ճամբայ չէր մնացել... Պառկել էինք բաց դաշտում, — գլուխը մտքեց ուսերի մէջ, — ու անդոր ճիգով պատասխանում էինք նրանց հարածներին : — Թեւերը երկարած հրացանի խողովակը պատկերացրեց. — Մէկ էլ մէկը վեր կացաւ տեղից ու ցատկեց ձիու վրայ... Ցատկեց ու բղաւեց... «Տղէք ջան, ձեզ մատաղ, յառա՛ջ... ձեր հոգուն գուրբան», — կանչեց ու քշեց ձին դէպի թշնամին : Գնդակները շուրջը պար էին բռնել, բայց նա դռում էր՝ «յառա՛ջ, յառա՛ջ, տղէք ջան, ձեր հոգուն մեռնեմ»... Մէկ էլ յանկարծ մի հոգու պէս բոլորը ստքի ելան ու գոռալով ու կանչելով սկսեցին վազել նրա ետեւից... «Դէպի բլուր» : Էսպէս եղաւ, որ ճամբան բացւեց, թշնամին փախաւ, ու մենք կարողացանք նահանջել : Կարող էք երեւակայել, թէ ո՞վ էր այդ քաջ երիտասարդը,

— սասց Արտօն շեշտակի նայելով մերթ Վարդենուն, մերթ Անուշին, որ կանգնել էին նրա երկու կողմերում ու հետաքրքրութեամբ լսում էին նրան :

— Ո՞վ էր, Արտօ, — հարցրեց Անուշն, ինքը եւս վարակած նրա յանկարծակի յուզմունքից :

— Այնուհետեւ ես նրան երկար փնտոեցի, երկար հարց ու փորձ արի, բայց մեր զօրաբաժինների ճամբան տարբեր էր... Ու ես նրան կորցրի :

— Բոլորովին չեմ կարողանում մտածել թէ ով կարող է լինել :

— Տիգրանն էր, Անուշ, Տիգրանը՝ եղբայրդ...

— Տիգրանը, — գոչեցին Անուշն ու Վարդենին, ու մնացին քարացած... Վարդենին սեղմեց Արտօի թեւը...

— Դու չգիտե՞ս ուրեմն, թէ ի՞նչ է պատահել նրան... ախ, Արտօ...

Արտօն կանգնեց :

— Սպանւե՞լ է...

— Չէ, չէ, Արտօ, Տիգրանը խելագարւել է...

Ու նրանք պատմեցին ամեն, ամեն ինչ :

Արտօն մոսայլեց ու լռեց :

Նրանք կանգ առան Café Source -ի լայնաբաց դռների առաջ :



1928 թիւն էր:

Անցնում էին տարիները տարիների ետեւից: Վարդենին ու Անուշը սակայն չէին մտածում ծննդավայր վերադառնալու մասին:

Նուրարը վաղուց էր դադարել նրանց դրամ ուղարկել, եւ երկու քոյրերը ստիպւած էին աշխատելով շահել իրենց ապրուստը:

Աշխատել եւ ուսանել միաժամանակ...

Գերբնական ճիշտով բռնած կատաղի ժամանակը, խռոնւած ընդհանուր հոսանքին, հաւաքւած ու ավերի մէջ ամուր սեղմած ցանկութիւններն իրենց, պայքարելով բոլոր խոչնդոտների դէմ, Վարդենին ու Անուշը վազում էին դէպի իրենց նպատակը:

Սկզբի շրջանում աշխատում էին դրասենեակում, յետոյ հիւսւածքի աշխատանոցում, բայց ի վերջոյ Հօթել Օրտոլանը դարձաւ նրանց փրկութեան աղբիւրը:

— Հիչ հոգ մի՛ ընէք, — ասում էր Շուշանը: — Կամաց-կամաց ձեռներդ կը վարժեն, վերջը մեքենայի դրամն ալ կը հանէք: Այդքան բան սորված էք, հիմա ուրիշ կարե՞լը չպիտի կրնաք սովրել...

Ու Շուշանը, կեանքի դէմ պայքարողի փորձած արտայայտութիւնը դէմքին, խնամքով փաթաթում էր կարերի կապոցը:

Կարերի կապոցը...

Երբ առաջին անգամ Վարդենին թեւի տակ առած խոշոր այն կապոցը, տուն էր վերադառնում, ամօթից չիմացաւ թէ ինչպէս անցաւ փողոցով... Եւ երբ տուն ընկաւ, քաշեց անմիջապէս լուսամուտի վարագոյրը, — ի՞նչ կը մտածէին հարեւանները... Բայց նրանց մտահոգութիւնը երկար չտեւեց: Նրանք շատ շուտով զգացին, որ այդ քաղաքում ոչ ոք իրենցով չէր հետաքրքրւում... Կայի՞ն, չկային, ո՞ւմ ինչ փոյթն էր...

Այնուհետեւ ամեն առաւօտ կանուխ Վարդենին նետւում էր փողոց: Պէտք էր կարը ժամանակին հասցնել, կրկին տուն վերադառնալ, վաղել համալսարան, նորից տուն, նստել մեքենայի առաջ, աշխատանքը ժամանակին վերջացնել, վաղել դրադարան, իսկ առաւօտ կանուխ նորից դէպի մէտրո:

Արագ-արագ դառնում էր մեքենան Վարդենու ձեռքի տակ եւ հագուստները մէկը միւսի ետեւից նետւում էին Անուշի կողմը, որ իր հերթին շտապ-շտապ ամրացնում էր նրանց օձիքները, գօտիները, կո՛նակները:

Այսպէս անցնում էր ժամանակը:

Այժմ մէկ տարի էր արդէն, որ Վարդենին աւարտել էր համալսարանը:

Մէկ ամբողջ տարի...

Առել էր վկայականը, փակել դպրոցի մէջ ո՞ւ... ու շարունակում էր կար անել...

Կար էր անում օրւայ ապրուստը հազիւ շահելու համար, բայց չէր վերադառնում իր ծննդավայրը...

Վեց տարւայ փարիզեան կեանքն այնպէս է փոխել Վարդենուն... Նոր մարդը բարձրացել էր արդէն իր մէջ, նոր մարդը, որ չէր ուզում այլեւս յետ դառնալ դէպի

Հինը, իսկ հոգու խորքում յոռետեսութիւնն իր սերմերն էր ցանում...

Յոռետեսութեան սերմերը, որ դնալով նոր ծիւղեր էին արձակում ու աճում, աճում...

Բայց ո՞վ էր արդեօք այդ սերմերը թափել Վարդենու հոգու մէջ: Իր շրջապատը, Փարի՞զը, թէ՞ Ջաւէնի ժպիտը...

Մի քանի տարի էր արդէն, որ Ջաւէնը Փարիզ էր: Իր դալու առաջին իսկ օրից նա յորդորում էր քոյրերին տուն վերադառնալ. գնալ հայրիկի եւ մայրիկի մօտ, որոնք ծերացել էին արդէն ու իրենց կարօտով էին ասլորում:

— Փնտռումների անվերջ ճամբաներ ենք բռնել մենք, Վարդենի, — ասում էր Ջաւէնը, — փնտռումների ճամբաներ... Եւ ով գիտէ թէ այդ ճամբին մեր կորցրածը աւելի շատ չէ՞, քան մեր գտածը: Պէտք է վերադառնալ, քանի որ չէ, որովհետեւ յետոյ ուշ կը լինի այլեւս... Մտածիր թէ ի՞նչ գնով, ինչպիսի ճիգով ես աշխատում դու ձեռք բերել թղթի այդ կտորը... Դու կը ստանաս այդ թուղթը եւ կը դնես դզրոցի մէջ, եւ նա այնտեղ էլ կը մնայ... Այնտեղ էլ կը մնայ, Վարդենի... Որ ի՞նչ: Աչխարհը շուտ է եկել եւ արժէքները փոխել են: Մենք մի սերունդ ենք, որի առաջ ճամբաներ չկան: — Պոկեցինք մեր միջավայրից, կտրատեց շղթան, եւ մենք դարձանք ցաք ու ցրիւ ընկած օղակներ: Մեր հողիներում անդունդացաք ու ցրիւ ընկած օղակներ: Մեր հողիներում անդունդներ բացեցին... Աշխատիր չկապել քեզ մեր սերունդի հետ, Վարդենի, մի՛ փորիր անանցանելի այդ փոսերը քո առաջ:

Վարդենին աշխատել էր ասպացուցել Ջաւէնին, որ մարդը պէտք է միշտ ձգտէ առաջ դնալու, պէտք է ջանայ

լայնացնել իր մտքի հորիզոնը եւ այդպիսով յաղթահարել կեանքը:

— Առեղծաւածային հարցեր են այժմ այդ հարցերը, Վարդենի, ամբողջ մարդկութիւնն այսօր հողեկան տաղնապ է ասլորում: Չե՞ս տեսնում ամեն բան հիմնել է նիւթի վրայ: Անհատը կորցրել է այլեւս ինքն իրեն, մարդը կորցրել է իր հողին, ստեղծել է en série մի մարդկութիւն, իսկ դու եկել, բան ես փնտռում:

Այսպէս էր ասել Ջաւէնը:

Եւ այն օրը, երբ Վարդենին վկայականը բացել ու փռել էր եղբոր առաջ, Ջաւէնի դէմքի վրայով տխուր մի ժպիտ էր անցել...

Փարիզ դալուց յետոյ Ջաւէնը վճռել էր այլեւս Թաւրիզ չվերադառնալ: Այստեղ նա հանդիպել էր Նատային ու նորից կապուել նրա հետ:

Առաջին շրջանում նա յաճախ էր այցելում իր քոյրերին, բայց կամաց-կամաց այդ հանդիպումները պակասում էին, ինչպէս եւ սրահասում էին ծնողներին ուղղւած նամակները:

Նատայի մասին Անուշն ու Վարդենին զանազան բաներ էին լսում: Պատմում էին, որ նա ասլորում էր մի ոռու երբեմնի սպայի հետ, բայց միաժամանակ սիրում էր Ջաւէնին եւ չէր ցանկանում բաժանուել նրանից... Ասում էին որ նրանք երեքով միասին միեւնոյն բնակարանի մէջ էին տեղաւորւած, բայց Վարդենին ու Անուշը ստոյգ ոչինչ չգիտէին:

Ի՞նչ էր անում, ինչո՞վ էր դրադուում ինքը՝ Ջաւէնը, նրանք շատ բան չգիտէին: Գիտէին միայն, որ Ջաւէնը Նատայի հետ միասին աշխատում էր միեւնոյն ճաշարանի մէջ: Բայց այդ մասին Ջաւէնը բնաւ չէր խօսում իր քոյրերի հետ:

Ամեն անգամ, երբ Զաւէնը դալիս էր նրանց մօտ չէր մոռանում Վարդենուն իր հին հարցումը կրկնել՝ չե՞ն վճռել արդեօք տուն վերադառնալ: Զաւէնը միշտ նոյն տեսակէտի վրայ էր կանգնած: Իսկ ինչ վերաբերում է իրեն՝ իրեն վրայ Զաւէնն վաղուց արդէն խաչ էր քաշել կարծես:

Վարդենին ուսերն էր բարձրացնում ու դուրսը շարժում:

— Առայժմ ոչ: Բայց վե՞րջը: Վերջը պէտք է վերադառնան... Ի հարկէ, պէտք է վերադառնան, ի՞նչ պէտք է անեն այստեղ, Փարիզում...

Վերջը... Բայց ե՞րբ: Այդ ինքն էլ չգիտէր: Նա գիտէր միայն, որ Փարիզը կրծում էր իրեն, կրծում թէ հողեպէս, թէ Ֆիզիկապէս, բայց հեռանալ նրանից դժուարանում էր այլեւս...

Վարդենին զգում էր, որ Փարիզի պանդոկում, ուր ապրել էր ինքը, սրճարաններում, պողոտաների վրայ, լոյսերի մէջ հալւած, իր հոգուց մասնիկներ կային մնացած... Ու թէեւ այդ զգացմունքը նրան ցաւ էր պատճառում, բայց այդ այդպէս էր:

Ցաւ էր պատճառում, որովհետեւ նա գիտէր, զգում էր, որ Փարիզը իրեն հարադատ չէ, որ կապելով նրա հետ իր առաջ ոչ մի հեռանկար չկար: Բայց ի՞նչ անէր... Չէ՞ որ այնտեղ, հեռու իր ծննդավայրում տխուր ու թախծոտ է ամեն բան, սուր ու տհաճ գզացողութիւնը մանր, ոչինչ կեանքի շարունակ պաշարում է մարդուն, եւ մեռնում են այնտեղ հողու բոլոր թռիչքները...

Հեռու իր ծննդավայրում...

Ի՞նչ պէտք է անէր ինքն այնտեղ:

Վարդենին զգում էր այժմ, որ այնտեղ եւս անելիք չկար իր համար:

Իսկ ժամանակը սահում էր, սահում... եւ կարի մեքենան շարունակում էր արագ-արագ պտտել Վարդենու ձեռքի տակ՝

Տիկ տակ-տակ, տիկ, տակ...

Դառնում էր հսկայ ջրաղացքարը, դառնում ահռելի արագութեամբ... Փարիզն իր խելակորոյս ընթացքի մէջ էր շարունակ եւ Վարդենին ու Անուշը խառնել էին արդէն այդ ընթացքին:

Իսկ տնից եկած նամակներն այնպէս տխուր էին...

«Տունն այժմ տխուր է ու դատարկ, — գրում էր Նուբարը, — պարտէզը լքած է բոլորովին եւ վարդի թփերը երկարել, փուել են սաքուի վրայ... Թթենու հովանու տակ Մանին ամեն առաւօտ, վաղեմի սովորութեան համաձայն, դցում է ճերմակ սիրտոցը, ինքնատեղ վրան դնում, բայց մարդ չկայ, որ նստէ սեղանի շուրջը»...

Իսկ վերջին նամակը Տիգրանի մահն էր դուժում: Նուբարն երկար-երկար գրել նկարագրել էր նրա թաղումը, իենց ապրումները...

Մենակ, մենակ էին այլեւս Նուբարն ու Մանին...

Մեն-մենակ:

Նուբարի վերջին այս նամակը ծանր, շատ ծանր տալաւորութիւն էր թողել Վարդենու վրայ:

Ամբողջ գիշեր տխուր ու սեւ մտքեր պաշարել էին նրան. գիտէր, որ այլեւս հասել էր ժամանակը եւ ինքը պէտք է մեկնէր... Պէտք էր գնալ ծնողների մօտ... Փարուել նրանց սիրոյն ու... ու մխրճել մոռալ այն իրականութեան մէջ...

Պէտք էր գնալ այլեւս:

Այդ գիշեր Վարդենին երկար չքնեց:

Վարդենին չգիտէր սակայն, որ կեանքն իրեն համար մի այլ ուղի էր դժել:

«Պատուհանիս փեղկը քամու սուլոցի հետ անդադար դնում էր դալիս ու խփւում երկաթէ ձողերին՝ թը՛րխկ, թըրը՛խկ...»

Նստած, կամ աւելի ճիշտ տարածւած էի երկար ճօճաթոռիս վրայ, վառարանին շատ մօտիկ, եւ աշխատում էի կենտրոնացնել մտքերս:

Այդ օրւայ իմ մտքերը... Տարածուն, անձեւ, հեռու-հեռու ժամանակներից պոկւած, գլխիս թափւած՝ մերթ մոռացւած, անցեալի յիշողութիւնների մէջ թաղւած սիրելի դէմքեր, մերթ մանուկ օրերիս մութի մէջ երեւակայած այլանդակ հրէշներ, — սենեակիս մէջ ձեւ ու մարմին առած երերուն առարկաներ:

Սենեակս լուսաւորւած էր դրսից եկող ելեկտրական պաղ լոյսով: Այդպէս լաւ էր՝ լուսինն էր յիշեցնում:

Աշխատանոցի մէջ խաղաղութիւն էր տիրում: Զարհուրելի աղմուկ հանող մեքենաներն այդ օրը չէին աշխատում: Լսւում էր միայն նրբանցքի դրան ձայնը, որ մերթ ընդ մերթ քամու ուժեղ հարւածներից աղմուկով դարնրւում էր սրտին: Գրաչարներն էին միայն բարձրաձայն խօսում, եւ յաճախ կառավարչի հրամայական ձայնն էր թնդում:

Հողուս մէջ ներդաշնակութիւն ստեղծելու համար, ես աշխատում էի կառչել որեւէ ձայնի, որ հնչէր անդա-

դար ու միօրինակ եւ իջնելով թփրտացող հողուս վրայ՝ հանդստացնէր նրան: Եւ այդ բոլոր ձայների մէջ պատուհանիս փեղկն էր միայն, որ քամու սուլոցից կարծես գլտակցօրէն դնում էր դալիս, բախւում էր երկաթէ ձողերին՝ թը՛րխկ, թը՛րխկ:

Ո՛վ դիտէ, թէ որքան ժամանակ ընկած էի այդպէս անշարժ ու դատարկ գլխով: «Մի կտոր հաց» գտնելու խնդիրը, որ մուրճի պէս կախւած է շարունակ մեր գլուխների վրայ, այս անգամ տպարանի դռնապանի պաշտօն ստանձնելով էր լուծւել ինձ համար:

Հարած արճիճի կծու ծուխն առաւօտ, իրիկուն, լցնում էր ողջ շէնքը: Քսանըչորս ժամ անընդհատ աղմըկում էին մեքենաները, բանւորները յաճախակի արկածի էին հանդիպում, իսկ պաշտօնից վտարւելու վտանդն ամեն բոպէ կախւած էր գլխիս:

Աչքերս կիսաբաց դիտում էի սենեակիս ծանօթ առարկաներն ու, տենդի մէջ գառանցողի պէս, ինքս ինձ հետ խօսում:

Գլուխս ուռել էր կարծես, մարմինս ծանրացել էր ու խոշորցել: Խսիրէ աթոռի կամարածեւ յենարանից ինձ էր նայում մանրիկ աչքերով հսկայ մի գլուխ: Երկարաւուն քիթ ունէր նա, լայն, սեղմւած բերան ու գլխի աջ կողմում սեւ մի դունդ: Խոշոր կատուն, պահարանի մօտ նստած, պտտող փայլուն աչքերով, ճերմակ ու սուր ատամներն էր ցոյց տալիս՝ մլաւում էր երեւի: Գրասենեակիս վրայ սուերները արանքում, կանգնած էր թէյամանը, մեծացած, ուռած, մէկ ձեռքը մէջքին օղակ շինած, միւսը հարցական դէմ տւած պատին:

Մահճակալի կամարին նետւած վերարկուս աչքերիս առաջ ձեւաւորւում, երկար մի մարմին էր դառնում. — իմ երկրում, մանկութեանս օրերին տեսած ծանօթ մի

մարդ... ճիշտ ու ճիշտ նա.— կրորդ գլխարկը դանկի ծայրին, աչքերը ծուռ, վերի շրթունքը պատուած ու ատամները թափած: Քաղաքի հնավաճառը... Նայում էր ինձ անշարժ ու յամառ աչքերով:

Թ՛ը՛րխկ, թ՛ը՛րխկ...

Անշարժ եմ:

Թ՛ը՛րխկ, թ՛ը՛րխկ...

— Ո՞վ է այդտեղ:

Բանւորներից մէկի ձե՞ռքն է վիրաւորւել, երեկոյեան նամակաբե՞րն է արդեօք, թէ՞ նորեկ մի յաճախորդ: Ինչ կուզէ լինի, մի՞թէ ես իմ ցանկութեանս տէրը չեմ... Այսօր ես իմ դուռը ոչ ոքի համար չեմ ուզում բանալ: Ոչ ոքի եւ ոչ ոքի: Ինչ կուզէ լինի, կուզեն թող թեւիցս բռնեն դուրս նետեն փողոց, չպիտի բանամ:

Թ՛ը՛րխկ, թ՛ը՛րխկ:

Ու, յանկարծ, մարմնիս երկայնքով ինչ որ մի բան շարժեց, ինչ որ մի բան ցնցեց ու պոկեց ինձնից... Կենդանի մի բան, որ վեր կացաւ, կանգնեց առջեւս մութ քողից շինւած սուերի նման թափանցիկ, շողոքորթ ու համակերպող ժպիտը դէմքին...

Նայեցի: Ես էի: Իմ երկրորդ «ես»ն էր, որ այդպէս սիրալիր, համակերպող ու շոյող ժպիտ էր ցոյց տալիս աշխարհին:

— Ի՞նչ կայ, ինչո՞ւ վեր ելար,— հարցրի:

— Պէտք է բանալ դուռը,— ասաց նա ու ժպտաց:

— Ի սէր աստծոյ, դոնէ մի ժպտա:

Նա ծիծաղեց հեղնոտ:

— Զժպտամ... Բայց եթէ իմ ժպիտը չլինէր, դու վաղուց կորած էիր արդէն:

— Երբե՛ք,— ասացի գայրացած:

— Մէկ-մէկ թւե՞մ: Յիշո՞ւմ ես, երբ քաղցած ու

անդործ էիր... բարկացած այս ու այն կողմն էիր ընկել՝ դործ էիր փնտռում, դրամ խնդրում... Բայց մարդիկ նայում էին քո անհրապոյր, քո պահանջկոտ դէմքին ու մերժում էին քեզ: Մերժում դրամ, դործ, ամեն օդնութիւն: Իննադատում էին ամեն քայլէ, պախարակում անճարակութիւնը, իսկ դու միշտ մոռայլ, դու միշտ անբաւական էիր...

— Յետոյ ի՞նչ:

— Յետո՞յ: Յետոյ ես քեզ օդնութեան եկայ: Յիշո՞ւմ ես, շաքարի դործարանի դռների առաջ հերթի էիր կանգնել... Այդ օրը դու արթնացել էիր շատ կանուխ: Անքուն, մրսելով, առանց մի պատառ հաց բերանդ դնելու, կանգնել էիր ուրիշների կողքին: Զայրացած ու բորբոքւած էիր ոչ մարդկային վերարեմունքի համար, չէ՞ որ երեք ժամ հերթի կանգնելուց յետոյ, ներս ընդունելու համար այնպէս անամօթաբար շօշափում էին թեւերի մկանները, ոտից դուրս չափելով ձեզ, ձեր հասակն ու ոյժը հասկանալու համար: Երեք ժամ հերթի կանգնելուց յետոյ... Ոգեւորւած էիր, որ կարողանում ես բոլորի սրտից խօսել, համոզւած էիր, որ բոլորն էլ դայրացած են քեզ պէս: Եւ երբ հերթը քեզ հասաւ, արհամարհանքով նետեցիր թղթերդ քառակուսի պատուհանի ետեւ նստած այն մարդու առաջ: Մարդը խոժոռ-խոժոռ նայեց քեզ: Դու աւելի բարկացած պատասխանեցիր նրա հայեացքին: Ո՞ւ... Ու առանց թղթերդ նայելու, «գնա», ասաց, «տեղ չունինք այլեւս»: Դու յետ-յետ գնացիր ու գարմացած տեսար, որ քեզնից յետոյ շատերը, շողոքորթ ժպիտները դէմքերին ու գլխարկները ձեռներին, խնդրող ու հայցող հայեացքով մօտեցան քառակուսի պատուհանին: Նրանք ընդունւեցին, իսկ դու գլխիկոր տուն վերադարձար: Այդ օրն էր, որ ծնւեցի ես: Ու ես էի, որ առաջին անգամ քեզ

գործ հայթայթեցի կաշառելով այն մարդուն: Ես էի, որ ճաշարանում սպասաւորի պաշտօն դտայ քեզ համար: Ես էի վերջապէս, որ տպարանի այս գործը յաջողեցրի: Այս բոլորը դու պարտական ես իմ ժպիտին:

Եւ նա քայլերն ուղղեց դէպի դուռը:

— Մի վայրկեան, — գոռացի ետեւից. — Ես իրաւունք չունիմ ուրեմն գէթ մի օր ապրելու ինքս ինձ համար: Այսօր ես ուզում եմ մենակ լինել, ուզում եմ որ ոչ ոք, ոչ ոք, չխանդարէ իմ ներքին անդորրը. ուզում եմ լինել ազատ, ինքս, իմ հոգու հետ: Ես իմ կամքի տէրը չե՞մ ուրեմն:

— Կամք, ազատութիւն... — ծիծաղեց նա հեղնոտ, դրանք բոլորը վերից են շղթայւած, վերից:

Ճօճաթոռիս մնացած «Ես»ս կծկեց ու կպաւ պատին:

— Թը՛րխկ, թը՛րխկ:

Ստուերս մօտեցաւ դրան: Նա արհամարհանքով նայեց վրաս ու ձեռքը մեկնեց փականքին:

Դուռը բացեց:

Շէժքի վրայ յայտնեց հսկայ մի ուրւադիծ, սեւ ժայռի պէս ծուռ-ծուռ գլխով, մինչեւ ականջները ճեղքւած, մութ խոռոչի նման ահռելի բերանով եւ ուռած շրթունքների միջից սպառնադին դուրս պրծած գիշատիչ ատամներով մի հրէշ: Ուռած մարմինն աջ ու ձախ օրօրելով եւ երկաթեայ խոշոր կօշիկները դեմնին գարնելով՝ նա եկաւ ու ցցեց առջեւ: Վայրադ հայեացքով նայեց աջ ու ձախ, յետոյ յանկարծ փուեց, նստեց յատակի վրայ:

Ծնկները դէմ տաւ արմուկներին ու թաթերը դրաւ շերտաւոր ծնօտին:

Ինձնից պոկւած «Ես»ս տեղ դրաւ նրա դիմաց:

Սկսեցին իրար դիտել: Մէկը՝ ահի ու հեղնանքի մութ ու հսկայ մի գանգւած, միւսը՝ քողի պէս երերուն թափանցիկ մի սուեր:

Երբեմն-երբեմն սուերը դողում էր նրա ահռելի շունչի բախումից, երբում նստած տեղն ու հազիւ հազ էր կարողանում պահել հաւասարակշռութիւնը: Նրա աչքերի մէջ վախը իր ճանկերն էր մխրճել, բայց նա շարունակում էր ժպտալ:

Չայրոյթը պաշարել էր ինձ: Ծունչս բռնած դուռում էի անձայն, «ախ մի՛ ժպտա, մի՛ ժպտա»...

Դեւը ինձ չէր նկատում, դուցէ իմ դոյութեան մասին դադափար իսկ չունէր եւ աչքերը մեխած դիմացի սուերիս, շարունակում էր շնչել:

Յանկարծ ահադին մի իրարանցում առաջացաւ: Սենեակիս առարկաները բոլորն էլ սկսեցին ժպտալ, անգամ ցածրաձայն քրքջալ... Մահճակալիս վրայի ծանօթ դիմադծերը ծամածուեցին: Հրէշն անսպասելի արագութեամբ վար ու վեր շարժեց իր ձիւռ պոչի պէս հաստ յօնքերն ու դարձեալ անշարժացաւ: Ու ահա, յանկարծ սուերս սկսեց դառնալ փայտեայ խոշոր հոլի պէս, — այն, որ երեխաները հրապարակների վրայ դարձնում են ու շարժումը յարատեւելու համար մտրակի անդադար հարւածներ իջեցնում վրան, ճիշտ այդ հոլի պէս սկսեց դառնալ:

Դեւը սկսեց բարձրաձայն քրքջալ, եւ ես առաջին անգամ լինելով լսեցի իր ժանդոտ ձայնը, որ որովայնից էր դալիս:

— Այդպէ՛ս, այդպէ՛ս...

— Այդպէ՛ս, այդպէ՛ս...

Ստուերս այնքան պտուեց, պուեց, մինչեւ որ ու-

ժասպառ ընկաւ յատակին, նրա ոտքերի տակ: Իսկ նա շարունակուամ էր քրքշալ:

Ձգլտեմ, որքան տեւեց այս տեսարանը: Մէկէն մէջս մի բան պայթեց: Օրւայ աշխատանքից ու անօրեայ խեղդող հողերից ճգմամբ հողիս յանկարծ սկսեց թիւրրտալ, եւ բերանս լայն լայն բանալով, ամբողջ ուժովս դռնացի:

— Բաւական է, դո՛ւրս, դո՛ւրս այստեղից:

Դեւը մի վայրկեան լրջացաւ, նայեց չորս կողմը՝ պատի թռչունին, աթոռի մէջքին, թէյամանին եւ վերջապէս անբովանդակ եւ զարմանալի կլոր իր աչքերը յառեց վրաս:

— Օ՛... — ոռնաց խուպոտ իր ձայնով,— այս ի՞նչ նորութիւնն է:

— Դուրս այստեղից, դուրս,— գոռում էի ես, առանց լսելու նրան:

— Հա՛, հա՛, հա՛... այդ դո՞ւ ես, փոքրիկ մարդուկ:

— Ես արհամարհում եմ քեզ,— ճչացի երեսին:

— Խղճուկ,— ասաց, շրթունքները զզւանքով իրար սեղմելով:

Վեր ցատկեցի անմիջապէս, ու ձեռքերս բռունցքներ շինած քայլերս ուղղեցի դէպի նա... Բայց յանկարծ հրէշը դերանանման իր թեւն ազատեց կզակի տակից եւ այնպիսի մի հարած իջեցրեց գլխիս, որ հազիւ հազ ինձ պահեցի աթոռին:

— Հա՛, հա, հա,— լսեց նորից իր ժանգոտ ու թունոտ քրքիջը: — Այդպէս ուրեմն, համարձակ ճիճու, տեսնում եմ, որ քեզ համար այս մի կտոր հացն էլ շատ է... Սպասիր, սպասիր, թշառական:

Բայց այդ ժամանակ դետնին ընկած սուերս սկսեց

նորից շարժել ու դէպի հրէշը դարձրեց իր մշտական ժպտուն դէմքը:

Ա՛հ, զզւելի... ուղեցի ոտքով հարւածել, կօշիկիս ծայրով մէկ կողմ նետել իր թափանցիկ մարմինը, բայց վախեցայ ցաւ դգամ, մարմնական ցաւ...

Հրէշը խաղաղեց, ձիու պոչ յօնքերը վեր բարձրացրեց, քիթն աւելի երկարեց ու լայն բերանը մինչեւ ականջները ճեղքելով՝ ծիծաղեց ներողամիտ ծիծաղով... Յետոյ, յաղթական վեր կացաւ տեղից, ոստոստալով դնաց դէպի դուռն ու անհետացաւ:

Առաջին բոպէին ինչ որ թեթեւութիւն դպացի:

Գլուխս բարձրացրի ու սկսցի դիտել շուրջս:

Սենեակիս մէջ ամեն ինչ իր սովորական տեղն էր: Դրսից եկող ելեկտրական պաղ լոյսը շարունակում էր լուսաւորել նրան եւ պատուհանիս փայտեայ փեղկը քամու սուլոցի հետ միասին: շարունակում էր իր միօրինակ հարւածները:

Թը՛րխկ, թը՛րխկ...

Տիրեց երկար ու սպասողական լուռութիւն...

— Լաւ ադատեցինք,— ծիծաղեց դետնի վրայ նըստած սուերս:

— Վա՛տ, դեռ ծիծաղ ունես շրթներիդ:

— Ինչո՞ւ,— հարցրեց հեղ ու բարի ձայնով:

— Ինչո՞ւ ժպտացիր նրան:

Նա չպատասխանեց:

Ես ուրախ էի նրա լուռութեան... Ու երեւի ամեն ինչ այդպէս էլ կը վերջանար խորն ու մութ այդ լուռութեան մէջ, եթէ յանկարծ ականջիս չհնչէր ժանգոտ ու թունոտ այն քրքիջի ձայնը, որ քիչ առաջ լցրել էր սենեակը: Ո՞րտեղից էր դալիս այդ ձայնը: Դրան ետեւի՞ց, դետնի

տակի՞ց, առաստաղի՞ց... Նա ամեն տեղ էր, նա դալարու-  
ւում էր սլատերն ի վեր, նա իմ մէջ էր...

Բորբոքեցի ու, մինչ սլատրաստում էի մի բան  
ասել, դարձայ դէպի սուերս... Այս անգամ նրա ժպտա-  
ցող դէմքը քրքրեց ողջ էութիւնս... Արիւնս խփեց  
գլուխս, այլևս ինձ զսպելու ոյժ չմնաց մէջս եւ, առանց  
երկար մտածելու, վերցրի կողքիս աթոռն ու շրա՛խկ՝  
նրա կողմը նետեցի:

Հարւածս վրիպեց, բայց սլատահեց անսպասելին:

Գետնի վրայ նստած սուերս կատարեալ ձեւ ու  
մարմին առաւ, արագութեամբ վեր ցատկեց տեղից, նա-  
յեց վրաս իր սոսկալիօրէն ժպտացող դէմքով ու՝

— Ապերախտ, — դուաց ու յարձակեց վրաս:

Պլլեցինք իրար:

Հարւածներ աջից, հարւածներ ձախից՝ դէմքիս,  
մէջքիս, գլխիս... Ի՞նչ անսպասելի ոյժ էր զարթնել իր  
մէջ:

— Ապերախտ, ի՞նչ ես դու սռանց ինձ. ո՞վ ես դու  
առանց ինձ...

Անգոր էի այլևս: Փուկել էի յատակի վրայ ու յանձ-  
նել նրա կամքին: Ականջիս հնչում էր նրա ուժեղ հար-  
ւածների ձայնը, որ դնում խառնում էր սլատուհանիս  
փեղկի հարւածների հետ:

Թը՛րխկ, թը՛րխկ...

Առաւօտեան իմ դիակը դտան սենեակիս մէջ»:

Հայկը տետրակը փակեց եւ նայեց բոլորին:

Փոքրիկ սրահը լի էր երկտասարդներով:

Յածիկի առաստաղի տակ ծուխը հաւաքւել, մնացել  
էր: Բոլորի դէմքերը մշուշապատւել, իսկ աչքերը՝ բո-  
ցալառւել էին:

Մի քանի բոպէ լուսթիւնից յետոյ սկսեց մտքերի  
փոխանակութիւն:

Կարծես յանկարծակիի էին եկել:

Նախագահը ժամանակ չունեցաւ անգամ սթափու-  
լու: Ամեն կողմից ձայն էին խնդրում, բոլորը խօսել էին  
ուզում:

Ու խօսում էին, խօսում, խօսում: Ամեն մարդ ասե-  
լիք ունէր, ամենքի սրտի վրայ թանձրացած դպացմունք-  
ներ էին նստել, որ սեղմում, սեղմում էր նրանց:

Նախագահը փորձում էր ողջ հմտութիւնը յայտնա-  
բերել: Պսպղուն ակնոցների տակից նա մերթ մէկին էր  
դիտում, մերթ միւսին, խնդրում էր հանդարտ խօսել,  
հերթի սպասել...

Սրահը, որ երկտասարդների սովորական հաւաքա-  
տեղին էր, դարդարւած էր նկարիչների գործերով եւ դա-  
նազան գեղարւեստական լուսանկարներով: Պատերի պա-  
տանները գեղեցիկ կերպով ներդաշնակում էին լուսա-  
մուտները գեղին վարագոյրների հետ: Մէջտեղում մեծ  
սեղանն էր դրւած, շուրջն աթոռներ շարւած: Աթոռներ  
կային դրւած նաեւ սրահի այս ու այն անկիւնում ու պա-  
տերի տակ:

Փոքրիկ մի վերնայարկ էր դա, ուր այդ օրը՝ կր-  
րակի ճաշից յետոյ տեղի էր ունենում երկտասարդների  
հերթական հաւաքոյթը: Հաւաքւել էին դրողներ, նկարիչ-  
ներ, բանաստեղծներ: Այդտեղ էին եկել նաեւ Վարդենին  
ու Անուշը, իրենց հետ բերելով նաեւ Արտօին:

Վարդենին այնպէ՛ս յողնած էր այդ օրը: Քաշւած  
մի անկիւն, գլուխը յենած պատին, նա բորբոքւած աչ-  
քերն անդադար աջ ու ձախ էր սլտոցնում: Նայում էր  
մերթ մէկին, մերթ միւսին, տեսնում էր խօսողները  
յուզւած դէմքերը, նրանց ջղային շարժումներն ու յոյ-



զերը: Փնտռող աչքեր, խուզարկող հայեացքներ՝ քսանե-  
րորդ դարի տենդուլ բռնած հողիներ... Վարդենին գի-  
տէր, որ ինքն էլ էր հիմա այդպէս, բոլոր այդ երիտա-  
սարդների նման: Այդպէս էր գզում, այդպէս յուզում,  
ու մինչեւ անդամ շարժումների նմանութիւններ կրային  
նրանց միջեւ...

Ա՛, նա այնպէ՛ս լաւ էր հասկանում այդ երիտա-  
սարդներին:

Ծանր մի տիրութիւն իջել, պարուրել էր Վարդե-  
նու հողին: Տիրութիւն, որ վերջին ժամանակներն այն-  
պէս սովորական էր դարձել, որից ազատելու համար  
չգիտէր թէ ինչ պէտք է անէր: Իր շուրջն ամեն բան գու-  
նատուէլ, անհրապոյր էր դարձել: Անյայտ, անորոշ, սպա-  
սողական մի վիճակ էր ստեղծուել, որ մաղել էր նրա հո-  
գու վրայ անթափանց ու մութ մի թախիծ: Ստեղծած  
միօրինակ ու անբովանդակալի կեանքը ճգմել, խեղճացրել  
էր նրան:

Ի՞նչ անել, ի՞նչ անել, ինչպէ՞ս անել, կրկնում էր  
անդադար նրա ուղեղի մէջ միշտ միեւնոյն հարցը: Եւ  
կարծես այդ հարցի պատասխանը դտնելու համար էր, որ  
Վարդենին այս ու այն կողմն էր ընկել: Գնում էր նա բո-  
լոր հայկական երեկոյթներն ու հաւաքոյթները, բոլոր  
դասախօսութիւնները, մտնում էր այնտեղ, ուր հաւաք-  
ւում էին, վիճում ու յուզում, բայց այդ հարցերը մնում  
էին իր սրտի ծայրին ցցւած, աչքերի բիբերից կախւած:

— Ընկերներ, ահա մեր առաջ փուլած է մի դիակ:  
Դրամատիրական հասարակարգն այդ է պահանջում մեզ-  
նից, այդ է պահանջում մարդուց՝ մեռցնել հողին ու ար-  
րանալ մարմնին: Հայկն իր այս դրւածքով կարողացել է  
պատկերացնել այդ: Հայկի հերոսը զոհ է այն կարգերին,  
ուր մարդը դարձել է մեքենայ եւ ուր դոյութեան պայ-

քարի համար նա պարտաւոր է զարգացնել իր մէջ ստո-  
րին դժներ:

— Համակերպուել ու յարմարել: Ինքնասպանու-  
թիւն չէ՞ այդ, — ձայնում է մէկ ուրիշը սեղանի ծայրից:

— Բայց այսօրւայ պահանջն է այդ:

— Այո՛, այսօրւայ պահանջը ստամոքսն է: Նիւթը  
դարձել է աստուած եւ յանուն այդ նիւթի մարդը հա-  
մակերպուում, յարմարում է ամեն բանի: Վիթխարի մի  
ուրւակաւ աշխարհը շրջելու է դուրս եկել եւ թաթը  
մխրճել է մինչեւ խորքը մեր սրտերի: Մինչ մենք եկել,  
չըջում ենք հիմա Փարիզի լայն ու յղկւած մայթերի վրա-  
յով, կարծես քառսի միջից: Բարձր սիւների վրայ, կլոր  
սպակիների տակ ճաճպում են ճրագները, սալայատակ-  
ները պսպղում ու չարախինդ աղմկում են վայրաջորէն  
սլացող ինքնաշարժերի անիւնների տակ: Իսկ մարդիկ,  
տարիների վարժութիւնից յետոյ, անտարբերութեամբ  
լցրել են իրենց դէմքերի աչքերը՝ փակելով ու կուրացնե-  
լով իրենց հողու աչքերը: Լուսէ քաղաքի լուսէ բնակիչ-  
ները... Ծրջում ենք մենք այդ մայթերի վրայով՝ տա-  
ռապած ու յոգնած, ու թէեւ չենք տեսնում մեր սեփական  
դիմադժերը, բայց գզում ենք, որ չարչարւած արտայայ-  
տութիւն ունենք: Փարիզը կրծում է մեզ, ընկերներ:  
Յարմարելու համար կեանքի ծանր պայմաններին, սնու-  
լու ու մեր դոյութիւնը պահպանելու համար, մենք շատ  
զիջումների ենք դնում, շատ բան կորցնում մեր էութիւ-  
նից ու աննկատ ու շարունակ միջանում, հալւում, հիւծ-  
ւում ենք:

Հայկը լուռ է: Տեսրը ձեռքի մէջ խղացնելով նա  
նայում է պատերի նկարներին: Չի լսում կարծես:

— Այդ հարցերը դարձել են այլեւս առեղծւածային,  
— զայրանում է մէկ ուրիշը աջից:

Ոչ ոք չզիտէ թէ նա ինչո՞ւ է գայրանում, բայց նա գայրանում է: Ամենքն են գայրանում կարծես, յուզուում, բորբոքուում:

— Ընկերներ, հարցը վերաբերում է ընդհանուր տաղնապին: Տաղնապ, որով համակած է ողջ Արեւմուտքը: Մարդը կորցրել է իր իսկական պատկերն ու դարձել է մի ստուեր: Տրորւել է նրա արժանապատուութիւնը, արորւել է ինքը բնութիւնը՝ հողին ու խիղճը: Չէ՞ք տեսնում, որ դարերի ճիգով ստեղծւածը կաղապարւել, խաբուսիկ կայունութիւն է դարձել արդէն: Ամեն ինչ հիմնւել է միայն «առօրեայի» վրայ, իսկ նրանից այն կողմ ո՞ւմ ինչ թէ ի՞նչ կայ: Բաւական է հասնել մտքի կատարելութեան այն կէտին, երբ իւրաքանչիւր անհատ, առանց ցաւ զգալու, կարողանայ լռեցնել իր մէջ թաղուն այն ձայնը, որ լսելի է մեզ, երբ մենք մենակ ենք: Լուռ ու անաղմուկ այդ ձայնը... Մարդիկ հիմա վախենում են նրանից, միտքն անգոր է նրա առաջ, իսկ հողուն թմրեցուցիչ դեղեր են խմեցնում անընդհատ: Այդպէս է պահանջում «առօրեան», «երջանկութիւնը» առօրեայ: Իսկ հողին՝ շղթայւած, ծեծւած խեղճ հողին մարդու, հեծում է անգոր, հեծում է թաղուն, քաղաքակրթութեան աչքերի առջեւ, մենակ ու անսպաշտպան:

— Բայց ինչո՞ւ, ինչո՞ւ ջանալ անգթօրէն մեռցնել այն, ինչ որ ամենից կարեւորն է, այն՝ ինչ որ հիմքն է տիեզերքի, ինչ որ կորիզն է կեանքի, նպատակն անհունի... Ինչո՞ւ թմրեցնել, մեռցնել հողին, — դուռում է բանաստեղծը նրա ետեւից:

Խօսողը դառնում է, նայում է նրան բորբոքւած աչքերով եւ չզիտէ ի՞նչ պատասխանէ:

— Ընկերներ, դէմ դիմաց ենք եկել մենք այժմ դառն իրականութեան: Իրականութիւն... հին հէքեաթի

այն դեւը, կլանող ու լափող հրէշի կերպարանքով, որ եկել, չողել է ահա հրապարակի վրայ՝ վայրագօրէն լափելու համար ամենօրեայ իր որսերը, յետոյ մեր երեսին քրքրջալու, հոհուալու համար: Մինչ մենք լցւած դաղափարական ցանկութիւններով նետուած էինք դէպի լուսէ ճամբաները... լցւած սիրով ու հաւատով, յոյսով ու սղեւորութեամբ... «Լոյս» փնտռող հայը, աղատութիւն տենչացող հայը, արդարութեան եւ ճշմարտութեան ճրգտող հայը եկել, կանգնել է հիմա ուղիների հանգոյցի այս կէտի վրայ: Ի՞նչ ենք հիմա մենք, ո՞վ ենք հիմա մենք, ո՞ւր ենք հասել, ի՞նչ ենք փնտռում:

Վառւած աչքերով Անուշը նայում է խօսողներին: Մէկ մէկին, մէկ միւսին... Նրա դէմքն այնպէս յուզւած էր այդ պահին... Այդ հարցերն այնքա՞ն էին յուզում նրան...

Լարւած ուղեղով ու լարւած զգացմունքներով հետեւում էր նա սրահի մէջ հաւաքւած այդ երիտասարդներին ու հեռուոր իր անկիւնից դիտում նրանց:

Անուշը տեսնում էր, որ նրանցից իւրաքանչիւրն իր ասելիքն ունէր, բայց նրանց ասելիքներն այնքա՞ն տարբեր էին իրարից...

Խօսում էին, վիճում, քննադատում, բայց Անուշը զգում էր, որ այդ բոլորից յետոյ էլ նրանք մնում էին նորից անգոր ու անճար: Նրանց բոլորին թւում էր, որ պէտք էր մի բան անել՝ նոր, լաւ մի բան... Բայց ի՞նչ:

Ա՛հ, Արեւմուտքում սիւռւած հայ երիտասարդութիւնը... Ներկայի մէջ մխրճւած ու հողեկան ծանր վիճակի մատնւած այդ երիտասարդութիւնը, որ իր ապրուստը շահելու համար հազար ու մի դուռ էր բախում եւ որ մնում էր միշտ խեղճ ու ընկճւած: Ի՞նչ էր սպասում նրանց վաղը՝ նրանք իրենք իսկ չզիտէին. ո՞ւր էր

տանում նրանց կեանքը՝ նրանք չէի տեսնում: Կարծես թէ եկել էին բոլորն էլ ու դէմ առել անանցանելի մի սրատի, իսկ կեանքը ճնշում էր, ճնշում նրանց:

Ու թւում էր Անուշին, որ եկել հասել էր արդէն ժամանակը... Ահա, ահա ու պէտք է կատարէր անխուսափելին... պէտք է գարնէին իրար բոլոր հակամէտ ուժերը, պէտք է բախէին իրար բոլոր ուղիներն ու լոյսը պիտի ծագէր վերջապէս:

Այո՛, մի բան, մի շատ անհրաժեշտ բան պէտք է կատարէր:

Եւ Անուշը զգում էր, որ իր եւ բոլորի հոգիների մէջ մի ամպ էր ուռել ու պիտի ճեղքէր կարծես, մի թել էր ձգել ուժգնորէն ու պիտի փրթէր կարծես:

— Ով ենք մենք հիմա, ի՞նչ ենք մենք հիմա, ո՞ւր ենք հասել, ի՞նչ ենք փնտռում, — կրկնում էին այս հարցերը նրա ուղեղի մէջ, իսկ երեւակայութեան առաջ Հայկի դեւը իր հսկայ մարմինն էր պտտցնում անդադար:

Դեւը... Մարջան հօրաքրոջ հէքեաթի դեւը՝ սեւ ժայռի պէս ծուռ-մուռ գլխով, կացինի մէկ հարւածով ճեղքւած հսկայ բերանով, լայն-լայն ականջներով այն դեւը...

Մինչ խօսողը շարունակում է. —

— Այնտեղ, այնտեղ են հոգու թռիչքները, այնտեղ է գեղեցկութիւնն ու խորհուրդը, երեւակայութեան աննաման ոյժը, ենթագիտակցութեան կարողութիւնները, ներաշխարհի հարուստ կեանքը, բոլորի բոլորի աղբիւրները Արեւելքում են, իսկ մենք որոնումների ետեւից ենք ընկել ու չենք գտնում մեր փնտռածը: Չենք գտնում մեր փնտռածը, եւ մեր մէջ ստեղծւում է հոգեկան երկուութիւն, եւ այդ երկուութիւնը մեզ դադար չի տալիս: Եկել ենք մենք Արեւելքից, հասել այստեղ ու թէեւ այլևս

անելիք չունենք Արեւմուտքում, բայց չենք ուզում տուն վերադառնալ: Ա՛հ, մեր հոգու ողբերգութիւնը...

Արտօն, որ քննողի արտայայտութիւն չինած իր դէմքին՝ լսում էր խօսողներին, շարժւեց նստած տեղն ու աչքերը յառեց Բարդէնի մոայլած դէմքի վրայ: Բարդէնը կծկւել, նստել էր իր աթոռի վրայ ու ոչինչ չէր խօսում:

«Մեր հոգու ողբերգութիւնը... — մտածեց Անուշ ինքն իրեն. — դարերից չէ՞ դալիս արդեօք նա: Հայը, Արեւմուտքի քաղաքակրթութեան այդ երկրպագուն, որ սիրել է միշտ հեռունեքում փնտռել «լոյսը»: Մենք տաւապում ենք Արեւելքում, հոգիներս թռիչքներ են ուզում... Իսկ երբ այստեղ ենք դալիս, ահա թէ ի՞նչ է ստացւում... Ու չենք ուզում, այո՛, չենք ուզում այլևս տուն վերադառնալ եւ սկսում է պայքարը երկու սկզբունքների միջև: Պայքար, որ դարեր շարունակ մեզ հանդիստ չի տւել, — պայքար հոգու եւ մտքի, Արեւելքի եւ Արեւմուտքի:

Անուշի միտքը սակայն յանկարծ ընդհատւում է: Բռունցքի ուժեղ մի հարւած ծանրութեամբ իջնում է սեղանին: Մէկը բորբոքւած վեր է թռչում տեղից:

— Երկսայրի սուրի ենք դէմ եկել արդէն: Յոյց տալով ստեղծարժանի կարողութիւնները, իր ոյժը, մարդը ստեղծել է մի նոր իրականութիւն, բայց յայտնաբերել է իր անսահման թուլութիւնը՝ հակումը ստրուկ դառնալու, ստրուկ մնալու: Բարձրացել է Դեւը անդունդից, եւ մենք ապրում ենք այլևս հասունցած մի դարաշրջան, ուր իրար են բախում ամեն կողմից եկող սկզբունքներն ու զաղափարները: Ուղիների մեծ հանգոյցակէտն է այս, եւ ահա ուղիների այս հանգոյցակէտի վրայ եկել ու կանգնել է նաեւ հայը: Եւ հայը, ընկեր-

ներ, տառապում է այսօր թէ՛ իբրև հայ, թէ՛ իբրև մարդ:

— Բայց ո՞րն է, ո՞րն է այսօր հայի ուղին, — ձայնում են նրան ամեն կողմից, ու բորբոքած աչքեր են պսպղում:

Անուշը նայում է խօսողներին: Ուզում է կարծես մի բան ասել, ինքն էլ է ուզում մի բան ասել, բայց այդ ժամանակ տեղից բարձրանում է նախադահը: Նա ձեռքով նշան է անում, որ լսեն: Մինչ մէկ ուրիշը դողդոջալով շարունակում է պարզել իր տեսակէտները:

— Ընկերներ, հոգեկան ընդհանուր տազնապի այս օրերին...

— Հոգեկան ընդհանուր տազնապի այս օրերին...

Արեւն իր ոսկէ շողերը քաշել էր արդէն տների տանիքների ու պողոտաների ծառերի կատարների վրայ:

Մ՛հ, այնպէ՛ս լաւ էր փողոցի օդը, այնպէ՛ս զովացնող ու թարմացնող:

Փողոցում Անուշն ու Արտօն քայլում էին կողք-կողքի: Նրանց ետեւից գնում էին ուրիշները, որ դեռ շարունակում էին խօսել ու յուզւել:

— Տեսա՞ր, տեսա՞ր, Անուշ, — ասում էր Արտօն Անուշին, — նախադահը մտքերի փոխանակութիւնը յետաձգեց միւս ժողովին: Դեռ պիտի շարունակեն: Դեռ պիտի դան, հաւաքեն էսպէս ու անիմաստ խօսքեր խօսեն, մտքեր յայտնեն: Եկայ, որ տեսնեմ, իմանամ: Բայց չէ, չէ, ախպէր, լաւ չեմ տեսնում, լաւ չեմ տեսնում էս երիտասարդներին... Այնպէ՛ս են յուզւում, դողում, գողգողում...

Նրանք քայլում էին երկար ծառուղիով:

— Ուրիշ, ուրիշ մի մթնոլորտ է պէտք, Անուշ, այնպիսի մի մթնոլորտ, որ հողով հանդիստ զգաս քեզ: Իսկ դրա համար ժողովուրդի, բուն ժողովուրդի մէջ պէտք է լինես: Այս դիշեր անպատճառ կը դաս մեր հանդէսին եւ, այ, այնտեղ կը տեսնես: Այնտեղ էսպէս բաներ չես լսի, ժողովուրդն առողջ հոգեբանութիւն ունի, Անուշ: Ինչպէս արդէն ասել եմ, առանձին մի սեղան կը վերցնենք ու մի լաւ քէֆ կանենք՝ կովկասեան քէֆ: Այնտեղ է, որ դու կը լսես անկեղծ խօսքեր, եւ էսօրւայ էս զաւրադալից դիտումը էլ ոչինչ չի մնայ, հաւատա չի մնայ: — Շարունակում էր Արտօն:

Աջից ու ձախից, յետեւից ու առջեւից խումբ-խումբ քայլում էին երիտասարդները:

Մայիս էր: Օդը մեղմ էր ու հաճելի:

Վարդենին Բարդէնի հետ էր: Բարդէնը ծուել էր դէպի նա ու խօսում էր, բորբոքում: Լուռ ու մտածկոտ Վարդենին լսում էր նրան:

Փողոցից արագ սահելով անցնում, դնում էին ինքնաշարժեր, ելեկտրաշարժեր ու մարդիկ, մարդիկ: Հեռուում՝ պողոտայի ծայրին, ողողած երեկոյեան արեւի դեղին ճառագայթներով, երեւում էր գոթիկ հին եկեղեցին, իր նրբին ծալքերով, ժանեակաւոր զարդերով ու արձաններով:

Որքա՞ն անտարբեր էր այժմ Վարդենին նրա դեղեցկութեան հանդէպ: Անտարբեր էր նա նաեւ Բարդէնի հանդէպ ու լսում էր նրան աւելի աղամայ: Մինչ Բարդէնի համար Վարդենին այլեւս ուրիշ մի նշանակութիւն էր ստացել:

Մարդարիտին կորցնելուց յետոյ, ծովում խեղդուողի պէս, Բարդէնը կառչել էր Վարդենուն եւ իրեն իսկ հա-

մար անսպասելի կերպով Վարդենին դարձել էր կարծես թանկագին մի բան: Եւ այժմ Բարդէնը նրա շուրջն էր պտտում անվերջ, կարծես վախենալով կորցնել եւ նրան:

Բարդէնին թւում էր, որ Մարդարիտից յետոյ Վարդենին միայն կարող էր գրաւել նրա տեղը: Հոգիների տարօրինակ մի նմանութիւն կար նրանց երկուսի միջեւ... Ու նա երազում էր... երազում էր ամուսնանալ, վերադառնալ ծննդավայր, վերաշինել տունն իրենց ու հողին իր...:

Բայց որքան ուժեղանում էին Բարդէնի զգացմունքները, Վարդենին այնքան լրջանում ու կծկւում էր իր ներաշխարհի մէջ:

Բարդէնը նկատում էր այդ: Նա ուզում էր թափանցել Վարդենու հոգու մէջ, իմանալ, հասկանալ նրան... Բայց Բարդէնն ոչինչ, ոչինչ չէր կարողանում իմանալ:

Ն.ս տեսնում էր միայն, որ մի աղջիկ դիմադրում էր իրեն ու յամառում: Եւ ուրիշ զգացումի կողքին նոր մի զգացում եւս բարձրացել էր իր մէջ, — արուի ինքնասիրութիւնը, որ առաջին անգամն էր դէմ-դիմաց եկել մի կնոջ, որ հակառակում էր իրեն...:

Այդպէս չէր Մարդարիտը: Նա ինքն էր փնտրում Բարդէնին, նա ինքն էր շջնջում սիրոյ եւ վաղաքշանքի խօսքեր, որ նրան թւում էին բնական... Այդպէս էլ պէտք է լինէր...:

Եւ Բարդէնը խօսում էր, խօսում. իսկ Վարդենին այլեւս չէր լսում նրան: Կողքից նրա ախանջին հասնում էր այժմ ուրիշ մի խօսակցութիւն: Հայկն էր, ձեռքերը գրպանը դրած, գլուխը վեր, մի քանի ընկերներով շրջապատւած, քայլում էր նրանց կողքից:

— Քանի՞ տարի է, որ դու Փարիզ ես, Հայկ, — հարցնում էր նրանցից մէկը:

— Ութ տարի: Եւ այդ ութ տարիների ընթացքում տասնութ տեսակ գործ եմ արել:

— Գործարան:

— Գործարան, ճաշարան, կայարան...

— Ու երբեք չե՞ս մտածել ծննդավայր վերադառնալու մասին:

— Ոչ, ուզում եմ դեռ մի քիչ էլ օգտուել Փարիզից:

«Դեռ մի քիչ էլ օգտուել Փարիզից», — կրկնում էր Վարդենին ինքն իրեն եւ չդիտէր թէ ինչո՞ւ այդ խօսքերը դառը տխրութիւն էին պատճառում նրան:

Երբ խումբը հասաւ պողոտայի անկիւնադարձին՝ կանգնեց: Արտօն ձեռքը մեկնեց Վարդենուն:

— Գիշերը կը հանդիպենք, ուրեմն:

Վարդենին գլխով հաւանութեան նշան արաւ:

Բաժանեցին, եւ Անուշն ու Վարդենին բռնեցին իրենց պանդոկի ճամբան:

«Ոսկեգօծ բաշլըղներով,  
Լազի շորեր քանկագին»...

Բազմութիւնն աստիճանաբար աւելի ու աւելի շատանում է: Աստիճանները լցւած են: Հայ դիւղացիներ բանուր դարձած, երեխաներով եւ ընտանիքի բոլոր անդամներով, հայ աղջիկներ սեւաչեայ, խորը հայեացքով, կրակոտ ու մաքուր, հայ երիտասարդներ, վճիտ, յստակ արտայայտութեամբ:

— Տղայ, ծօ՞, դո՞ւն էլ այստեղ ես:

— Ի հարկէ այստեղ եմ: Զաւակներիս նայէ, դաւակներիս: Եռագոյն կտորից հագուստ եմ կարել իրենց համար:

— Այս կողմ նայիր, եղբայր, այս փոքրիկ տղային նայիր, երկարավիղ կօշիկ է հագել, փափախ դրել զլիսին: Սուր էլ ունի կողքին կախած: Ի՞նչ անուշիկ երեխայ է, աչքերը վառուում են կրակի նման:

— Տղայ, անունդ ի՞նչ է:

— Անդրանիկ, հայոց զինուոր, սարսն:

Մի փոքրիկ աղջիկ մօր վեշից քաշելով, Փրանսերէն լեզուով հարցնում է, թէ այս բոլորը, որ բարձրանում են այսպէս աստիճաններից, հայեր են արդեօք:

— Այո՛, այո՛, աղջիկս, բոլորը հայեր են:

— Հայերէն խօսէ, հայերէն, — դուռում են ձախից:

Աղջիկը լուռ է անմիջապէս: Նա հայերէն չգիտէ խօսել եւ կարծել է թէ պէտք է, որ դիտենայ: Մի բոսէ միտքը պղտորում է՝ ուրեմն վա՞ս է, որ ինքը հայերէն չգիտէ: Հապա իրենց դպրոցում ոչ մի երեխայ հայերէն չի խօսում:

Սրահից լուռ է երաժշտութեան ձայնը: Ժողովուրդը շտապ ներս է խոնուում: Յանկարծ շուկով անցնում է սրահով՝ «չը՛շտ-չը՛շտ» լուռ թիւն՝ խօսում են, խօսում են:

«Հայ ժողովուրդ: Օտար, անհարազատ հորիզոնների տակ ցրւած, հայ ժողովուրդ, որ հեռու վայրերից կելլ, հաւաքել ես այսօր հայ խօսք լսելու»...

— Աման սիրտս թնդաց, հէնց իմանաս մի բան պոկեց ներսս:

Սրահը մի հողի դարձած լուռ է խօսողին, որ եռագոյն դրօշակներով եւ ազգային հերոսների պատկերներով դարդարւած բեմից, անդադար մատը ճօճում է օդում:

«Հայրենիքն այնպիսի մի բան է, — ասում է նա, — որի մասին պէտք է խօսել միայն հողու լեզուով: Հայրենիքն այնպիսի մի բան է, առանց որի ոչ միայն դժւար է ապրել, այլ եւ չարէ ապրել»:

— Հողիս կարծես երկաթէ մի ձեռք առել է իր լայն ափերի մէջ ու սեղմում է, սեղմում: Ես ի՞նչ դործ ունեմ Ուրնօի դործարանում, ես սարի-ձորի մարդ՝ եկել էստեղ օթօ եմ շինում: Իմ ի՞նչ բանն է օթօ շինելը...

«Բայց մենք չպէտք է յուսահատուենք: Հաւատքի ջահը վառ պէտք է պահենք մեր հողիներում... Մեր դատը արդարութեան դատ է»...

Մտիկեր ու ծափեր:

Կողքի սենեակում սկսել էր արդէն նւագել արեւելեան երաժշտութիւնը: Փոքրիկ սեղանների շուրջ նստել էին երիտասարդներ ու ծերեր: Թնդում էին հայկական երգերը՝ դեղջիկական, սիրային, յեղափոխական: Պարսպում էին բաժակները վաղուց կորած ու այս իրիկուն կենդանութիւն առած ազգային հերոսների յիշատակին, որոնց շուրջ հիւսւած երգերը առասպելական բնոյթ էին ստանում:

«Ոսկեգօծ բաշլըղներով,  
Լազի շարեր քանկագիւն»...

— Ես քո ձէնին մեռնեմ, բիձա ջան, էդ երդը մէկ էլ երգէ, հողուդ դուրբան, մէկ էլ կանչէ:

— Տղայ, ես ձէն չունեմ, պառաւել, ծերացել եմ արդէն:

— Քո ճերմակ մաղերին մատաղ, դու հին յեղափոխական ես, քո ձէնն էնդի աշխարհից է դալիս, կարծես թէ էնոնց ձէնն եմ լուռ:

— Տղայ, դափը տաքացրու, դափը:

— Դափ խիողի թեւերը կտարեցին, ջանըմ...

«Ես էն սիրուն բոյին մեռնեմ  
Իմ հարի,  
Սեւ աչքերով, քուխ մազերով  
Իմ հարի»...

— Հէնց իմանաս, մեր բաղի աղբիւրի կուշտին եմ: Թռչունները գլխիս ծիւ ծիւ են անում, սլառաւ շունս թփերի տակ մրափել է, երեսէքս խնձորի ծառի ծայրից երգ են ասում... Վախ իմ տունը, վախ իմ բալէքը... — յանկարծ վեր է թռչում տեղից, աչքերը զցում է երիտասարդների վրայ:—

— Տղէք, ես ձեր հոգուն մեռնեմ, իմ յոյսն, իմ հաւատը դուք էք: Էս իմում եմ ձեր կենացը, ձեր արեւին մեռնեմ, ձեր մատաղ կեանքին մեռնեմ...

Սեղանի ծայրից բարձրանում է դունատ մի տղայ:

— Ընկերներ, ինձի մտիկ արէք: Ես որ կամ, որք տղայ եմ: Ծնողներիս աչքիս առջև մորթեցին, մեր տունն այրեցին, քրոջս սուխնահար արին. Զիւռ մէջքից իրեն երեք անգամ վար նետեց, որ ազատի. «Չեմ դնայ, կը մեռնեմ, չեմ դնայ», — դստում էր... Ես, ընկերներ, հարբած չեմ, լալիս եմ, բայց հարբած չեմ: Եւ ամեն իրիկուն այսպէս լալիս եմ... Ընկերներ, հիմա ես ոչ ոք չունեմ աշխարհիս երեսին, ոչ ոք, բայց ես... — յանկարծ աչքերն արիւնով լցւում են, շրթունքները դողդոզում են, երեսը բռնկւում է եւ ձեռքն ամուր խփում է սեղանին. — Բայց ես վրէժ ունեմ իմ սրտի մէջ, — դուռում է անհուն գայրոյթով, իր ողջ էութիւնից խուժող ձայնով: — Սեղանի բաժակներն ու շիշերը դղրդում են, — վրէժ կուղեմ ես...

Մի բոպէ ամեն ինչ լռում է:

Քարանում են ամենքը:

Ու այդ մի բոպէի մէջ իւրաքանչիւրի սրտում մի

բաց վէրք սկսում է մոմռալ... Իւրաքանչիւրի յիշողութեան մէջ դարհուրելի տեսարաններ են բացւում:

Այդ դեռ երէկ էր... — Ժողովուրդը կիսամեռ ու քաղցած, Եփրատի ափին դեղերում էր վարակիչ հիւանդութիւնների ճանկերում: Շա՛տ էին... անթիւ, անհամար...

Այդ դեռ երէկ էր...

Մտրակների եւ սուխնների հարւածների տակ փախչում էին, մորթւում ու ոչնչանում:

...

Եւ երիտասարդ որբի բունցքի հարւածից առաջացած այդ քար լուութեան մէջ մտքերի բաղիօն մի սոսկալի ուժով ընդունեց անյայտութեան ու մոռացումի մատնւած եւ անհունի մէջ կորուած դարհուրելի անցեալի բոլոր պատկերներն ու թրթիւները: Այդ մի վայրկեանի մէջ՝ երբ թառ նւագողը երգի առաջին տողը վերջացրած, ձեռքը բարձրացրել երկրորդ տողի ձայնանիշներն էր շօշափում աղէն, երբ նրա կողքին կանգնած երգիչը բերանը բացել ու երգի բառերն արտասանելու վրայ էր, երբ կուցած շիշը դեռ չէր վերջացրել լցնել կիսատ դինու բաժակը, — սրահը մի հողի, մի դպացմունք դարձած, յափշտակեց դունատ տղայի վերջին բառը՝ վրէժ...

Քաշւած մի անկիւն, Վարդենին ու Անուշը դիտում ու լսում էին այս բոլորը:

Դեռ երեկոյթի սկզբից նրանք երկուսն էլ զարմանքով նկատել էին Արտօի բացակայութիւնը: Արտօն, որ ինքն էր յորդորել նրանց դալ այդտեղ այդ իրիկուն. ու խոստացել էր «կովկասեան քէֆ» անել նրանց հետ միասին... Եւ յանկարծ ինքը չկար...

Երբ թառը վերսկսեց իր ընդհատւած նւագը, եւ նոր ու նոր երգեր թնդացրին կրկին սրահը, Վարդենին սկսեց

ուշադրութեամբ աջ ու ձախ նայել ու յանկարծ տեսաւ, որ դրան կողմից, սրան նրան ձեռքով մի կողմ հրելով, դիտարկը դիտին, կարճ ձեռնափայտը ձեռքին, յուզւած ու այլայլւած ներս ընկաւ Արտօն...

Վարդենին թեւով հրեց Անուշին: Անուշը նայեց դրան կողմը:

Ի՞նչ էր պատահել...

Անմիջապէս վեր կացան ու փորձեցին բազմութեան միջից առաջանալու դէպի Արտօն, որ արդէն հեռուից նկատել էր նրանց:

Արտօն դեռ չմօտեցած ձեռքն երկարեց ու յուզւած ձայնով ասաց.

— Ձեզ էի փնտրում, Վարդենի, ձեզ...

— Ի՞նչ է պատահել, Արտօ, — վախեցած հարցրեց Վարդենին ու իրար վրայ թափւած աթոռների միջից մի կերպ անցնելով վերջապէս մօտեցաւ նրան:

Արտօն բռնեց նրա թեւից ու ձեռքով Անուշին նշան արաւ, որ մօտենայ:

— Գնանք, դնանք, — ասաց նա:

Վարդենին վարանոտ նայեց նրան:

— Գնանք այստեղից, — կրկնեց Արտօն եւ առանց սպասելու պատասխանի՝ առաջ անցաւ:

Վարդենին եւ Անուշը հետեւեցին նրան:

Ողեւորւած հասարակութեան միջից անցնելով, նրանք դուրս եկան վերջապէս նրբանցք:

— Գնանք սրճարան: Տրամադրութիւնս այնքան վատ է, որ այս դիչեր այստեղ մնալ չեմ ուզում, բայց կուզէի ձեզ հետ լինել, կուզէի պատմել ձեզ այն, ինչ որ ես տեսայ այս իրիկուն...

— Գնանք, Արտօ, — ասաց Անուշը մտերմաբար ու թեւը դցեց նրա թեւին:

Վարդենին հետաքրքրւած ու մտահոգւած՝ հետեւեց Անուշի օրինակին ու բռնեց Արտօի միւս թեւից:

Նրանք շուտով դուրս եկան փողոց:

— Խեղճ տղան կորել, դնացել ա... — սկսեց վերջապէս Արտօն, հազիւ դապելով յուզմունքը:

— Ո՞վ, Արտօ:

— Մեղքն իմն է, իմը... Թաւրիդում ուզում էր մտնել խմբիս մէջ, չվերցրի, հիմա դնացել, կորել ա...

Թէ՛ Վարդենու եւ թէ՛ Անուշի հետաքրքրութիւնը ծայր աստիճանի էր հասել. նրանք երբեք Արտօին այդպէս յուզւած չէին տեսել, բայց զգացին, որ որեւէ հարց այդ պահին անպատասխան պէտք է մնար, ուստի եւ վճռեցին լռել:

Արտօն աստիճանաբար արագացնում էր քայլերը:

Նրանք լուռ հետեւում էին նրան:

Կիրակի երեկոյ էր: Սէն-Միշելի ծառուղին սովորականի պէս ծփում էր բազմութեամբ եւ սրճարանները լեցուն էին:

Մի քանի բուպէից յետոյ նրանք կանգնած էին արդէն Café Source-ի դռների առջեւ:

Ծռւիս, ծանր ու անչնչիլի օդ, պղտոր ուրաղձւած դէմքեր, ձանձրոյթով ու բութ անտարբերութեամբ նայող եւ ոչինչ չտեսնող աչքեր...

Ներս մտնողը մի վայրկեան չմտնում էր, եւ աչքերի առջեւ մանր դնդակներ էին դառնում:

— Un bock, s'il vous plaît...

Դրսից եկող թարմ օդի հոսանքը մի պահ շարժում



էր ծխոտ մթնոլորտը. ամենքը նայում էին ներս մտնողներին :

Լոյսեր, սիւնների գլխին յատուկ շինած ապակէ լուսամփոփներէ տակից, լոյսեր առաստաղին դամած բողմաթիւ լապտերներից, սլատերի մէջ ամրացած խողովակներից, որոնք վերից վար վառած էին գանազան գոյներով՝ կապոյտ, կարմիր, մանիչակագոյն ու կանաչ... Միտ մոխրագոյն թափանցիկութեան միջից այնպէ՛ս յոգնեցնող, շքեցնող էր ամեն ինչ :

Սեղանների շուրջ նստած մարդիկ զրուցում էին իրար հետ : Մի խումբ երիտասարդ կանայք ու աղջիկներ, ներկած աչքերը անդադար աջ ու ձախ ոլորցնելով եւ յօնքերը վեր ու վար անելով, սպասում էին յարմար «յաճախորդներին» : Հեռաւոր անկիւններում իրար փարած զոյգեր համբուրում էին՝ անդիտակ չըջապատի գոյութեան ու անտարբեր դիտողների հայեացքներին : Ոմանք թերթ էին կարդում, ուրիշները խօսում էին օրւայ ոճիրներից : Մատակարարները, ճերմակ բաճկոններով, սուրճն ու դարեջուրը նետում էին շտապ մարդկանց առջև ու հեռանում : Հեռում բլօքի սիրահարներն անընդհատ աչքերը դցում էին դէպի խաղասենեակ տանող աստիճանները, իսկ վարի յարկից՝ մառանից, որի մուտքի վրայ դրած էր «Բառ Ամերիկէն», լսում էր խափշիկների երաժշտութեան ձայնը .

— Garçon, s'il vous plaît...

— Un bock, s'il vous plaît...

Ճերմակ Բօրդօ-ի շիշը սեղանի վրայ դրած, տաքացած երեսներով ու բորբոքած ձայնով մի խումբ հայեր տաք-տաք վիճում էին : Նրանցից մէկը՝ գէր ու թիկնաւէտ, երբեմնի գինւորական, խոշոր գլխով եւ հաստ շըրթ-

ներով, խռպոտ իր ձայնով բողոքում էր ինչ որ անարդարութեան դէմ :

— Ոչ, ոչ եւ ոչ, — ասում էր նա, — դուք ինձ հարցրէք, ինձ հարցրէք, ես մասնակցել եմ բոլոր մեծ կոիւններին, ես եղել եմ Սարդարապատի հերոսամարտում...

Եւ նա ողեւորւած կրկին ու կրկին լցնում էր բաժակն ու սլարսում եռանդով : Աչքերը սկսում էին փայլել :

— Անդրանիկի շքախմբի լուսանկարը տեսե՞լ էք, — տեղից կիսով չափ բարձրանալով խօսում է շերկէսկա հագած մէկը, — հասա էն կապուտ գօտիկը կապած, Անդրանիկի կուշտը կանգնած տղան, էն ո՞վ է : էն ես իմ : Մուրատի ձիու հետ ջուխտակ քալող կտրիճ տղան, էն ո՞վ էր : էն ես իմ : Հին ժամանակ Պարսկաստանում Եփրեմի հետ բաժակ բռնողն էն ո՞վ էր...

Յենւած աջ արմուկին ու խոշոր իր մարմնով կիսով չափ սեղանը ծածկելով, լայն երեսով մի մարդ պատմում էր կողքինին իր կեանքը :

— Փախստական էի, — ասում էր նա հրճւանքով՝ շեշտելով փախստական բառը, — կառավարութիւնն ինձ էր փնտռում : Տղաները բաղում քէֆ էին սարքել՝ խորոված, գինի, ծանօթ օրիորդներ եւ տիկիներ... Ես էլ նստել եմ ոնց որ էստեղ՝ առանց վախենալու...

Մէջքը յենում է թաւիչէ յենարանին, հաստ յօնքերը վեր է բարձրացնում, աչքերը լցնում է խրոխտ քաջին յատուկ ամեն վտանգ արհամարհողի արտայայտութեամբ եւ շարունակում .

— Մէկ էլ էն լսեմ թէ, տղէ՛ք ջան, ճղէ՛ք...

Ճաշարանատէր Սաշան, հարբեցողի իր աչքերը մասնադիտօրէն պտտցնելով սրճարանում նստած բոլոր կանանց վրայ, լսում է խօսողներին, մերթ քնդ մերթ ոլորում երկար բեխերն ու նրբացած իր ճաշակը ապացուցե-

լու համար, հայուհիների անհրապոյր լինելու մասին է խօսում...

Հեռու անկիւնում մեն-մենակ նստած բանաստեղծն արագ-արագ դրիչն է շարժում: Քաղցր շոյոյ խաժամուժը օրօրում է իր հոգին:

Նրա կողքին սեղանի շուրջ նստած մտաւորականները կարծիքների լուրջ փոխանակութեամբ են դրադում:

— Խնդիրներին պէտք է մօտենալ հասարակական տեսակէտից, — հնչում է Café Source-ի համալսարանաւարտ յաճախորդի ձայնը, որ արհամարհանքով լըցւած հոգիով նայում է բոլորին՝ ծխախոտի թանձր ծուխը կլորցրած շրթունքներից ոլոր-ոլոր դուրս հանելով — պուֆ, պուֆ, պուֆ:

— Հասարակական տեսակէտից բոլորը ոչնչութիւններ են, դուրի բարոյական սկզբունքներից, — շեշտակի նրա կողմը նայելով պատասխանում է ճեմարանաւարտ մտաւորականը, որ հակառակ բոլոր նախադրուշութիւններին միշտ ինքն իրեն վերաւորւած է դուռ, վերաւորւած ծանօթներից եւ ընկերներից, տանտիրոջից, սրճարանի «գառառն»ից եւ ամբողջ հայ ազգից... Չէ որ իրեն պէս «բառխ իսկական իմաստով» մտաւորականներ, այսպէս ասած, «գտարիւն» մտաւորականներ չկան ի վերջոյ... Իսկ մարդիկ՝ իսկ հայերը չեն կարողանում դնահատել իրեն:

Գլուխ-գլխի իրար մօտ խմբւածների արանքից երէտում է առատ ու խիտ մաղերով մի գլուխ, որ աչքերն աջ ու ձախ պտտցնելով լրացնում է իր նախադասութիւնը.

— Պէտք է պատրաստ լինել համաշխարհային յեղափոխութեան համար:

Մինչ անդին նիհարակազմ մէկը բաց դոյնի իր աչ-

քերի մէջ խորամանկներին յատուկ անմխտ ժպիտով թեք-թեք նայում է տափակազուլու իր հարեւանին.

— Զգոյշ, բարեկամ... այն տղան մութ դործերով է դրադում...

— Ինչպէ՞ս հասկացար:

— Երբ տեսայ, անմիջապէս հասկացայ... ձեռքի բրոշիւրից, — հանդարտ խորհրդաւորութեամբ շշնջում է նիհարակազմը. — Գիտես որ հմուտ եմ: Դէմ դիմաց էինք: Յանկարծակի բերի իրեն ու ձեռքից բրոշիւրը խլեցի: Յովհաննէս Թումանեանի «Գիւրոն» էր... Էմտեղի հրատարակութիւն...

Գլուխ գլխի իրար մօտ խմբւածների արանքում նըստած առատ ու խիտ մաղերով տղան երկու ձեռքով արագ նշան է անում իր խօսակիցներին: Գլուխներն աւելի են մօտենում իրար...

— Հեռում նստած այդ մարդկանց տեսնում է՞ք... «Նրանցից» են:

— Հաստա՞տ, — աչքերն ուրախութիւնից, թէ՞ սարսափից չոնով հարցնում է կապուտաչեայ սպիտակամորթը, վարից վեր նայելով խօսողի երեսին:

— Ստոյգ աղբիւրից դիտեմ:

— Քանի որ ընկերն ասում է, ուրեմն մի բան դիտի, — շշնջում են երկու երիտասարդներն իրար ականջի, բայց այնպէս, որ «ընկերը» լսէ, — ուրեմն մի բան կայ:

— Դու բարա:

— Փանջ ու սէ:

— Մեզ պէտք է տային հարիւր հազար քառակուսի կլումետր տարածութիւն... չախար... Աշխարհիս բոլոր հայերը պէտք է գային այնտեղ... փանջ... Մեր հայրենիքը պիտի դառնար երեք, չորս միլիոնանոց մի պետութիւն: Հաշւած էր, որ եթէ այդպէս լինէր 1940 թւին հա-

յերի թիւը պէտք է հասնէր հինգ միլիոնի... Դու շէշ: Յետոյ կամաց-կամաց Յրգնկայից դու-բա-եկ, մենք պէտք է յառաջանայինք դէպի Տիգրանկերտ, փանջ, դէպի Սեբաստիա, ու դէպի Կիլիկիա: Խփեցին, ձեռներըցս առին: Չա՛րկ:

— Նեաէ՛:

Արտօի ամբողջ ճանապարհի ընթացքին պահպանած լուռութիւնը, սրճարանի ծուխն ու խաժամուժը, հանդէսի մէջ ժողովուրդի սրտաշարժ ոգեւորութիւնը, երիտասարդ որբի յուզմունքը, այնպիսի ծանր տպաւորութիւն էին թողել Անուշի վրայ, որ նա իրեն մղձաւանջի մէջ ընկածի պէս էր զգում: Կարծես թէ ոչինչ չկար յատակ ու պայծառ նրան շրջապատող այդ իրականութեան մէջ եւ ամեն բան ծխոտ ու խեղդող էր:

Օդ, օդ, մի քիչ մաքուր օդ...

Թարմ ու մաքուր օդի կարիք էր զգում Անուշը, մինչ Արտօն նստած նրա կողքին խօսում էր դայրացած ու վըշտացած՝ պատմում էր անսպասելի իր հանդիպման ու իր լսածները մասին...

Վարդենին լարւած հետաքրքրութեամբ լսում էր նրան:

— Բայց ինչո՞ւ չմօտեցար, ինչո՞ւ չխօսեցիր իրեն հետ, Արտօ: Գոնէ յայտնէիր նրան, որ մենք Փարիզ ենք...

— Մօտենայի՞ր, խօսէի՞ր... Ինչե՛ր ես ասում, Վարդենի: Ինչպէ՞ս կարող էի ես այդ անել: Ես կուսակցական մարդ եմ, վերջապէս: Բայց երբ տեսայ նրան, անմիջապէս ճանաչեցի, թէ եւ սրտումս դեռ կասկած կար: Նրանք քայլում էին իմ առջեւից: Ես դալիս էի հանդէսի վայրը, բայց վճռեցի հետեւել նրանց՝ ստուգելու համար թէ իրօ՞ք նա էր, չէ՞ր սխալւում: Գնացին, դնացին, ես էլ նրանց յետեւից: Մտան «Սօսիտէ Սաւանտ»: Ես էլ

մտայ: Բարձրացանք աստիճաններից: Սրահը լեցուն էր բազմութեամբ. ամենքը եկել էին Հայաստանի նորեկ ներկայացուցչի խօսքը լսելու... Մի ասա թէ Հայաստանի նորեկ ներկայացուցիչը...

Վարդենին աչքերը չէր հեռացնում սրճարանի ապակի դռներից: Նա անհամբեր սպասում էր Բարդէնի ու Հայկի վերադարձին: Գիտէր, որ նրանք այդ գիշեր «Սօսիտէ Սաւանտ» էին դնացել, Հայաստանից եկած ներկայացուցչի դասախօսութիւնը լսելու: Նրանք անպայման աւելի մանրամասն տեղեկութիւններ կը բերէին: Վարդենին չափազանց արհուսում էր, որ ինքը բացակայ էր եղել այդ դասախօսութիւնից: Արտօի հաղորդած լուրը ակնյայտ յուզել էր նրան... Յուզել, բայց եւ ուրախացրել միաժամանակ...

— Տեսնէիք թէ ինչե՛ր, ինչե՛ր էր ասում... Ես, ասում էր, պատիւ եմ համարում պատկանել մի վարդապետութեան, որ... պատիւ է համարում... Մենք, ասում էր, փրկեցինք Հայաստանն ու հայ ժողովուրդը... Երէկուայ երեխան... Չգիտէ թէ ինչեր կորցրինք մենք:

Սրճարանի դուռը բացեց վերջապէս: Իրար հետ տաք-տաք վիճելով ներս ընկան Բարդէնը, Հայկն ու Արմաշը: Վարդենին անմիջապէս ոտքի ելաւ ու ձեռքերով նշան արաւ նրանց:

Խումբը մօտեցաւ:

— Գիտէ՞ք ով է եկել, — ասաց Հայկը դառնալով Վարդենուն ու Անուշին:

— Գիտենք: Արտօն պատմեց արդէն: Ասացի՞ք, որ մենք Փարիզ ենք:

— Ասացինք:

— Ձեր հարազատ հօրաքրոջ տղան է այդ մարդը, Վարդենի, — հարցրեց Բարդէնը:

— Այո՛, Բարդէն, մեր հարադատ հօրաքրոջ տղան:

— Ինչպէ՞ս չես յիշում, Բարդէն, — դարձաւ դէպի նա Հայկը ջղախնայած, — Ի՞նչ տարօրինակ յիշողութիւն ունես դու: Բազրատը, որ «Փարիզ» տպարանի մեքենայի անիւն էր դարձնում... Ձե՞ս յիշում:

— Բոլորովին չեմ յիշում:

Հայկն անհամբեր մի շարժում արաւ:

— Բազրատը Հայաստանի ներկայացուցիչ... դասախօսութիւն արւեստի մասին... Սրտանց արտասում եմ, որ ներկայ չէի:

— Բազրատը քո տեսած նախկին Բազրատը չէ այլ եւս, Վարդէնի: Նա հասուն մարդ է դարձել հիմա, ծանր ու կաղմած: Իր աչքերի նախկին տխուր լրջութիւնը չի փոխւել սակայն: Ձգաստ, արթուն, գործունեայ մարդու տպաւորութիւն է թողնում: Երբ մօտեցայ նրան՝ իսկոյն չճանաչեց ինձ. բայց երբ իմացաւ ով լինելս, շատ մտերմիկ ու սրտազին սեղմեց ձեռքս: Հարցրեց քո մասին, ձեր ընտանիքի մասին, բայց մանաւանդ քո մասին... Ու դեռ նախ քան դասախօսութեան սկսւելը մենք իրար հետ երկար, երկա՛ր խօսեցինք:

— Ի՞նչ էր ասում:

— Հարցրու Արմաշին, — ասաց Հայկը:

Արմաշը ժպտաց:

— 1920 թւի նոյեմբերը, ասում էր, հայ բովանդակ կեանքի մէջ նոր մի դարադաշտ է բացել:

— Եւ ճիշտ էր ասում, — վրայ տւաւ Արմաշը:

Արտօն, որ յօնքերը կիտած մի կողմ էր քաշւել, բարկացած նայեց նրան:

— Ո՛չ, ճիշտ չէր ասում: 1920 թւի նոյեմբերը կործանեց մեզ: Կործանեց եւ խլեց մեզնից այն, ինչ որ դարեր շարունակ կորցրել էինք ու որ ձեռք էինք բերել վեր-

ջապէս: Դուք վերջ ի վերջոյ, ինչ ուզում էք կարող էք մտածել, բայց գիտցէք, որ հայ ժողովուրդը, իր հոգու խորքում անչէջ մի կրակ ունի, եւ դա իր ազատութեան ու անկախութեան դադարարն է... Ոչինչ չի կարող այլ եւս խլել մեզնից անկախ եւ միացեալ հայրենիքի սրբազան դադարաւրը: Եւ հայ ազգն արժանի է իր անկախ հայրենիքն ունենալու՝ իր գերագոյն իղձն է դա:

— Բայց ոչ հաւատալով ու յենեկով բուրժուական ու կապիտալիստական Եւրոպայի վրայ: Հայկական հարցի միակ ու արմատական լուծումը, նրա պրոլետարական լուծումը հանդիսացաւ: Նոյեմբերեան յեղափոխութիւնն էր, որ Հայաստանին տւաւ ազգային մշակոյթի զարգացման իսկական ազդակները: Հրաշքի պէս մի բան էր դա հայ ժողովրդի եւ մեր հայրենիքի փրկութեան համար:

Արտօն հեղնական ծիծաղով նայեց Արմաշին:

— Թութակի պէս ամենքդ միշտ նոյն բանն էք կըրկնում, — ասաց նա:

— Եւ զարմանալին այն է, որ դեռ մինչեւ այսօր կան մարդիկ, կան երիտասարդներ մինչեւ իսկ, որ յուսահատուում են ու հարցնում թէ ո՞րն է հայի ուղին, — ասաց Արմաշը՝ առանց ուշադրութիւն դարձնելու Արտօնի ծիծաղի ու խօսքերի վրայ, խօսքն ուղղելով աւելի Հայկին:

— Այո՛, Արմաշ, եւ այդպէս հարցնողներն իրաւունք ունին, — խօսեց Հայկը վրդովւած: Այդ հարցը հրատապ հարց է մեզ համար: Մշուշապատ է մեր աչքին ամեն բան: Չկայ ոչինչ վճիտ ու պայծառ: Մեր սերունդը դժբախտ սերունդ է, յուստես, ջղախնոտ ու յոգնած: Յոգնած՝ հաղար-հաղար անդամներ վիճարանւած, տրորւած դադափարներով: Մեր ապագան դարձել է անորոշ: Որի՞ն հաւատայ հայ երիտասարդը... Մեր դադարաւրները, մեր

Հաւատամքներն այնքա՞ն տարբեր են այսօր իրարից: Մճողւած, իրար խաչաձեւող, իրար հակասող... Մէկը փարած է իր սղջ էութեամբ հայրենիքի անկախութեան, միւսը կրակոտ թշնամի է նրան: Արտօները կառչած են իրենց հնին, ուրիշները ժխտում են հին արժէքներն ու գուրգուրում նոր դադափարներ: Բարձր ու հաստ մի սլատ է ցցւած կարծես մեր առջեւ այսօր, նորեկ մեր սերունդի առջեւ, որ բաժանում է ամեն ինչ երկու ծայրայեղութիւնների, որ բաժանում է հայ ժողովուրդն իսկ երկու տարբեր մասերի... Եւ այդ ընկճում, խեղճացում է մեզ: Հայը երկրի մէջ եւ հայը երկրից դուրս... Եթէ սիրես ու ծառայես մէկին, թշնամի կը համարես երկրորդին. եթէ նւիրես երկրորդին՝ կը հալածես առաջինի կողմից: Վաս, խեղդող մթնոլորտ է ստեղծել այսօր երիտասարդութեան շուրջ: Բայց ո՞վ է մտածում նրա մասին, ո՞ւմ ինչ թէ ի՞նչ է սպասում նրան... Հայ երիտասարդի հոգեկան տագնապը սոսկալի է, սոսկալի է, Արմաշ, եւ նա չգիտէ, չգիտէ թէ ո՞րն է իր ուղին:

Արմաշը լուռ լսում էր նրան: Հայկը բորբոքել էր:

— Զարհուրելի այս ծովի մէջ հայ երիտասարդը, Արմաշ, իրեն համար աննկատ կերպով հալւում է, ձուլւում, կորցնում է իր ես-ը: Իսկ յիշո՞ւմ ես, թէ ի՞նչ էին ասում մեզ մեր ուսուցիչները՝ աւարտական վկայականները մեր ձեռքը դնելով. «Կեանքը գեղեցիկ փնտռումներ է մի ճամբայ է: Կեանքի մէջ ամեն բան կարող են խլել ձեզնից, բայց ոչ ոք չի կարող խլել ձեր հոգին, ձեր ինքնութիւնը, ձեր ես-ը»: Եւ, սակայն, երբ իրականութիւնն է ցցւած մեր առջեւ, մենք տեսնում ենք բոլորովին տարբեր մի բան:

Լուսնի եւ աչքերը դարձրեց բոլորի վրայ:

Անուշը, որ յենւած իր ափին՝ լուռ նայում էր մերթ

Արմաշին, մերթ Հայկին, բռնեց անմիջապէս Հայկի հայկեացքը: Որքա՞ն դառնութիւն կար թաղւած այդ աչքերի մէջ:

Վարդենին օգտուեց տիրող լուսնի լուսնից:

— Այդ հարցերի շուրջ ձեր վիճաբանութիւնը շատ կերկարի, — ասաց նա դառնալով Արմաշին, — դուք աւելի լաւ է սպասէ՞ք մեզ թէ ի՞նչ էր ասում Բաղրատը:

Արմաշը ժպտաց իսկոյն եւ, ի սպասախան Վարդենու առաջարկին, ձեռքը տարաւ գրպանը:

— Բաղրատի ճառը ես մանրամասն գրի եմ առել, կուզե՞ս, որ ասեմ:

Վարդենին գլխով հաւանութեան նշան արաւ:

Բարդէնը, որ Հայկի եւ Արմաշի խօսակցութեան ընթացքին հաղիւ էր զսպում իրեն, աթոռը մօտեցրեց Արմաշին ու դայրոյթով ու դառնութեամբ լցւած աչքերով սկսեց հետեւել նրա ընթերցանութեան:

«Այն, ինչ որ մի ժամանակ մենք անւանում էինք միտք եւ գրականութիւն, կամ կուլտուրա անունն էինք տալիս, — սկսեց կարդալ Արմաշը՝ հատ-հատ արտասանելով ու շեշտելով իւրաքանչիւր բառը, — իմպերիալիստական տիրապետութեան, կապիտալիստական դասակարգի անջատողական ձգտումների հուժկու գէնքն էր, ուղղւած բանոր դասակարգի դէմ: Դասակարգային հասարակութեան մէջ իշխում էր տիրող դասակարգի դադափարախօսութիւնը: Իշխում էին օրէնքներ, պատնէշի պէս ցցւած մի այլ դադափարի առջեւ, որ ձգտում էր աշխատաւոր մասսաներին ազատագրել սոցիալական ստրկութիւնից եւ բանալ նրա առաջ նոր կուլտուրայի աներեսակայելի բարձունքներ: Այսօր մեր երկիրն ազատագրւած է անցեալի տխուր ժառանգութիւնից եւ նոր արժէքներ է ստեղծում»:

Արտօն գայրացած, երեսը դարձրել էր պատի կողմը եւ աշխատում էր չլսել Արմաշին: Հայկը ջղային շարժումներ էր անում:

«Մարքսիզմը սովորեցնում է մեզ, որ արւեստը իդէոլոգիական վերնաշէնք է, որ ծնւում է հասարակութեան մէջ դոյութիւն ունեցող տնտեսական փոխյարաբերութիւնից եւ որ իր հերթին ազդում է այդ փոխյարաբերութիւնները վրայ: Արւեստը մենք դնահատում ենք տեսութեան եւ պրակտիկայի միասնութեան տեսակէտից, այսինքն՝ իդէոլոգիայի եւ դասակարգային պայքարի անբաժանելի կապի տեսակէտից: Ուրիշ խօսքով՝ արւեստը մեզ համար յեղափոխական ուտիլիտարիստական մէկ խնդիր է, որ կոչւած է ծառայելու բանւոր դասակարգի գերադոյն շահերին՝ օգնելու նրան իր պայքարի մէջ»:

Այստեղ նա երկար բացատրեց ու տրամաբանեց իր առաջադրած գաղափարներն ու ի վերջոյ ասաց որ՝ «Խորհրդային արւեստի առջեւ դրւած են հազարաւոր խնդիրներ՝ պատուել զխմակները, մերկացնել հասարակական կեղծիքն ու սուտը, լուսաւոնել մարդկանց զխտակցութիւնը, պատրաստել նրանց յաղթական պայքարի համար ու նւիրել սոցիալիստական կառուցման դործին: Խորհրդային արւեստը հանդէս է դալիս որպէս շահագործւող դասի արթնացած զխտակցութիւն եւ նոր կեանքի նոր պատգամներ է բերում մարդկութեան: Բուրժուական արւեստը կեղծ է եւ ազգայնամոլ, յղի ազգամիջեան բախումներով, մինչդեռ պրոլետարական արւեստը միջազգային է, մարդկային է եւ եղբայրութեան ու հաւասարութեան սաղմերով բեղուն: Բուրժուական արւեստն իր դասակարգի գաղափարախօսութիւնն է պարտադրում շահագործւող միլիոններին, մինչդեռ պրոլետարական արւեստը դասակարգերի վերացումն է: Եւ մենք մենակ չենք»:

Ու նա յիշեց մէկիկ-մէկիկ Բարբիւսին՝ «Կրակ»ի եւ «Ես մեղադրում եմ» դրամաքննրի հեղինակին, Բերնար Ծօին, Տէոդոր Գրայդէրին, որ իր նոր «Ողբերգական Ամերիկա» վէպով ջատագովն է հանդիսանում խորհրդային կարգերի, նոյնպէս լիպտօն Սինկլէրին, Ստեփան Յւայդին, Ռոմէն Ռոլանին իր ազգերի համերաշխութեան սքանչելի երազով, եւ ուրիշներին:

— Իսկ ես ասում եմ քեզ, սիրելի Արմաշ, — դիմեց Հայկն Արմաշին — որ առանց ազգային դաացողութեան արւեստը դոյութիւն չունի: Ինչպէս էլ որ դրես, ինչպէս էլ որ ստեղծագործես, անհատը՝ արւեստագէտի անհատը պիտի արտայայտի, իսկ իւրաքանչիւր անհատ մասնիկն է իր ազգի: Զգալ, մտածել անկախ՝ օղի մէջ, անկարելի է որեւէ ստեղծագործողի համար: Իսկ դասակարգային պայքար, իսկ դասակարգերի վերացում... Դուք էք, որ ստեղծել էք արդէն ամենամեծ դասակարգն ու ամենախոր դասակարգային դրականութիւնը:

Արտօն գլխով հաւանութեան նշան արււ Հայկին ու ծուռ-ծուռ նայեց Արմաշի կողմը:

Ու մինչ տաքացած խօսում էին այսպէս, Վարդենին խորասուզել էր այլեւս իր մտածմունքների մէջ: Նրա մտքերը շատ հեռու էին ներկաներից. նա մտովին տեղափոխւել էր դէպի անցեալը: Ահա Բազրատը, Մարջան հօրաքրոջ Բազրատը... իր ծննդավայրի այն միջավայրում...

Ու Վարդենու առջ բացւում, փուռում էր նրա կեանքը, Մարջան հօրաքրոջ վիշտը, Բազրատի յուսահատ ու լքւած վիճակը...

Ու յիշում էր Վարդենին իր եւ Բազրատի միջեւ եղած վերջին տարիների մտերմութիւնը... Այդ յիշողութիւնը յուզում էր նրան...

Խորն այն զդացումը, որ տարիներ շարունակ թաղ-  
նւած մնացել էր նրա հողում, տաք ու բուռն հոսանքով  
բարձրացել էր յանկարծ ու խեղդում էր նրան: Մոռա-  
ցումի մասնւած ուժեղ մի զդացում... Վարդենին զգում  
էր, որ իր եւ Բաղրատի միջեւ ստեղծւած երբեմնի ներ-  
քին կապը դեռ կար, դեռ շարունակուում էր: Ներաշխարհի  
մէջ թագնւած զդացմունքները գլուխ էին բարձրացրել եւ  
հողու մէջ թաղւած իղձերը, որոնց նա մեռած էր համա-  
րում, արթնացել էին արդէն: Ինչպէ՞ս ինքը չէր մտածել  
երբեք նրա մասին... Ինչպէ՞ս էր, որ իր սիրտը չէր դու-  
շակել այդ անակնկալը...

Եւ ի՞նչն է պատճառը, որ Բաղրատը մի ժամանակ  
անկումից անկում էր դնում, մինչ նոր մի միջավայր՝  
հայրենիքի ծոցում, դարձրել էր նրան ահա հասարակու-  
թեան շահերին ծառայող մի անդամ: Իսկ իրե՞նք... Ի՞նչն  
օրինակ, որ այնքան ճիշդով սովորեց ու աւարտեց, վկա-  
յականը գորոցի մէջ ամուր փակած նստել է ահա...  
Նստել է ու կար է անում, օրւայ ապրուստը միայն շա-  
հելու համար:

Ինական է, ի՞նչ կարող էր անել նա իր վկայակա-  
նով... Միջավայր չկար, ասպարէզ չկար իրեն համար:

Ու Վարդենին յենւած ձեռքերի դոյզ արեւի վրայ,  
աչքերը կիսափակ վերջելու էր ահամայ վերջին տարի-  
ների իր կեանքը, իր անդուդական ճիգը... Եւ այն օրը՝  
վկայականը ստանալու «երջանիկ» այն օրը...

Երեկոյ էր: Մենմենակ բարձրանում էր նա պան-  
դոկի աստիճաններէրց:

Պանդոկի աստիճանները... Ոլորապտոյտ, ողորկ  
այն ցանկապատը, որ սկսում էր վերից ու կլոր-կլոր  
իջնում էր մինչեւ վար... Պատերը դեղին, նրբանցքի մէջ՝  
աջ ու ձախ թւակալած դռներ...

Այդտեղ էր ապրել ինքը տարիներ ի վեր — թւա-  
դրւած դռներով, փոքրիկ խուցերով այդ բանտի մէջ...

Երկար, երկար տարիներ... Այնքա՞ն եռանդ, այն-  
քա՞ն աւիւն խլեցին նրանք:

Եւ ի՞նչ տխուր էին այդ պատերը, որքա՞ն երկար,  
անվերջանալի երկար էին սանդուղիները. խսկ դէմ-դէմաց  
վերջին աստիճանի ծայրին, դեղին դրան վրայ ամրացրած  
թիւ 51-ը...

Թիւ 51...

Տարիներ շարունակ, ամիսներ եւ օրեր, ցցւել էր  
նա իր առաջ՝ ամեն անգամ, երբ բարձրացել էր այդ աս-  
տիճաններից... Իսկ ապրում էր այնտեղ ծեր այն մարդը:  
Քսանհինգ տարի էր, որ ապրում էր նա թիւ 51-ում.  
սկսել էր ուրեմն այնտեղ երկտասարդ, խանդավառ մի  
կեանք, որ քսանհինգ տարիների ընթացքում սահել էր,  
անցել, անլոյս, անկրակ, չորս պատերի արանքում:

Ի տես այդ դրան Վարդենու մարմնով ուժեղ մի  
սարսուռ էր անցել: Ու վկայականը ձեռքին կանգնել էր  
նա այդ դրան առաջ, աստիճանների վլիսին, լուռ ու դըլ-  
խիկոր: Յանկարծ ամեն բան այնպէ՞ս դատարկ, այնքա՞ն  
անիմաստ էր երեւացել Վարդենու աչքին... Կարծես եր-  
կաթեայ ծանր մի դուռ շառաչելով փակել էր յանկարծ  
նրա առաջ լայն ու ծանր իր փեղկերը: Եւ անթափանց  
ասպարան փռել էր իր առաջ մութ մի տարածութիւն...

Անորոշ, աննպատակ մի ասպարայ:

Դիպում, վկայական...

Ինչի՞ էր պէտք, ո՞ւմ էր պէտք...

Այսպէս էր զդացել Վարդենին այն ժամանակ:

Իսկ ա՞յժմ, այժմ հոգին շերտի էր բռնւել...

Բաղրատը Փարիզում...

Վարդենին զգում էր կարծես, որ իր կեանքի մէջ

Յանկարծ նա ընդհատեց խօսքը:

— Ի՞նչ էք ուզում, ախպէր Չան, ի՞նչ էք ուզում մեզնից վերջապէս... Միեւնոյն է մենք չկանք այլեւս, չկանք, չկանք այլեւս...

Նա բարկացած վեր կացաւ տեղից ու առանց մնաս բարեւ ասելու, շտապ դուրս եկաւ սրճարանից:



Այդ գիշեր Անուշը տուն ընկաւ յոգնած ու տխուր, դատարկ, լքած հոգիով:

Երբ վեցերորդ յարկի փոքրիկ այն սենեակի դուռը փակեց նրանց ետեւից, Անուշն անմիջապէս ինքն իրեն նետեց մահճակալին ու թաղեց գլուխը բարձերի մէջ:

Ա՛հ, փոքրիկ այդ սենեակը... Կարծես սլատերը փուլ էին գալիս նրա գլխին: Այնքան նեղ, այնպէս սառն էր այնտեղ...

Որքա՛ն զգացմունքներ, յոյզեր ու ապրումներ իրար վրայ դալով, իրար բախելով, մէկը միւսին հալածելով, մէկը միւսին չեզոքացնելով, գլորեւել, անցել էին այդտեղից... Այդ սենեակի մէջ էր, որ երկար տարիներ բազմաթիւ մտքեր ու գաղափարներ իրար էին եկել, իրար վրայ կուտակուել ու այնպէս տանջել էին Անուշին: Նրանք մերթ խեղճացրել էին նրան ու նա այնպէս անգօր, այնպէս անպէտք էր զգացել ինքն իրեն, մերթ յուսահատութեան էին մատնել նրան եւ Անուշը գլուխն ատիւրի մէջ առած լաց էր եղել... Ա՛հ, երիտասարդ իր հոգին երկար այդ տարիներին ընթացքում այնքա՛ն բան էր զգացել...

Թանձր վարադոյրները, որ ծանրութեամբ իջել էին մինչեւ յատակը կտրել էին նրան ողջ աշխարհից: Պատկից սենեակից լսում էր հարեւանի ժամացոյցի համաչափ դարկը՝

Տիկ-տակ-տակ

Տիկ-տակ...

Անուշի գլուխն ուռել էր: Երազի մէջ լինէր կարծես: Մարմինը թուլացել էր, ջղերը լարուել էին եւ դիտակցութեան վրայ թանձր մի մշուշ էր լիջել ու չէր կարողանում այլեւս հանգստացնել հոսանքն անթիւ մտքերի, որոնք արճիճէ զնդակների պէս կլոր-կլոր սլտուում էին նրա գանգի մէջ, իրար բախում, աղմկում ու դումբ-դումբ վար թափւում, թափւում, թափւում...

Մղձաւանջ էր:

Ու թւում էր Անուշին, որ ինքը նստած է նեղ այն վերնաշարիում: Երիտասարդ դէմքեր, բորբոքած աչքեր ամեն կողմից իրեն են նայում: Միջոցի մէջ մերթ Հայկի սակէ գլուխն է երեւում, մերթ նախագահի ակնոցներն էն փայլելում...

— Ընկերներ... հարցերը դարձել են առեղծւածային...

— Հայը, ընկերներ... հայը տառապում է ե՛ւ իրեն հայ ե՛ւ իրեն մարդ...

Գոռում են, աղմկում:

Բայց յանկարծ ամեն ինչ փոխւում է... Անուշն ինքն իրեն դտնում է ծխոտ մի սրճարանում:

Ծանր, անշնչելի օդ, սղտոր ուրւագծւած դէմքեր... Իր շուրջը նստած են շաղախւած աչքերով ու խամրած դէմքերով մարդիկ ու խօսում են, խօսում, խօսում... վիճում են, բորբոքում...



Բարդէնը ձեռքերը թափահարելով կանգնած է սըր-  
ճարանի մէջտեղը.—

— Peintre arménien ... Ի՞նչ էք ուզում մեզնից,  
ախպէր ջան, ի՞նչ էք ուզում մեզնից վերջապէս... միեւ-  
նոյն է մենք չկանք, չկանք այլևս...

— Դու բարա...

— Փանջ ու եք... մեզ սխտք է տային հարիւր հա-  
զար քառակուսի կիլոմետր տարածութիւն...

— Զտարիւն, գտարիւն մտաւորականութիւն...

Յանկարծ դարմանալի մի աղմուկ լցնում է ողջ  
սրճարանը... Հինաւուրց մի խուրջինի թելեր քահլում  
են յանկարծ եւ դուրս է նետում բրդէ մի փափախ, մի  
չւի... Իսկ օդում ձեռք ու ոտք առած իր թիւերն է թա-  
փահարում դեղնած մի յուշատետր...

Հեռու, հեռու հազիւ նշմարելի մի անկիւնից երեւում  
է Արտօն...

Արճիճէ դնդակները հսկայ գանդւած են դառնում:  
Զանգւածն իջնում է Անուշի աչքերի վրայ, սրտի վրայ,  
ճնշում է, ճնշում...

Գունասա մի տղայ դէմքը մօտեցնում է Անուշի դէմ-  
քին...

— Ես հարբած չեմ, հարբած չեմ... Ես ամեն գիշեր  
այսպէս լալիս եմ...

Անուշն այլևս ոչինչ չի տեսնում: Հեռուից՝ ինչ որ  
մի փոսից լսում են տարօրինակ ձայներ... Լաց ու ողբ,  
յետոյ գայրոյթ ու բողոք, մերթ սուր մի ճիւղ, անկապ  
խօսքեր եւ բացադանչութիւններ...

— Օղնութի՛ւն, օղնութի՛ւն... — ճչում է Անուշը:

Ու ահա, ահա ամեն կողմից կրակի բոցեր, հրէ լե-  
զուններ դէպի Անուշն են երկարում, քսում են նրա մար-

մնին, երեսին... Ողջ սենեակը կրակի մէջ է: Բոցերն  
իրար են դալիս, հաւաքում են, խմբում, միանում...

— Հարբած չեմ, հարբած չեմ ես...

Բոցերի մէջ Նոտր-Դամի քիմերաները պար են բռն-  
նում, պարում են: Կոռնէյը, Մոլիեռն ու Ռասինը, իրենց  
դարի տարագներով գարդարւած անկիւնից անկիւն են  
ցատկոտում...

Անուշն այրւում է, Անուշը վառւում է: Իր շուրջը  
ծուխ է, իր ներսը մշուշ...

— Օդ, օդ, մի քիչ մաքուր օդ...

Բայց Անուշի ձայնը լսող չկայ: Իսկ մարդիկ շա-  
րունակում են խօսել, խօսել: Իրենք էլ չգիտեն այլևս թէ  
ինչի մասին են խօսում: Պղտոր մտքերը թափւում են  
տախտակէ սեղանների, կեղտոտ մոխրամանների, դա-  
տարի բաժակների վրայ...

...

Մութ էր:

Սենեակի խաւարը ճնշիչ ծանրութիւն էր ստացել:  
Դրսում բարակ անձրեւը սկսել էր մաղւել քաղաքի վրայ  
եւ լուսամուտների ապակիները միօրինակ թխթխոցով  
լցնում էին լութիւնը:

Անուշի բորբոքւած ուղեղի վրայ արդէն թմրութիւն  
էր իջել: Բայց այդ ի՞նչ էր...

Հեռուից՝ թանձրացած խաւարի միջից գլորելով,  
գլորելով դէպի Անուշն էր գալիս տարօրինակ մի առար-  
կայ...

Նա նայում է դարմացած:

Խաւարն արդելում է նրան լաւ տեսնել: Բայց շու-  
տով ոլորելով առաջացող տարօրինակ առարկան դարմա-  
նալի արագութեամբ վեր է բարձրանում՝ այնպէս ինչպէս  
մէկը նրա ծայրից բռնէր ու բարձրացնէր, թափահարում

է ու ահա Անուշի շարած աչքերի առաջ բացւում, փրու-  
ւում է արեւելեան մի գորգ...

Հազար ու մի նախշերով, հազարգոյն գոյներով,  
վառ ու ալւան ծաղիկներով դարձարւած արեւելեան մի  
գորգ...

Անուշը նայում է, նայում եւ ի՞նչ է տեսնում...

Գորգի նախշերը մեծանում, մեծանում ծառեր, թը-  
փեր են դառնում... Նրա գոյն-գոյն թերերը պոկւում,  
ցրիւ են դալիս ու բաղմագոյն վարդեր բացւում, սփռւում  
են ամեն կողմ:

Անուշի համար այլեւս ամեն բան պարզ է: —

Գորգը գորգ չէ, այլ գունազեղ մի պարտէզ:

Յանկարծ ամեն կողմից՝ թփերի արանքից, ծառերի  
բներից, վարդերի միջից դուրս են նետւում ու պարտէզ  
թափւում ծանօթ ուղիներ, սիրելի դէմքեր... —

Ամենքը, ամենքն այդտեղ են՝ հէքեաթ այդ պար-  
տէզի մէջ են... Այդտեղ է երկնքի Արեւ աղջիկը, կապ-  
տաթեւ էն թաւար դուշը... Տատի հէքեաթների բոլոր  
հերոսները... Այդտեղ է եւ ինքը Անուշը... Նրա աչքերը  
կապւած են նախշուն մի թաշկինակով եւ ուրախ-ուրախ  
վազում է նա արահետից արահետ, ծիծաղում է, թռչկո-  
տում... Իսկ իր շուրջը քրքում ու թռչկոտում են բոլոր  
հին ընկերները, հէքեաթների բոլոր այն հերոսները...

— Ձեռ բռնի, չէ, չեռ բռնի...

Աչքերը կապւած են նախշուն թաշկինակով... Բայց  
ամեն ինչ այնպէս պայծառ, այնպէս ջինջ է երեւում Անու-  
շի աչքին... Նա վազում է նրանց ետեւից, վազում խեն-  
թի պէս: Իր խենթ վազքի հետ վազում են կարծես եւ  
պարտէզի ծառերը, փոքրիկ արահետները երկար ճամբա-  
ներ են դառնում ու կանչում, կանչում են Անուշին:

Որքան գեղեցիկ, որքան պայծառ է երեւում ամեն  
ինչ:

Բայց յանկարծ...

Անուշը ցնցւում է:

Լսում է ուժեղ մի դղրդոց... Շուրջն ամեն բան  
փուլ է գալիս ու խառնւում է իրար: Ամեն կողմից լսում  
են դարհուրելի թնդիւններ... Թանձր խաւարը իջնում ու  
պարուրում է ամեն ինչ:

Եւ ահա թանձր այդ խաւարի միջից զանգւածային  
հսկայ մի մարմին տնկւում է յանկարծ Անուշի առաջ:

— Հա, հա, հա...

Անուշն անմիջապէս ճանաչում է նրան...

— Հորաքոյր, հորաքոյր...

Նրա առաջ կանդնած էր հէքեաթի դեւը: Ծուռ-մուռ  
Ժայռի պէս անճոռնի գլխով, մինչեւ ականջները ճեղքւած  
հսկայ բերանով, դիշատիչ ատամներով այն Դեւը...

Անուշն ուզում է ճշալ, ուզում է գոռալ, բայց Դեւն  
արդէն սկսում է մօտենալ նրան: Մօտենում է, մօտե-  
նում...

— Հա, հա, հա, — լսում է նորից նրա ծանօթ  
քրքիջի ձայնը... — հա, հա, — Ու շնջում է սարսուռ  
առաջացնող փախոցով, — կուղե՞ս աչքերդ բանամ:

Ու մինչ Անուշն ուզում է փախչել — Դեւը դերս-  
նանման իր թեւը երկարելով, ուռած մատները տանում  
է դէպի Անուշի նախշուն թաշկինակն ու քակում է հան-  
գոյցը:

Թաշկինակը վայր է ընկնում:

Աշխարհը մթնում է:

Այլեւս ոչինչ չի երեւում: «Փախչել, փախչել...»  
մտածում է Անուշը... Ու զոյգ ձեռքերն առաջ մեկնելով,  
գերբնական մի ճիգով ճեղքում է նա խաւարն ու նետւում  
առաջ:

Սկսում է վազել:

Վազում է, վազում, թեևերը դէպ առաջ երկարած,  
դըլուխը յետ դցած՝ բաց ընկածի պէս:

Խաւարը շարունակում է փռել նրա առաջ իր ան-  
թափանց տարածութիւնը: Յետեւից Դեւը հալածում է  
անդադար: Եւ յանկարծ Անուշը նկատում է, որ ինքն օդի  
մէջ է վազում այդպէս...

Օդի՞ մէջ... Կատաղի ու անզուսպ այդ թափո՞վ...—

Հող չկար իր ոտքերի տակ:

Նա դարհուրում է:

Վարը անդունդն է:

Խելակորոյս թռչում է նա խաւարի միջից... Իր  
մտքի մէջ ամեն ինչ խառնել է իրար: Շունչը կտրուում է  
կարծես: Կարծր մի բան վերից սեղմում է, ճնշում...

— Հող, Հող...— Ճշում է Անուշն ու արթնանում:

Ինքնաշարժը կանգնեց:

Բազրատը բռնելով Վարդենու թեւից նստեցրեց  
նրան կառքի մէջ:

Փարիզի լուսաւոր փողոցներով նրանք սլացան արագ  
ու սահուն:

Հազարաւոր լոյսերի շիթեր իր գիրկն հաւաքած,  
հանդարտ վեհութեամբ հոսում էր Սենան՝ հեռու-հեռո՞ւ-  
ներ տանող անծայր մի ճամբի նման:

Դըրդում էր ինքնաշարժը, իսկ հեռուում, մութի մէջ  
էյֆէլն էր վառուում, բորբոքւում՝ բռնկում յանկարծ,  
հրդեհի բաւաների մէջ աստղեր բացում ու մարում...

Վարդենին իր ձեռքը Բազրատի ափերի մէջ պահած,  
նայում էր ու ժպտում նրան: Իր սիրտը բացել էր կար-  
ծես: Նրան թւում էր, որ ինքն այդ օրւան էր սպասել տա-  
րիներ ի վեր: Նա գզում էր, որ իր փնտրումների ու սպա-  
սումների հանդոյցի վրայ էր կանգնել արդէն. — Յաւոտ  
այն հարցը՝ զնա՞ւ, թէ չգնալ, որ տարիներ շարունակ  
մեխել էր իր ուղեղի մէջ եւ հանգիստ չէր տալիս նրան,  
այսպէս անակնկալ կերպով լուծել էր ահա ու կեանքը  
բացել, փռել էր իր առաջ մի այլ ուղի:

Ու ահա նստած էր նա Բազրատի հետ կողք-կող-  
քի... Ինքնաշարժը սլանում էր այդպէս արագ, իսկ Վար-

դենու մտքի մէջ պատկերանում էր բովանդակութիւնն այն նամակի, որ նա գրել էր իր եղբորը՝ Չաւէնին:

Մմեն, ամեն ինչ աւաւած էր այնտեղ...

Վարդենին համոզուած էր, որ Չաւէնն իրեն կը հասկանայ: Երկար այդ նամակը Վարդենին անձամբ էր տանում Չաւէնին յանձնելու համար... — Հիմա, երբ ամեն ինչ որոշուած էր արդէն...

Այն ճաշարանը, ուր աշխատում էր Չաւէնը, ճերմակ ուռնների ժամադրաւայրն էր: Այնտեղ փակ դռների եւ թանձր վարագոյրների ետեւում, հնչում էին դնչուական երգեր ու հոսում էր սպիտակ օդին:

Երբեմնի մարդիկ այտեղ էին սպառում իրենց վերջին դրամն ու վերջին ճիւղը:

Ներս մտնելու առաջին խի վայրկեանին, հսկայ մի գլուխ՝ ճաղատ ու տափակ, կռացաւ հանդարտօրէն ու կրկին վեր բարձրացաւ: — Կարապետ Նիզողոսեւիչն էր՝ ճաշարանի տէրն ու թագաւորը:

Սպասաւորներն անմիջապէս մօտ վազեցին ու նրանց յատկացրին ազատ մի սեղան:

Սրահի ծայրում շինուած էր փոքրիկ մի բեմ, որի վրայ ուսական տարագներ հազած մի խումբ նւագում էր լարաւոր դորձիքների վրայ: Կարմիր լապտերներից ծորոզ լոյսը խառնուում էր բալալայկայի մեղմ հեծկտոցին: Արդիական հասարակ նկարներով դարդարուած պատերից բուրժ մի դդացողութիւն էր մաղուում:

Յատակը ծածկուած էր կարմիր թաւիչով:

Մի քանի սեղանների շուրջ նստած մարդիկ, խամբած աչքերով, աչքեր, որոնց միջից ինչ որ անյայտ տանջանք ու մեղամաղձութիւն էր ծորում, խմում էին ու լսում բեմից հոսող տխուր նւագը: —

Պէտք էր չարչարել, քաշկռտել հողին...

Ու լցում էին բաժակները, մէկը միւսի ետեւից կուլ դնում:

— Дальше, голубчик, дальше...

Վարդենին դիտում էր իր շուրջը՝ ճաշարանատիրոջ, սեղանների շուրջ նստած այդ մարդկանց: Նրա յիշողութիւնը թարմացել էր յանկարծ... Ահա-ահա երբեմնի այն մարդիկ՝ մօրուքը մէջտեղից կիսած ու բխերի հետ խառնած չիմովնիկը, կատուի արտայայտութիւն ունեցող կառավարիչը... — իրենց քաղաքում, ուսական հիմնարկութիւնների մէջ ծառայող սեփական պաշտօնեաները, որ դալիս էին իրենց մօտ, երգում, խմում եւ «Կարապետի» մասին դանազան դարձալիքներ պատմում: —

— Дальше, голубчик, дальше...

Սպասաւորները մատակարարում էին պատուիրած կերակուրները:

Բազրատը փաղաքշանքով նայում էր Վարդենուն: Տարիներ էին անցել ու ահա նա կրկին հանդիպում է նրան: Հանդիպում է բոլորովին այլ պայմանների մէջ, ուրիշ մի աշխարհում, բայց նոյն Վարդենուն: Նա մեծացել էր միայն, աւելի դեղեցկացել:

Երագի պէս էին անցել այդ մի քանի շաբաթները Բազրատի համար, Փարիզում: Մմեն օր նա դալիս էր Վարդենու մօտ եւ ժամեր ու ժամեր նրանք խօսում էին իրար հետ ու պատմում, պատմում... —

Վարդենին պատմում էր իր կեանքի, ապրումների ու իր տատանումների մասին. տատանումներ, որ վերջ չունէին կարծես:

— Ի՞նչ անել, Բազրատ, ի՞նչ անել, — կրկնում էր նա շարունակ:

Ու այժմ նստած իրար հետ կողք-կողքի Բազրատը

վաղաքշանքով նայում էր նրան ու իր հաստատուն ձայնով պատասխանում նրա հարցերին :

— Քսաներորդ դարի մարդը, — ասում էր Բագրատը, — պէտք է դիտակցի իր անելիքը հասարակութեան մէջ : Նայիր շուրջը : Երկու հզօր ուժեր իրար կոկորդից բռնած մահու եւ կեանքի պայքար են մղում : Մէկը յեղափոխական թափով ասպարէզ է եկել, քայլ առ քայլ հետապնդում է թշնամուն ու դրաւում է նորանոր դիրքեր, միւսը մահաւան դատապարտած նահանջում է : Երկաթեայ տրամաբանութեամբ կեանքն իր գործն է տեսնում : Միջազգային աշխատասուրութիւնն ասպարէզ իջած պատմութիւն է կերտում, եւ մենք՝ մեր երկիրը, Վարդենի, լծւած ենք յաղթողների ասյլին ու քայլում ենք դէպի ասպառայ : Մարդը, կատարեալ մարդը նա է, ով իր մեծ կոչումի դիտակցութիւնն ունի. նա երբեք չի տատանւի : Նրա վճիռները կը լինեն պարզ, կտրուկ եւ որոշ : Փորձիր մեռցնել քո մէջ հինը, Վարդենի, ու դու երջանիկ կը լինես : Փորձիր արթնանալ մի առաւօտ առանց անցեալի, առանց միտքն ու հոգին կաշկանդող հնի, որպէս ազատագրւած մի անհատ, որպէս նոր մարդ, նոր կեանքով ասպրելու համար եւ դու երջանիկ կը լինես :

— Արթնանալ մի առաւօտ առանց անցեալի, առանց հոգին ու միտքը կաշկանդող հնի... Որպէս ազատագրւած անհատ, որպէս նոր մարդ...

Խումբը սկսեց նւագել կովկասեան սրբի մի եղանակ : Սեղանների շուրջ նստած մարդիկ սկսեցին ուրախ ուրախ ծափահարել : Ու մէկ էլ դարձ մի խմբից, վեր ցատկեց չերկեսկա հազած վայելչակազմ մի վրացի, թեւերը լայն բացեց ու ընկաւ մէջտեղ :

— Կեցցէ՛ իշխանը, կեցցէ՛ իշխանը, — բղաւեցին ամեն կողմից :

Իշխանը սրահի մէկ ծայրից միւսն էր թռչկոտում : Մէկ քարանում էր յանկարծ, յետոյ նորից մանր-մանր քայլերով ասպարէզ էր նետում :

— Ձերդ պայծառափայլութիւն, բռաւօ, իսկապէս բռաւօ : Շատն անցել քիչն է մնացել, ձերդ պայծառափայլութիւն, շուտով ազատութեան արշալոյսը կը ծագի մեր բոլորի հայրենիքներում եւ մի օր էլ այսպէս ուրախ կը պարենք մեր հայրենի սրահներին մէջ :

— Ուղում են յետ դարձնել պատմութեան անիւը, չինջաց Բագրատը ժպտալով Վարդենու ականջին, — բայց պատմութիւնն իր ճամբան ունի :

Վարդենին մտերմօրէն յենել էր Բագրատին եւ ուշադրութիւն դարձած լսում էր նրան : Բայց յանկարծ Վարդենին ցնցեց : Բարձրացրեց գլուխն ու նայեց Բագրատին :

Բագրատը վարի շրթունքն ատամների մէջ սեղմած, աչքերը յառել էր բեմին...

Այնտեղ, բեմի բարձրութեան վրայ, գեղջկական սարափանը հագին, ձեռքերը կրծքին ծալած, կանգնած էր... Նստան : Նրա կողքին, գիթաուը ձեռքին...

Նրա կողքին գիթաուը ձեռքին նստել էր Զաւէ՞նը...

Վիշտ ու քալսիծ անելանելի  
Սիրտս ցաւագին հեծեց,  
Այս, ինչու այս վիշտը, ծանր ու տխուր,  
Ոչ ոք, այս ոչ ոք չըմբռնեց...

Օ՛, այդ ձայնը... հոգի քաշկոտող այդ երգը...  
Նստան...

Աչքերի նոյն արտայայտութիւնը, նոյն ձեւերն ու նոյն երգերը...

— Ա՛հ, կուգեմ, որ մեղ չտեսնեն, — դռնէց յուզ-

լած Վարդենին ու գլուխը յետ-յետ քաշեց: Բայց ինչո՞ւ:  
Ձէ՞ որ ինքը եկել էր Ձաւէնին տեսնելու համար... Ին-  
չո՞ւ տհաճ այդ գզացումը, ի տես իր եղբոր, գիթառը  
ձեռքին, Նատայի կողքին:

Նատան է՞ր մեղաւոր...

Գիթառի լարերը շարունակուում էին հնչել մեղա-  
մաղձօրէն.—

Այս, ինչու այս վիշտը ծանր ու տխուր  
Ոչ ոք, այս, ոչ ոք չըմբռնեց:

Անկիւնի պատը որոշ չափով ծածկում էր Վարդե-  
նուն ու Բազրատին եւ Ձաւէնն ու Նատան չէին նկատում  
իրենց դիտողներին:

Բազրատը լուռ լսում էր:

Իսկ Վարդենուն թւում էր, որ այդ երաժշտութեան  
ամեն մի ձայնը, Նատայի երգի ամեն մի բառը ժամեր,  
ժամեր էին տեւում... Նրան թւում էր, որ այդ երգը  
վերջ չունէր այլեւս... Որ Ձաւէնը դատապարտած էր  
այդպէս հնչեցնելու իր գիթառի լարերն անվերջ ու ան-  
վերջ... Ու Վարդենին գգում էր, որ իր եղբայրը կորել  
էր այլեւս իր համար:

Ի՞նչ մթնոլորտ էր այս: Ովքե՞ր էին այս մարդիկ,  
ի՞նչ էին փնտռում:

Եւ այդ երգերը...

— Ինչպիսի հիւանդադին ապրումներով են լցւած  
այդ երգերը: — Ասաց Բազրատը կռանալով դէպի Վար-  
դենին, — այնպէս չէ՞:

Վարդենու աչքերը լցւած էին արցունքով:

Բազրատը ձեռքը դրաւ նրա ուսին:

— Դու ախտոտում ես մի բան, Վարդենի... Այդ  
երգը քեզ տխրութիւն է պատճառում:

Վարդենին հառաչեց:

— Այդ ե՛րգը... Այո՛, Բազրատ... Ես ախտոտում  
եմ Ձաւէնին...

Բազրատը մեղմութեամբ շոյեց նրա կախ ընկած  
գլուխը:

Երբ Նատան ու Ձաւէնը վերջացրին վերջապէս իրենց  
երգն ու ծափերի տարափի տակ դուրս եկան բեմից, Վար-  
դենին անմիջապէս ստքի ելաւ:

Ու մինչ երաժշտութիւնը կրկին հնչեցնում էր կով-  
կասեան մի եղանակ, նրանք մօտեցել էին արդէն դռնե-  
րին: Կարապետ Նիզողոսեւիչի ճաղատ գլուխը նրանց  
առաջ կրկին վար իջաւ ու հանդիսաւորութեամբ վեր  
բարձրացաւ:

Դռների մօտ, մի փոքր տատանումից յետոյ, Վար-  
դենին սպասաւորի ձեռքի մէջ սահեցրեց պատրաստած  
իր նամակը եւ խնդրեց նրան յանձնել այն Ձաւէնին: Յե-  
տոյ շտապ բռնեց Բազրատի թեւից ու նրանք միասին  
դուրս եկան փողոց:

Կէս գիշերը վաղուց անցել էր արդէն: Ձարմանալի եւ դարհուրելի մի խաղաղութիւն էր տիրում ամեն կողմ: Բազմապարկ տներ, փակւած լուսամուտներով, անշարժացած օթօներ, մթնած ցուցափեղկեր... Կարծես չար կախարդի անէծքով քարացած քաղաք լինէր Փարիզն այդ պահին:

Ուշ այդ ժամին, բաց մնացած մի սրճարանում նըստել էին Արտօն, Հայկն ու Բարդէնը:

Արտօն անհանդիստ էր. իր յօնքերից մէկը թռել, վեր էր բարձրացել: Նրանք երբեմն-երբեմն խօսքեր էին փոխանակում իրար հետ, յետոյ շարունակ ու շարունակ նայում պատից կախւած մեծ ժամացոյցին:

— Դեռ բաւական ժամանակ կայ,— ասաց Արտօն կարծես ինքն իրեն ու ձեռքով նշան արաւ, որ սպասաւորը դարեջրի բաժակները նորից լցնէ:

— Այսօր, ես աշխատելու չսկսեցի է դնամ, թող իմ աքաղաղն ինչքան ուզում է, կանչէ:— Նա լուց մի վայրկեան, յետոյ շարունակեց գլուխը շարժելով,— հէ՛յ գիշերի օրեր... Մի ժամանակ, երբ աքաղաղը կանչում էր, շտապ արթնանում էի, հագնւում ու ընկնում այգիները՝ ոստիկանների աչքից պատասպարելու համար, մինչեւ որ մութը նորից ընկնէր ու ես մի նոր թագստոց գտնէի ինձ համար... Հէ՛յ գիշերի օրեր... Հիմա իմ աքաղաղը դոր-

ծարանի սուլիչն է, որի ճշոցից մարդու սիրտն է ծակւում...

Անցաւ մի քանի րոպէ:

Լուսթիւնը խոզը կրկին Արտօն էր:

— Այո, ես միշտ կարծում էի, որ վերջը էսպէս մի բան պէտք է պատահէր... Որ էդ աղջկայ ներսումը բաներ էին կատարւում... Միշտ լուակեաց, միշտ դիտող, խօսելիս էլ միայն հարցեր էր տալիս...

Բարդէնը գլուխը կախ լուռ լսում էր Արտօնին, նրա մտքերը սակայն հեռու, հեռո՛ւ էին իր շրջապատից: Իր ուղեղի մէջ ուրապտոյտ մի միտք էր ստեղծւել, որ զնում էր, դալիս ու կասլում էր բոլոր այն դէպքերի հետ, որոնք տարիների ընթացքում այնպէս դաշնակցել էին իրար հետ իրեն՝ Բարդէնի դէմ դուրս դալու համար, իրեն խորտակելու համար... Ամենքը, ամենքն իրեն հակառակ էին... — Ինքն ուզեց սիրել, չկարողացաւ, ինքն ուզեց վերադառնալ ծննդավայր, չինել իրենց տունը, չյաջողեց...

Բարդէնի սիրտն այնպէս դառնացած էր ու այնպէս լցւած...

Հայկը քնատ ու յոգնած, գլուխը յենել էր սեղանին ու պղտորւած աչքերը յառած սրճարանի բաց դռների միջից երեւցող փողոցին, դիտում էր:

Փարիզն արդէն սկսել էր կամաց-կամաց արթնանալ:

Ծանր ապրանքատար ինքնաշարժեր՝ բեռնաւորւած կաթով, անցնում էին մէկը միւսի ետեւից: Դէպի շուկայ էին շտապում բանջարեղէններով եւ պտուղներով լիքը կառքեր: Մեծ քաղաքի թաքնաքառեր խորքերից դուրս էին սողացել արդէն շիֆօնիւռները, որ մեծ զամբիւղները շալակած մօտենում էին դուրսը դուրս աղբի թիթեղեայ ամաններին, պրպտում նրանց ու իրենց զամբիւղների մէջ

Կէս դիշերը վաղուց անցել էր արդէն: Զարմանալի եւ զարհուրելի մի խաղաղութիւն էր տիրում ամեն կողմ: Բազմաթիւ տներ, փակւած լուսամուտներով, անշարժացած օթօներ, մթնած ցուցափեղկեր... Կարծես չար կախարդի անէծքով քարացած քաղաք լինէր Փարիզն այդ պահին:

Ուշ այդ ժամին, բաց մնացած մի սրճարանում նըստել էին Արտօն, Հայկն ու Բարդէնը:

Արտօն անհանդիստ էր. իր յօնքերից մէկը թռել, վեր էր բարձրացել: Նրանք երբեմն-երբեմն խօսքեր էին փոխանակում իրար հետ, յետոյ շարունակ ու շարունակ նայում պատից կախւած մեծ ժամացոյցին:

— Դեռ բաւական ժամանակ կայ, — ասաց Արտօն կարծես ինքն իրեն ու ձեռքով նշան արաւ, որ սպասաւորը դարեջրի բաժակները նորից լցնէ:

— Այսօր, ես աշխատելու չպէտք է դնամ, թող իմ աքաղաղն ինչքան ուզում է, կանչէ: — Նա լուեց մի վայրկեան, յետոյ շարունակեց գլուխը շարժելով, — հէ՛յ գլուխ օրեր... Մի ժամանակ, երբ աքաղաղը կանչում էր, շտապ արթնանում էի, հաղնում ու ընկնում այգիները՝ ոտտիկանների աչքից պտտապարելու համար, մինչեւ որ մոլթը նորից ընկնէր ու ես մի նոր թագստոց դտնէի ինչ համար... Հէ՛յ գլուխ օրեր... Հիմա իմ աքաղաղը դոր-

ծարանի սուլիչն է, որի ճշոցից մարդու սիրտն է ծակւում...

Անցաւ մի քանի րոպէ:

Լուսթիւնը խոզը կրկին Արտօն էր:

— Այո, ես միշտ կարծում էի, որ վերջը էսպէս մի բան պէտք է պատահէր... Որ էդ աղջկայ ներսումը բաներ էին կատարւում... Միշտ լուակեաց, միշտ դիտող, խօսելիս էլ միայն հարցեր էր տալիս...

Բարդէնը գլուխը կախ լուռ լսում էր Արտօնին, նրա մտքերը սակայն հեռու, հեռո՛ւ էին իր շրջապատից: Իր ուղեղի մէջ ոլորապտոյտ մի միտք էր ստեղծւել, որ զնում էր, դալիս ու կասկած էր բոլոր այն դէպքերի հետ, որոնք տարիներ ընթացքում այնպէս դաշնակցել էին իրար հետ իրեն՝ Բարդէնի դէմ դուրս գալու համար, իրեն խորտակելու համար... Ամենքը, ամենքն իրեն հակառակ էին... — Ինքն ուղեց սիրել, չկարողացաւ, ինքն ուղեց վերադառնալ ծննդավայր, շինել իրենց տունը, չյաջողեց...

Բարդէնի սիրտն այնպէս դառնացած էր ու այնպէս լցւած...

Հայկը քնատ ու յոգնած, գլուխը յենել էր սեղանին ու պղտորւած աչքերը յառած սրճարանի բաց դռների միջից երեցոց փողոցին, դիտում էր:

Փարիզն արդէն սկսել էր կամաց-կամաց արթնանալ:

Ծանր ապրանքատար ինքնաշարժեր՝ բեռնաւորւած կաթով, անցնում էին մէկը միւսի ետեւից: Դէպի շուկայ էին շտապում բանջարեղէններով եւ պտուղներով լիքը կառքեր: Մեծ քաղաքի թաքնաքառեր խորքերից դուրս էին սողացել արդէն շիֆօնիւնները, որ մեծ դամբիւղները շալակած մօտենում էին դուրսը դրած աղբի թիթեղեայ ամաններին, պրպտում նրանց ու իրենց դամբիւղների մէջ



հաւաքելով թղթերի, շորերի գանազան կտորներ, շտապ հեռանում էին դէպի ուրիշ եւ ուրիշ ամաններ:

Ահա եւ մայթ աւլողները, երկար ցախաւեններով, մէկը միւսի ետեւից սրբում էին մայթերը: Յատուկ ինքնաշարժեր ջրում ու խողանակում էին փողոցները: Ահա մայթերի մօտով, գետնի տակից դուրս պրծած վտակը, կը դայ անձայն, կը մաքրի ու կը տանի բոլորն ու նորից կանյալտանայ գետնի տակ... Ու Հայկը յանկարծ հարգատ մի բան դպաց այդ բոլորի հանդէպ: Կարծես թէ իր էութիւնը նոյնացել էր այլեւս այդ բոլորի հետ... Բայց երբ Արտօն աքաղաղը կանչի, երբ լոյսը բացւի, երբ նա նորից կանգնի դէմ-դիմաց Փարիզի կեանքին... Հայկը սոսկաց յանակրծ: Սառը մի դող անցաւ նրա մարմնի միջով: — Օրերի ու դիշերների անվերջ շարաններ պիտի յաջորդէին մէկ-մէկու՝ մէկը միւսի նման դորշ ու անիմաստ... Ինքը, ընկղմւած թանձր մի մշուշի մէջ, անկարող է դուրս պրծնել, ճեղքել կարծր խաւարն ու դուրս դալ մի նոր ասպարէզ...

Արտօն նայեց սրճարանի ժամացոյցին:

Ժամը մօտենում էր արդէն: Նա կամացուկ վեր ելաւ տեղից ու մօտեցաւ սպասաւորին: Բարդէնն ու Հայկը դուրս եկան փողոց:

— Եւ երբ լոյսը կը բացւի, Արտօնները կը գնան գործարան, իրենց մեքենաների մօտ, ես ու դու, Բարդէն, կը սկսենք նորից մեր անվերջանալի երթն այս մայթերի վրայ... — ասաց Հայկը՝ յոգնած աչքերը յառելով Բարդէնի վրայ: — Ու այդպէս ամեն օր, այդպէս տարիներ ու տարիներ մենք կը շարունակենք սեւացած մայթերի վրայ մեր հողիները վերջին կրակը սպառել... Մենք այլեւս մայթերի մարդիկ ենք դարձել, Բարդէն:

— Մայթերի մարդիկ... — կրկնեց Բարդէնը կար-

ծես ինքն իրեն: — Էլ ինչո՞ւ ենք ուրեմն պղտորում մեր հողիները, Հայկ, ինչո՞ւ ենք թունաւորում մեր միտքը դառն տենչերով, անօգուտ կարօտներով: Մայթերի մարդիկ... Այրենք ուրեմն, որպէս այդպիսիք՝ իջնենք մինչեւ յատակն այն վայելքների, որ տալիս է մեզ այդ կեանքը... Մեր դիրկը հաւաքենք օտար հրապոյրները բոլոր ու սեղմենք նրանց մեր կրծքին այնպէս, որ նրանք հարգատ դառնան:

Հայկը տխրութեամբ նայեց Բարդէնին:

Արտօն սրճարանից դուրս եկաւ ու միացաւ նրանց: Նրանք առաջացան: Լուռ անցան փողոցը, բարձրացան դիմացի սանդուխներն ու մտան լայնարաց կամարածեւ դռներից ներս:

Կայարանը լցւած էր բազմութեամբ:

Մարդիկ գնում էին, դալիս, վազում էին, շտապում:

Սուր հնչում էին մեկնող զնացքների սուլիչները: Հայկը շտապ մօտեցաւ զնացքների մեկնումի ժամերը ցոյց տուող տախտակին ու քիչ յետոյ նրանք, երեքը միասին քայլերն ուղղեցին դէպի երկար մի մայթուղի:

Նրանք առաջանում էին դանդաղ՝ ուշադրութեամբ նայելով զնացքի բոլոր լուսամուտներին: Բայց ահա, ահա Վարդէնու դըրսը... Կանգնած է նա լուսամուտի առաջ եւ թաշկինակով իրենց նշաններ է անում: Մօտեցան զնացքին: Արտօն մի վայրկեան կանգ առաւ, մի բան խորհողի պէս, յետոյ վճռական մի շարժումով բարձրացաւ զնացք:

Այնտեղ, զնացքի բաժանմունքներից մէկում, տե-

դաւորւել էին արդէն Վարդենին, Արմաշն ու Անուշը եւ սպասում էին Բագրատին:

Արտօն հանեց թաշկինակը, սրբեց քրտնած ճակատը, յետոյ նայեց չորս կողմը:

Իրար ձեռք սեղմելուց յետոյ բոլորը կանգնել էին լուռ ու ալլալլած... Կարծես էլ ոչինչ չկար իրար ասելու, կարծես ամեն ինչ վաղուց ասած էր արդէն ու այժմ մնում էր միայն մեկնելը, մեկնել ու հեռանալ:

Բարգէնը, որ մօտեցել էր Արմաշին, աշխատում էր չնայել Վարդենուն: Նեղ եզրաւոր գլխարկի տակից Վարդենու դէմքը տարօրինակ մի արտայայտութիւն էր ստացել: Ի՞նչ էր մտածում նա արդեօք այդ պահին, Բարգէնը չգիտէր, մինչ Վարդենին իր հերթին լուռ դիտում էր Բարգէնին: Նա ուզում էր մօտենալ նրան, խօսել նրա հետ, բայց ինչի՞ մասին: Գուցէ կարելի լինէր փոխանակել նրա հետ մի քանի աննշան խօսքեր... Բայց չէ՞ որ միեւնոյն է, Բարգէնն իրեն չպիտի հասկանար: Օտարոտի մի զգացում կանգնել էր այլեւս նրանց հոգիները միջեւ:

Անուշը քաշել էր գնացքի մի անկիւնն ու պարզ աչքերով դիտում էր այդ բոլորը:

Արտօն նստել էր Անուշի կողքին ու փորձեւած մարդու նման գնում էր Վարդենու իրերը, որ դրւած էին նրա գլխի վերեւում:

— Երկաթուղին ինձ միշտ մի քիչ տխրութիւն է պատճառում, — ասաց Արտօն դառնալով Վարդենու կողմը: — Մարդը, որ գնում է, կարծես թէ հեռանում է քեզից ընդմիշտ, կարծես թէ ուրիշ մի աշխարհ է գընում...

— Բայց այնտեղ, ուր գնում եմ ես, Արտօ, ուրիշ

աշխարհ չէ: Այնտեղ մեր բոլորի հոգիներից մասնիկներ կան, մեր իսկական հոգիներից, մեր ճշմարիտ էութիւնից մասնիկներ... Այն, որ կորցնում ենք այստեղ, կորցընում օրէ օր: Ուրիշ աշխարհը այս է, Արտօ:

— Բայց այսօր պատնէշներ են կանգնած մեր միջեւ, Վարդենի:

— Պատնէշները թղթէ են, Արտօ: Փորձիր հաւատալ մեր երկրի վերածնունդին, փորձիր հաւատալ, որ Արագածի փեշերի շուրջ վերաշինում է մի նոր երկիր, ուր մի ժողովուրդ իր երջանիկ կեանքն է կոփում այսօր եւ դու կը տեսնես, որ այդ պատնէշները չկան այլեւս:

Արտօն դուրսը շարժեց: Նա նայեց Վարդենուն: Վարդենու աչքերն այնպիսի փայլ էին ստացել... Յենւած լուսամուտին նա անդադար նայում էր դուրս, մէկին սպասողի անհամբերութեամբ: Եւ յանկարծ... Նա սկսեց թաշկինակն արագութեամբ ճօճել օդում...

Մայթուղու երկարութեամբ, աչքերը գնացքի լուսամուտներին յառած, արագ-արագ առաջանում էր Զաւէնը: Հեռուից նա նկատեց Վարդենուն ու քայլերն ուղղելով այն կողմը, շուտով հեւ ի հեւ ներս ընկաւ խցիկը:

— Որքան ուրախ եմ, որ եկար, Զաւէն, — գոչեց Վարդենին, աինյայտ յուզմունքով վազելով դէպի ելաբայրը, — որքան ուրախ եմ:

— Եկայ, եկայ... ինչպէս թէ՞ չդայի, Վարդենի, ինչպէս թէ չդայի... Զէ՞ որ...

Նա լուց իսկոյն, բայց Վարդենին նկատեց, որ յուզմունք ու սրտառուչ մի բան կար թագնւած նրա ճայնի մէջ: Նա կանգնեց եղբոր դիմաց ու սկսեց դիտել նրան անհուն սիրով լցւած քրոջ աչքերով:

Իր եղբայրն էր նա, իր եղբայրը...

Բայց Զաւէնը չթողեց, որ քոյրը երկար դիտէր

իրեն: Նա շուտով վեր ելաւ տեղից, սկսեց քննել Վարդենու իրերը, հաշուել պայուսակները. լա՞ւ էին դրւած արդեօք, վար չընկնէին յանկարծ: Յետոյ մօտեցաւ կըրկին Վարդենուն, բռնեց նրա ձեռքերն իր ձեռքերի մէջ ու քնքշօրէն սկսեց շոյել...

— Տաք հագուստներ ունե՞ս, քնելու տեղ ունե՞ս: Զգոյշ եղիր ճանապարհին չմըսես:

Այդ խօսքերը, խօսելու այդ եղանակը... Զաւէնի ձայնի ելեւէջները...

Վարդենու մէջ քաղցր մի զգացում էր արթնացել: Կարծես թէ Զաւէնը չէր խօսողը, կարծես թէ Նուբարն էր եկել ու խօսում էր այդպէս... Գուրդուրում էր իր դաւակին:

Հայրիկը...

Եւ Վարդենին առաջին անգամ լինելով նկատեց յանկարծ, որ իր եղբայրը՝ Զաւէնն այնքան, այնքան նման էր հայրիկին... Նոյն ճակատը, նոյն մազերը... ու ձայնի հոգատար նոյն այդ շեշտը...

Վարդենուն թւաց, որ տարիներ ի վեր կորցրած իր եղբօրը դտել էր յանկարծ: Իր մօտն էր նա այժմ իր հարազատ եղբայրը, այդտեղ էր հիմա: Նա դրկեց Զաւէնին եւ սեղմեց նրան:

— Զաւէ՛ն...

Այո՛, այո՛, իր հարազատ եղբայրն էր նա: Վարդենին դտել էր նրան մի վայրկեանի մէջ... Բայց որքան պիտի տւէր այդ: Գնացքը նորից պիտի բաժանէր նրանց միմեանցից ու կեանքը հեռու, հեռու պիտի տանէր նրան: Ու թւաց Վարդենուն, որ ինքը դտել էր իր եղբօրը նորից՝ ընդամիշտ կորցնելու համար:

Վարդենու աչքերը լցեցին արցունքով եւ նա հագիւ կարողացաւ դսպել ինքն իրեն:

Զաւէնը շարունակում էր շոյել քրոջ ձեռքերը:

— Անուշին ես մենակ չեմ թողնի: Միշտ կայցելեմ իրեն, կօղնեմ մինչեւ որ նա իր գործն աւարտէ:

— Իսկ դո՞ւ, Զաւէն:

— Իսկ ես... Ես ակամայ այրել եմ նահանջի բոլոր կամուրջները, Վարդենի: Բայց դա կարեւոր չէ հիմա... Կարեւոր չէ դա: Քո նամակը ես կարդացի մեծ յուզումով: Փորձել էիր բացատրել ինձ քո զգացմունքները: Ես քեզ հասկանում եմ, Վարդենի: Դու սիրում ես Բաղրատին... Բաղրատը լաւ տղայ է, իսկ դո՞ւ, դու դեռ երխտասարդ ես, վերցրու կեանքն այնպէս, ինչպէս սիրտդ է տենչում: Ես ուզում եմ, որ դու երջանիկ լինես... Հասկանում ե՞ս, կատարեալ երջանիկ:

Վարդենին յափշտակեալ կլանում էր Զաւէնի ամեն մի խօսքը: Այդ խօսքերը սպեղանի էին նրա սրտի համար: Նա իրեն այնպէս մեղաւոր էր զգում... մեղաւոր իր ծնողների առաջ, Զաւէնի առաջ... Բայց Զաւէնն այնպէս փոխւած էր այսօր:

Մեկնումի ժամը կամաց-կամաց մօտենում էր: Սպասում էին Բաղրատին:

Արտօն վեր կացաւ տեղից ու մօտեցաւ Վարդենուն:

— Վարդենի, — ասաց նա ձեռքը մեկնելով նրան. — կարգացած դրքի նման դու էսօր ծալում, մէկ կողմ ես նետում անցեալդ, բայց եթէ մի օր յիշես մեզ, եղիր արդարամիտ: Դու դնում ես այսօր մի երկիր...

— Նա դնում է այսօր հայրենիք, Արտօ, դնում է ներքելու նրա վերածնունդի մեծ գործին, խառնելու իր աշխատանքն ուրիշների աշխատանքին:

Զաւէնը դարձաւ, նայեց Արմաշին: Ի՞նչ աչքեր էին այդ աչքերը... Ինչքան կամք ու հաւատ կար նրանց փայլի մէջ: Կամք ու հաւատ... Հաւատ հանդէպ մի գործի,

մի դադարիս, որի շուրջ համախմբուել են մարդիկ ու կոսիում ու ստեղծում են աստղձը նոր մի կեանքի: Ի՞նչ ինքը... իր անհատապաշտութիւնը... Ու թւաց Չաւէնին, որ անհատապաշտի իր փիլիսոփայութիւնը, փոքրանում, փոքրնում, նեղանում ու վերածուում է փոքրիկ մի կէտի: Մի կէտ, որի վրայ իր հողին պտուտում էր անհանգրւան ու մենակ: Ու թւաց Չաւէնին, որ կեանքը, անցեալն իր ամբողջ, լարած մի մեքենայ է եղել, որ սլտի դառնայ, դառնայ ու կանգ առնի մի օր...

— Այո՛, դնում եմ, Արտօ, — պատասխանեց Վարդենին ազատելով ձեռքը եղբոր ձեռքից ու իր ախրի մէջ առնելով Արտօի մեկնած ձեռքը: — Երբ պատահի, որ մի օր, մենակ մնացած ժամանակ, բարձր յարկի քո այն սենակում նստած, յիշես ինձ, եղիւր անաչառ, Արտօ:

Բայց այդ ժամանակ զնայքի երկար նրբանցքի մէջ երեւաց Բաղրատի բարձր հասակը: Գրեթէ միաժամանակ հնչեց առաջին սուլիչը...

Ու թէեւ ամենքն այդ բողբոջին էին սպասում, սուլիչն այնպէս անսպասելի թւաց յանկարծ...

Հո՛ւ... հո՛ւ...

Ճչաց նա...

Բաղրատն արագ քայլերով ներս մտաւ խցիկը: Մի բողբոջ հայեացքը պտտեցրեց ներկաների վրայ, յետոյ մօտեցաւ մէկիկ-մէկիկ սեղմեց բոլորի ձեռքերը: Արտօն անշարժ մնացել էր կանգնած իր տեղում: Երբ Բաղրատը մօտեցաւ նրան, նրանք լուռ իրար ձեռք սեղմեցին ու երկար, երկար նայեցին իրար աչքերի մէջ:

Չաւէնը գրկեց Բաղրատին ու ջերմօրէն համբուրեց նրան:

— Գրոջս քեզ եմ յանձնում, Բաղրատ, — ասաց նա: — Յետոյ դարձաւ, գրկեց Վարդենուն:

Չաւէնի գրկից ազատելով, Վարդենին սեղմեց իրեն Անուշի գանգրահեր գլուխը:

— Չաւէնը քեզ մենակ չի թողնի, Անուշ, իսկ յետոյ... — Բայց նա խօսքը չվերջացրեց:

Այդ ժամանակ, մինչ այդ լուսն ու մի կողմ քաշած Բարգէնը մօտեցաւ Վարդենուն, արագ բռնեց նրա ձեռքը, յետոյ առանց մի բառ արտասանելու, կուացաւ ու շտապ մի համբոյր գրոշմելով նրա վրայ, համարեայ վագելով դուրս եկաւ զնայքից:

Նրա ետեւից հերթով ցած իջան եւ բոլորը:

Գնացքում մնացին Վարդենին, Արմաշն ու Բաղրատը, որ կուացած նեղիկ լուսամուտից նայում էին վար, ուր սկսւել էր արդէն հրաժեշտի իրարանցումը:

Գնացքի մի ծայրից միւսը պաշտօնեաները գրօշակներով իրար նշաններ էին անում: Ուրիշ մի պաշտօնեայ երկար մուրճը ձեռքին թեթեւօրէն խփում էր անիւներին ու առաջանում:

Յանկած շողեկառքի սեւ ծխնելոյզից ծուխի թանձր պալաններ դուրս շարտեցին վեր: Մէկ անգամ էլ մեկնողներն ու մնացողները նայեցին իրար: Մէկ անգամ էլ լուսամուտից մեկնած ձեռքերը ճօճեցին օդում եւ զնայքը տքաց ու հեւաց եւ կամաց-կամաց առաջացաւ՝ մութ կամարների տակից թանձր խաւարը ճեղքելով դէպի լուսարաց մտնելու համար:

Ընթացող զնայքի հետ միասին Անուշը քայլում էր առաջ, առաջ... Ահա Վարդենու գլխարկի ծայրը, ահա Արմաշը, Բաղրատը...

Նա գրեթէ տարւել էր այդ ընթացքով...

Ընթացքով... թէ՞ Բաղրատի աչքերով... —

Կիտախաւարի մէջ, շարժւող զնայքի լուսամուտից դուրս նայող այդ աչքերը...

Այդ աչքերը...

— Բազրա՛տ... Բազրա՛տ...

— Մնաս բարեւ, Անուշ, մնաս բարեւ...

— Քո աչքերը նման են Բեհեզ տատի աչքերին, Բազրատ... Բե—հեզ տա—տի աչ—քե—րին...

— Հո՛ւ...

Ճշաց շողեկառքի սուլիչը վերջին անգամ ու զնացքը նետեց այլեւս տարածութեան դիրկը:

Ամենքն անշարժացած էին այլեւս:

Ամենքը նայում էին հեռու, հեռո՛ւ՝ երկաթէ դոյզ այն դժերին... ու նրանց վերը բարձրացող պալան—պալան թանձր այն ծուխին...

Մայթի վրայ քարացել, մնացել էր Արտօն:

Մէկը գոռուլթեամբ բռնեց Անուշի թեւից:

— Անուշ...

Ձաւէնն էր:

Լուրջ ու տխուր նա նայեց Անուշի աչքերին, իր ափի մէջ սեղմած պահելով կապոյտ թղթի մի կտոր... — մի հեռագիր, որ նա թաղցրել էր Վարդենուց... Մի հեռա—գիր, որ հայրիկի մահն էր դուժում:

Նուբարը մեռել էր:

Մեռել էր ու թաղել էին նրան արդէն... Գրիգորիյ Եւանդուլիչն էր հեռագրել:

Անուշը լուռ բարձրացրեց գլուխը: Նայեց եղբորը: Յետոյ կրկին աչքերը սեւեռեց հեռուն, հեռո՛ւն...

Անհետացող ծուխի քուլաները պալան — պալան պտտում էին օդում...

Անուշը նայում էր, նայում թանձր այն ծուխին, ոլոր—ոլոր պալաներին...

Ահա, ահա վերջին քուլաները կը բարձրանան վեր, վեր ու կը ցրեն, կը ցրեն օդում... Անուշի կեանքի պէս, Անուշի անցեալի պէս:

Գիշեր է:

Նստած վեցերորդ յարկի իր սենեակում, դրասեղանի առաջ, գլուխն ասիերին յենած, Անուշը խորասուզել է մտածմունքների մէջ:

Նքա աչքերը լցած են արցունքով:

— Անդանի վրայ ընկած է կապոյտ թղթի այն կտորը... — այն հեռագիրը, որ Նուբարի մահն էր դուժում...

Հայրիկը մեռել էր:

Մեռել էր ու թաղել էին նրան արդէն...

...

Պատիկից սենեակից լսում էր հարեւանի ժամացոյցի համաչափ զարկը՝

Տիկ—տակ—տակ

Տիկ, տակ...

Պատուհանի վարադոյրները ծանրութեամբ իջել էին մինչեւ յատակն ու կտրել էին Անուշին ողջ աշխարհից:

Այսպէս ուրեմն անցել էր մի ամբողջ դարաշրջան: Սահել էին տարիները տարիների ետեւից, դէպքերն ու դէմքեր յաջորդել էին իրար, ուղիները գլորել էին մէկը միւսի ետեւից եւ դարը հասունացել էր:

Ու Անուշի մտապատկերի պաստառի վրայ, շարժա—նկարի արագութեամբ մէկիկ—մէկիկ դալիս էին անցնում օրերն իր անցած՝ մանկութիւն, պատանեկութիւն ու երէկն իբ...

— Անս'ւչ... Անս'ւչ, — կանչում էին նրանք:

Ուղտերի մի կարաւան զօղանջելով ճեղքում էր հագին, մի նուռ էր արաքում յանկարծ ու մութի միջից լքսում էր տատի ձայնը... Հուր ու բոց բարձրացող թռնրի շրթից Հարսնուկ բաջու երգի ձայնն էր հնչում:

Սորը-խորը մի երկինք բացել էր ասես իր դիրկն ու հողինները կուլ էին ընկել անհունի մէջ: Մինչ այնտեղ՝ հեռուում ճերմակաթեւ վրանի տակից լսում էր թագուն փսփսոց:

Բայց այդ ի՞նչ երկար սանդուխքներ էին ցցւած իր առաջ...

Երկա՛ր սանդուխքներ... որ տանում էին դէպի վեր, դէպի վեր...

Անուշին թւում էր, որ ինքը ելնում է տեղից ու մօտենում է սանդուխքներին: Բարձրանում է:

Բարձրանում է, բարձրանում, յետոյ հակառակ կողմից վար է իջնում:

Իրենց տան տանիքի վրայ է:

Աստղերը վերից կայծ են թափում տանիքի եւ լայնաճիւղ թթենու վրայ:

Նա կամացուկ մօտենում է վրանին եւ զգուշութեամբ բարձրացնում է վարադոյրի ծայրը: Ներսը մարդ չկայ սակայն...

— Հայրիկ, աստղերն ի՞նչ են:

— Հայրիկ, լուսինն ո՞վ է:

Լուռ է վրանը ու լուռ է երկինքը:

Շարունակում է քայլել տանիքի վրայ:

Իջնում է սլաշգամբ, մտնում տուն: Սենեակներ, սենեակներ... Մէկը միւսի կտեւից բացում են դռները բոլոր: Ամեն տեղ դատարկ է սակայն:

Ահա հայրիկի առանձնասենեակը... Գրասեղանը՝

հաստ ու բարակ դրքերով, սլաշից կախւած աշխարհադրական քարտէսը... Մօտենում է սլառին: Քարտէսի գոյները խամրել են եւ իրար են խառնել սահմանները բոլոր: Հայրիկի բազկաթոռը... Սեղանի վրայ դրւած ապակի թանաքամանը՝ դրիչը մէջը թաթախած... Բայց կեանք չկայ սենեակի մէջ...

Ո՞ր են, ո՞ր են:

Յեւ է դառնում: Դրան անկիւնում, պոչը ցցած կանգնել է փիսօն...

— Փիսօ, փիսօ:

Բայց մնում է շւարած: Փիսօն անշարժ էր քարացած արձանի նման:

Վազում է ննջարան, նախասենեակ, սլարտէզ...

— Մայրիկ, — ձայնում է:

Պարտէզում ճերմակ սիւսոցով ծածկւած սեղանի առաջ նստած է մայրը:

— Մայրի՛կ...

— Անս'ւչ...

Անուշը վազում է, վաթաթւում նրան:

Մայրը շոյում է նրա մազերը: Լուռ ու քնքոյշ շոյում է մազերը:

— Գնացին, բոլորը գնացին... — Ասում է:

Տաք մի հոսանք բարձրանում, սլարուրում է Անուշի ողջ էութիւնը: Յետոյ նա սեղմւում է մօր կրծքին ամուր, շատ ամուր ու սլատմում է, սլատմում, սլատմում...

— Այո՛, մայրիկ, բազմաթիւ ուղիներով գնացին:

Մայրը բարձրացնում է գլուխը, նայում է Անուշին:

— Բազմաթիւ ուղիներով գնացինք մենք, մայրիկ, եւ բազմաթիւ ուժեր եկան ու բախւեցին մեր հողինների մէջ: Բայց այդ բախումից ծնւել է հիմա նորը: Իրար են խառնւում եւ իրար մէջ են ձուլւում երազն ու իրականու-

« Ազգային գրադարան



NL0325899

20454

2p  
9152 10 31.

201

201

201

PRINTED IN FRANCE